

1.001.01a agnīm 1̄le puróhitam yajñásya devám ṛtvíjam |  
1.001.01c hótāram ratnadhātām ||  
1.001.02a agnīḥ pūrvebhir ṛṣibhir 1̄dyo nūtanair utá |  
1.001.02c sá devāṃ 3́há vaksati ||  
1.001.03a agnínā rayím asnavat póšam evá divé-dive |  
1.001.03c yaśasam vīravattām ||  
1.001.04a ágne yám yajñám adhvarám viśvátaḥ paribhūr ási |  
1.001.04c sá 1̄d devéṣu gachati ||  
1.001.05a agnír hótā kavíkratuḥ satyás citráśravastām |  
1.001.05c devó devébhir 3́ gamat ||  
1.001.06a yád aṅgá dāsúṣe tvám ágne bhadrám kariṣyasi |  
1.001.06c távét tát satyám aṅgiraḥ ||  
1.001.07a úpa tvāgne divé-dive dóṣāvastar dhiyá vayám |  
1.001.07c námo bháranta émasi ||  
1.001.08a rájantam adhvarāṅṅam gopám ṛtásya dídivim |  
1.001.08c vārdhamānam své dáme ||  
1.001.09a sá naḥ pitéva sūnávé 'gne sūpāyanó bhava |  
1.001.09c sácasvā naḥ svastáye ||

1.002.01a vāyav 3́ yāhi darśatemé sómā áramkṛtāḥ |  
1.002.01c téṣām páhi śrudhí hávam ||  
1.002.02a vāya ukthébhīr jarante tvám áchā jaritāraḥ |  
1.002.02c sutásomā aharvídaḥ ||  
1.002.03a vāyo táva prapṛñcatí dhénā jigāti dāsúṣe |  
1.002.03c urucí sómapītaye ||  
1.002.04a índravāyū imé sutá úpa práyobhir 3́ gatam |  
1.002.04c índavo vām usánti hí ||  
1.002.05a vāyav índraś ca cetathaḥ sutānām vājinīvasū |  
1.002.05c táv 3́ yātam úpa dravát ||  
1.002.06a vāyav índraś ca sunvatá 3́ yātam úpa niṣkṛtām |  
1.002.06c makṣv itthá dhiyá narā ||  
1.002.07a mitráḥ huve pūtádaḥṣam váruṇam ca riśádasam |  
1.002.07c dhíyam ghr̥tácīm sādhanā ||  
1.002.08a ṛténa mitrávaruṇāv ṛtāvṛdhāv ṛtasṛśā |  
1.002.08c krátum bṛhántam āsāthe ||  
1.002.09a kaví no mitráváruṇā tuvijātá urukṣáyā |  
1.002.09c dáḥṣam dadhāte apásam ||

1.003.01a áśvinā yájvarīr iṣo drávatpāṇī súbhas patī |  
1.003.01c púrubhujā canasyátam ||  
1.003.02a áśvinā púrudamśasā nārā śávīrayā dhiyá |  
1.003.02c dhíṣnyā vánatam gíraḥ ||  
1.003.03a dásrā yuvákavah sutá násatyā vrktábarhisah |

1.003.03c á yātaṃ rudravartanī ||  
1.003.04a índrā yāhi citrabhāno sutā imé tvāyávaḥ |  
1.003.04c ānvībhis tánā pūtāsah ||  
1.003.05a índrā yāhi dhiyéṣitó víprajūtaḥ sutāvataḥ |  
1.003.05c úpa bráhmāṇi vāghátaḥ ||  
1.003.06a índrā yāhi tūtujāna úpa bráhmāṇi harivaḥ |  
1.003.06c suté dadhiṣva naś cánaḥ ||  
1.003.07a ómāsaś carṣaṇīdhr̥to víśve devāsa á gata |  
1.003.07c dāśvāṃso dāśúṣah sutám ||  
1.003.08a víśve devāso aptúraḥ sutám á ganta túṛṇayaḥ |  
1.003.08c usrá iva svásarāṇi ||  
1.003.09a víśve devāso asrídha éhimāyāso adrúhaḥ |  
1.003.09c médhaṃ juṣanta váhnayaḥ ||  
1.003.10a pāvakā naḥ sárasvatī vājebhir vājínīvatī |  
1.003.10c yajñám vaṣṭu dhiyāvasuḥ ||  
1.003.11a codayitrī sūn̄rtānāṃ cétantī sumatīnām |  
1.003.11c yajñám dadhe sárasvatī ||  
1.003.12a mahó árṇah sárasvatī prá cetayati ketúnā |  
1.003.12c dhíyo víśvā ví rājati ||

1.004.01a surūpakṛtnúm ūtáye sudúghām iva godúhe |  
1.004.01c juhūmási dyávi-dyavi ||  
1.004.02a úpa naḥ sávanā gahi sómasya somapāḥ piba |  
1.004.02c godā íd reváto mádaḥ ||  
1.004.03a áthā te ántamānāṃ vidyāma sumatīnām |  
1.004.03c má no áti khya á gahi ||  
1.004.04a párehi vígram ástṛtam índram pṛchā vipaścítam |  
1.004.04c yás te sákhibhya á váram ||  
1.004.05a utá bruvantu no nído nír anyátaś cid ārata |  
1.004.05c dádhanā índra íd dúvaḥ ||  
1.004.06a utá naḥ subhágāṃ arír vocéyur dasma kṛṣṭáyah |  
1.004.06c syāméd índrasya sármaṇi ||  
1.004.07a ém āśúm āśáve bhara yajñásríyaṃ nṛmádanam |  
1.004.07c patayán mandayátsakham ||  
1.004.08a asyá pītṛvā śatakrato ghanó vṛtrāṇām abhavaḥ |  
1.004.08c právo vājeṣu vājínam ||  
1.004.09a tám tvā vājeṣu vājínam vājáyāmaḥ śatakrato |  
1.004.09c dhánānām indra sātáye ||  
1.004.10a yó rāyò 'vánir mahán supārāḥ sunvatāḥ sákha |  
1.004.10c tásmā índrāya gāyata ||

1.005.01a á tv etā ní ṣīdaténdram abhí prá gāyata |  
1.005.01c sákhaḥva stómavāhasah ||

1.005.01c sakṁaya stōmavānasaḥ ||  
 1.005.02a purūtāmam purūṅām īśānaṁ vāryāṅām |  
 1.005.02c índraṁ sóme sácā suté ||  
 1.005.03a sá ghā no yóga ā bhuvat sá rāyé sá púraṁdhyām |  
 1.005.03c gámad vājebhir ā sá nah ||  
 1.005.04a yásya saṁsthé ná vṛṇváte hárī samátsu śátravaḥ |  
 1.005.04c tásma índrāya gāyata ||  
 1.005.05a sutapāvne sutā imé śúcayo yanti vītāye |  
 1.005.05c sómāso dádhyāsiraḥ ||  
 1.005.06a tvāṁ sutásya pītāye sadyó vṛddhó ajāyathāḥ |  
 1.005.06c índra jyaíṣṭhyāya sukrato ||  
 1.005.07a ā tvā viśantv āśávaḥ sómāsa indra girvaṇaḥ |  
 1.005.07c śāṁ te santu prácetase ||  
 1.005.08a tvāṁ stómā avīvṛdhan tvāṁ ukthā śatakrato |  
 1.005.08c tvāṁ vardhantu no gíraḥ ||  
 1.005.09a ákṣitotiḥ saned imāṁ vājam índraḥ sahasrīṅam |  
 1.005.09c yásmin vísvāni paúṁsyā ||  
 1.005.10a má no mártā abhí druhan tanūnām indra girvaṇaḥ |  
 1.005.10c īśāno yavayā vadhām ||

1.006.01a yuñjānti bradhnám aruṣāṁ cárantam pári tasthúṣaḥ |  
 1.006.01c rócante rocanā diví ||  
 1.006.02a yuñjānty asya kámyā hárī vípakṣasā ráthe |  
 1.006.02c sóṅā dhrṣṇú nṛvāhasā ||  
 1.006.03a ketúm kṛṇvānn aketāve péso maryā apeśāse |  
 1.006.03c sám uśádbhir ajāyathāḥ ||  
 1.006.04a ād áha svadhám ánu púnar garbhatvám eriré |  
 1.006.04c dádhanā náma yajñíyam ||  
 1.006.05a vīlú cid ārujatnúbhir gúhā cid indra váhnibhiḥ |  
 1.006.05c ávinda usríyā ánu ||  
 1.006.06a devayánto yáthā matím áchā vidádvāsuṁ gíraḥ |  
 1.006.06c mahám anūṣata śrutám ||  
 1.006.07a índreṇa sám hí dṛkṣase saṁjagmāno ábibhyuṣā |  
 1.006.07c mandú samānávarcasā ||  
 1.006.08a anavadyaír abhídyubhir makháḥ sáhasvad arcati |  
 1.006.08c gaṇaír índrasya kámyaiḥ ||  
 1.006.09a átaḥ parijsann ā gahi divó vā rocanād ádhi |  
 1.006.09c sám asminn ṛñjate gíraḥ ||  
 1.006.10a itó vā sātím ímahe divó vā pārvhivād ádhi |  
 1.006.10c índram mahó vā rájasāḥ ||

1.007.01a índram íd gāthíno bṛhád índram arkébhír arkíṇaḥ |  
 1.007.01c índraṁ vāñīr anūṣata ||

1.007.02a índra íd dháryoḥ sácā sámmitśla á vacoyújā |  
1.007.02c índro vajrī hiranyáyaḥ ||  
1.007.03a índro dīrghāya cákṣasa á sūryaṃ rohayad diví |  
1.007.03c ví góbbhir ádrim airayat ||  
1.007.04a índra vājeṣu no 'va sahárapradhaneṣu ca |  
1.007.04c ugrá ugrābhir ūtibhiḥ ||  
1.007.05a índraṃ vayám mahādhaná índram árbhe havāmahe |  
1.007.05c yújaṃ vṛtreṣu vajrīṇam ||  
1.007.06a sá no vṛṣann amúṃ carúṃ sátrādāvann ápā vṛdhi |  
1.007.06c asmábhyam ápratiṣkutaḥ ||  
1.007.07a tuñjé-tuñje yá úttare stómā índrasya vajrīṇaḥ |  
1.007.07c ná vindhe asya suṣtútím ||  
1.007.08a vīṣā yūthéva vámsagaḥ kṛṣṭír iyarty ójasā |  
1.007.08c íśāno ápratiṣkutaḥ ||  
1.007.09a yá ékaś carṣaṇīnām vásūnām irajyāti |  
1.007.09c índraḥ páñca kṣitīnām ||  
1.007.10a índraṃ vo vísvátas pári hávāmahe jánebhyaḥ |  
1.007.10c asmākam astu kévalaḥ ||

1.008.01a éndra sānasīm rayīm sajítvānaṃ sadāsāham |  
1.008.01c vārṣiṣṭham ūtāye bhara ||  
1.008.02a ní yéna muṣṭihatyáyā ní vṛtrā ruṇádhāmahai |  
1.008.02c tvótāso ny árvatā ||  
1.008.03a índra tvótāsa á vayám vájraṃ ghanā dadīmahi |  
1.008.03c jáyema sám yudhí spṛdhaḥ ||  
1.008.04a vayám śúrebhir ástrbhir índra tváyā yujá vayám |  
1.008.04c sāsahyāma pṛtanyatāḥ ||  
1.008.05a mahāñm índraḥ parás ca nú mahitvám astu vajrīṇe |  
1.008.05c dyaúr ná prathinā sávaḥ ||  
1.008.06a samohé vā yá áśata náras tokásya sánitau |  
1.008.06c víprāso vā dhiyāyávaḥ ||  
1.008.07a yáh kukṣiḥ somapātamaḥ samudrá iva pínvate |  
1.008.07c urvír ápo ná kākúdaḥ ||  
1.008.08a evá hy àsya sūnṛtā virapśí gómatī mahí |  
1.008.08c pakvā śákhā ná dāsúṣe ||  
1.008.09a evá hí te víbhūtaya ūtāya índra mávate |  
1.008.09c sadyás cit sánti dāsúṣe ||  
1.008.10a evá hy àsya kāmīyā stóma ukthám ca sámśyā |  
1.008.10c índrāya sómapītaye ||

1.009.01a índréhi mátsy ándhaso víśvebhiḥ somapárvabhiḥ |  
1.009.01c mahāñm abhiṣṭír ójasā ||

1.009.02a ém enaṃ srjatā suté mandím índrāya mandíne |  
1.009.02c cákrim víśvāni cákraye ||  
1.009.03a mátsvā suśipra mandíbhi stómebhir víśvacarṣaṇe |  
1.009.03c sácaiśú sávaneṣv ā ||  
1.009.04a ásṛgram indra te gíraḥ práti tvām úd ahāsata |  
1.009.04c ájoṣā vṛṣabhám pátim ||  
1.009.05a sám codaya citráṃ arvāg rādha indra váreṇyam |  
1.009.05c ásad ít te vibhú prabhú ||  
1.009.06a asmān sú tátra codayéndra rāyé rábhasvataḥ |  
1.009.06c túvidyumna yásasvataḥ ||  
1.009.07a sám gómad indra vājavad asmé pṛthú śrávo bṛhát |  
1.009.07c víśvāyur dhehy ákṣitam ||  
1.009.08a asmé dhehi śrávo bṛhád dyumnám sahasrasátamam |  
1.009.08c índra tá rathínīr íṣaḥ ||  
1.009.09a vásor índraṃ vásupatiṃ gīrbhír gṛṇánta ṛgmíyam |  
1.009.09c hóma gántāram útáye ||  
1.009.10a suté-sute nyòkase bṛhád bṛhatá éd aríḥ |  
1.009.10c índrāya śuśám arcati ||

1.010.01a gāyanti tvā gāyatrīṇó 'rcanty arkám arkíṇaḥ |  
1.010.01c brahmāṇas tvā śatakṛata úd vaṃśám iva yemire ||  
1.010.02a yát sānoḥ sānum āruhad bhūry áspaṣṭa kártvam |  
1.010.02c tád índro árthaṃ cetati yūthéna vṛṣṇír ejati ||  
1.010.03a yukṣvā hí keśínā hārī vṛṣaṇā kakṣyaprā |  
1.010.03c áthā na indra somapā girám úpaśrutim cara ||  
1.010.04a éhi stómāṃ abhí svarābhí gṛṇīhy ā ruva |  
1.010.04c bráhma ca no vaso sácéndra yajñám ca vardhaya ||  
1.010.05a ukthám índrāya sámśyaṃ várdhanam puruniṣṣídhe |  
1.010.05c śakró yáthā sutéṣu ṇo rārāṇat sakhyéṣu ca ||  
1.010.06a tám ít sakhitvá īmahe tám rāyé tám suvīrye |  
1.010.06c sá śakrá utá naḥ śakad índro vásu dáyamānaḥ ||  
1.010.07a suvivṛtaṃ sunirájam índra tvādātam íd yásaḥ |  
1.010.07c gávām ápa vrajám vṛdhi kṛṇuṣvā rādho adrivaḥ ||  
1.010.08a nahí tvā ródasī ubhé ṛghāyámāṇam ínvataḥ |  
1.010.08c jéṣaḥ svàrvatīr apáḥ sám gā asmábhyaṃ dhūnuhi ||  
1.010.09a āśrutkarṇa śrudhí hávaṃ nú cid dadhiṣva me gíraḥ |  
1.010.09c índra stómam imám máma kṛṣvā yujás cid ántaram ||  
1.010.10a vidmā hí tvā vṛṣantamaṃ vājeṣu havanaśrútam |  
1.010.10c vṛṣantamasya hūmaha útīm sahasrasátamām ||  
1.010.11a ā tú na indra kauśika mandasānaḥ sutám piba |  
1.010.11c návyam āyuḥ prá sú tira kṛdhí sahasrasám ṛṣim ||  
1.010.12a pári tvā girvaṇo gíra imā bhavantu víśvataḥ |  
1.010.12c vṛddhāyum ánu vṛddhayo júṣṭā bhavantu júṣṭayaḥ ||

1.011.01a índraṃ vísvā avīvr̥dhan samudrávyacasam gírah |  
1.011.01c rathítamaṃ rathínāṃ vājānāṃ sátpatim pátim ||  
1.011.02a sakhyé ta indra vājíno má bhema śavasas pate |  
1.011.02c tvám abhí prá ṇonumo jétāram áparājitam ||  
1.011.03a pūrvír índrasya rātáyo ná ví dasyanty ūtáyaḥ |  
1.011.03c yádī vājasya gómata stot̥rbhyo mámhate maghám ||  
1.011.04a purám bhindúr yúvā kavír ámitaujā ajāyata |  
1.011.04c índro vísvasya kármaṇo dhartá vajrī puruṣtutáḥ ||  
1.011.05a tvám valásya gómato 'pāvar adrivo bílam |  
1.011.05c tvám devá ábibhyuṣas tujyámānāsa āviṣuḥ ||  
1.011.06a távāhám sūra rātībhiḥ práty āyaṃ síndhum āvādan |  
1.011.06c úpātiṣṭhanta girvaṇo vidúṣ te tásya kāravaḥ ||  
1.011.07a māyābhir indra māyínaṃ tvám súṣṇam ávātiraḥ |  
1.011.07c vidúṣ te tásya médhirās téṣāṃ śrávāṃsy út tira ||  
1.011.08a índram íśānam ójasābhí stómā anūṣata |  
1.011.08c saháśraṃ yásya rātáya utá vā sánti bhūyasṭḥ ||

1.012.01a agníṃ dūtám vṛṇīmahe hótāraṃ vísvávedasam |  
1.012.01c asyá yajñásya sukrátum ||  
1.012.02a agníṃ-agníṃ hávīmabhiḥ sádā havanta víspátim |  
1.012.02c havyavāham purupriyám ||  
1.012.03a ágne devám̐ ihá vaha jajñāno vṛktábarhiṣe |  
1.012.03c ási hótā na ídyaḥ ||  
1.012.04a táṃ usató ví bodhaya yád agne yási dūtyām |  
1.012.04c devaír ā satsi barhíṣi ||  
1.012.05a ghṛtāhavana dīdivaḥ práti śma ríṣato daha |  
1.012.05c ágne tvám rakṣasvínaḥ ||  
1.012.06a agnínāgníḥ sám idhyate kavír gṛhāpatir yúvā |  
1.012.06c havyavād juhvāsyah ||  
1.012.07a kavím agníṃ úpa stuhi satyádharmāṇam adhvaré |  
1.012.07c devám amīvacātanam ||  
1.012.08a yás tvám agne havíṣpatir dūtám deva saparyāti |  
1.012.08c tásya sma prāvitá bhava ||  
1.012.09a yó agníṃ devávītaye havíṣmāṃ̐ āvívāsati |  
1.012.09c tásmāi pāvaka mṛḷaya ||  
1.012.10a sá naḥ pāvaka dīdivó 'gne devám̐ ihá vaha |  
1.012.10c úpa yajñám havís ca naḥ ||  
1.012.11a sá na stāvāna ā bhara gāyatrēṇa návīyasā |  
1.012.11c rayím vīrávatīm íṣam ||  
1.012.12a ágne súkrēṇa śocíṣā vísvābhir deváhūtibhiḥ |  
1.012.12c imám stómaṃ juṣasva naḥ ||

1.013.01a súsamiddho na ā́ vaha devā́m̐ agne havíṣmate |  
1.013.01c hótah pāvaka yákṣi ca ||  
1.013.02a mádhumantaṃ tanūnapād yajñāṃ devéṣu naḥ kave |  
1.013.02c adyā́ kṛṇuhi vītáye ||  
1.013.03a nárāśāmsam ihá priyám asmín yajñá úpa hvaye |  
1.013.03c mádhujihvaṃ haviṣkṛtam ||  
1.013.04a ágne sukhátame ráthe devā́m̐ īlitá ā́ vaha |  
1.013.04c ási hótā mánurhitaḥ ||  
1.013.05a strñítá barhír ānuṣág ghr̥tápr̥ṣṭham manīṣinaḥ |  
1.013.05c yátrāmṛtasya cákṣaṇam ||  
1.013.06a ví śrayantām ṛtāvídho dvā́ro devír asaścátaḥ |  
1.013.06c adyā́ nūnám ca yáṣṭave ||  
1.013.07a náктоśāsā supéśasāsmín yajñá úpa hvaye |  
1.013.07c idám no barhír āsáde ||  
1.013.08a tá sujihvá úpa hvaye hótārā daívyā kaví |  
1.013.08c yajñāṃ no yakṣatām imám ||  
1.013.09a īlā sárasvatī mahí tistró devír mayobhúvaḥ |  
1.013.09c barhíḥ sīdantv asrídhaḥ ||  
1.013.10a ihá tváṣṭāram agriyám viśvárūpam úpa hvaye |  
1.013.10c asmākam astu kévalaḥ ||  
1.013.11a áva sṛjā vanaspate déva devébhyo havíḥ |  
1.013.11c prá dātúr astu cétanam ||  
1.013.12a svā́hā yajñāṃ kṛṇotanéndrāya yájvano gṛhé |  
1.013.12c táttra devā́m̐ úpa hvaye ||

1.014.01a aíbhir agne dúvo gíro víśvebhiḥ sómapītaye |  
1.014.01c devébhir yāhi yákṣi ca ||  
1.014.02a ā́ tvā káṇvā ahūṣata gṛṇánti vipra te dhíyaḥ |  
1.014.02c devébhir agna ā́ gahi ||  
1.014.03a indravāyú bṛhaspátim mitrágním pūṣāṇam bhágam |  
1.014.03c ādityān mārutaṃ gaṇám ||  
1.014.04a prá vo bhriyanta índavo matsará mādayiṣṇávaḥ |  
1.014.04c drapsā mádhvaś camūśadaḥ ||  
1.014.05a īlate tvām avasyávaḥ káṇvāso vṛktábarhiṣaḥ |  
1.014.05c havíṣmanto aramkṛtaḥ ||  
1.014.06a ghr̥tápr̥ṣṭhā manoyújo yé tvā váhanti váhnayaḥ |  
1.014.06c ā́ devān sómapītaye ||  
1.014.07a tán yájatrām̐ ṛtāvídho 'gne pátnīvatas kṛdhi |  
1.014.07c mádhvaḥ sujihva pāyaya ||  
1.014.08a yé yájatrā yá ídyās té te pibantu jihváyā |  
1.014.08c mádhor agne váṣatkṛti ||

1.014.09a ákīm sūryasya rocanād vísṽān devāṃ ũşarbúdhah |  
1.014.09c vípro hótehá vakşati ||  
1.014.10a vísvebhiḥ somyám mádhv ágna índreṇa vāyúnā |  
1.014.10c pībā mitrásya dhāmabhiḥ ||  
1.014.11a tvám hótā mánurhitó 'gne yajñéşu sīdasi |  
1.014.11c sémam no adhvarám yaja ||  
1.014.12a yukşvā hy áruşī ráthe haríto deva rohítaḥ |  
1.014.12c tábhir devāṃ ihā vaha ||

1.015.01a índra sómam pība ṛtúnā tvā vişantv índavaḥ |  
1.015.01c matsarāśas tádokasaḥ ||  
1.015.02a márutaḥ pībata ṛtúnā potṛád yajñám punītana |  
1.015.02c yūyám hí şthā sudānavah ||  
1.015.03a abhí yajñam ḡṇīhi no ḡnāvo néştaḥ pība ṛtúnā |  
1.015.03c tvám hí ratnadhā ási ||  
1.015.04a ágne devāṃ ihā vaha sādáyā yónişu trişú |  
1.015.04c pári bhūşa pība ṛtúnā ||  
1.015.05a brāhmaṇád indra rádhasaḥ pībā sómam ṛtūmr ánu |  
1.015.05c távéd dhí sakhyám áşṛtam ||  
1.015.06a yuvám dákşam dhṛtavrata mītrāvaruṇa dūlabham |  
1.015.06c ṛtúnā yajñám āśathe ||  
1.015.07a draviṇodā draviṇaso ḡṛvahastāso adhvaré |  
1.015.07c yajñéşu devám īlate ||  
1.015.08a draviṇodā dadātu no vásūni yāni şṇviré |  
1.015.08c devéşu tá vanāmahe ||  
1.015.09a draviṇodāḥ pipīşati juhóta prá ca tişhata |  
1.015.09c neşṛád ṛtúbhir işyata ||  
1.015.10a yát tvā turíyam ṛtúbhir draviṇodo yájāmahe |  
1.015.10c ádha smā no dadír bhava ||  
1.015.11a áşvinā pībatam mádhu đidyagnī śucivratā |  
1.015.11c ṛtúnā yajñavāhasā ||  
1.015.12a ḡṛhapatyena santya ṛtúnā yajñanír asi |  
1.015.12c devān devayaté yaja ||

1.016.01a á tvā vahantu hárayo vīşaṇam sómapītaye |  
1.016.01c índra tvā sūracakşasaḥ ||  
1.016.02a imā dhāná ḡṛtasnúvo hári ihópa vakşataḥ |  
1.016.02c índram sukhátame ráthe ||  
1.016.03a índram prātár havāmaha índram prayaty ádhvaré |  
1.016.03c índram sómasya pītāye ||  
1.016.04a úpa ṇa sutám á gahi háribhir indra keśíbhīḥ |  
1.016.04c suté hí tvā hávāmahe ||



1.016.05a sémam̐ na stómam̐ á gahy úpedám̐ sávanam̐ sutám̐ |  
1.016.05c gauró ná tṛṣitáḥ piba ||  
1.016.06a imé sómāsa índavaḥ sutāso ádhi barhísi |  
1.016.06c tām̐ indra sáhase piba ||  
1.016.07a ayám̐ te stómo agriyó ḥṛdispṛg̐ astu sám̐tamah̐ |  
1.016.07c áthā sómam̐ sutám̐ piba ||  
1.016.08a vísvam̐ ít sávanam̐ sutám̐ índro mādāya gachati |  
1.016.08c vṛtrahā sómapiṭaye ||  
1.016.09a sémam̐ nah̐ kāmam̐ á pṛṇa góbhir ásvaiḥ śatakṛato |  
1.016.09c stāvāma tvā svādhyàḥ ||

1.017.01a índrāvāruṇayor ahám̐ samrājor áva á vṛṇe |  
1.017.01c tā no mṛlāta īdṛṣe ||  
1.017.02a gántārā hí sthó 'vase hávam̐ víprasya māvataḥ |  
1.017.02c dhartārā carṣaṇīnām̐ ||  
1.017.03a anukāmám̐ tarpayethām̐ índrāvaruṇa rāyá á |  
1.017.03c tā vām̐ nédiṣṭham̐ īmahe ||  
1.017.04a yuvāku hí śácīnām̐ yuvāku sumatīnām̐ |  
1.017.04c bhūyāma vājadāvnām̐ ||  
1.017.05a índraḥ sahasradāvnām̐ vāruṇaḥ śám̐syānām̐ |  
1.017.05c krátur bhavaty ukthyàḥ ||  
1.017.06a táyor íd ávasā vayám̐ sanéma ní ca dhīmahi |  
1.017.06c syād utá prarécanam̐ ||  
1.017.07a índrāvaruṇa vām̐ ahám̐ huvé citrāya rādhasē |  
1.017.07c asmān sū jigyúṣas kṛtam̐ ||  
1.017.08a índrāvaruṇa nú nú vām̐ síśāsantīṣu dhīṣv á |  
1.017.08c asmábhyam̐ śárma yachatam̐ ||  
1.017.09a prá vām̐ aśnotu suṣṭutír índrāvaruṇa yām̐ huvé |  
1.017.09c yām̐ ṛdhāthe sadhástutim̐ ||

1.018.01a somānam̐ svāraṇam̐ kṛṇuhí brahmaṇas pate |  
1.018.01c kaksīvantam̐ yá auśijāḥ ||  
1.018.02a yó revān̐ yó amīvahā vasuvít puṣṭivárdhanaḥ |  
1.018.02c sá nah̐ siṣaktu yás turāḥ ||  
1.018.03a má nah̐ sám̐so áraruṣo dhūrtīḥ práṇaṇ̐ mártiyasya |  
1.018.03c rákṣā ṇo brahmaṇas pate ||  
1.018.04a sá ghā vīró ná riṣyati yám̐ índro bráhmaṇas pátiḥ |  
1.018.04c sómo hinóti mártiyam̐ ||  
1.018.05a tvám̐ tám̐ brahmaṇas pate sóma índraś ca mártiyam̐ |  
1.018.05c dáksīṇā pātv̐ aṃhasaḥ ||  
1.018.06a sád̐sas pátim̐ ádbhutam̐ priyám̐ índrasya kām̐yam̐ |  
1.018.06c saním̐ medhām̐ ayāsiṣam̐ ||  
1.018.07a yásmād̐ rté ná sídhyati vajñó vipaścítaś caná |

1.018.07c śá dhīnām yógam invati ||  
1.018.08a ād ṛdhoti havīṣkṛtim prāñcam kṛṇoty adhvarám |  
1.018.08c hōtrā devēṣu gachati ||  
1.018.09a nārāsāmsaṃ sudhṛṣṭamam āpaśyaṃ sapráthastamam |  
1.018.09c divó ná sádmamakhasam ||

1.019.01a práti tyām cārum adhvarám gopīthāya prá hūyase |  
1.019.01c marúdbhīr agna ā gahi ||  
1.019.02a nahí devó ná mártyo mahás táva krátum parāḥ |  
1.019.02c marúdbhīr agna ā gahi ||  
1.019.03a yé mahó rájaso vidúr víṣve devāso adrúhaḥ |  
1.019.03c marúdbhīr agna ā gahi ||  
1.019.04a yá ugrā arkám āñcúr ānādhṛṣṭāsa ójasā |  
1.019.04c marúdbhīr agna ā gahi ||  
1.019.05a yé śubhrā ghorávarpasah sukṣatráso riśádasah |  
1.019.05c marúdbhīr agna ā gahi ||  
1.019.06a yé nākasyādhi rocané diví devāsa āsate |  
1.019.06c marúdbhīr agna ā gahi ||  
1.019.07a yá īñkháyanti párvatān tirāḥ samudrám arṇavám |  
1.019.07c marúdbhīr agna ā gahi ||  
1.019.08a ā yé tanvānti raśmībhis tirāḥ samudrám ójasā |  
1.019.08c marúdbhīr agna ā gahi ||  
1.019.09a abhí tvā pūrvápītaye stjāmi somyám mádhu |  
1.019.09c marúdbhīr agna ā gahi ||

1.020.01a ayām devāya jánmane stómo víprebhir āsayā |  
1.020.01c ákāri ratnadhātamaḥ ||  
1.020.02a yá índrāya vacoyújā tatakṣúr mánasā hārī |  
1.020.02c śámībhir yajñám āsata ||  
1.020.03a tákṣan nāsatyābhyām párijmānaṃ sukhám rátham |  
1.020.03c tákṣan dhenúṃ sabardúghām ||  
1.020.04a yúvānā pitārā púnaḥ satyámantrā rjūyávaḥ |  
1.020.04c ṛbhávo viṣṭy àkrata ||  
1.020.05a sám vo mādāso agmaténdreṇa ca marútvatā |  
1.020.05c ādityébhis ca rájabhiḥ ||  
1.020.06a utá tyām camasām návam tváṣtur devāsya níṣkṛtam |  
1.020.06c ákarta catúraḥ púnaḥ ||  
1.020.07a té no rátnāni dhattana trír ā sāptāni sunvaté |  
1.020.07c ékam-ekam suśastíbhiḥ ||  
1.020.08a ádhārayanta váhnayó 'bhajanta sukṛtyāyā |  
1.020.08c bhāgām devēṣu yajñīyam ||

1.021.01a ihéndrāgnī úpa hvaye táyor ít stómam uśmasi |  
1.021.01c tá sómaṃ somapātama ||  
1.021.02a tá yajñēṣu prá śaṃsatendrāgnī śumbhatā naraḥ |  
1.021.02c tá gāyatréṣu gāyata ||  
1.021.03a tá mitrásya práśastaya indrāgnī tá havāmahe |  
1.021.03c somapā sómapītaye ||  
1.021.04a ugrā sántā havāmaha úpedaṃ sávanaṃ sutám |  
1.021.04c indrāgnī éhá gachatām ||  
1.021.05a tá mahántā sádaspatī indrāgnī rákṣa ubjatam |  
1.021.05c áprajāḥ santv atrīṇaḥ ||  
1.021.06a téna satyéna jāgrtam ádhi pracetúne padé |  
1.021.06c indrāgnī śárma yachatam ||

1.022.01a prātaryújā ví bodhayāśvínāv éhá gachatām |  
1.022.01c asyá sómasya pītáye ||  
1.022.02a yá suráthā rathītambhā devā divispśā |  
1.022.02c áśvínā tá havāmahe ||  
1.022.03a yá vāṃ kásā mádhumaty áśvínā sūnítavatī |  
1.022.03c táyā yajñám mimikṣatam ||  
1.022.04a nahí vām ásti dūraké yátrā ráthena gáchathaḥ |  
1.022.04c áśvínā somíno grhám ||  
1.022.05a híraṇyapaṇim útáye savitāram úpa hvaye |  
1.022.05c sá céttā devātā padám ||  
1.022.06a apám nápatam ávase savitāram úpa stuhi |  
1.022.06c tásyā vratāny uśmasi ||  
1.022.07a vibhaktāraṃ havāmahe vásoś citrásya rádhasaḥ |  
1.022.07c savitāraṃ nṛcákṣasam ||  
1.022.08a sákḥāya á ní śidata savitā stómyo nú naḥ |  
1.022.08c dátā rádhaṃsi śumbhati ||  
1.022.09a ágne pátnīr ihá vaha devānām usatīr úpa |  
1.022.09c tváṣṭāraṃ sómapītaye ||  
1.022.10a á gnā agna ihāvase hótrāṃ yaviṣṭha bhāratīm |  
1.022.10c várūtrīm dhiśāṇām vaha ||  
1.022.11a abhí no devír ávasā maháḥ śármaṇā nṛpátnīḥ |  
1.022.11c áchinnapatrāḥ sacantām ||  
1.022.12a ihéndrāñīm úpa hvaye varuṇāñīm svastáye |  
1.022.12c agnāyīm sómapītaye ||  
1.022.13a mahí dyaúḥ pṛthiví ca na imám yajñám mimikṣatām |  
1.022.13c pipṛtām no bhārīmabhiḥ ||  
1.022.14a táyor íd ghṛtávat páyo víprā rihanti dhītībhiḥ |  
1.022.14c gandharvāsya dhruvé padé ||  
1.022.15a syonā pṛthivi bhavānṛkṣará nivésanī |  
1.022.15c yáchā naḥ śárma sapráthaḥ ||

1.022.16a áto devá avantu no yáto víṣṇur vicakramé |  
1.022.16c pṛthivyāḥ saptá dhāmabhiḥ ||  
1.022.17a idám víṣṇur ví cakrame tredhá ní dadhe padám |  
1.022.17c sámūlham asya pāmsuré ||  
1.022.18a tríṇi padá ví cakrame víṣṇur gopá ádābhyaḥ |  
1.022.18c áto dhārmāṇi dhārāyan ||  
1.022.19a víṣṇoḥ kármāṇi paśyata yáto vratāni paspaśé |  
1.022.19c índrasya yújyaḥ sákhā ||  
1.022.20a tát víṣṇoḥ paramám padám sádā paśyanti sūrāyaḥ |  
1.022.20c divīva cáksur átataḥ ||  
1.022.21a tát víprāso vipanyávo jāgrvāṃsaḥ sám indhate |  
1.022.21c víṣṇor yát paramám padám ||

1.023.01a tīvrāḥ sómāsa ā gahy āśīrvantaḥ sutá imé |  
1.023.01c váyo tán prásthitaṇ piba ||  
1.023.02a ubhá devá divispṛśendravāyū havāmahe |  
1.023.02c asyá sómasya pītāye ||  
1.023.03a indravāyū manojúvā víprā havanta utāye |  
1.023.03c sahasrākṣá dhiyás pātī ||  
1.023.04a mitráṃ vayám havāmahe váruṇaḥ sómāpītaye |  
1.023.04c jajñāná pūtādakṣasā ||  
1.023.05a ṛténa yāv ṛtāvṛdhāv ṛtāsyā jyótiṣas pātī |  
1.023.05c tá mitráváruṇā huve ||  
1.023.06a váruṇaḥ prāvitā bhuvan mitró víśvābhir ūtibhiḥ |  
1.023.06c káratām naḥ surādhasaḥ ||  
1.023.07a marútvantaḥ havāmaha índram ā sómāpītaye |  
1.023.07c sajūr gaṇéna tṛmpatu ||  
1.023.08a índrajyeṣṭhā mārudgaṇā dévāsaḥ pūṣarātayaḥ |  
1.023.08c víśve máma śrutā hávam ||  
1.023.09a hatá vṛtrám sudānava índreṇa sáhasā yujá |  
1.023.09c má no duḥsámṣa īśata ||  
1.023.10a víśvān devān havāmahe marútaḥ sómāpītaye |  
1.023.10c ugrá hí pṛśnimātaraḥ ||  
1.023.11a jáyatām iva tanyatúr marútām eti dhṛṣṇuyá |  
1.023.11c yác chúbhaḥ yāthānā naraḥ ||  
1.023.12a haskārād vidyútas páry áto jātá avantu naḥ |  
1.023.12c marúto mṛlayantu naḥ ||  
1.023.13a ā pūṣāṇi citrábarhiṣam āghṛṇe dharúnaḥ divāḥ |  
1.023.13c ājā naṣtām yáthā pasúm ||  
1.023.14a pūṣá rájānam āghṛṇir ápagūlham gúhā hitám |  
1.023.14c ávindac citrábarhiṣam ||  
1.023.15a utó sá máhyam índubhiḥ śád yuktām anuséśidhat |  
1.023.15c góbbhir yávaḥ ná carḥṣat ||  
1.023.16a ambávo vantv ádhvabhir iāmávo adhvarīvatām |

- 1.023.16c pṛñcatīr mádhunā páyaḥ ||  
 1.023.17a amūr yā úpa sūrye yābhir vā sūryaḥ sahá |  
 1.023.17c tá no hinvantv adhvarám ||  
 1.023.18a apó devír úpa hvaye yátra gávah píbanti nah |  
 1.023.18c síndhubhyaḥ kártvaṃ havíḥ ||  
 1.023.19a apsv àntár amṛtam apsú bheṣajám apám utá práśastaye |  
 1.023.19c dévā bhávata vājinaḥ ||  
 1.023.20a apsú me sómo abravīd antár vísvāni bheṣajā |  
 1.023.20c agnīm ca vísvásambhuvam ápaś ca vísvábheṣajīḥ ||  
 1.023.21a ápaḥ pṛñtá bheṣajám várūthaṃ tanvè máma |  
 1.023.21c jyók ca sūryaṃ dṛśé ||  
 1.023.22a idám āpaḥ prá vahata yát kíṃ ca duritám máyi |  
 1.023.22c yád vāhám abhidudróha yád vā śepá utánṛtam ||  
 1.023.23a ápo adyānv acāriṣaṃ rāsena sám agasmahi |  
 1.023.23c páyasvān agna á gahi tám mā sám sṛja várcasā ||  
 1.023.24a sám māgne várcasā sṛja sám prajáyā sám áyuṣā |  
 1.023.24c vidyúr me asya devā índro vidyāt sahá řiṣbhiḥ ||

- 1.024.01a kásya nūnám katamásyāmṛtānām mánāmahe cāru devásya nāma |  
 1.024.01c kó no mahyá áditaye púnar dāt pitáraṃ ca dṛśéyam mātáraṃ ca ||  
 1.024.02a agnér vayám prathamásyāmṛtānām mánāmahe cāru devásya nāma |  
 1.024.02c sá no mahyá áditaye púnar dāt pitáraṃ ca dṛśéyam mātáraṃ ca ||  
 1.024.03a abhí tvā deva savitar íśānaṃ vāryānām |  
 1.024.03c sádāvan bhāgám īmahe ||  
 1.024.04a yás cid dhí ta itthá bhágaḥ śásamānáḥ purá nidáḥ |  
 1.024.04c adveśó hástayor dadhé ||  
 1.024.05a bhágabhaktasya te vayám úd aśema távāvasā |  
 1.024.05c mūrdhānaṃ rāyá ārabhe ||  
 1.024.06a nahí te kṣatráṃ ná sáho ná manyúṃ váyaś canāmī patáyanta āpúḥ |  
 1.024.06c némá ápo animiśám cārantīr ná yé vátasya praminánty ábhvam ||  
 1.024.07a abudhné rájā váruṇo vānasyordhvám stūpaṃ dadate pūtádaḥṣaḥ |  
 1.024.07c nīcínā sthur upári budhná eṣām asmé antár níhitāḥ ketávaḥ syuḥ ||  
 1.024.08a urúm hí rájā váruṇaś cakāra sūryāya pánthām ánveta vā u |  
 1.024.08c apáde pádā prátidhātave 'kar utápavaktá hṛdayāvídhaś cit ||  
 1.024.09a śatám te rájan bhiśájaḥ sahásram urvī gabhīrā sumatiṣ te astu |  
 1.024.09c bádhasva dūré níṛrtim parācaīḥ kṛtám cid énaḥ prá mumugdhy asmát ||  
 1.024.10a amí yá řkṣā níhitāsa uccá náktam dádṛśre kúha cid díveyuḥ |  
 1.024.10c ádabdhāni váruṇasya vratāni vicākaśac candráma náktam eti ||  
 1.024.11a tát tvā yāmi bráhmaṇā vāndamānas tát á śāste yájamāno havírbhiḥ |  
 1.024.11c áheḷamāno varuṇhá bodhy úruśaṃsa má na áyuḥ prá moṣīḥ ||  
 1.024.12a tát ín náktam tát dívā máhyam āhus tát ayám kéto hṛdá á ví caṣte |  
 1.024.12c súnaḥśépo yám áhvaḍ grbhītāḥ só asmán rájā váruṇo mumoktu ||  
 1.024.13a súnaḥśépo hy áhvaḍ grbhītás triṣv àdityám drupadéṣu baddháḥ |

1.024.13c ávainaṃ rájā varuṇaḥ sasrjyād vidvāṃś ádabdho ví mumoktu páśān ||  
1.024.14a áva te hélo varuṇa námobhir áva yajñébhír īmahe havírbhiḥ |  
1.024.14c kṣáyann asmábhyam asura pracetā rájann énāmsi śísrathaḥ kṛtāni ||  
1.024.15a úd uttamāṃ varuṇa páśam asmád ávādhamāṃ ví madhyamāṃ śrathāya |  
1.024.15c áthā vayám āditya vraté távānāgaso áditaye syāma ||

1.025.01a yác cid dhí te víśo yathā prá deva varuṇa vratám |  
1.025.01c minīmási dyávi-dyavi ||  
1.025.02a má no vadhāya hatnáve jihīlānāsya rīradhaḥ |  
1.025.02c má hr̥ṇánāsya manyáve ||  
1.025.03a ví mṛlīkāya te máno rathír áśvaṃ ná sámđitam |  
1.025.03c gīrbhír varuṇa sīmahi ||  
1.025.04a párā hí me vímanyavaḥ pátanti vásyaāṣṭaye |  
1.025.04c váyo ná vasatír úpa ||  
1.025.05a kadā kṣatraśríyaṃ náram á varuṇaṃ karāmahe |  
1.025.05c mṛlīkāyorucákṣasam ||  
1.025.06a tát ít samānám āśāte vénantā ná prá yuchataḥ |  
1.025.06c dhṛtávratāya dāsúṣe ||  
1.025.07a védā yó vīnām padám antárikṣeṇa pátatām |  
1.025.07c védā nāvāḥ samudríyaḥ ||  
1.025.08a védā māsó dhṛtávrato dvādaśa prajāvataḥ |  
1.025.08c védā yá upajāyate ||  
1.025.09a védā vātasya vartaním urór ṛṣvāsya bṛhataḥ |  
1.025.09c védā yé adhyāsate ||  
1.025.10a ní śasāda dhṛtávrato varuṇaḥ pastyāsv á |  
1.025.10c sāmṛājyāya sukrātuḥ ||  
1.025.11a áto víśvāny ádbhutā cikitvāṃś abhí paśyati |  
1.025.11c kṛtāni yá ca kártvā ||  
1.025.12a sá no viśvāhā sukrátur ādityāḥ supáthā karat |  
1.025.12c prá ṇa áyūṃṣi tāriṣat ||  
1.025.13a bíbhrad drāpīm hiraṇyáyaṃ varuṇo vasta nirñíjam |  
1.025.13c pári spāśo ní śedire ||  
1.025.14a ná yám dípsanti dípsávo ná drúhvāṇo jánānām |  
1.025.14c ná devám abhímātayaḥ ||  
1.025.15a utá yó mānuṣeṣv á yáśaś cakré ásāmy á |  
1.025.15c asmákam udāreṣv á ||  
1.025.16a párā me yanti dhītáyo gāvo ná gávyūtír ánu |  
1.025.16c ichántír urucákṣasam ||  
1.025.17a sám nú vocāvahai púnar yáto me mádhv ābhṛtam |  
1.025.17c hóteva kṣádase priyám ||  
1.025.18a dárśam nú viśvadarśataṃ dárśam rátham ádhi kṣāmi |  
1.025.18c etá juṣata me gíraḥ ||  
1.025.19a imám me varuṇa śrudhī hávam adyá ca mṛlaya |

1.025.19c tvám avasyúr á cake ||  
1.025.20a tvám víśvasya medhira divás ca gmás ca rājasi |  
1.025.20c sá yāmani prāti śrudhi ||  
1.025.21a úd uttamám mumugdhi no ví pāsam madhyamám cṛta |  
1.025.21c ávādhāmāni jīváse ||

1.026.01a vásiṣvā hí miyedhya vástrāny ūrjām pate |  
1.026.01c sémám no adhvarám yaja ||  
1.026.02a ní no hótā váreṇyaḥ sádā yaviṣṭha mánmabhiḥ |  
1.026.02c ágne divítmatā vácaḥ ||  
1.026.03a á hí śmā sūnáve pitápír yájaty āpáye |  
1.026.03c sákhā sákhye váreṇyaḥ ||  
1.026.04a á no barhí riśādaso váruṇo mitró aryamā |  
1.026.04c sídantu mánuṣo yathā ||  
1.026.05a pūrvya hotar asyá no mándasva sakhyásya ca |  
1.026.05c imá u śú śrudhī gíraḥ ||  
1.026.06a yác cid dhí śásvatā tánā devám-devam yájāmahe |  
1.026.06c tvé íd dhūyate havíḥ ||  
1.026.07a priyó no astu viśpátir hótā mandró váreṇyaḥ |  
1.026.07c priyáḥ svagnáyo vayám ||  
1.026.08a svagnáyo hí vāryam devāso dadhiré ca naḥ |  
1.026.08c svagnáyo manāmahe ||  
1.026.09a áthā na ubháyeṣām árṁta mártyanām |  
1.026.09c mitháḥ santu práśastayaḥ ||  
1.026.10a víśvebhir agne agníbhir imám yajñám idám vácaḥ |  
1.026.10c cáno dhāḥ sahaso yaho ||

1.027.01a ásvam ná tvā vāravantaṁ vandádhyā agníṁ námobhiḥ |  
1.027.01c samrājantam adhvarāṇām ||  
1.027.02a sá ghā naḥ sūnúḥ śávasā pṛthúpragāmā suśévaḥ |  
1.027.02c mīdhvám asmākam babhūyāt ||  
1.027.03a sá no dūrác cāsác ca ní mártiyād aghāyóḥ |  
1.027.03c pāhí sádám íd viśvāyuḥ ||  
1.027.04a imám ū śú tvám asmākam saním gāyatrám návyāmsam |  
1.027.04c ágne devéṣu prá vocaḥ ||  
1.027.05a á no bhaja paraméṣv á vājeṣu madhyaméṣu |  
1.027.05c śíkṣā vásvo ántamasya ||  
1.027.06a vibhaktāsi citrabhāno síndhor ūrmā upākā á |  
1.027.06c sadyó dāsúṣe kṣarasi ||  
1.027.07a yám agne pṛtsú mártiyam ávā vājeṣu yám junāḥ |  
1.027.07c sá yántā śásvatīr iṣaḥ ||  
1.027.08a nákir asya sahyantya paryetā káyasya cit |  
1.027.08c váio asti śravāvvaḥ ||

- 1.027.09a sá vājāṃ viśvācarṣaṇir ārvadbhir astu tárutā |  
 1.027.09c víprebhir astu sánitā ||  
 1.027.10a járābodha tát vividdhi viśé-viśé yajñíyāya |  
 1.027.10c stómaṃ rudrāya dīśīkam ||  
 1.027.11a sá no mahāṃ animāno dhūmāketuḥ puruścandrāḥ |  
 1.027.11c dhiyé vājāya hinvatu ||  
 1.027.12a sá revāṃ iva viśpátir daívyah ketúḥ śṛnotu naḥ |  
 1.027.12c ukthair agnír bṛhādbhānuḥ ||  
 1.027.13a námo mahādbhyo námo arbhakébhyo námo yúvabhyo náma āśinébhyaḥ |  
 1.027.13c yājāma devān yádi śaknāvāma má jyāyasaḥ sám̐sam ā vṛkṣi devāḥ ||

- 1.028.01a yātra grāvā pṛthúbudhna ūrdhvó bhāvati sótave |  
 1.028.01c ulūkhalasutānām ávéd v indra jalgulaḥ ||  
 1.028.02a yātra dvāv iva jaghānādhiṣavanyā kṛtā |  
 1.028.02c ulūkhalasutānām ávéd v indra jalgulaḥ ||  
 1.028.03a yātra nāry apacyavám upacyavám ca śíkṣate |  
 1.028.03c ulūkhalasutānām ávéd v indra jalgulaḥ ||  
 1.028.04a yātra mánthāṃ vibadhnáte raśmín yámitavā iva |  
 1.028.04c ulūkhalasutānām ávéd v indra jalgulaḥ ||  
 1.028.05a yác cid dhí tvám grhé-grha ulūkhalaka yujyāse |  
 1.028.05c ihá dyumáttamaṃ vada jáyatām iva dundubhīḥ ||  
 1.028.06a utá sma te vanaspate vāto ví vāty ágram ít |  
 1.028.06c átho índrāya pātave sunú sómam ulūkhalā ||  
 1.028.07a āyají vājasātama tā hy ūccā vijarbhṛtāḥ |  
 1.028.07c hārī ivāndhāmsi bāpsatā ||  
 1.028.08a tā no adyá vanaspatī ṛṣvāv ṛṣvébhiḥ sotṛbhiḥ |  
 1.028.08c índrāya mádhumat sutam ||  
 1.028.09a úc chiṣṭām camvòr bhara sómam pavítṛa ā sṛja |  
 1.028.09c ní dhehi gór ádhi tvací ||

- 1.029.01a yác cid dhí satya somapā anāśastā iva smási |  
 1.029.01c ā tú na indra sám̐saya góṣv áśveṣu śubhríṣu saháśreṣu tuvīmagha ||  
 1.029.02a śíprin vājānām pate śácīvas táva daṃsánā |  
 1.029.02c ā tú na indra sám̐saya góṣv áśveṣu śubhríṣu saháśreṣu tuvīmagha ||  
 1.029.03a ní śvāpayā mithūdīśā sastām ábudhyamāne |  
 1.029.03c ā tú na indra sám̐saya góṣv áśveṣu śubhríṣu saháśreṣu tuvīmagha ||  
 1.029.04a sasántu tyá árātayo bódhantu sūra rātáyaḥ |  
 1.029.04c ā tú na indra sám̐saya góṣv áśveṣu śubhríṣu saháśreṣu tuvīmagha ||  
 1.029.05a sám̐ indra gardabhám mṛṇa nuvántam pāpáyāmuyā |  
 1.029.05c ā tú na indra sám̐saya góṣv áśveṣu śubhríṣu saháśreṣu tuvīmagha ||  
 1.029.06a pátati kuṇḍṛñācyā dūrām vāto vánād ádhi |



1.029.06c á tú na indra śamsaya goṣv áśveṣu śubhrīṣu sahasreṣu tuvīmagha ||  
1.029.07a sárvam parikrośám jahi jambháya kṛkadāśvám |  
1.029.07c á tú na indra śamsaya goṣv áśveṣu śubhrīṣu sahasreṣu tuvīmagha ||

1.030.01a á va índram kríviṃ yathā vājayántaḥ śatákratum |  
1.030.01c máṃhiṣṭhaṃ siñca índubhiḥ ||  
1.030.02a śatám vā yáḥ śúcīnāṃ sahasraṃ vā sámāśirām |  
1.030.02c éd u nimnám ná rīyate ||  
1.030.03a sám yán mádāya śuṣmīṇa enā hy àsyodāre |  
1.030.03c samudró ná vyáco dadhé ||  
1.030.04a ayám u te sám atasi kapóta iva garbhadhím |  
1.030.04c vácas tác cin na ohasē ||  
1.030.05a stotrám rādhānām pate gírvāho vīra yásya te |  
1.030.05c víbhūtír astu sūnṛtā ||  
1.030.06a ūrdhvás tiṣṭhā na ūtāye 'smín vāje śatakrato |  
1.030.06c sám anyéṣu bravāvahai ||  
1.030.07a yóge-yoge tavástaraṃ vāje-vāje havāmahe |  
1.030.07c sákhāya índram ūtāye ||  
1.030.08a á ghā gamad yádi śrávat sahasrīṅbhir ūtībhiḥ |  
1.030.08c vājebhir úpa no hávam ||  
1.030.09a ánu pratnáśyaúkasō huvé tuvīpratím náram |  
1.030.09c yám te pūrvam pitā huvé ||  
1.030.10a tám tvā vayám viśvavārā śāsmahe puruhūta |  
1.030.10c sákhe vaso jaritṛbhyaḥ ||  
1.030.11a asmākaṃ śiprīṅnām sómapāḥ somapāvnām |  
1.030.11c sákhe vajrin sákhīnām ||  
1.030.12a táthā tát astu somapāḥ sákhe vajrin táthā kṛṇu |  
1.030.12c yáthā ta uśmāsīṣṭāye ||  
1.030.13a revátír naḥ sadhamāda índre santu tuvívājāḥ |  
1.030.13c kṣumánto yābhir mādema ||  
1.030.14a á gha tvāvān tmánāptá stotṛbhyo dhṛṣṇav iyānāḥ |  
1.030.14c ṛṇór ákṣaṃ ná cakryòḥ ||  
1.030.15a á yád dúvaḥ śatakratev á kāmam jaritṛṇām |  
1.030.15c ṛṇór ákṣaṃ ná śácībhiḥ ||  
1.030.16a śásvad índraḥ pópruthadbhir jigāya nānadadbhiḥ śásvasadbhir dhánāni |  
1.030.16c sá no hiraṇyarathám daṃsānāvān sá naḥ sanitā sanāye sá no 'dāt ||  
1.030.17a áśvināv áśvāvatyeṣā yātaṃ śāvīrayā |  
1.030.17c gómad dasrā hiraṇyavat ||  
1.030.18a samānáyojano hí vām rátho dasrāv ámarthyāḥ |  
1.030.18c samudré áśvinéyate ||  
1.030.19a ny āghnyásya mūrdhāni cakráṃ ráthasya yemathuḥ |  
1.030.19c pári dyām anyád īyate ||  
1.030.20a kás ta uṣaḥ kadhapriye bhujé márto amartye |  
1.030.20c kám naksase vibhāvāri ||

1.030.20c kṛmāṅgāyāḥ śāntāyāḥ ||  
1.030.21a vayāṃ hí te ámanmahy ántād ā parākāt |  
1.030.21c áśve ná citre aruṣi ||  
1.030.22a tvāṃ tyébhír ā gahi vājebhir duhitar divaḥ |  
1.030.22c asmé rayiṃ ní dhāraya ||

1.031.01a tvāṃ agne prathamó ángirā ṛṣir devó devánām abhavaḥ śiváḥ sákhā |  
1.031.01c táva vraté kaváyo vidmanāpasó 'jāyanta marúto bhrájadṛṣṭayaḥ ||  
1.031.02a tvāṃ agne prathamó ángirastamaḥ kavír devánām pári bhūṣasi vratám |  
1.031.02c vibhúr víśvasmai bhúvanāya médhiro dvimātā śáyúḥ katidhá cid āyáve ||  
1.031.03a tvāṃ agne prathamó mātariśvana āvír bhava sukratūyā vivásvate |  
1.031.03c árejetāṃ ródasī hotrvūryé 'saghnor bhārám áyajo mahó vaso ||  
1.031.04a tvāṃ agne mánave dyām avāśayaḥ purūrāvase sukṛte sukṛttaraḥ |  
1.031.04c śvātréṇa yát pitrór múcyase páry ā tvā púrvam anayann āparam púnah ||  
1.031.05a tvāṃ agne vṛṣabhāḥ puṣṭivárdhana údyatasruce bhavasi śravāyyaḥ |  
1.031.05c yá āhutim pári védā váṣatkṛtim ékāyur ágre vísa āvívāsasi ||  
1.031.06a tvāṃ agne vṛjinávartaniṃ náraṃ sákman piparṣi vidáthe vicarṣaṇe |  
1.031.06c yáḥ sūrasātā páritakmye dháne dabhrébhiś cit sámṛtā háṃsi bhūyasah ||  
1.031.07a tvāṃ tám agne amṛtatvá uttamé mártam dadhāsi śrávase divé-dive |  
1.031.07c yás tāṭṛṣāná ubháyāya jánmane máyaḥ kṛṇóṣi práya ā ca sūrāye ||  
1.031.08a tvāṃ no agne sanáye dhánānām yaśásam kārúṃ kṛṇuhi stávānaḥ |  
1.031.08c ṛdhyāma kármāpāsā návena devaír dyāvāpṛthivī právatam naḥ ||  
1.031.09a tvāṃ no agne pitrór upástha ā devó devéśv anavadya jágrviḥ |  
1.031.09c tanūkṛd bodhi prámatís ca kārāve tvāṃ kalyāṇa vásu víśvam ópiṣe ||  
1.031.10a tvāṃ agne prámatís tvāṃ pitási nas tvāṃ vayaskṛt táva jāmayo vayám |  
1.031.10c sám tvā ráyaḥ śatínaḥ sám sahasríṇaḥ suvīraṃ yanti vratapām adābhya ||  
1.031.11a tvāṃ agne prathamám āyúm āyáve devā akṛṇvan náhuṣasya víspátim |  
1.031.11c ílām akṛṇvan mánuṣasya śásanīm pitúr yát putró mámakasya jáyate ||  
1.031.12a tvāṃ no agne táva deva pāyúbhir maghóno rakṣa tanvās ca vandyā |  
1.031.12c trātā tokásya tánaye gāvām asy ánimeṣam rákṣamāṇas táva vraté ||  
1.031.13a tvāṃ agne yágyave pāyúr ántaro 'niṣāngāya caturakṣá idhyase |  
1.031.13c yó rātāhavyo 'vṛkāya dhāyase kīrés cin mántram mánasā vanóṣi tám ||  
1.031.14a tvāṃ agna uruśámsāya vāgháte spārhám yád rékṇaḥ paramám vanóṣi tát |  
1.031.14c ādhrásya cit prámatir ucyase pitā prá pákaṃ śássi prá díśo vidúṣtaraḥ ||  
1.031.15a tvāṃ agne práyatadakṣiṇam náraṃ vármeva syútám pári pási víśvátaḥ |  
1.031.15c svāduksádmā yó vasataú syonakṛj jīvayājám yájate sópamá diváḥ ||  
1.031.16a imám agne śaráṇim mīmṛṣo na imám ádhvānam yám ágāma dūrāt |  
1.031.16c āpíḥ pitā prámatih somyānām bhṛmir asy ṛṣikṛn mártyanām ||  
1.031.17a manuṣvād agne ángirasvād ángiro yayātivát sádane pūrvavác chuce |  
1.031.17c ácha yāhy ā vahā daívyam jánam ā sādaya barhíṣi yáksi ca priyám ||  
1.031.18a eténagne bráhmaṇā vāvṛdhasva śákti vā yát te cakṛmā vidā vā |  
1.031.18c utá prá neṣy abhí vásyo asmán sám naḥ srja sumatyā vājavyā ||

1.032.01a índrasya nú vīryāṇi prá vocaṃ yāni cakāra prathamāni vajrī |  
 1.032.01c áhann áhim ánv apás tatar da prá vakṣāṇā abhinat párvatānām ||  
 1.032.02a áhann áhim párvate śísriyāṇām tváṣṭāsmāi vájraṃ svaryāṃ tatakṣa |  
 1.032.02c vāsrā iva dhenávaḥ syándamānā āñjaḥ samudráṃ áva jagmur āpaḥ ||  
 1.032.03a vṛṣāyámāṇo 'vr̥ṇīta sómaṃ tríkadrúkeṣv apibat sutásya |  
 1.032.03c á sáyakam maghávādatta vájraṃ áhann enam prathamajám áhīnām ||  
 1.032.04a yád indráhan prathamajám áhīnām án māyínām ámināḥ prótá māyāḥ |  
 1.032.04c át súryaṃ janáyan dyám uṣásam tādītnā śátruṃ ná kílā vivitse ||  
 1.032.05a áhan vṛtrám vṛtratáraṃ vyāmsam índro vájreṇa mahatā vadhéna |  
 1.032.05c skándhāmsīva kúliśenā vívr̥kṇāhiḥ śayata upapṛk pṛthivyāḥ ||  
 1.032.06a ayoddhéva durmáda á hí juhvé mahāvīrám tuvibādhám r̥jīṣám |  
 1.032.06c nātārīd asya sámṛtiṃ vadhānām sám rujánāḥ pipiṣa índraśatruḥ ||  
 1.032.07a apād ahas̥tō apr̥tanyad índram āsya vájraṃ ádhi sánau jaghāna |  
 1.032.07c víṣṇo vādhrīḥ pratimānam búbhūṣan purutrā vṛtró ásayad vyāstah ||  
 1.032.08a nadám ná bhinnám amuyā śáyānam máno rúhānā áti yanty āpaḥ |  
 1.032.08c yás cid vṛtró mahinā paryátīṣṭhat tāsām áhiḥ patsutaḥśír babhūva ||  
 1.032.09a nīcāvayā abhavad vṛtráputréndro asyā áva vādhar jabhāra |  
 1.032.09c úttarā sūr ádharah̥ putrá āsīd dānuḥ śaye sahávatśā ná dhenúḥ ||  
 1.032.10a átīṣṭhan̥tīnām aniveśanānām káṣṭhanām mádhye níhitam̥ śárīram |  
 1.032.10c vṛtrásya niṇyám ví caranty āpo dīrghám táma āśayad índraśatruḥ ||  
 1.032.11a dāsápatnīr áhigopā atīṣṭhan níruddhā āpaḥ pañíneva gávaḥ |  
 1.032.11c apám bílam ápihitam̥ yád āsīd vṛtrám jaghanvám̥ ápa tát vavāra ||  
 1.032.12a ásvyo váro abhavas tát indra sr̥ké yát tvā pratyáhan devá ékaḥ |  
 1.032.12c ájayo gá ájayaḥ sūra sómam ávāsr̥jaḥ sártave saptá síndhūn ||  
 1.032.13a nāsmāi vidyún ná tanyatúḥ siṣedha ná yám míham ákirad dhrādúnim̥ ca |  
 1.032.13c índraś ca yád yuyudhāte áhiś cotáparībhyo maghávā ví jigye ||  
 1.032.14a áher yātāram̥ kám apaśya indra hṛdí yát te jaghnúṣo bhīr ágachat |  
 1.032.14c náva ca yán navatīm̥ ca srávantīḥ śyenó ná bhītó átaro rájāmsi ||  
 1.032.15a índro yátó 'vasitasya rájā śámasya ca śr̥ngīṇo vájrabāhuḥ |  
 1.032.15c séd u rája kṣayati carṣaṇīnām arān ná nemīḥ pári tá babhūva ||

1.033.01a étáyāmópa gavyánta índram asmákam̥ sú prámatim̥ vāvṛdhāti |  
 1.033.01c anāmṛnāḥ kuvíd ād asyá rāyó gávām̥ kétam̥ páram̥ ávárjate nah̥ ||  
 1.033.02a úpéd ahám̥ dhanadám̥ apratītām̥ júṣṭām̥ ná śyenó vasatīm̥ patāmi |  
 1.033.02c índram̥ namasyánn̥ upamébhīr arkaír yá stotṛbhyo hávyo ásti yáman ||  
 1.033.03a ní sárvasena iṣudhīm̥r̥ asakta sám̥ aryó gá ajati yásya váṣṭi |  
 1.033.03c coṣkūyámāṇa indra bhūri vāmám̥ má pañír bhūr̥ asmád̥ ádhi pravṛddha ||  
 1.033.04a vādhrī hí dásyumuḥ dhanínām̥ ghanénaṃ̥ ékaś cárann̥ upaśákébhīr indra |  
 1.033.04c dhánor̥ ádhi viṣuṇák té vy āyann̥ áyajvānaḥ sanakāḥ prétim̥ tyuḥ ||  
 1.033.05a párā cic chīrṣā vavr̥jus tá indráyajvāno yájvabhi spárdhamānāḥ |  
 1.033.05c prá yád divó hariva sthātar̥ ugra ní avratām̥ adhamo ródasyoḥ ||  
 1.033.06a áyuyutsann̥ anavadyásya sēnām̥ áyātayanta kṣitáyo návagvāḥ |  
 1.033.06c vṛṣáyúdhō ná vādhrayo níraṣṭāḥ pravádbhīr̥ índrac̥ citáyanta āyan ||  
 1.033.07a tvám̥ etān̥ rudató iáksataś cāvadhavo ráiasa indra nāré |

- 1.033.07a evam etam rakṣato jukṣato sa yojanayo rajasa indra pari |  
1.033.07c ávādaho divá ā dásyum uccā prá sunvatá stuvatāḥ śámsam āvaḥ ||  
1.033.08a cakrāñāsah pariñāham pṛthivyā hiraṇyena mañinā súmbhamānāḥ |  
1.033.08c ná hinvánāsas titirus tá índram pári spáso adadhāt sūryeṇa ||  
1.033.09a pári yád indra ródasī ubhé ábubhojīr mahinā viśvataḥ sīm |  
1.033.09c ámanyamānāñ abhí mányamānair nír brahmábhīr adhamo dásyum indra ||  
1.033.10a ná yé diváh pṛthivyā ántam āpúr ná māyábhīr dhanadām paryábhūvan |  
1.033.10c yújaṃ vájraṃ vṛṣabhás cakra índro nír jyótiṣā támaso gā adukṣat ||  
1.033.11a ánu svadhām akṣarann āpo asyāvardhata mádhya ā nāvyañām |  
1.033.11c sadhrīcīnena mánasā tám índra ójiṣṭhena hánmanāhann abhí dyūn ||  
1.033.12a ny āvidhyad ilibísasya dṛḷhā ví śrṅgīṇam abhinac chúṣṇam índraḥ |  
1.033.12c yāvat táro maghavan yāvad ójo vájreṇa sátрум avadhīḥ pṛtanyúm ||  
1.033.13a abhí sidhmó ajigād asya śátrūn ví tigména vṛṣabhéñā púro 'bhet |  
1.033.13c sám vájreñāsrjad vṛtrám índraḥ prá svām matím atirac chásadānaḥ ||  
1.033.14a ávaḥ kútsam indra yásmiñ cākán právo yúdhyanṭaṃ vṛṣabhám dásadyum |  
1.033.14c śaphácyuto reṇúr nakṣata dyām úc chvaitreyó nṛṣáhyāya tasthau ||  
1.033.15a ávaḥ sámam vṛṣabhám túgryāsu kṣetrajeṣé maghavañ chvítṛyaṃ gām |  
1.033.15c jyók cid átra tasthivāṃso akrañ chatrūyatām ádharā védanākaḥ ||

- 1.034.01a trís cin no adyā bhavataṃ navedasā vibhúr vām yāma utá rātír aśvinā |  
1.034.01c yuvór hí yantrám himyéva vāsaso 'bhyāyamsényā bhavataṃ mañiṣbhiḥ ||  
1.034.02a tráyaḥ paváyo madhuvāhane ráthe sómasya venām ánu víśva íd viduḥ |  
1.034.02c tráya skambhāsa skabhitāsa ārābhe trír náktam yāthás trír v aśvinā dívā ||  
1.034.03a samāné áhan trír avadyagohanā trír adyā yajñám mádhunā mimikṣatam |  
1.034.03c trír vājavatūr iṣo aśvinā yuvám doṣā asmábhyam uśásaś ca pinvatam ||  
1.034.04a trír vartír yātam trír ánuvrate jané trīḥ supṛavyè tredhéva śikṣatam |  
1.034.04c trír nāndyāṃ vahatam aśvinā yuvám trīḥ pṛkṣo asmé akṣáreva pinvatam ||  
1.034.05a trír no rayím vahatam aśvinā yuvám trír devátātā trír utāvatam dhíyaḥ |  
1.034.05c trīḥ saubhagatvám trír utá śrāvāmsi nas triṣṭhám vām sūre duhitā ruhad rátham ||  
1.034.06a trír no aśvinā divyāni bheṣajā trīḥ pāṛthivāni trír u dattam adbhyāḥ |  
1.034.06c omānaṃ śamyór māmakāya sūnáve tridhātu śárma vahataṃ śubhas patī ||  
1.034.07a trír no aśvinā yajatā divé-dive pári tridhātu pṛthivím aśāyatam |  
1.034.07c tísro nāsatyā rathyā parāvāta ātméva vātaḥ svásarāṇi gachatam ||  
1.034.08a trír aśvinā síndhubhiḥ saptámātrbhis tráya āhāvās tredhá havíṣ kṛtám |  
1.034.08c tísrah pṛthivír upári pravā divó nákaṃ rakṣethe dyúbhir aktúbhir hitám ||  
1.034.09a kvà trī cakrā trivṛto ráthasya kvà tráyo vandhúro yé sánīlāḥ |  
1.034.09c kadā yógo vājino rāsabhasya yéna yajñám nāsatyopayāthāḥ ||  
1.034.10a ā nāsatyā gachatam hūyáte havír mádhvaḥ pibatam madhupébhir āsábhiḥ |  
1.034.10c yuvór hí pūrvam savitósáso rátham ṛtāya citráṃ ghṛtāvantaṃ iṣyati ||  
1.034.11a ā nāsatyā tribhír ekādaśair ihá devébhir yātam madhupéyam aśvinā |  
1.034.11c prāyus tāriṣṭam ní rápāmsi mṛkṣatam sédhatam dvéšo bhávataṃ sacābhúvā ||  
1.034.12a ā no aśvinā trivṛtā ráthenārvāñcam rayím vahataṃ suvíram |  
1.034.12c śṛṇvántā vām ávase johavīmi vṛdhé ca no bhavataṃ vājasātau ||

- 1.035.01a hváyāmy agním prathamāṃ svastāye hváyāmi mitráváruṇāv ihāvase |  
1.035.01c hváyāmi rātrīm jágato nivésanīm hváyāmi devāṃ savitāram ūtāye ||  
1.035.02a á kṛṣṇéna rájasā vartamāno niveśāyann amṛtam mártyaṃ ca |  
1.035.02c hiraṇyāyena savitā ráthenā devó yāti bhúvanāni pásyan ||  
1.035.03a yāti deváh pravātā yāty udvātā yāti śubhrābhyāṃ yajató háribhyām |  
1.035.03c á devó yāti savitā parāvátó 'pa vísvā duritā bādhamānaḥ ||  
1.035.04a abhívṛtam kṛśanair víśvárūpaṃ hiraṇyaśamyāṃ yajató bṛhántam |  
1.035.04c ásthād rátham savitā citrábhānuḥ kṛṣṇā rájāmsi táviṣīm dádhanāḥ ||  
1.035.05a ví jánāñ chyāvāḥ śítipádo akhyan rátham hiraṇyapraūgam váhantaḥ |  
1.035.05c śásvad víśaḥ savitúr daivyaśyopásthe vísvā bhúvanāni tasthuḥ ||  
1.035.06a tistró dyāvāḥ savitúr dvā upásthāṃ ékā yamāsya bhúvane virāśāt |  
1.035.06c ānīm ná ráthyam amṛtādhi tasthur ihá bravītu yá u ták ciketat ||  
1.035.07a ví suparṇó antárikṣāny akhyad gabhīrávepā ásurāḥ sunīthāḥ |  
1.035.07c kvédānīm sūryaḥ kás ciketa katamāṃ dyām raśmír asyā tatāna ||  
1.035.08a aṣṭáu vy ákhyat kakúbhaḥ pṛthivyās trí dhánva yójanā saptá síndhūn |  
1.035.08c hiraṇyākṣāḥ savitā devá āgād dádhad rátnā dāsūse váryāni ||  
1.035.09a hiraṇyapāñiḥ savitā vícarṣañir ubhé dyāvāpṛthiví antár īyate |  
1.035.09c ápámīvam bádhate véti sūryam abhí kṛṣṇéna rájasā dyām ṛnoti ||  
1.035.10a hiraṇyahasto ásurāḥ sunīthāḥ sumṛlīkāḥ svávāṃ yātv arvān |  
1.035.10c apasédhan rakṣáso yātudhānān ásthād deváh pratidośāṃ gṛṇānāḥ ||  
1.035.11a yé te pánthāḥ savitaḥ pūrvyāso 'reṇávaḥ súkṛtā antárikṣe |  
1.035.11c tébhir no adyá pathībhiḥ sugébhī rákṣā ca no ádhi ca brūhi deva ||

- 1.036.01a prá vo yahvám purūṇāṃ víśāṃ devayatīnām |  
1.036.01c agním sūktébhir vácobhir īmahe yāṃ sīm íd anyá īlate ||  
1.036.02a jánāso agním dadhire sahovīdham havísmanto vidhema te |  
1.036.02c sá tvām no adyá sumánā ihávitā bhávā vájeṣu santya ||  
1.036.03a prá tvā dūtām vṛṇīmahe hótāram víśvávedasam |  
1.036.03c mahás te sató ví caranty arcáyo diví sprśanti bhānávaḥ ||  
1.036.04a devāsas tvā váruṇo mitró aryamā sám dūtām pratnám indhate |  
1.036.04c vísvam só agne jayati tváyā dhánaṃ yás te dadāśa mártyaḥ ||  
1.036.05a mandró hótā gṛhāpatir ágne dūtó víśām asi |  
1.036.05c tvé vísvā sámgatāni vratā dhruvā yāni devá ákṛṇvata ||  
1.036.06a tvé íd agne subháge yaviṣṭhya vísvam á hūyate havīḥ |  
1.036.06c sá tvām no adyá sumánā utápará yáksi devān suvīryā ||  
1.036.07a tám ghem itthā namasvīna úpa svarājam āsate |  
1.036.07c hótrābhir agním mánuṣaḥ sám indhate titirvāṃso áti srídhaḥ ||  
1.036.08a ghnánto vṛtrám ataran ródasī apá urú kṣáyāya cakrire |  
1.036.08c bhúvat káñve víśā dyumny áhutaḥ krándad ásvo gáviṣṭiṣu ||  
1.036.09a sám sīdasva mahāṃ asi sócasva devavītamāḥ |  
1.036.09c ví dhūmám agne aruśám miyedhya srjá praśasta darśatám ||  
1.036.10a yām tvā devāso mánave dadhúr ihá yájiṣṭham havyvāhana |  
1.036.10c vām káñvo médhvātībhir dhanasṛtām vām víśā vām unastutāḥ ||

1.036.10c yañi kañvo medhyatim ghanaspitam yañi viṣa yañi upastutam ||  
 1.036.11a yám agním médhyātithiḥ kañva īdhá ṛtād ádhi |  
 1.036.11c tásya prešo dīdiyus tám imā ṛcas tám agním vardhayāmasi ||  
 1.036.12a rāyás pūrdhi svadhāvó 'sti hí té 'gne devéṣv ápyam |  
 1.036.12c tvám vājasya śrútyasya rājasi sá no mṛḷa mahám̃ asi ||  
 1.036.13a ūrdhvá ū śú ṇa ūtáye tīṣṭhā devó ná savitā |  
 1.036.13c ūrdhvó vājasya sánitā yád añjībhir vāghádbhir vihváyāmahe ||  
 1.036.14a ūrdhvó naḥ pāhy ámhaso ní ketúnā víśvaṃ sám atrīṇaṃ daha |  
 1.036.14c kṛdhí na ūrdhvāñ caráthāya jīvāse vidá devéṣu no dúvaḥ ||  
 1.036.15a pāhí no agne rakśásaḥ pāhí dhūrtér árāvṇaḥ |  
 1.036.15c pāhí rīṣata utá vā jíghāmsato bṛhadbhāno yáviṣṭhya ||  
 1.036.16a ghanéva víśvag ví jahy árāvṇas tápurjambha yó asmadrúk |  
 1.036.16c yó mártyaḥ śísíte áty aktúbhir má naḥ sá ripúr īsata ||  
 1.036.17a agnír vavne suvīryam agníḥ kañvāya saúbhagam |  
 1.036.17c agníḥ právan mitrótá médhyātithim agníḥ sātā upastutam ||  
 1.036.18a agnínā turvásaṃ yádum parāváta ugrādevaṃ havāmahe |  
 1.036.18c agnír nayan návavāstvam bṛhadrathaṃ turvītiṃ dásyave sáhaḥ ||  
 1.036.19a ní tvám agne mánur dadhe jyótir jánāya śásvate |  
 1.036.19c dīdétha kañva ṛtájāta ukṣitó yaṃ namasyānti kṛṣṭáyaḥ ||  
 1.036.20a tveṣāso agnér ámavanto arcáyo bhīmāso ná prátitaye |  
 1.036.20c rakśasvínāḥ sádám íd yātumāvato víśvaṃ sám atrīṇaṃ daha ||

1.037.01a krīlám vaḥ śárdho márutam anarvāṇaṃ ratheśúbham |  
 1.037.01c kañvā abhí prá gāyata ||  
 1.037.02a yé pṛṣatībhir ṛṣṭībhiḥ sākám vāśībhir añjībhiḥ |  
 1.037.02c ájāyanta svábhānavaḥ ||  
 1.037.03a ihéva śṛṇva eṣāṃ kásā hásteṣu yád vādān |  
 1.037.03c ní yāmañ citrám ṛñjate ||  
 1.037.04a prá vaḥ śárdhāya ghṛṣvaye tveṣádyumnāya śuṣmīṇe |  
 1.037.04c deváttam bráhma gāyata ||  
 1.037.05a prá śamsā góṣv ághnyaṃ krīlám yác chárdho márutam |  
 1.037.05c jámbhe rásasya vāvṛdhe ||  
 1.037.06a kó vo vārṣiṣṭha á naro divás ca gmás ca dhūtayaḥ |  
 1.037.06c yát sīm ántaṃ ná dhūnuthá ||  
 1.037.07a ní vo yāmāya mánuṣo dadhrá ugrāya manyáve |  
 1.037.07c jíhīta párvato girīḥ ||  
 1.037.08a yéṣāṃ ájmeṣu pṛthiví jujurvāṃ̃ iva víspátīḥ |  
 1.037.08c bhiyá yámeṣu réjate ||  
 1.037.09a sthirám hí jánam eṣāṃ váyo mātúr níretave |  
 1.037.09c yát sīm ánu dvitā śávaḥ ||  
 1.037.10a úd u tyé sūnávo gíraḥ káṣṭhā ájmeṣv atnata |  
 1.037.10c vāśrá abhijñú yátave ||  
 1.037.11a tyám cid ghā dírgám pṛthúm mihó nápatam ámr̥dhram |  
 1.037.11c prá cyāvayanti yāmabhiḥ ||

1.037.12a māruto yád dha vo bālaṃ jānāṃ acucyavītana |  
1.037.12c girīṃr acucyavītana ||  
1.037.13a yád dha yānti marútaḥ sám ha bruvaté 'dhvann á |  
1.037.13c śṛṇóti kás cid eṣāṃ ||  
1.037.14a prá yāta śībham āsúbhiḥ sánti kaṇveṣu vo dúvaḥ |  
1.037.14c tátro śú mādayādhvai ||  
1.037.15a ásti hí śmā mādāya vaḥ smási śmā vayám eṣāṃ |  
1.037.15c vísvaṃ cid áyur jīváse ||

1.038.01a kád dha nūnāṃ kadhapriyaḥ pitā putráṃ ná hástayoḥ |  
1.038.01c dadhidhvé vṛktabarhiṣaḥ ||  
1.038.02a kvà nūnāṃ kád vo árthaṃ gántā divó ná pṛthivyāḥ |  
1.038.02c kvà vo gāvo ná raṇyanti ||  
1.038.03a kvà vaḥ sumná návyāṃsi mārutaḥ kvà suvitā |  
1.038.03c kvò vísvāni saúbhagā ||  
1.038.04a yád yūyám pṛśnimātaro mártāsaḥ syātana |  
1.038.04c stotā vo amṛtaḥ syāt ||  
1.038.05a má vo mṛgó ná yāvase jaritā bhūd ájoṣyaḥ |  
1.038.05c pathā yamásyā gād úpa ||  
1.038.06a mó śú ṇaḥ pára-parā níṛṛtir durháṇā vadhīt |  
1.038.06c padīṣṭá tṛṣṇayā sahá ||  
1.038.07a satyāṃ tveṣā ámavanto dhánvañ cid á rudrīyāsaḥ |  
1.038.07c míhaṃ kṛṇvanty avātām ||  
1.038.08a vāsréva vidyún mimāti vatsāṃ ná mātā siṣakti |  
1.038.08c yád eṣāṃ vṛṣṭír ásarji ||  
1.038.09a dívā cit támaḥ kṛṇvanti parjányenodavāhéna |  
1.038.09c yát pṛthivīm vyundánti ||  
1.038.10a ádha svanān marútāṃ vísvam á sádma pāṛthivam |  
1.038.10c árejanta prá mānuṣāḥ ||  
1.038.11a māruto vīlupāñibhiś citrá ródhasvatīr ánu |  
1.038.11c yātém ákhidrayāmabhiḥ ||  
1.038.12a sthirā vaḥ santu nemáyo ráthā ásvāsa eṣāṃ |  
1.038.12c súsaṃskṛtā abhíśavaḥ ||  
1.038.13a áchā vadā tánā girá jaráyai bráhmaṇas pátim |  
1.038.13c agním mitráṃ ná darśatām ||  
1.038.14a mimīhí ślókam āsyè parjánya iva tatanāḥ |  
1.038.14c gāya gāyatrām ukthyām ||  
1.038.15a vándasva mārutaṃ gaṇāṃ tveṣāṃ panasyúm arkīṇam |  
1.038.15c asmé vṛddhá asann ihá ||

1.039.01a prá yád itthā parāvataḥ śocír ná mānam ásyatha |  
1.039.01c kásya krátvā marutaḥ kásya várpasā kām yātha kām ha dhūtayaḥ ||  
1.039.02a sthirā vah santv ávudhā parānúde vīlú utá pratiskábhe |

1.039.02c yuṣmākam astu táviṣī páníyasī má mártasya māyínaḥ ||  
 1.039.03a párā ha yát sthirám hathá náro vartáyathā gurú |  
 1.039.03c ví yāthana vanínaḥ pṛthivyā vy áśāḥ párvatānām ||  
 1.039.04a nahí vaḥ śátrur vividé ádhi dyávi ná bhúmýam riśádasah |  
 1.039.04c yuṣmākam astu táviṣī tánā yujá rúdrāso nú cid ádhṛṣe ||  
 1.039.05a prá vepayanti párvatān ví viñcanti vánaspátīn |  
 1.039.05c pró ārata maruto durmádā iva dévāsaḥ sárveyā viśá ||  
 1.039.06a úpo rátheṣu pṛṣatīr ayugdhvam práṣṭīr vahati róhitaḥ |  
 1.039.06c á vo yāmāya pṛthivī cid áśrod ábībhayanta mánuṣāḥ ||  
 1.039.07a á vo makṣú tánāya kám rúdrā ávo vṛṇīmahe |  
 1.039.07c gántā nūnám nó 'vasā yáthā puréthá káṇvāya bibhyúṣe ||  
 1.039.08a yuṣmēṣito maruto mártyeṣita á yó no ábhva íṣate |  
 1.039.08c ví tám yuyota śávasā vy ójasā ví yuṣmākābhir útíbhīḥ ||  
 1.039.09a ásāmi hí prayajyavaḥ káṇvam dadá pracetasah |  
 1.039.09c ásāmibhir maruta á na útíbhīr gántā vṛṣṭīm ná vidyútaḥ ||  
 1.039.10a ásāmy ójo bibhṛthā sudānavó 'sāmi dhūtayaḥ śávaḥ |  
 1.039.10c ṛṣidvíṣe marutaḥ parimanyáva iṣum ná srjata dvíṣam ||

1.040.01a út tiṣṭha brahmaṇas pate devayántas tvemahe |  
 1.040.01c úpa prá yantu marútaḥ sudānava índra práśūr bhavā sácā ||  
 1.040.02a tvām íd dhí sahasas putra mártya upabrúte dháne hité |  
 1.040.02c suvīryam maruta á svásvyaṃ dádhīta yó va ācaké ||  
 1.040.03a práitu bráhmaṇas pátiḥ prá devy ètu sūnṛtā |  
 1.040.03c áchā vīrám náryam pañktírādhasam devā yajñám nayantu naḥ ||  
 1.040.04a yó vāgháte dádāti sūnáram vásu sá dhatte ákṣiti śrávaḥ |  
 1.040.04c tásmā ílām suvīrām á yajāmahe suprátūrtim anehásam ||  
 1.040.05a prá nūnám bráhmaṇas pátir mántram vadaty ukthyām |  
 1.040.05c yásminn índro váruṇo mitró aryamá devā ókāṃsi cakriré ||  
 1.040.06a tám íd vocemā vidátheṣu śambhúvam mántram devā anehásam |  
 1.040.06c imám ca vācam pratiháryathā naro víśvéd vāmá vo ásnavat ||  
 1.040.07a kó devayántam ásnavaj jánam kó vṛktábarhiṣam |  
 1.040.07c prá-pra dāsvān pastyābhir asthitāntarvāvat kṣáyam dadhe ||  
 1.040.08a úpa kṣatráṃ pṛñcītá hánti rájabhir bhayé cit suksítīm dadhe |  
 1.040.08c nāsya vartá ná tarutá mahādhané nárbhe asti vajrínaḥ ||

1.041.01a yám rákṣanti prácetaso váruṇo mitró aryamá |  
 1.041.01c nú cit sá dabhyate jánaḥ ||  
 1.041.02a yám bāhúteva píprati pānti mártyaṃ riśāḥ |  
 1.041.02c áriṣṭaḥ sárva edhate ||  
 1.041.03a ví durgá ví dvíṣaḥ puró ghnánti rájāna eṣām |  
 1.041.03c náyanti duritá tirāḥ ||  
 1.041.04a sugāḥ pánthā anṛkṣará ádityāsa ṛtám yaté |  
 1.041.04c nátrāvabhádó asti vah ||



1.041.04c nauavaknaco asu vaṃ ||  
1.041.05a yám yajñám náyathā nara ádityā rjúnā pathā |  
1.041.05c prá vaḥ sá dhítáye naśat ||  
1.041.06a sá rátnam márttyo vásu vísvaṃ tokám utá tmánā |  
1.041.06c áchā gachaty ástrtaḥ ||  
1.041.07a kathā rādhāma sakhāya stómam mitrásyāryamñāḥ |  
1.041.07c máhi psáro váruṇasya ||  
1.041.08a má vo ghnántam má śápantam práti voce devayántam |  
1.041.08c sumnaír íd va á vivāse ||  
1.041.09a catúraś cid dádamānād bibhīyād á nídhātoḥ |  
1.041.09c ná duruktáya sprḥayet ||

1.042.01a sám pūṣann ádhvanas tira vy áṃho vimuco napāt |  
1.042.01c sákṣvā deva prá ṇas puráh ||  
1.042.02a yó naḥ pūṣann aghó vṛko duḥśéva ádídeśati |  
1.042.02c ápa sma tám pathó jahi ||  
1.042.03a ápa tyám paripanthínam muṣṭivāṇaṃ huraścítam |  
1.042.03c dūrám ádhi srutér aja ||  
1.042.04a tvám tásyā dvayāvino 'gháśamsasya kásya cit |  
1.042.04c padābhí tiṣṭha tápuṣim ||  
1.042.05a á tát te dasra mantumaḥ pūṣann ávo vṛṇīmahe |  
1.042.05c yéna pitṛn ácodayaḥ ||  
1.042.06a ádhā no vísvasaubhaga híraṇyavāśīmattama |  
1.042.06c dhánāni suśāṇā kṛdhi ||  
1.042.07a áti naḥ saścáto naya sugā naḥ supáthā kṛṇu |  
1.042.07c pūṣann ihá krátuṃ vidaḥ ||  
1.042.08a abhí sūyávasaṃ naya ná navajvāro ádhvane |  
1.042.08c pūṣann ihá krátuṃ vidaḥ ||  
1.042.09a śagdhí pūrdhí prá yaṃsi ca śíśihí práśy udáram |  
1.042.09c pūṣann ihá krátuṃ vidaḥ ||  
1.042.10a ná pūśānam methāmasi sūktaír abhí gṛṇīmasi |  
1.042.10c vásūni dasmám īmahe ||

1.043.01a kád rudráya prácetase mīlhúṣṭamāya távyase |  
1.043.01c vocéma śámtamaṃ hṛdé ||  
1.043.02a yáthā no áditiḥ kárat pásve nṛbhyo yáthā gáve |  
1.043.02c yáthā tokāya rudríyam ||  
1.043.03a yáthā no mitró váruṇo yáthā rudrás cíketati |  
1.043.03c yáthā víśve sajośasaḥ ||  
1.043.04a gāthápatim medhápatim rudráṃ jálāśabheśajam |  
1.043.04c tác chaṃyóḥ sumnám īmahe ||  
1.043.05a yáh śukrá iva sūryo híraṇyam iva rócate |  
1.043.05c śréṣṭho devānām vásuḥ ||

1.043.06a śám naḥ karaty árvate sugám meṣāya meṣyè |  
1.043.06c nṛ̥bhyo nāribhyo gáve ||  
1.043.07a asmé soma śríyam ádhi ní dhehi śatásya nṛ̥ṇām |  
1.043.07c máhi śrávas tuvinṛ̥mṇām ||  
1.043.08a má naḥ somaparibádho mārātayo juhuranta |  
1.043.08c á na indo vāje bhaja ||  
1.043.09a yās te prajā amṛ̥tasya párasmin dhāmān ṛ̥tásya |  
1.043.09c mūrdhá nābhā soma vena ābhūṣantūḥ soma vedaḥ ||

1.044.01a ágne vívasvad uśásāś citráṃ rādho amartya |  
1.044.01c á dāsúṣe jātavedo vahā tvām adyā devāṃ ũṣarbúdhāḥ ||  
1.044.02a júṣto hí dūtó ási havyvāhanó 'gne rathír adhvarāṇām |  
1.044.02c sajūr asvībhyām uśásā suvīryam asmé dhehi śrávo bṛ̥hát ||  
1.044.03a adyā dūtām vṛ̥ṇīmahe vásum agnīm purupriyām |  
1.044.03c dhūmáketum bhār̥jikaṃ vyóṣṭiṣu yajñānām adhvaraśríyam ||  
1.044.04a śréṣṭham yáviṣṭham átithim svāhutam júṣtam jánāya dāsúṣe |  
1.044.04c devāṃ áchā yātave jātávedasam agnīm ũle vyóṣṭiṣu ||  
1.044.05a stavīsyāmi tvām ahām vísvasyāmṛ̥ta bhojana |  
1.044.05c ágne trātāram amṛ̥tam miyedhya yájiṣṭham havyvāhana ||  
1.044.06a suśámso bodhi gr̥naté yaviṣṭhya mádhujihvaḥ svāhutaḥ |  
1.044.06c práskaṇvasya pratiránn áyur jīvāse namasyā daívyam jánam ||  
1.044.07a hótāram vísvávedasam sám hí tvā vísa indháte |  
1.044.07c sá á vaha puruhūta prácetasó 'gne devāṃ ihá dravát ||  
1.044.08a savitāram uśásam asvínā bhágam agnīm vyóṣṭiṣu kṣápaḥ |  
1.044.08c kánvāsas tvā sutásomāsa indhate havyvāham svadhvara ||  
1.044.09a pátir hy ādhvarāṇām ágne dūtó viśám ási |  
1.044.09c ũṣarbúdhā á vaha sómapītaye devāṃ adyā svardṛ̥śaḥ ||  
1.044.10a ágne pūrvā ánūśáso vibhāvaso dīdētha vísvádarśataḥ |  
1.044.10c ási grāmeṣv avitā puróhitó 'si yajñéṣu mánuṣaḥ ||  
1.044.11a ní tvā yajñásya sādhanam ágne hótāram ṛ̥tvíjam |  
1.044.11c manuṣvād deva dhīmahi prácetasam jīram dūtām ámartyam ||  
1.044.12a yád devānām mitramahaḥ puróhitó 'ntaro yási dūtyām |  
1.044.12c síndhor iva prásvanitāsa ũrmáyo 'gnér bhrājante arcáyaḥ ||  
1.044.13a śrudhí śrutkarṇa váhnibhir devaír agne sayāvabhiḥ |  
1.044.13c á sídantu barhīsi mitró aryamā prātaryāvāṇo adhvarām ||  
1.044.14a śṛ̥ṇvāntu stómam marútaḥ sudānavo 'gnijihvá ṛ̥tāvídhaḥ |  
1.044.14c píbatu sómam váruṇo dhṛ̥tāvṛato 'svībhyām uśásā sajūḥ ||

1.045.01a tvām agne vásūṃr ihá rudrāṃ adityāṃ utá |  
1.045.01c yájā svadhvarām jánam mánujātam ghr̥taprúṣam ||  
1.045.02a śruṣṭivāno hí dāsúṣe devā agne vícetasāḥ |  
1.045.02c tán rohidaśva girvaṇas tráyastrimśatam á vaha ||

1.045.03a priyamedhavád atriváj játavedo virūpavát |  
 1.045.03c aṅgirasván mahivrata práskaṇvasya śrudhī hávam ||  
 1.045.04a máhikerava ūtáye priyámedhā ahūṣata |  
 1.045.04c rájantam adhvarāṇām agníṃ śukréṇa śociṣā ||  
 1.045.05a ghṛtāhavana santyemá u śú śrudhī girāḥ |  
 1.045.05c yābhiḥ káṇvasya sūnávo hávanté 'vase tvā ||  
 1.045.06a tvāṃ citraśravastama hávante vikṣú jantávaḥ |  
 1.045.06c śociṣkeśam purupriyāgne havýāya vólhave ||  
 1.045.07a ní tvā hótāram ṛtvíjaṃ dadhiré vasuvíttamam |  
 1.045.07c śrútkarṇaṃ sapráthastamaṃ víprā agne dívīṣṭiṣu ||  
 1.045.08a á tvā víprā acucyavuḥ sutásomā abhí práyaḥ |  
 1.045.08c bṛhád bhá bíbhrato havír ágne mártāya dāsúṣe ||  
 1.045.09a prātaryāvṇaḥ sahaskrta somapéyāya santya |  
 1.045.09c ihādyá daívyam jánam barhír á sādāyā vaso ||  
 1.045.10a arvāñcaṃ daívyam jánam ágne yákṣva sáhūtibhiḥ |  
 1.045.10c ayāṃ sómaḥ sudānavas tám pāta tiróahnyam ||

1.046.01a eṣó uṣá ápūrvyā vy ūchati priyā diváh |  
 1.046.01c stuṣé vām aśvinā bṛhát ||  
 1.046.02a yá dasrá síndhumātarā manotárā rayīṇām |  
 1.046.02c dhiyá devá vasuvídā ||  
 1.046.03a vacyānte vām kakuháso jūrṇāyām ádhi viṣṭápi |  
 1.046.03c yád vām rátho víbhiḥ pátāt ||  
 1.046.04a havīṣā jāró apām píparti pápurir narā |  
 1.046.04c pitá kúṭasya carṣaṇīḥ ||  
 1.046.05a ādāro vām matīnām násatyā matavacasā |  
 1.046.05c pātām sómasya dhrṣṇuyá ||  
 1.046.06a yá ṇaḥ píparad aśvinā jyótiṣmatī támas tiráh |  
 1.046.06c tám asmé rāsāthām íṣam ||  
 1.046.07a á no nāvā matīnām yátām pārāya gántave |  
 1.046.07c yuñjāthām aśvinā rátham ||  
 1.046.08a arítram vām divás pṛthú tīrthé síndhūnām ráthaḥ |  
 1.046.08c dhiyá yuyujra índavaḥ ||  
 1.046.09a divás kaṇvāsa índavo vásu síndhūnām padé |  
 1.046.09c svām vavríṃ kúha dhitsathaḥ ||  
 1.046.10a ábhūd u bhá u aṃśáve híraṇyam práti sūryaḥ |  
 1.046.10c vy àkhyaj jihváyāsitaḥ ||  
 1.046.11a ábhūd u pāram étave pánthā ṛtāsya sādhuýā |  
 1.046.11c ádarśi ví srutír diváh ||  
 1.046.12a tát-tad íd aśvínor ávo jaritá práti bhūṣati |  
 1.046.12c máde sómasya pípratoḥ ||  
 1.046.13a vāvasānā vivásvati sómasya pītyá girá |  
 1.046.13c manuṣvác chambhū á gatam ||  
 1.046.14a vuvór usá ánu śrívam páriimanor upácarat |

- 1.046.14c ṛtā vanatho aktúbhiḥ ||  
1.046.15a ubhā pibatam aśvinobhā naḥ śárma yachatam |  
1.046.15c avidriyābhir ūtíbhīḥ ||
- 1.047.01a ayám vām mádhumattamaḥ sutáḥ sóma ṛtāvṛdhā |  
1.047.01c tám aśvinā pibatam tiróahnyam dhattám rátnāni dāsúṣe ||  
1.047.02a trivandhurēṇa trivṛtā supésasā ráthenā yātam aśvinā |  
1.047.02c káṇvāso vām bráhma kṛṇvanty adhvaré téśam sú śṛṇutam hávam ||  
1.047.03a aśvinā mádhumattamam pátam sómam ṛtāvṛdhā |  
1.047.03c áthādyá dasrā vāsu bíbhratā ráthe dāśvāṃsam úpa gachatam ||  
1.047.04a triśadhasthé barhíṣi viśvavedasā mádhvā yajñám mimikṣatam |  
1.047.04c káṇvāso vām sutásomā abhídyavo yuvám havante aśvinā ||  
1.047.05a yābhiḥ káṇvam abhíṣṭibhiḥ právatam yuvám aśvinā |  
1.047.05c tábhiḥ ṣv àsmāṃ avatam śubhas patī pátam sómam ṛtāvṛdhā ||  
1.047.06a sudāse dasrā vāsu bíbhratā ráthe pṛkṣo vahatam aśvinā |  
1.047.06c rayīm samudrād utá vā divás páry asmé dhattam puruspr̥ham ||  
1.047.07a yán nāsatyā parāvátī yád vā sthó ádhi turváse |  
1.047.07c áto ráthena suvṛtā na á gatam sākám sūryasya raśmíbhīḥ ||  
1.047.08a arvāncā vām sáptayo 'dhvaraśríyo váhantu sávanéd úpa |  
1.047.08c ísam pṛñcántā sukṛte sudánava á barhíḥ sīdatam narā ||  
1.047.09a téna nāsatyā gatam ráthena sūryatvacā |  
1.047.09c yéna śásvad ūhátur dāsúṣe vāsu mádhvaḥ sómasya pītáye ||  
1.047.10a ukthébhīr arvág ávase purūvāsū arkaís ca ní hvayāmahe |  
1.047.10c śásvat káṇvānām sádasi priyé hí kam sómam papáthur aśvinā ||
- 1.048.01a sahá vāména na uṣo vy ūchā duhitar divaḥ |  
1.048.01c sahá dyumnéna bṛhatā vibhāvari rāyā devi dāsvatī ||  
1.048.02a aśvāvatīr gómātīr viśvasuvído bhūri cyavanta vástave |  
1.048.02c úd īraya práti mā sūnṛtā uśás códa rádho maghónām ||  
1.048.03a uvāsoṣā uchác ca nú deví jīrā ráthānām |  
1.048.03c yé asyā ācáraṇeṣu dadhriré samudré ná śravasyávaḥ ||  
1.048.04a uṣo yé te prá yāmeṣu yuñjáte máno dānāya sūrāyaḥ |  
1.048.04c átrāha tát káṇva eṣām káṇvatamo náma gṛṇāti nṛṇām ||  
1.048.05a á ghā yóseva sūnāry uśá yāti prabhuñjatī |  
1.048.05c jaráyantī víjanam padvād īyata út pātayati pakṣíṇaḥ ||  
1.048.06a ví yá srjāti sámanam vy àrthínaḥ padám ná vety ódatī |  
1.048.06c váyo nákiṣ te paptivāṃsa āsate vyóṣtau vājīnīvati ||  
1.048.07a eṣāyukta parāvataḥ sūryasyodáyanād ádhi |  
1.048.07c śatám ráthebhiḥ subhāgoṣā iyám ví yāty abhí mānuṣān ||  
1.048.08a vísvam asyā nānāma cākṣase jágaj jyótiṣ kṛṇoti sūnārī |  
1.048.08c ápa dvéšo maghónī duhitā divá uśá uchad ápa srídhaḥ ||  
1.048.09a uśa á bhāhi bhānúnā candreṇa duhitar divaḥ |  
1.048.09c āvāhantī bhūry asmábhvam saúbhagam vyuchāntī dívistisu ||

1.048.09c avananti bhūy asmanbhyaṃ sadbhagaṃ vyuchanti diviṣṭu ||  
 1.048.10a vísvasya hí prāṇanam jīvanam tvé ví yád uchási sūnari |  
 1.048.10c sã no ráthena bṛhatā vibhāvāri śrudhí citrāmaghe hávam ||  
 1.048.11a úšo vājam hí vámsva yás citró mānuṣe jáne |  
 1.048.11c ténā vaha sukṛto adhvarāṃ úpa yé tvā grṇānti váhnayaḥ ||  
 1.048.12a vísvān devāṃ á vaha sómapītaye 'ntárikṣād uṣas tvám |  
 1.048.12c sāsmāsu dhā gómad áśvāvad ukthyām úšo vājam suvīryam ||  
 1.048.13a yásyā rúsanto arcáyaḥ práti bhadrá ádrkṣata |  
 1.048.13c sã no rayīm vísvāvāram supéśasam uṣá dadātu súgmyam ||  
 1.048.14a yé cid dhí tvám řṣayaḥ pūrva útāye juhūré 'vase mahi |  
 1.048.14c sã na stómāṃ abhí grṇīhi rádhasóṣaḥ śukreṇa śociśā ||  
 1.048.15a úšo yád adyá bhānúnā ví dvārāv ṛnávo divāḥ |  
 1.048.15c prá no yachatād avṛkám pṛthú chardīḥ prá devi gómatīr řṣaḥ ||  
 1.048.16a sám no rāyā bṛhatā vísvápeśasā mimikṣvā sám řābhir á |  
 1.048.16c sám dyumnéna vísvatúroṣo mahi sám vājair vājinīvati ||

1.049.01a úšo bhadrébhir á gahi divás cid rocanād ádhi |  
 1.049.01c vāhantv aruṇápsava úpa tvā somíno grhám ||  
 1.049.02a supéśasam sukhám rátham yám adhyásthā uṣas tvám |  
 1.049.02c ténā suśrávasam jánam právādyá duhitar divaḥ ||  
 1.049.03a váyaś cit te patatrīṇo dvipác cátuṣpad arjuni |  
 1.049.03c úṣaḥ práranam řtūṃr ánu divó ántebhyas pári ||  
 1.049.04a vyuchánti hí raśmībhir vísvam ābhāsi rocanám |  
 1.049.04c tām tvám uṣar vasūyávo gīrbhīḥ káṇvā ahūṣata ||

1.050.01a úd u tyám jātávedasam devám vahanti ketávaḥ |  
 1.050.01c drśé vísvāya sūryam ||  
 1.050.02a ápa tyé tāyávo yathā náḁṣatrā yanty aktúbhiḥ |  
 1.050.02c sūrāya vísvácakṣase ||  
 1.050.03a ádrśram asya ketávo ví raśmāyo jánāṃ ánu |  
 1.050.03c bhrājanto agnáyo yathā ||  
 1.050.04a tarāṇir vísvádarśato jyotiṣkṛd asi sūrya |  
 1.050.04c vísvam á bhāsi rocanám ||  
 1.050.05a pratyāñ devānām vísaḥ pratyāññ úd eṣi mānuṣān |  
 1.050.05c pratyāñ vísvam svār drśé ||  
 1.050.06a yénā pāvaka cákṣasā bhuranyántam jánāṃ ánu |  
 1.050.06c tvám varuṇa páśyasi ||  
 1.050.07a ví dyām eṣi rájas pṛthv áhā mímāno aktúbhiḥ |  
 1.050.07c páśyañ jánmāni sūrya ||  
 1.050.08a saptá tvā haríto ráthe vāhanti deva sūrya |  
 1.050.08c śociśkeśam vicakṣaṇa ||  
 1.050.09a áyukta saptá śundhyúvaḥ sūro ráthasya napyāḥ |  
 1.050.09c tábhir yāti sváyuktibhiḥ ||

1.050.10a úd vayám támasas pári jyótiṣ páśyanta úttaram |  
1.050.10c devám devatrā sūryam áganma jyótir uttamám ||  
1.050.11a udyám adyá mitramaha āróhann úttarām dívam |  
1.050.11c hṛdrogám máma sūrya harimāṇam ca nāśaya ||  
1.050.12a śúkeṣu me harimāṇam ropañákāsu dadhmasi |  
1.050.12c átho hāridravéṣu me harimāṇam ní dadhmasi ||  
1.050.13a úd agād ayám ādityó víśvena sāhasā sahá |  
1.050.13c dviṣántam máhyam randháyan mó ahám dviṣaté radham ||

1.051.01a abhí tyám meṣám puruhūtám ṛgmíyam índram gīrbhír madatā vásvo arṇavám |  
1.051.01c yásya dyāvo ná vicáranti mánuṣā bhujé máṃhiṣṭham abhí vípram arcata ||  
1.051.02a abhím avanvan svabhiṣṭím ūtáyo 'ntariksaprám táviṣibhir ávṛtam |  
1.051.02c índram dáksāsa ṛbhávo madacyútam śatákratuṃ jávanī sūnṛtāruhat ||  
1.051.03a tvám gotrám ángirobhyo 'vṛṇor ápotátraye śatádureṣu gātuvít |  
1.051.03c saséna cid vimadáyāvaho vásv ājāv ádriṃ vāvasānāsya nartáyan ||  
1.051.04a tvám apám apidhānāvṛṇor ápādhārayaḥ párvate dānumad vásu |  
1.051.04c vṛtrám yád indra śávasāvadhír áhim ád ít sūryam divy árohayo dṛśé ||  
1.051.05a tvám māyābhir ápa māyíno 'dhamah svadhābhir yé ádhi súptāv ájuhvata |  
1.051.05c tvám pípror nṛmaṇaḥ prārujaḥ púraḥ prá ṛjísvánam dasyuhátješv āvitha ||  
1.051.06a tvám kútsam śuṣṇahátješv āvithārandhaya 'tithigvāya sámbaram |  
1.051.06c mahántam cid arbudám ní kramīḥ padá sanād evá dasyuhátyāya jajñise ||  
1.051.07a tvé víśvā táviṣi sadhryàg ghitā táva rádhaḥ somapīthāya harṣate |  
1.051.07c táva vājraś cikite bāhvór hitó vṛścā śátror áva víśvāni vṛṣṇyā ||  
1.051.08a ví jānīhy áryān yé ca dásyavo barhiṣmate randhayā śásad avratān |  
1.051.08c śákī bhava yájamānasya coditā víśvét tá te sadhamādeṣu cākana ||  
1.051.09a ánuvratāya randháyan apavratān ābhūbhir índraḥ śnatháyann ánābhavaḥ |  
1.051.09c vṛddhāsya cid vārdhato dyām ínakṣata stāvāno vamró ví jaghāna samdíhaḥ ||  
1.051.10a tákṣad yát ta usánā sāhasā sāho ví ródasī majmánā bādhate śávaḥ |  
1.051.10c á tvā vātasya nṛmaṇo manoyúja á pūryamāṇam avahann abhí śrávaḥ ||  
1.051.11a mándiṣṭa yád usáne kāvyé sácāṃ índro vaṅkú vaṅkutárādhi tiṣṭhati |  
1.051.11c ugró yayím nír apáh srótasāsrjad ví śuṣṇasya dṛṃhitā airayat púraḥ ||  
1.051.12a á smā rátham vṛṣapāṇeṣu tiṣṭhasi śāryátāsya prābhṛtā yéṣu mándase |  
1.051.12c índra yáthā sutásomeṣu cākāno 'narvāṇam ślókam á rohase diví ||  
1.051.13a ádadā árbhām mahaté vacasyáve kakṣívate vṛcayám indra sunvaté |  
1.051.13c ménābhavo vṛṣaṇaśvāsya sukrato víśvét tá te sávaneṣu pravācyā ||  
1.051.14a índro ásrāyi sudhyò nireké pajréṣu stómo dúryo ná yūpaḥ |  
1.051.14c ásvayúr gavyú rathayúr vasūyúr índra íd rāyāḥ kṣayati prayantā ||  
1.051.15a idám námo vṛṣabhāya svarāje satyásuṣmāya taváse 'vāci |  
1.051.15c asmínn indra vṛjáne sáravīrāḥ smát sūrībhis táva śárman syāma ||

1.052.01a tyám sú meṣám mahayā svarvídaṃ śatám yásya subhvāḥ sākám írate |

1.052.01c átyaṃ ná vājaṃ havanasyádaṃ rátham éndraṃ vavṛtyāṃ ávase suvṛktībhiḥ ||  
 1.052.02a sá párvato ná dharúṇeṣv ácyutaḥ sahásramūtis táviṣīṣu vāvṛdhe |  
 1.052.02c índro yád vṛtrám ávadhīn nadīvṛtam ubjánn árṇāmsi járhṛṣāṇo ándhasā ||  
 1.052.03a sá hí dvaró dvarīṣu vavrá ūdhani candrábudhno mádavṛddho manīṣibhiḥ |  
 1.052.03c índraṃ tám ahve svapasyáyā dhiyá máṃhiṣṭharātim sá hí páprir ándhasaḥ ||  
 1.052.04a á yám pṛṇānti diví sádmabarhiṣaḥ samudráṃ ná subhvāḥ svā abhiṣṭayaḥ |  
 1.052.04c tám vṛtrahátye ánu tasthur ūtáyaḥ súṣmā índram avatá áhrutapsavaḥ ||  
 1.052.05a abhí svāvṛṣṭim máde asya yúdyato raghvīr iva pravaṇé sasrur ūtáyaḥ |  
 1.052.05c índro yád vajrī dhṛṣámāṇo ándhasā bhinád valásya paridhīm̐r iva tritáḥ ||  
 1.052.06a párim̐ ghṛṇā carati titviṣé sávo 'pó vṛtvī rájaso budhnám āśayat |  
 1.052.06c vṛtrásya yát pravaṇé durgībhiṣvano nijaghántha hánvor indra tanyatúm ||  
 1.052.07a hradám ná hí tvā nyṛsánty ūrmáyo bráhmāṇíndra táva yáni várdhanā |  
 1.052.07c tvástā cit te yújyaṃ vāvṛdhe sávas tatákṣa vājram abhíbhūtyojasam ||  
 1.052.08a jaghanvām̐ u háribhiḥ sambhṛtakratav índra vṛtrám mánuṣe gātuyānn apáh |  
 1.052.08c áyachathā bāhvór vājram āyasám ádhārayo divy á súryaṃ dṛśé ||  
 1.052.09a bṛhát svāścandram ámavad yád ukthyām̐ ákrṇvata bhiyásā róhaṇaṃ diváh |  
 1.052.09c yán mánuṣapradhanā índram ūtáyaḥ svār nṛśāco marúto 'madann ánu ||  
 1.052.10a dyaús cid asyámavām̐ áheḥ svanád áyoyavīd bhiyásā vāja indra te |  
 1.052.10c vṛtrásya yád badbadhánásya rodasī máde sutásya sávasābhinac chíraḥ ||  
 1.052.11a yád ín nv índra pṛthiví dásabhujir áhāni vísvā tatánanta kṛṣṭáyaḥ |  
 1.052.11c átrāha te maghavan vísrutaṃ sáho dyām̐ ánu sávasā barháṇā bhuvat ||  
 1.052.12a tvám asyá pāre rájaso vyòmanah svābhūtyojā ávase dhṛṣanmanah |  
 1.052.12c cakṛṣé bhūmim̐ pratimānam̐ ójaso 'páh svāḥ paribhūr eṣy á dívam̐ ||  
 1.052.13a tvám bhuvaḥ pratimānam̐ pṛthivyā ṛṣvāvīrasya bṛhatáḥ pátir bhūḥ |  
 1.052.13c vísvam̐ āprā antárikṣam̐ mahitvá satyám̐ addhá nákir anyás tvāvān ||  
 1.052.14a ná yásya dyāvāpṛthiví ánu vyáco ná síndhavo rájaso ántam̐ ānaśúḥ |  
 1.052.14c nóta svāvṛṣṭim máde asya yúdyata éko anyác cakṛṣe vísvam̐ ānuśák ||  
 1.052.15a árcann átra marútaḥ sásminn̐ ājaú víṣve devāso amadann ánu tvā |  
 1.052.15c vṛtrásya yád bhrṣṭimátā vadhéna ní tvám indra práty ānám̐ jaghántha ||

1.053.01a ny ū śú vácam̐ prá mahé bharāmahe gíra índrāya sádane vivásvataḥ |  
 1.053.01c nú cid dhí rátnaṃ sasatām̐ ivávidan ná duṣṭutír draviṇodéṣu śasyate ||  
 1.053.02a duró ásvasya durá indra gór asi duró yávasya vásuna inás pátiḥ |  
 1.053.02c śikṣānaráḥ pradívo ákāmakarśanaḥ sákhā sákhibhyas tám idám̐ grṇīmasi ||  
 1.053.03a śácīva indra purukrd̐ dyumattama távéd idám̐ abhítaś cekite vásu |  
 1.053.03c átaḥ samgrībhyābhibhūta á bhara má tvāyató jaritúḥ kāmam̐ ūnayīḥ ||  
 1.053.04a ebhír dyúbhiḥ sumánā ebhír índubhir nirundhānó ámatim̐ góbhir aśvínā |  
 1.053.04c índreṇa dásyuṃ daráyanta índubhir yutádveśasaḥ sám̐ iṣá rabhemahi ||  
 1.053.05a sám̐ indra ráyā sám̐ iṣá rabhemahi sám̐ vājebhiḥ puruścandraír abhídubhiḥ |  
 1.053.05c sám̐ devyā prámatyā vīrásuṣmayā góagrayáśvāvatyā rabhemahi ||  
 1.053.06a té tvā mádá amadan̐ táni vṛṣṇyā té sómāso vṛtrahátyeṣu satpate |  
 1.053.06c yát kārāve dása vṛtrāṇy apratí barhísmate ní sahásrāṇi barháyaḥ ||  
 1.053.07a yudhá yúdhama úpa ghéd eṣi dhṛṣṇuyā purá púram̐ sám̐ idám̐ haṃsy ójasa |  
 1.053.07c námvā yád indra sákhvā parāvátī nibarhávo námucim̐ náma mávīnam̐ ||

1.053.07c namya yau mra sakhya paravau moamayo namocem nama maymam ||  
 1.053.08a tvam karaanjam utā parṇāyaṃ vadhīs tējiṣṭhayātithigvāsya vartanī |  
 1.053.08c tvam śatā vānṛḍasyābhinat pūro 'nānudāḥ pāriṣūtā rjīśvanā ||  
 1.053.09a tvam etāñ janarājño dvīr dāsābandhūnā suśrāvasopajagmūṣaḥ |  
 1.053.09c ṣaṣṭim sahasrā navatim náva śrutó ní cakreṇa ráthyā duśpádāvṛṇak ||  
 1.053.10a tvam āvitha suśrāvasam távotībhis táva trāmabhir indra túrvayānam |  
 1.053.10c tvam asmai kútsam atithigvām āyúm mahé rájñe yúne arandhanāyah ||  
 1.053.11a yá udṛcīndra devágopāḥ sákhāyas te śívátamā ásāma |  
 1.053.11c tvam stośāma tváyā suvīrā drāghīya āyuh pratarām dádhānāḥ ||

1.054.01a má no asmín maghavan pṛtsv āmhasi nahí te ántaḥ śávasaḥ parīṇáse |  
 1.054.01c ákrandayo nadyò róruvad vānā kathā ná kṣoñīr bhiyāsā sám ārata ||  
 1.054.02a árcā śakráya śákīne śácīvate śrṇvāntam índram maháyann abhí ṣṭuhi |  
 1.054.02c yó dhrṣṇúnā śávasā ródasī ubhé vṛṣā vṛṣatvá vṛṣabhó nyṛñjáte ||  
 1.054.03a árcā divé bṛhaté sūṣyām vácaḥ sváksatram yāsya dhrṣató dhrṣán mánaḥ |  
 1.054.03c bṛhácchravā ásuero barháñā kṛtāḥ puró háribhyām vṛṣabhó rátho hí śáḥ ||  
 1.054.04a tvam divó bṛhatāḥ sānu kopayó 'va tmānā dhrṣatā śámbaram bhinat |  
 1.054.04c yán māyíno vrandíno mandínā dhrṣác chitām gábhastim aśánim pṛtanyási ||  
 1.054.05a ní yád vṛṇáksi śvasanásya mūrdhāni sūṣṇasya cid vrandíno róruvad vānā |  
 1.054.05c prācínena mánasā barháñāvatā yád adyā cit kṛṇávaḥ kás tvā pári ||  
 1.054.06a tvam āvitha náryam turvāsam yádum tvam turvītim vayyam śatakrato |  
 1.054.06c tvam rátham étaṣam kṛtve dhāne tvam pūro navatim dambhayo náva ||  
 1.054.07a sá ghā rájā sátpatiḥ sūśuvaj jáno rātāhavyaḥ práti yáḥ śásam ínvati |  
 1.054.07c ukthā vā yó abhigṛṇāti rádhasā dánur asmā úparā pinvate divāḥ ||  
 1.054.08a ásamam kṣatram ásamā manīśā prá somapá ápasā santu néme |  
 1.054.08c yé ta indra dadúšo vardháyanti máhi kṣatram stháviraṃ vṛṣṇyam ca ||  
 1.054.09a túbhyéd eté bahulá ádrídugdhās camūśadaś camasā indrapānāḥ |  
 1.054.09c vy ásnuhi tarpáyā kāmam eṣām áthā máno vasudéyāya kṛṣva ||  
 1.054.10a apām atiṣṭhad dharūṇahvaram támo 'ntár vṛtrásya jatháreṣu párvataḥ |  
 1.054.10c abhīm índro nadyò vavrīñā hitā víśvā anuṣṭhāḥ pravaṇeṣu jighnate ||  
 1.054.11a sá sévṛdham ádhi dhā dyumnám asmé máhi kṣatram janāśāl indra távyam |  
 1.054.11c rákṣā ca no maghónaḥ pāhí sūrín rāyé ca naḥ svapatyā iṣé dhāḥ ||

1.055.01a divás cid asya varimā ví papratha índram ná mahnā pṛthiví caná práti |  
 1.055.01c bhímás túviṣmāñ carṣañībhya ātapāḥ śísīte vájram téjase ná vámsagaḥ ||  
 1.055.02a só arṇavó ná nadyāḥ samudríyaḥ práti gṛbhñāti víśritā várīmabhiḥ |  
 1.055.02c índraḥ sómasya pītāye vṛṣāyate sanāt sá yudhmá ójasā panasyate ||  
 1.055.03a tvam tám indra párvataṃ ná bhójase mahó ṛmṇásya dhármaṇām irajyasi |  
 1.055.03c prá víryeṇa devátāti cekite víśvasmā ugrāḥ kármaṇe puróhitaḥ ||  
 1.055.04a sá íd vāne namasyúbhir vacasyate cāru jáneṣu prabruvāná indriyám |  
 1.055.04c vṛṣā chándur bhavati haryató vṛṣā kṣémeṇa dhénām maghāvā yád ínvati ||  
 1.055.05a sá ín mahāni samithāni majmánā kṛṇóti yudhmá ójasā jánebhyaḥ |  
 1.055.05c ádhā caná śrād dadhati tvíśmāta índrāya vájram nighánighnate vadhám ||



1.055.06a sá hí śravasyúḥ sádanāni kṛtrímā kṣmayā vṛdhāná ójasā vināśāyan |  
1.055.06c jyótīṃṣi kṛṇvānn avṛkāṇi yájyavé 'va sukrātuḥ sártavā apāḥ sṛjat ||  
1.055.07a dānāya mánah somapāvann astu te 'rvāñcā hārī vandanaśrud ā kṛdhi |  
1.055.07c yámiṣṭhāsaḥ sārathayo yá indra te ná tvā kētā ā dabhnuvanti bhūrṇayah ||  
1.055.08a áprakṣitam vásu bibharṣi hástayor áṣāḥham sáhas tanvì śrutó dadhe |  
1.055.08c ávṛtāso 'vatāso ná kartṛbhis tanūṣu te krátava indra bhūrayah ||

1.056.01a eśá prá pūrvīr áva tāsya camriśó 'tyo ná yóṣām úd ayaṃsta bhurvāṇiḥ |  
1.056.01c dáksam mahé pāyayate hiraṇyāyaṃ rátham āvṛtyā háriyogam ṛbhvasam ||  
1.056.02a tám gūrtāyo nemannīṣah pártīṇasaḥ samudráṃ ná saṃcāraṇe saniṣyávaḥ |  
1.056.02c pátim dáksasya vidáthasya nū sáho girim ná venā ádhi roha téjasā ||  
1.056.03a sá turvāṇir mahāṃ areṇú paūṃsye girér bhrṣṭír ná bhrājate tujā śávaḥ |  
1.056.03c yéna súṣṇam māyīnam āyasó máde dudhrá ābhūṣu rāmāyan ní dāmani ||  
1.056.04a devī yádi táviṣi tvāvṛdhotāya índraṃ síśakty uśasaṃ ná sūryah |  
1.056.04c yó dhrṣṇúnā śávasā bádhate táma íyarti reṇúm bṛhád arhariṣvāṇiḥ ||  
1.056.05a ví yát tiró dharūṇam ácyutaṃ rájó 'tiṣṭhipo divá átāsu barhāṇā |  
1.056.05c svārmīḥe yán máda indra hársyāhan vṛtrāṃ nír apām aubjo arṇavám ||  
1.056.06a tvāṃ divó dharūṇam dhiṣa ójasā pṛthivyā indra sádaneṣu māhinaḥ |  
1.056.06c tvāṃ sutāsya máde ariṇā apó ví vṛtrāsya samáyā pāṣyàrujah ||

1.057.01a prá máṃhiṣṭhāya bṛhaté bṛhádraye satyáśuṣmāya taváse matím bhare |  
1.057.01c apām iva pravaṇé yāsya durdhāraṃ rádho vísvāyu śávase ápāvṛtam ||  
1.057.02a ádha te vísvam ánu hāsad iṣṭāya āpo nimnéva sávanā havíṣmataḥ |  
1.057.02c yát párvate ná samáṣita haryatá índrasya vājraḥ śnáthitā hiraṇyāyah ||  
1.057.03a asmaí bhīmāya námasā sám adhvará úṣo ná śubhra ā bhara pānīyase |  
1.057.03c yāsya dhāma śrávase námendriyaṃ jyótir ákari haríto nāyase ||  
1.057.04a imé ta indra té vayám puruṣtuta yé tvārābhya cárāmasi prabhūvaso |  
1.057.04c nahí tvád anyó girvaṇo gírah ságat kṣoṇír iva práti no harya tád vácaḥ ||  
1.057.05a bhūri ta indra víryaṃ táva smasy asyá stotúr maghavan kāmam ā pṛṇa |  
1.057.05c ánu te dyaúr bṛhatí víryaṃ mama iyám ca te pṛthiví nema ójase ||  
1.057.06a tvāṃ tám indra párvatam mahāṃ urūṃ vājreṇa vajrin parvasás cakartitha |  
1.057.06c ávasṛjo nívr̥tāḥ sártavā apāḥ satrá vísvaṃ dadhiṣe kévalaṃ sáhaḥ ||

1.058.01a nū cit sahojá amṛto ní tundate hótā yád dūtó ábhavad vivásvataḥ |  
1.058.01c ví sādhiṣṭhebhīḥ pathībhi rájo mama ā devátātā havíṣā vivāsati ||  
1.058.02a ā svám ádma yuvámāno ajáras tṛṣv àviṣyānn ataséṣu tiṣṭhati |  
1.058.02c átyo ná pṛṣṭhám pruṣitāsya rocate divó ná sānu stanáyann acikradat ||  
1.058.03a krāṇā rudrébhir vásubhiḥ puróhito hótā níṣatto rayiṣā́l ámartyah |  
1.058.03c rátho ná vikṣv ṛñjasāná āyúṣu vy ànuśág vāryā devá ṛṇvati ||  
1.058.04a ví vātajūto ataséṣu tiṣṭhate vṛthā juhūbhiḥ sṛṇyā tuviṣvāṇiḥ |  
1.058.04c tṛṣú yád agne vaníno vṛṣyāse kṛṣṇāṃ ta éma rúsadūrme ajara ||  
1.058.05a tápuriambho vána ā vātacodito vūthé ná sāhvāṃ áva vāti vámsaḥ |

1.058.05c abhivrájann ákṣitam pájasā rája sthātús carátham bhayate patatrīṇaḥ ||  
1.058.06a dadhús tvā bhṛgavo mānuṣeṣv ā rayim ná cāruṃ suhávam jánebhyaḥ |  
1.058.06c hótāram agne átithim váreṇyam mitráṃ ná sévam divyāya jánmane ||  
1.058.07a hótāram saptá juhvo yájiṣtham yám vāgháto vṛṇáte adhvaréṣu |  
1.058.07c agním víśveṣām aratim vásūnām saparyāmi práyasā yāmi rátnam ||  
1.058.08a áchidrā sūno sahaso no adyá stotṛbhyo mitramahaḥ śárma yacha |  
1.058.08c ágne grṇántam ámhasa uruṣyórjo napāt pūrbhír āyasṭbhiḥ ||  
1.058.09a bhávā várūtham grṇaté vibhāvo bhávā maghavan maghávadbhyaḥ śárma |  
1.058.09c uruṣyāgne ámhaso grṇántam prátár makṣú dhiyāvasur jagamyāt ||

1.059.01a vayā id agne agnāyas te anyé tvé víśve amṛtā mādayante |  
1.059.01c vaiśvānara nābhir asi kṣitīnām sthūṇeva jánām upamid yayantha ||  
1.059.02a mūrdhā divó nābhir agnīḥ pṛthivyā áthābhavad aratī ródasyoḥ |  
1.059.02c tám tvā devāso 'janayanta devām vaiśvānara jyótir id āryāya ||  
1.059.03a ā sūrye ná raśmāyo dhruvāso vaiśvānaré dadhire 'gnā vásūni |  
1.059.03c yā párvateṣv ośadhīṣv apsú yā mānuṣeṣv asi tāsya rájā ||  
1.059.04a bṛhatī iva sūnāve ródasī gíro hótā manuṣyo ná dáksaḥ |  
1.059.04c svārvate satyāśuṣmāya pūrvír vaiśvānarāya nṛtamāya yahvīḥ ||  
1.059.05a divás cit te bṛható jātavedo vaiśvānara prá ririce mahitvám |  
1.059.05c rájā kṛṣṭīnām asi mānuṣīnām yudhā devébhyo várivaś cakartha ||  
1.059.06a prá nú mahitvám vṛṣabhāsya vocam yám pūrávo vṛtrahānam sácante |  
1.059.06c vaiśvānaró dásyum agnír jaghanvām ádhūnot káṣṭhā áva sámbaram bhet ||  
1.059.07a vaiśvānaró mahimná viśvákrṣṭir bharádvájeṣu yajató vibhāvā |  
1.059.07c śatavaneyé śatīnībhir agnīḥ puruṇīthé jarate sūnṛtavān ||

1.060.01a váhniṃ yaśasam vidáthasya ketúm suprāvyām dūtām sadyóartham |  
1.060.01c dvijánmānam rayim iva praśastām rátim bharad bhṛgave mātariśvā ||  
1.060.02a asyā śāsura ubháyāsaḥ sacante havīṣmanta usíjo yé ca mártāḥ |  
1.060.02c divás cit pūrho ny āsādi hótāpṛchyo viśpátir vikṣú vedhāḥ ||  
1.060.03a tám návyasī hṛdá ā jāyamānam asmát sukīrtír mádhujihvam ásyāḥ |  
1.060.03c yám ṛtvíjo vṛjáne mānuṣāsaḥ práyasvanta āyávo jījananta ||  
1.060.04a usík pávakó vásur mānuṣeṣu váreṇyo hótādḥāyi vikṣú |  
1.060.04c dāmūnā grḥápatir dáma ām agnír bhuvad rayipátī rayīnām ||  
1.060.05a tám tvā vayám pátim agne rayīnām prá śamsāmo matībhir gótamāsaḥ |  
1.060.05c āsūm ná vājambharám marjáyantaḥ prátár makṣú dhiyāvasur jagamyāt ||

1.061.01a asmā id u prá tavāse turāya práyo ná harmi stómam máhināya |  
1.061.01c řcīsamāyādhṛigava óham índrāya bráhmāni rátátamā ||  
1.061.02a asmā id u práya iva prá yamsi bhārāmy āngūśám bádhe suvrktī |  
1.061.02c índrāya hṛdá mánasā manīśá pratnāya pátye dhíyo marjayanta ||  
1.061.03a asmā id u tyám upamám svarśám bhārāmy āngūśám āsyēna |  
1.061.03c mámbhistam áchoktibhir matīnām suvrktībhiḥ sūrím vāvrdhádhvai ||

1.061.03c mahānīṣṭhanā ucīkṛtoṣṭi mahānīṣṭhaṁ sa vīkṛtoṣṭi saṁhī va vīkṛtoṣṭya ||  
1.061.04a asmā́ íd u stómaṁ sām hinomi rátham ná táṣṭeva tátsināya |  
1.061.04c gírās ca gírṵāhase suvr̥ktīndrāya víśvaminvám médhirāya ||  
1.061.05a asmā́ íd u sáptim iva śravasyéndrāyārkám juhvá sām añje |  
1.061.05c vírām dānaúkasam vandádhyai purám gūrtásravasam darmānam ||  
1.061.06a asmā́ íd u tvásṭā takṣad vájram svápastamam svaryam ránāya |  
1.061.06c vr̥trāsya cid vidád yéna márma tujánn íśānas tujatá kiyedhāḥ ||  
1.061.07a asyéđ u mātúḥ sávaneṣu sadyó mahāḥ pitúm papivāñ cārv ánnā |  
1.061.07c muṣāyád víṣṇuḥ pacatám sáhīyān vídhyad varāhám tiró ádrim ástā ||  
1.061.08a asmā́ íd u gnās cid devápatnīr índrāyārkám ahihátya ūvuḥ |  
1.061.08c pári dyāvāpṛthiví jabhra urví nāsya té mahimānam pári ṣṭaḥ ||  
1.061.09a asyéđ evá prá ririce mahitvám divás pṛthivyāḥ páry antárikṣāt |  
1.061.09c svarā́ḷ índro dáma ā víśvágūrtah svarír ámatro vavakṣe ránāya ||  
1.061.10a asyéđ evá śávasā śuśántam ví vr̥scad vájreṇa vr̥trám índrah |  
1.061.10c gā ná vrāṇā avānīr amuñcad abhí śrávo dāvāne sácetāḥ ||  
1.061.11a asyéđ u tveṣásā ranta síndhavaḥ pári yád vájreṇa sīm áyachat |  
1.061.11c íśānakíd dāsūṣe daśasyán turvítaye gādhám turvániḥ kaḥ ||  
1.061.12a asmā́ íd u prá bharā tútujúano vr̥trāya vájram íśānah kiyedhāḥ |  
1.061.12c gór ná párva ví radā tiraścéśyann árṇāmsy apám carádhyai ||  
1.061.13a asyéđ u prá brūhi pūrvyāni turásya kármāni návya ukthaíḥ |  
1.061.13c yudhé yád iṣṇāná áyudhāny rghāyámāṇo niriṇāti sátrūn ||  
1.061.14a asyéđ u bhiyá giráyaś ca dr̥ḷhā dyāvā ca bhúmā janúṣas tujete |  
1.061.14c úpo venásya jóguvāna oṇim sadyó bhuvad víryāya nodhāḥ ||  
1.061.15a asmā́ íd u tyád ánu dāyy eṣām éko yád vavné bhūrer íśānah |  
1.061.15c praítaśam súrye paspṛdhānam saúvaśvye súṣvim āvad índrah ||  
1.061.16a evá te hāriyojanā suvr̥ktīndra bráhmāni gótamāso akran |  
1.061.16c aīṣu víśvápeśasam dhíyam dhāḥ prātár makṣú dhivyāvasur jagamyāt ||

1.062.01a prá manmahe śavasānāya sūśám āngūṣám gírvaṇase āngirasvát |  
1.062.01c suvr̥ktībhi stuvatá rgmiyāyārcāmārkám náre víśrutāya ||  
1.062.02a prá vo mahé máhi námo bharadhvam āngūṣyam śavasānāya sāma |  
1.062.02c yénā naḥ pūrve pitáraḥ padajñā árcanto āngiraso gā ávindan ||  
1.062.03a índrasyāngirasām ceṣṭaú vidát sarámā tánayāya dhāsím |  
1.062.03c bṛhaspátir bhinád ádrim vidád gāḥ sām usríyābhir vāvaśanta nárah ||  
1.062.04a sá suṣṭúbhā sá stubhá saptá vípraiḥ svaréṇādrim svaryò návagvaiḥ |  
1.062.04c saranyúbhiḥ phaligám indra śakra valám ráveṇa darayo dásagvaiḥ ||  
1.062.05a gr̥ṇānó āngirobhir dasma ví var uṣásā súryeṇa góbhir ándhaḥ |  
1.062.05c ví bhūmyā aprathaya indra sānu divó rája úparam astabhāyah ||  
1.062.06a tát u práyakṣatamam asya kárma dasmāsya cārutamam asti dámsaḥ |  
1.062.06c upahvaré yád úparā ápinvan mádhvarṇaso nadyàs cátasrah ||  
1.062.07a dvitá ví vavre sanájā sánīle ayāsya stávamānebhir arkaíḥ |  
1.062.07c bhágo ná méne paramé vyòmann ádhārayad ródasī sudámśāḥ ||  
1.062.08a sanād dívam pári bhúmā vírūpe punarbhúvā yuvatí svébhir évaiḥ |  
1.062.08c kṛṣṇébhir aktóśá rúsadbhir vāpurbhir ā carato anyānyā ||

1.062.09a sánemi sakhyám svapasyámānaḥ sūnúr dādhāra śávasā sudámśāḥ |  
1.062.09c āmāsu cid dadhiṣe pakvám antáh páyaḥ kṛṣṇāsu rúsad róhiṇīṣu ||  
1.062.10a sanāt sánílā avánīr avātá vratá rakṣante amṛtāḥ sáhobhiḥ |  
1.062.10c purú sahásrā jánayo ná pátnīr duvasyánti svásāro áhrayāṇam ||  
1.062.11a sanāyúvo námasā návyo arkaír vasūyávo matáyo dasma dadruḥ |  
1.062.11c pátiṃ ná pátnīr usátír usántaṃ sprśánti tvā śavasāvan manīśāḥ ||  
1.062.12a sanād evá táva ráyo gābhastau ná kṣīyante nópa dasyanti dasma |  
1.062.12c dyumám̐ asi krátumám̐ indra dhīraḥ śíkṣā śacīvas táva naḥ śacībhiḥ ||  
1.062.13a sanāyaté gótama indra návyam átakṣad bráhma hariyójanāya |  
1.062.13c sunīthāya naḥ śavasāna nodhāḥ prátár makṣú dhivyávasur jagamyāt ||

1.063.01a tvám mahám̐ indra yó ha śúṣmair dyāvā jajñānāḥ pṛthiví áme dhāḥ |  
1.063.01c yád dha te vísvā giráyaś cid ábhvā bhiyá dṛlḥāsah kirāṇā nájjan ||  
1.063.02a ā yád dhārī indra vívratā vér á te vājraṃ jaritá bāhvór dhāt |  
1.063.02c yénāviharyatakṛato amítrān púra iṣṇási puruhūta pūrvīḥ ||  
1.063.03a tvám satyá indra dhr̥ṣṇúr etān tvám ṛbhukṣá náryas tvám śāt |  
1.063.03c tvám śúṣṇaṃ vṛjāne pṛkṣá āṇáu yūne kútsāya dyumáte sácāhan ||  
1.063.04a tvám ha tyád indra codīḥ sákḥā vṛtrāṃ yád vajrin vṛṣakarmann ubhnāḥ |  
1.063.04c yád dha sūra vṛṣamaṇaḥ parācaír ví dásyūṃr yónāv ákr̥to vṛthāṣāt ||  
1.063.05a tvám ha tyád indráriṣanyaṃ dṛlḥásya cin mártānām ájuṣtau |  
1.063.05c vy ásmád á káṣṭhā árvate var ghanéva vajriṇ chnathihy amítrān ||  
1.063.06a tvám ha tyád indrárṇasātau svārmīlḥe nára ājā havante |  
1.063.06c táva svadhāva iyám á samaryá útír vājeṣv atasāyyā bhūt ||  
1.063.07a tvám ha tyád indra saptá yúdhyan púro vajrin purukútsāya dardah |  
1.063.07c barhír ná yát sudāse vṛthā várg aṃhó rájan várivaḥ pūrāve kaḥ ||  
1.063.08a tvám tyám na indra deva citrām íṣam āpo ná pīpayah párijman |  
1.063.08c yáyā sūra práty asmábhyaṃ yámsi tmánam ūrjaṃ ná víśvādha kṣáradhyai ||  
1.063.09a ákārī ta indra gótamebhir bráhmāny óktā námasā háribhyām |  
1.063.09c supéśasaṃ vājān á bharā naḥ prátár makṣú dhivyávasur jagamyāt ||

1.064.01a víṣṇe śárdhāya sūmakhāya vedhāse nódhaḥ suvr̥ktīm prá bharā marúdbhyaḥ |  
1.064.01c apó ná dhīro mánasā suhástyó girāḥ sám añje vidáthesv ābhúvaḥ ||  
1.064.02a té jajñire divá ṛṣvāsa ukṣāṇo rudrásya máryā ásurā arepásah |  
1.064.02c pávakāsaḥ sūcayaḥ sūryā iva sátvāno ná drapsíno ghorávarpasah ||  
1.064.03a yúvāno rudrá ajārā abhogghāno vavakṣúr ádhrigāvaḥ párvatā iva |  
1.064.03c dṛlḥā cid vísvā bhúvanāni pārvhivā prá cyāvayanti divyāni majmánā ||  
1.064.04a citraír añjībhir vápuṣe vy añjate vákṣassu rukmám̐ ádhi yetire śubhé |  
1.064.04c ámṣeṣv eṣāṃ ní mimṛkṣur ṛṣṭáyah sākāṃ jajñire svadháyā divó nárah ||  
1.064.05a íśanakṛto dhúnayo riśádaso vātān vidyútas táviṣībhir akrata |  
1.064.05c duhánty údhar divyāni dhútayo bhúmim pinvanti páyasā párijrayah ||  
1.064.06a pínvanty apó marútaḥ sudānavah páyo ghṛtávad vidáthesv ābhúvaḥ |  
1.064.06c átyaṃ ná mihé ví nayanti vājínam útsaṃ duhanti stanáyantam ákṣitam ||  
1.064.07a mahisāso māvínaś citrábhānavo śirávo ná svátavaso raohusvādah |

- 1.064.07c mṛgā iva hastīnaḥ khādathā vānā yād āruṇīṣu tāviṣīr āyugdhvam ||  
 1.064.08a siṃhā iva nānadati prācetasah piśā iva supīso viśvāvedasah |  
 1.064.08c kṣāpo jīnvantaḥ pṛṣatībhir ṛṣṭībhiḥ sām ít sabādhaḥ śāvasāhimanyavaḥ ||  
 1.064.09a ródasī ā vadatā gaṇasriyo nṛṣācaḥ sūrāḥ śāvasāhimanyavaḥ |  
 1.064.09c ā vandhūreṣv amātir ná darśatā vidyūn ná tasthau maruto rátheṣu vaḥ ||  
 1.064.10a viśvāvedaso rayībhiḥ sámokasaḥ sámmiślāsas tāviṣībhir virapśīnaḥ |  
 1.064.10c ástāra iṣuṃ dadhire gābhastyor anantásuṣmā vṛṣakhādayo náraḥ ||  
 1.064.11a hiranyāyebhiḥ pavībhiḥ payovṛdha újjighnanta āpathyò ná párvatān |  
 1.064.11c makhā ayāsah svasīto dhruvacyúto dudhrakṛto marúto bhrājadrṣṭayaḥ ||  
 1.064.12a ghṛṣuṃ pāvakāṃ vanīnaṃ vícarṣaṇiṃ rudrásya sūnúṃ havāsā gṛṇīmasi |  
 1.064.12c rajastúraṃ tavásam mārutaṃ gaṇám ṛjīṣiṇaṃ vṛṣaṇaṃ saścata śriyē ||  
 1.064.13a prá nū sá máртаḥ śāvasā jánāṃ áti tasthaú va ūtī maruto yám āvata |  
 1.064.13c árvadbhir vājam bharate dhānā nṛbhir āpṛchyam krátum ā kṣeti púṣyati ||  
 1.064.14a carkṛtyam marutaḥ pṛtsú duṣṭāraṃ dyumántaṃ súṣmam maghávatsu dhattana |  
 1.064.14c dhanaspṛtam ukthyāṃ viśvācarṣaṇiṃ tokám puṣyema tánayaṃ śatāṃ hímāḥ ||  
 1.064.15a nū ṣṭhírám maruto vīrávantaṃ ṛtīṣāhaṃ rayīm asmāsu dhatta |  
 1.064.15c sahasrīnaṃ śatīnaṃ śūsuvāmsam prātár makṣū dhiyāvasur jagamyāt ||

- 1.065.01 paśvā ná tāyúṃ gúhā cātantaṃ námo yujánāṃ námo váhantaṃ |  
 1.065.02 sajóṣā dhīrāḥ padaír ánu gmann úpa tvā sīdan víśve yájatrāḥ ||  
 1.065.03 ṛtāsya devā ánu vratā gur bhúvat páriṣṭir dyaúr ná bhūma |  
 1.065.04 vārdhantīm āpaḥ panvā súśiśvim ṛtāsya yónā gārbhe sújātam ||  
 1.065.05 puṣṭír ná raṇvā kṣitír ná pṛthvī girír ná bhújma kṣódo ná śambhú |  
 1.065.06 átyo nájman sárgaprataктаḥ síndhur ná kṣódaḥ ká īṃ varāte ||  
 1.065.07 jāmiḥ síndhūnām bhrāteva svāsrām íbhyān ná rájā vānāny atti |  
 1.065.08 yád vātajūto vānā vy ásthād agnír ha dāti rómā pṛthivyāḥ ||  
 1.065.09 śvāsity apsu hamsó ná sídan krátvā cėtiṣṭho viśám uṣarbhút |  
 1.065.10 sómo ná vedhā ṛtāprajātaḥ paśúr ná śíśvā vibhúr dūrēbhāḥ ||

- 1.066.01 rayír ná citrá súro ná saṃdṛg āyur ná prāṇó nítyo ná sūnúḥ |  
 1.066.02 tákvā ná bhūrṇir vānā siṣakti páyo ná dhenúḥ súcir vibhāvā ||  
 1.066.03 dādḥāra kṣémam óko ná raṇvó yávo ná pakvó jētā jánānām |  
 1.066.04 ṛṣir ná stúbhvā vikṣú praśastó vājī ná pṛitó váyo dadhāti ||  
 1.066.05 durókaśociḥ krátur ná nítyo jāyēva yónāv áraṃ vísvasmai |  
 1.066.06 citró yád ábhrāt chvetó ná vikṣú rátho ná rukmī tveṣāḥ samátso ||  
 1.066.07 séneva srṣṭāmam dadhāty ástur ná didyút tveṣāpratīkā |  
 1.066.08 yamó ha jātó yamó jánitvaṃ jārāḥ kanīnām pátir jánīnām ||  
 1.066.09 tám vaś carāthā vayám vasatyāstaṃ ná gāvo nákṣanta iddhám |  
 1.066.10 síndhur ná kṣódaḥ prá nīcír ainon návanta gāvah svār dīṣṭike ||

- 1.067.01 váneṣu jāyúr máртеṣu mitró vṛṇíté śruṣṭiṃ rájevājuryám |

1.067.02 kṣemo ná sādhuḥ krátur ná bhadró bhúvat svādhír hótā havyavāt ||  
1.067.03 háste dádhāno nṛmṇā víśvāny áme devān dhād gúhā niśīdan |  
1.067.04 vidántim átra náro dhiyamdhā hṛdá yát taṣṭān mántrāṃś ásaṃsan ||  
1.067.05 ajó ná kṣāṃ dādharma pṛthivīm tastāmbha dyām mántrebhiḥ satyaíḥ |  
1.067.06 priyā padāni paśvó ní páhi víśvāyur agne guhá gúham gāḥ ||  
1.067.07 yá im cikéta gúhā bhāvantaṃ ā yáḥ sasāda dhārām ṛtāsya |  
1.067.08 ví yé cṛtānty ṛtā sápana ād íd vásūni prá vavācāsmāi ||  
1.067.09 ví yó vīrútsu ródhan mahitvótá prajā utá prasūsv antāḥ |  
1.067.10 cítir apāṃ dáme víśvāyuh sádmeva dhīrāḥ sammāya cakruḥ ||

1.068.01 śrīṇān ūpa sthād dívam bhuraṇyú sthātús carātham aktūn vy ūṇot |  
1.068.02 pári yád eṣāṃ éko víśveṣāṃ bhúvad devó devānām mahitvā ||  
1.068.03 ād ít te víśve krátum juṣanta súśkād yád deva jīvo jāniṣṭhāḥ |  
1.068.04 bhājanta víśve devatvāṃ náma ṛtāṃ sápano amṛtam évaiḥ ||  
1.068.05 ṛtāsya préṣā ṛtāsya dhītír víśvāyur víśve ápāṃsi cakruḥ |  
1.068.06 yás túbhyaṃ dáśād yó vā te śíkṣāt tásmāi cikitvān rayīm dayasva ||  
1.068.07 hótā níṣatto mánor ápatye sá cin nv āsām páti rayīṇām |  
1.068.08 ichánta réto mithás tanūṣu sám jānata svaír dáksair ámūrāḥ ||  
1.068.09 pitúr ná putráḥ krátum juṣanta śróṣan yé asya śásam turāsaḥ |  
1.068.10 ví ráya aurnod dúraḥ purukṣúḥ pipéśa nákaṃ stṛbhir dāmūnāḥ ||

1.069.01 śukráḥ śusukvāṃś uṣó ná jārāḥ paprá samící divó ná jyótiḥ |  
1.069.02 pári prājātaḥ krátvā babhūtha bhúvo devānām pitā putráḥ sán ||  
1.069.03 vedhā ádrpto agnír vijānān ūdhar ná gónāṃ svādmā pitūnām |  
1.069.04 jáne ná séva āhūryaḥ sán mádhye níṣatto raṇvo duroṇé ||  
1.069.05 putró ná jātó raṇvo duroṇé vājī ná pṛitó víso ví tārit |  
1.069.06 víso yád áhve nṛbhiḥ sánīlā agnír devatvā víśvāny aśyāḥ ||  
1.069.07 nákiṣ ta etā vratā minanti nṛbhyo yád ebhyaḥ śruṣṭim cakārtha |  
1.069.08 tát tú te dáṃso yád áhan samānaír nṛbhir yád yuktó vivé rápāṃsi ||  
1.069.09 uṣó ná jāró vibhāvosaḥ sámjñātarūpaś ciketad asmai |  
1.069.10 tmānā váhanto dúro vy ṛṇvan návanta víśve svār dṛśike ||

1.070.01 vanéma pūrvír aryó mañśā agníḥ suśóko víśvāny aśyāḥ |  
1.070.02 ā daivyāni vratā cikitvān ā mānuṣasya jánasya jánma ||  
1.070.03 gárbo yó apāṃ gárbo vānānām gárbaś ca sthātāṃ gárbaś carāthām |  
1.070.04 ádrau cid asmā antár duroṇé viśāṃ ná vísvo amṛtaḥ svādhīḥ ||  
1.070.05 sá hí kṣapāvāṃś agní rayīṇām dáśād yó asmā áram sūktaíḥ |  
1.070.06 etā cikitvo bhūmā ní páhi devānām jánma mártāṃś ca vidvān ||  
1.070.07 vārdhān yām pūrvīḥ kṣapó vírūpā sthātús ca rátham ṛtāpravītam |  
1.070.08 árādhī hótā svār níṣattaḥ kṛṇvān víśvāny ápāṃsi satyā ||  
1.070.09 goṣu práśastim váneṣu dhiṣe bhāranta víśve balīm svār ṇaḥ |  
1.070.10 ví tvā nárah nurutrā sanarvan nitúr ná ívrer ví védo bharanta ||

1.070.11 sādhnūr ná ḡrdhnūr ásteva śūro yāteva bhīmás tveṣāḡ samátsu ||

1.071.01a úpa prá jinvaṇṇ usatīr usántam pátiṃ ná nítyaṃ jánayaḡ sánīlāḡ |  
1.071.01c svásārah śyāvīm áruṣīm ajuṣrañ citráṃ uchántīm uṣásaṃ ná ḡávaḡ ||  
1.071.02a vīlú cid dṛlḡhá pitáro na ukthaír ádriṃ rujaṇṇ áṅgirasó ráveṇa |  
1.071.02c cakrūr divó bṛható ḡātúm asmé áhaḡ svār vividuḡ ketúm usráḡ ||  
1.071.03a dádhann ṛtám dhanáyann asya dhītīm ád íd aryó didhiṣvò víbhṛtrāḡ |  
1.071.03c átrṣyantīr apáso yanty áchā devāñ jánma práyasā vardháyantīḡ ||  
1.071.04a máthīd yád īṃ víbhṛto mātariśvā ḡṛhé-ḡṛhe śyetó jényo bhūt |  
1.071.04c ád īṃ rájñe ná sáhīyase sácā sánn ā dūtyāṃ bhṛḡavāṇo vivāya ||  
1.071.05a mahé yát pitrá īṃ rásaṃ divé kár áva tsarat pṛṣanyaś cikitvāñ |  
1.071.05c srjád ástā dhrṣatā didyúm asmai svāyāṃ devó duhitári tvīṣiṃ dhāt ||  
1.071.06a svā ā yás túbhyaṃ dáma ā vibhāti námo vā dáśād usató ánu dyūñ |  
1.071.06c várdho agne váyo asya dvibárhā yásad ráyā saráthaṃ yáṃ junási ||  
1.071.07a agníṃ vísvā abhí pṛkṣaḡ sacante samudráṃ ná sravátaḡ saptá yahvīḡ |  
1.071.07c ná jāmbhīr ví cikite váyo no vidā devéṣu prámatiṃ cikitvāñ ||  
1.071.08a ā yád iṣé nṛpátiṃ téja ānaṭ chúci réto níṣiktaṃ dyaúr abhīke |  
1.071.08c agníḡ śárdham anavadyāṃ yúvānaṃ svādhyāṃ janayat sūdáyac ca ||  
1.071.09a máno ná yó 'dhvanaḡ sadyá éty ékaḡ satrá sūro vásva īse |  
1.071.09c rájānā mitrávaruṇā supāñī ḡoṣu priyám amṛtaṃ rákṣamāṇā ||  
1.071.10a mā no agne sakhyā pítryāñi prá marṣiṣṭhā abhí viduṣ kavīḡ sán |  
1.071.10c nábho ná rūpāṃ jarimā mināti purá tásyā abhísaster ádhīhi ||

1.072.01a ní kāvya vedhásaḡ śásvatas kar háste dádhāno náryā purūñi |  
1.072.01c agnīr bhuvad rayipátī rayīñāṃ satrá cakrāṇó amṛtāni vísvā ||  
1.072.02a asmé vatsám pári śántaṃ ná vindann ichánto víśve amṛtā ámūrāḡ |  
1.072.02c śramayúvaḡ padavyò dhiyaṃdhás tasthúḡ padé paramé cārv agneḡ ||  
1.072.03a tísro yád agne śarádas tvām íc chúciṃ ḡṛténa súcayaḡ saparyāñ |  
1.072.03c nāmāni cid dadhire yajñíyāny ásūdayanta tanvāḡ sújātāḡ ||  
1.072.04a ā ródasī bṛhatī vévidānāḡ prá rudríyā jabhīre yajñíyāsaḡ |  
1.072.04c vidán márho nemádhītā cikitvāñ agníṃ padé paramé tasthivāṃsam ||  
1.072.05a samjānāná úpa sídann abhijñú pátnīvanto namasyāṃ namasyan |  
1.072.05c ririkvāṃsas tanvāḡ kṛṇvata svāḡ sákhā sákhyur nímiṣi rákṣamāṇāḡ ||  
1.072.06a trīḡ saptá yád ḡúhyāni tvé ít padávidan níhitā yajñíyāsaḡ |  
1.072.06c tébhī rakṣante amṛtaṃ sajóṣāḡ paśūñ ca sthātṛñ caráthaṃ ca páhi ||  
1.072.07a vidvāṃ agne vayúnāni kṣitīnāṃ vy ānuśák churúdho jīvāse dhāḡ |  
1.072.07c antarvidvāṃ ádhvano devayānāñ átandro dūtó abhavo havirvāt ||  
1.072.08a svādhyò divá ā saptá yahvī ráyó dúro vy ṛtajñā ajānan |  
1.072.08c vidád ḡávyāṃ sarāmā dṛlḡhām ūrvāṃ yénā nú kam mānuṣī bhójate víṭ ||  
1.072.09a ā yé vísvā svapatyāñi tasthúḡ kṛṇvānāso amṛtatvāya ḡātúm |  
1.072.09c mahnā mahádbhīḡ pṛthiví ví tasthe mātá putraír áditir dhāyase véḡ ||  
1.072.10a ádhi śríyaṃ ní dadhuś cārum asmin divó yád akṣí amṛtā ákṛṇvan |

1.072.10c ádha kṣaranti síndhavo ná sṛṣṭāḥ prá nícīr agne áruṣīr ajānan ||

- 1.073.01a rayír ná yáḥ pitṛvittó vayodhāḥ supráñtīś cikitúṣo ná śásuḥ |  
1.073.01c syonaśír átithir ná prīṇānó hóteva sádma vidható ví tārīt ||  
1.073.02a devó ná yáḥ savitā satyámanmā krátvā nipāti vrjānāni víśvā |  
1.073.02c purupraśastó amátir ná satyá ātméva sévo didhiśáyyo bhūt ||  
1.073.03a devó ná yáḥ pṛthivīm víśvadhāyā upakṣéti hitámitro ná rájā |  
1.073.03c puraḥsádaḥ śarmasádo ná vīrá anavadyā pátijuṣteva nārī ||  
1.073.04a tám tvā náro dáma á nityam iddhám ágne sácanta kṣitíṣu dhruvāsu |  
1.073.04c ádhi dyumnám ní dadhur bhūry asmin bhávā víśváyur dharúno rayīṇām ||  
1.073.05a ví pṛkṣo agne maghávāno ásyur ví sūrāyo dádato víśvam áyuh |  
1.073.05c sanéma vājam samithésv aryó bhāgám devéṣu śrávase dádhānāḥ ||  
1.073.06a ṛtásya hí dhenávo vāvaśānāḥ smádūdhnīḥ pīpáyanta dyúbhaktāḥ |  
1.073.06c parāvataḥ sumatīm bhíkṣamāṇā ví síndhavaḥ samáyā sasrur ádrim ||  
1.073.07a tvé agne sumatīm bhíkṣamāṇā diví śrávo dadhire yajñíyāsaḥ |  
1.073.07c náktā ca cakrúr uśásā vírūpe kṛṣṇám ca várṇam aruṇám ca sám dhuḥ ||  
1.073.08a yān rāyé mártān súsūdo agne té syāma maghávāno vayám ca |  
1.073.08c chāyéva víśvam bhúvanam sisakṣy āpaprivān ródasī antárikṣam ||  
1.073.09a árvadbhir agne árvato nṛbhīr nṛṇ vīraír vīrān vanuyāmā tvótāḥ |  
1.073.09c īśānāsaḥ pitṛvittásya rāyó ví sūrāyaḥ śatāhimā no ásyuh ||  
1.073.10a etá te agna ucáthāni vedho júṣṭāni santu mánase hṛdé ca |  
1.073.10c śakéma rāyāḥ sudhúro yámaṁ té 'dhi śrávo devábhaktam dádhānāḥ ||

- 1.074.01a upaprayáto adhvarám mántram vocemāgnáye |  
1.074.01c āré asmé ca śṛṇvaté ||  
1.074.02a yáḥ snīhitíṣu pūrvyāḥ samjagmānāsu kṛṣṭíṣu |  
1.074.02c árakṣad dāśúṣe gáyam ||  
1.074.03a utá bruvantu jantáva úd agnír vṛtrahājani |  
1.074.03c dhanamjayó ráṇe-raṇe ||  
1.074.04a yásya dūtó ási kṣáye véśi havýāni vītáye |  
1.074.04c dasmát kṛṇóṣy adhvarám ||  
1.074.05a tám ít suhavyám aṅgiraḥ sudevám sahaso yaho |  
1.074.05c jánā āhuḥ subarhíṣam ||  
1.074.06a á ca vāhāsi tám̐ ihá devām̐ úpa práśastaye |  
1.074.06c havýā suścandra vītáye ||  
1.074.07a ná yór upabdír áśvyaḥ śṛṇvé ráthasya kác caná |  
1.074.07c yád agne yási dūtyām ||  
1.074.08a tvóto vājy áhrayo 'bhí pūrvasmād áparaḥ |  
1.074.08c prá dāśvām̐ agne asthāt ||  
1.074.09a utá dyumát suvīryam bṛhád agne vivāsasi |  
1.074.09c devébhyo deva dāśúṣe ||



1.075.01a juṣāsva sapráthastamaṃ váco devápsarastamam |  
1.075.01c havyā júhvāna āsáni ||  
1.075.02a áthā te aṅgirastamāgne vedhastama priyám |  
1.075.02c vocéma bráhma sānasí ||  
1.075.03a kás te jāmír jánānām ágne kó dāśvādhvaraḥ |  
1.075.03c kó ha kásminn asi śritáḥ ||  
1.075.04a tvám jāmír jánānām ágne mitró asi priyáḥ |  
1.075.04c sákḥā sákhibhya ídyah ||  
1.075.05a yájā no mitráváruṇā yájā devāṃ ṛtám bṛhát |  
1.075.05c ágne yákṣi svám dāmam ||

1.076.01a kā ta úpetir mánaso várāya bhúvad agne śámtamā kā mañīṣā |  
1.076.01c kó vā yajñāḥ pári dákṣam ta āpa kéna vā te mánasā dāsema ||  
1.076.02a éhy agna ihá hótā ní ṣḍádabdhaḥ sú puraetā bhavā naḥ |  
1.076.02c ávatām tvā ródasī vísvaminvé yájā mahé saumanasāya devān ||  
1.076.03a prá sú vísvān rakṣáso dhákṣy agne bhávā yajñānām abhiśastipāvā |  
1.076.03c áthā vaha sómapatiṃ háribhyām ātithyám asmai cakṛmā sudāvne ||  
1.076.04a prajāvatā vácasā váhnir āsā ca huvé ní ca satsīhá devaḥ |  
1.076.04c véṣi hotráṃ utá potráṃ yajatra bodhí prayantar janitar vásūnām ||  
1.076.05a yáthā víprasya mánuṣo havírbhir devāṃ áyajah kavíbhīḥ kavíḥ sán |  
1.076.05c evā hotaḥ satyatara tvám adyāgne mandráyā juhvā yajasva ||

1.077.01a kathā dāsemāgnāye kásmai devājuṣocyate bhāmíne gíḥ |  
1.077.01c yó mártyeṣv amṛta ṛtāvā hótā yájīṣtha ít kṛṇóti devān ||  
1.077.02a yó adhvaréṣu śámtama ṛtāvā hótā tám ū námobhir á kṛṇudhvam |  
1.077.02c agnír yád vér mártāya devān sá cā bódhāti mánasā yajāti ||  
1.077.03a sá hí krátuḥ sá máryaḥ sá sādḥúr mitró ná bhūd ádbhutasya rathīḥ |  
1.077.03c tám médhēṣu prathamám devayántīr vísa úpa bruvate dasmám áriḥ ||  
1.077.04a sá no nṛṇām nṛtamo riśádā agnír gíró 'vasā vetu dhítim |  
1.077.04c tánā ca yé maghávānaḥ śáviṣṭhā vājaprasūtā iśáyanta mánma ||  
1.077.05a evágnír gótamebhir ṛtāvā víprebhir astoṣṭa jātávedāḥ |  
1.077.05c sá eṣu dyumnám pīpayat sá vājāṃ sá puṣṭim yāti jóṣam á cikitván ||

1.078.01a abhí tvā gótamā girá jātavedo vícarṣaṇe |  
1.078.01c dyumnaír abhí prá ṇonumaḥ ||  
1.078.02a tám u tvā gótamo girá rāyáskāmo duvasyati |  
1.078.02c dyumnaír abhí prá ṇonumaḥ ||  
1.078.03a tám u tvā vājasātamam aṅgirasvād dhavāmahe |  
1.078.03c dyumnaír abhí prá ṇonumaḥ ||  
1.078.04a tám u tvā vṛtrahántamaṃ yó dásyūṃr avadhūnuṣé |

1.078.04c dyumnaír abhí prá ñonumaḥ ||  
1.078.05a ávocāma ráhūgaṇā agnáye mádhumad vácaḥ |  
1.078.05c dyumnaír abhí prá ñonumaḥ ||

1.079.01a híraṇyakeśo rájaso visāré 'hir dhúnir vāta iva dhrájīmān |  
1.079.01c śúcibhrājā uśāso návedā yāśasvatīr apasyúvo ná satyāḥ ||  
1.079.02a ā te suparṇā aminantaṃ évaiḥ kṛṣṇó nonāva vṛṣabhó yádīdām |  
1.079.02c śivābhir ná smáyamānābhir āgāt pátanti míḥa stanáyanty abhrā ||  
1.079.03a yád īm ṛtásya páyasā píyāno náyanṇ ṛtásya pathíbhī rájīṣṭhaiḥ |  
1.079.03c aryamā mitró váruṇaḥ párijmā tvácam pṛñcanty úparasya yónau ||  
1.079.04a ágne vājasya gómata íśānaḥ sahaso yaho |  
1.079.04c asmé dhehi jātavedo máhi śrávaḥ ||  
1.079.05a sá idhāno vásuḥ kavír agnír īlényo girā |  
1.079.05c revád asmábhyam purvaṇīka dīdihi ||  
1.079.06a kṣapó rájann utá tmánāgne vástor utóśásaḥ |  
1.079.06c sá tigmajambha rakśāso daha práti ||  
1.079.07a ávā no agna ūtibhir gāyatrásya prābharmaṇi |  
1.079.07c víśvasu dhīśú vandyā ||  
1.079.08a ā no agne rayím bhara satrāsāhaṃ váreṇyam |  
1.079.08c víśvasu pṛtsú duṣṭāram ||  
1.079.09a ā no agne sucetúnā rayím víśváyupośasam |  
1.079.09c mārḍīkām dhehi jīváse ||  
1.079.10a prá pūtás tigmásociṣe vāco gotamāgnáye |  
1.079.10c bhárasva sumnayúr girāḥ ||  
1.079.11a yó no agne 'bhidásaty ánti dūrē padīṣṭá sáḥ |  
1.079.11c asmākam íd vṛdhé bhava ||  
1.079.12a sahasrākśó vícarṣaṇir agnī rákṣāmsi sedhati |  
1.079.12c hótā grṇīta ukthyāḥ ||

1.080.01a itthā hí sóma ín máde brahmā cakāra vārdhanam |  
1.080.01c śáviṣṭha vajrinn ójasā pṛthivyā níḥ śaśā áhim árcann ánu svarājyam ||  
1.080.02a sá tvāmadaḥ vṛṣā mádaḥ sómaḥ śyenābhṛtaḥ sutāḥ |  
1.080.02c yénā vṛtrām nír adbhyó jaghántha vajrinn ójasārcann ánu svarājyam ||  
1.080.03a préhy abhīhi dhrṣṇuhí ná te vājro ní yaṃsate |  
1.080.03c índra nṛmṇām hí te śávo háno vṛtrām jáyā apó 'rcann ánu svarājyam ||  
1.080.04a nír indra bhūmyā ádhi vṛtrām jaghantha nír divāḥ |  
1.080.04c srjá marútvatīr áva jīvádhanyā imā apó 'rcann ánu svarājyam ||  
1.080.05a índro vṛtrásya dódhataḥ sánuṃ vājreṇa hīlītāḥ |  
1.080.05c abhikrámyāva jighnate 'pāḥ sármāya codáyann árcann ánu svarājyam ||  
1.080.06a ádhi sánau ní jighnate vājreṇa śatáparvaṇā |  
1.080.06c mandāná índro ándhasaḥ sákhibhyo gātúm ichaty árcann ánu svarājyam ||  
1.080.07a índra túbhyam íd adrivo 'nuttam vajrin vīryām |

- 1.080.07c yád dha tyám māyínam mrgám tám u tvám māyáyāvadhīr ārcann ānu svarā́jyam ||  
1.080.08a ví te vājṛāso asthīran navatīm nāvyá ānu |  
1.080.08c mahát ta indra vīryām bāhvós te bālaṃ hitám ārcann ānu svarā́jyam ||  
1.080.09a sahásraṃ sākám arcata pári ṣṭobhata viṃśatī |  
1.080.09c śataínam án v anonavur índrāya bráhmódyatam ārcann ānu svarā́jyam ||  
1.080.10a índro vṛtrāsya táviṣīm nír ahan sáhasā sáhaḥ |  
1.080.10c mahát tát asya paúṃsyaṃ vṛtrám jaghanvám̐ asṛjad ārcann ānu svarā́jyam ||  
1.080.11a imé cit táva manyáve vépete bhíyasā mahí |  
1.080.11c yád indra vajrīn ojasā vṛtrám marútvám̐ ávadhīr ārcann ānu svarā́jyam ||  
1.080.12a ná vépasā ná tanyaténdraṃ vṛtró ví bībhayat |  
1.080.12c abhy ènaṃ vāja āyasáh sahásrabhṛṣṭir āyatārcann ānu svarā́jyam ||  
1.080.13a yád vṛtrám táva cāsānim vājreṇa samáyodhayaḥ |  
1.080.13c áhim indra jíghāmsato diví te badbadhe sávó 'rcann ānu svarā́jyam ||  
1.080.14a abhiṣṭané te adrivo yát sthā jágac ca rejate |  
1.080.14c tvástā cit táva manyáva índra vevijyáte bhíyārcann ānu svarā́jyam ||  
1.080.15a nahí nú yád adhīmásíndraṃ kó vīryā paráh |  
1.080.15c tásmin nṛmṇám utá krátuṃ devá ójāṃsi sám dadhur ārcann ānu svarā́jyam ||  
1.080.16a yám átharvā mánuṣ pitá dadhyán dhíyam átnata |  
1.080.16c tásmin bráhmāni pūrváthéndra ukthá sám agmatārcann ānu svarā́jyam ||

- 1.081.01a índro mādāya vāvṛdhe sávase vṛtrahā nṛbhiḥ |  
1.081.01c tám ín mahásv ājíṣútém árbhe havāmahe sá vājeṣu prá no 'viṣat ||  
1.081.02a ási hí vīra sényó 'si bhūri parādadī |  
1.081.02c ási dabhrāsya cid vṛdhó yájamānāya śikṣasi sunvaté bhūri te vásu ||  
1.081.03a yád udīrata ājāyo dhṛṣṇáve dhīyate dhánā |  
1.081.03c yuksvā madacyútā hárī kām hánaḥ kām vásau dadho 'smám̐ indra vásau dadhaḥ ||  
1.081.04a krátvā mahám̐ anuṣvadhám bhīmá á vāvṛdhe sávaḥ |  
1.081.04c śriyá ṛṣvá upākáyor ní śiprī hárivān dadhe hástayor vājram āyasám ||  
1.081.05a á paprau pārthivam rájo badbadhé rocaná diví |  
1.081.05c ná tvávám̐ indra kás caná ná játó ná janīsyaté 'ti vísvam vavakṣitha ||  
1.081.06a yó aryó martabhójanam parādádāti dāsúṣe |  
1.081.06c índro asmábhyaṃ śikṣatu ví bhajā bhūri te vásu bhakṣīyá táva rádhasaḥ ||  
1.081.07a máde-made hí no dadír yūthá gávām ṛjukrátuḥ |  
1.081.07c sám ḡrbhāya purú śatóbhayāhastyá vásu śísīhí rāyá á bhara ||  
1.081.08a mādāyasva suté sácā sávase sūra rádhasē |  
1.081.08c vidmá hí tvā purūvásuṃ úpa kāmān sasṛjmáhé 'thā no 'vitá bhava ||  
1.081.09a eté ta indra jantávo vísvam puṣyanti vāryam |  
1.081.09c antár hí khyó jánānām aryó védo ádāsuṣām téṣām no véda á bhara ||

- 1.082.01a úpo ṣú śṛṇuhí gíro mághavan mātathā iva |  
1.082.01c yadā naḥ sūnṛtāvataḥ kára ád artháyāsa íd yójā nv índra te hárī ||  
1.082.02a ákṣann ámīmadanta hy áva priyá adhūṣata |  
1.082.02c ástosata svábhānavo vīnrā návisthavā matí vóīā nv índra te hárī ||

- 1.082.03a susaṃdīśaṃ tvā vayām mághavan vandiṣīmáhi |  
 1.082.03c prá nūnám pūrṇávandhura stutó yāhi vāsāṃ ánu yóǰā nv ìndra te hárī ||  
 1.082.04a sá ghā tám vīṣaṇaṃ rátham ádhi tiṣṭhāti govídam |  
 1.082.04c yáḥ pátraṃ hāriyojanám pūrṇám indra cíketati yóǰā nv ìndra te hárī ||  
 1.082.05a yuktás te astu dáksīṇa utá savyáḥ śatakrato |  
 1.082.05c téna jāyám úpa priyám mandāno yāhy ándhaso yóǰā nv ìndra te hárī ||  
 1.082.06a yunájmi te bráhmaṇā keśínā hárī úpa prá yāhi dadhiśé gábhastyoḥ |  
 1.082.06c út tvā sutáso rabhasá amandiṣuḥ pūṣaṇvān vajrin sám u pátnyāmadah ||

- 1.083.01a áśvāvati prathamó góṣu gachati suprávīr indra mártyas távotíbhīḥ |  
 1.083.01c tám ít pṛṇakṣi vásunā bhávīyasā síndhum āpo yáthābhíto vícetasah ||  
 1.083.02a āpo ná devīr úpa yanti hotríyam aváḥ paśyanti vítataṃ yáthā rájaḥ |  
 1.083.02c prācaír devásah prá ṇayanti devayúṃ brahmapríyam joṣayante vará iva ||  
 1.083.03a ádhi dváyor adadhā ukthyāṃ váco yatásrucā mithunā yá saparyátaḥ |  
 1.083.03c ásamyatto vraté te kṣeti púṣyati bhadrá śaktír yájamānāya sunvaté ||  
 1.083.04a ád ángirāḥ prathamám dadhire váya iddhāgnayaḥ śámyā yé sukṛtyáya |  
 1.083.04c sárvam paṇéḥ sám avindanta bhójanam áśvāvantaṃ gómantaṃ á paśúm nárah ||  
 1.083.05a yajñáir átharvā prathamáh pathás tate tátaḥ sūryo vratapá vená ājani |  
 1.083.05c á gā ājad usánā kāvyáḥ sácā yamáśya jātám amṛtaṃ yajāmahe ||  
 1.083.06a barhír vā yát svapatyáya vrjyáte 'rkó vā ślókam āghóśate diví |  
 1.083.06c grāvā yátra vádati kārúr ukthyàs tásyéd índro abhipitvéṣu ranayati ||

- 1.084.01a ásāvi sóma indra te śáviṣṭha dhṛṣṇav ā gahi |  
 1.084.01c ā tvā pṛṇaktv indriyám rájaḥ sūryo ná raśmíbhīḥ ||  
 1.084.02a índram íd dhārī vaható 'pratidhrṣṭaśavasam |  
 1.084.02c řṣīṇāṃ ca stutír úpa yajñāṃ ca mánuṣāṇāṃ ||  
 1.084.03a ā tiṣṭha vṛtrahan rátham yuktá te bráhmaṇā hárī |  
 1.084.03c arvácīnaṃ sú te máno grāvā kṛṇotu vagnúnā ||  
 1.084.04a imám indra sutám piba jyéṣṭham ámartyam mádam |  
 1.084.04c śukrásya tvābhy àkṣaran dhārā řtásya sādane ||  
 1.084.05a índrāya nūnám arcatokthāni ca bravītana |  
 1.084.05c sutá amatsur índavo jyéṣṭham namasyatā sáhaḥ ||  
 1.084.06a nákiṣ tvád rathítaro hárī yád indra yáchase |  
 1.084.06c nákiṣ tvānu majmánā nákiḥ svásva ānaśe ||  
 1.084.07a yá éka íd vidáyate vásu mártāya dāsúṣe |  
 1.084.07c řśāno ápratiṣkuta índro aṅgá ||  
 1.084.08a kadá mártam arādhásam padá kṣúmpam iva sphurat |  
 1.084.08c kadá naḥ śuśravad gíra índro aṅgá ||  
 1.084.09a yás cid dhí tvā bahúbhya ā sutāvāṃ ávívāsati |  
 1.084.09c ugrám tát patyate śáva índro aṅgá ||  
 1.084.10a svádór itthá viṣūvátó mádhvah pibanti gauryāḥ |  
 1.084.10c yá índreṇa sayávarīr vīṣṇā mádanti śobháse vásvīr ánu svarájyam ||

1.084.11a tã asya pṛsanāyúvaḥ sómaṃ śrīṇanti pṛśnayaḥ |  
 1.084.11c priyā índrasya dhenávo vājraṃ hinvanti sāyakaṃ vásvīr ánu svarājyam ||  
 1.084.12a tã asya námasā sáhaḥ saparyánti prácetasah |  
 1.084.12c vratāny asya saścire purūṇi pūrvácittaye vásvīr ánu svarājyam ||  
 1.084.13a índro dadhīcó asthábhir vṛtrāny ápratiškutaḥ |  
 1.084.13c jaghána navatīr náva ||  
 1.084.14a ichánn ásvasya yác chíraḥ párvateṣv ápaśritam |  
 1.084.14c tát vidac charyañāvati ||  
 1.084.15a átrāha gór amanvata nāma tváṣtur apīcyam |  
 1.084.15c itthá candrámaso grhé ||  
 1.084.16a kó adyá yunkte dhurí gā ṛtasya símīvato bhāmíno durhṛṇāyūn |  
 1.084.16c ásanniṣūn hṛtsváso mayobhūn yá eṣām bhrtyām ṛnádhat sá jīvāt ||  
 1.084.17a ká īṣate tujyáte kó bibhāya kó maṃsate sántam índraṃ kó ánti |  
 1.084.17c kás tokāya ká íbhāyotá rāyé 'dhi bravat tanvè kó jánāya ||  
 1.084.18a kó agnīm ītte havíṣā ghṛténa srucá yajātā ṛtúbhir dhruvébhiḥ |  
 1.084.18c kásmai devā ā vahān āsú hóma kó maṃsate vītíhotraḥ sudeváh ||  
 1.084.19a tvám aṅgá prá śaṃsiṣo deváh śaviṣṭha mártiyam |  
 1.084.19c ná tvád anyó maghavann asti marḍiténdra brávīmi te vácaḥ ||  
 1.084.20a má te rádhāmsi má ta ūtāyo vaso 'smān kádā canā dabhan |  
 1.084.20c víśvā ca na upamimīhí mānuṣa vásūni carṣaṇībhya ā ||

1.085.01a prá yé súmbhante jánayo ná sáptayo yāman rudrásya sūnávaḥ sudáṃsasah |  
 1.085.01c ródasī hí marútaś cakrírē vṛdhé mādanti vīrā vidátheṣu ghṛṣvayaḥ ||  
 1.085.02a tá ukṣitāso mahimānam āsata diví rudrásso ádhi cakrīre sádaḥ |  
 1.085.02c árcanto arkám janáyanta indriyám ádhi śríyo dadhire pṛśnimātarah ||  
 1.085.03a gómātarō yác chubháyante añjībhis tanūṣu śubhrā dadhire virúkmataḥ |  
 1.085.03c bádante vísvam abhimātīnam ápa vartmāny eṣām ánu rīyate ghṛtām ||  
 1.085.04a ví yé bhrājante sūmakhāsa ṛṣṭībhiḥ pracyāváyanto ácyutā cid ójasā |  
 1.085.04c manojúvo yán maruto rátheṣv ā víṣavrātāsaḥ pṛṣatīr áyugdhvam ||  
 1.085.05a prá yád rátheṣu pṛṣatīr áyugdhvam vāje ádrim maruto raṃháyantah |  
 1.085.05c utáruśasya ví ṣyanti dhārās cármevodábhīr vy ūndanti bhūma ||  
 1.085.06a ā vo vahantu sáptayo raghuṣyádo raghupátvānaḥ prá jigāta bāhúbhiḥ |  
 1.085.06c sídatā barhír urú vaḥ sádas kṛtām mādáyadhvam maruto mádhvo ándhasah ||  
 1.085.07a tè 'vardhanta svátavaso mahitvanā nākam tasthūr urú cakrīre sádaḥ |  
 1.085.07c víṣṇur yád dhāvad víṣaṇam madacyútam váyo ná sídann ádhi barhīsi priyé ||  
 1.085.08a śūrā ivéd yúyudhayo ná jágmayaḥ śravasyávo ná pṛtanāsu yetire |  
 1.085.08c bháyante víśvā bhúvanā marúdbhyo rájāna iva tveṣāsaṃdṛśo nárah ||  
 1.085.09a tváṣṭā yád vājraṃ súkrtaṃ hiranyáyaṃ sahásrabhṛṣṭim svápā ávartayat |  
 1.085.09c dhattá índro náry apāmsi kártavé 'han vṛtrām nír apām aubjad arṇavám ||  
 1.085.10a ūrdhvám nunudre 'vatám tá ójasā dādṛhānām cid bibhidur ví párvatam |  
 1.085.10c dhámanto vāṇám marútaḥ sudānavo máde sómasya rányāni cakrīre ||  
 1.085.11a jihmám nunudre 'vatám táyā díśāsīncann útsam gótamāya ṛṣṇáje |  
 1.085.11c ā gachantīm ávasā citrábhānavaḥ kāmam víprasya tarpayanta dhāmabhiḥ ||  
 1.085.12a vā vah śárma śásamānáva sánti tridhātūni dāsúse vachatādhi |

1.085.12c asmábhyaṃ tāni maruṭó ví yanta rayiṃ no dhatta vṛṣaṇaḥ suvīraṃ ||

1.086.01a máruto yásya hí kṣáye pāthā divó vimahasah |

1.086.01c sá sugopátamo jánaḥ ||

1.086.02a yajñair vā yajñavāhaso víprasya vā matīnām |

1.086.02c márutaḥ śṛṇutā hávam ||

1.086.03a utá vā yásya vājínó 'nu vípram átaḥsata |

1.086.03c sá gántā gómati vrajé ||

1.086.04a asyá vīrásya barhíṣi sutáḥ sómo díviṣṭiṣu |

1.086.04c ukthám mádaś ca śasyate ||

1.086.05a asyá śroṣantv ā bhúvo víśvā yás carṣaṇīr abhí |

1.086.05c sūraṃ cit sasrúṣīr iṣaḥ ||

1.086.06a pūrvíbhīr hí dadāsimá śarādbhīr maruto vayám |

1.086.06c ávobhīś carṣaṇīnām ||

1.086.07a subhágaḥ sá prayajyavo máruto astu mártyaḥ |

1.086.07c yásya práyāmsi pársatha ||

1.086.08a śaśamānásya vā naraḥ svédasya satyaśavasah |

1.086.08c vidá kāmasya vénataḥ ||

1.086.09a yūyám tát satyaśavasa āviṣ karta mahitvanā |

1.086.09c vídhyatā vidyútā rákṣaḥ ||

1.086.10a gūhataḥ gúhyaṃ támó ví yāta víśvam atrīṇam |

1.086.10c jyótiṣ kartā yád uśmási ||

1.087.01a prátvakṣasaḥ prátavaso virapśínó 'nānatā ávithurā ṛjīśiṇaḥ |

1.087.01c júṣtataṃso nṛtamāso añjībhīr vy ānajre ké cid usrá iva stṛbhīḥ ||

1.087.02a upahvaréṣu yád ácidhvam yayiṃ váya iva marutaḥ kéna cit pathā |

1.087.02c ścótanti kósā úpa vo rátheṣv ā ghṛtám ukṣatā mádhuvāṇam árcate ||

1.087.03a praíṣām ájmeṣu vithuréva rejate bhūmir yāmeṣu yád dha yuñjáte śubhé |

1.087.03c té krīlāyo dhúnayo bhrājadrṣṭayaḥ svayám mahitvám panayanta dhútayaḥ ||

1.087.04a sá hí svasṛt pṛṣadaśvo yúvā gaṇò 'yá īśānás táviṣṭibhīr ávṛtaḥ |

1.087.04c ási satyá ṛṇayávanedyo 'syá dhiyáḥ právitáthā vṛṣā gaṇáḥ ||

1.087.05a pitúḥ pratnásya jánmanā vadāmasi sómasya jihvá prá jigāti cākṣasā |

1.087.05c yád īm índram śámy ṛkvāṇa áśatād ín námāni yajñíyāni dadhire ||

1.087.06a śriyáse kám bhānúbhīḥ sám mimikṣire té raśmībhis tá ṛkvabhīḥ sukhādáyah |

1.087.06c té vāśīmanta iśmīno ábhīravo vidré priyásya mārutasya dhāmnaḥ ||

1.088.01a ā vidyúnmadbhīr marutaḥ svarkaí ráthebhīr yāta ṛṣṭimádbhīr ásvaparṇaiḥ |

1.088.01c ā vārṣiṣṭhayaḥ na iṣá váyo ná paptatā sumāyāḥ ||

1.088.02a tè 'ruṇébhīr váram ā piśāngaiḥ śubhé kám yānti rathatúrbbhīr ásvaiḥ |

1.088.02c rukmó ná citráḥ svádhitvān pavyá ráthasya jaṅghananta bhūma ||

1.088.03a śriyé kám vo ádhi tanúṣu vāśīr medhá vānā ná kṛṇavanta ūrdhvā |

1.088.03c vusmábhvam kám marutaḥ suiātās tuvidvumnāso dhanavante ádrim ||

- 1.088.03c yajñābhyaṃ kām marutaḥ sajanas tā vā yojanāso śānāyante aśam ||  
 1.088.04a āhāni gr̥dhrāḥ páry ā va āgur imām dhíyaṃ vārkāryām ca devīm |  
 1.088.04c bráhma kṛṇvānto gótamāso arkaír ūrdhvām nunudra utsadhím p̄badhyai ||  
 1.088.05a etát tyán ná yójanam aceti sasvár ha yán maruto gótamo vaḥ |  
 1.088.05c páśyan híraṇyacakrān áyodaṃṣṭrān vidhāvato varāhūn ||  
 1.088.06a eṣā syā vo maruto 'nubhartṛí práti ṣṭobhati vāgháto ná vāñī |  
 1.088.06c ástobhayad vṛthāsām ánu svadhām gábhastyoḥ ||

- 1.089.01a ā no bhadrāḥ krátavo yantu viśvátó 'dabdhāso áparītāsa udbhídaḥ |  
 1.089.01c devā no yáthā sádam íd vṛdhé ásann áprāyuvo rakṣitāro divé-dive ||  
 1.089.02a devānām bhadrā sumatír ṛjūyatām devānām rātír abhí no ní vartatām |  
 1.089.02c devānām sakhyám úpa sedimā vayām devā na āyuh prá tirantu jīvāse ||  
 1.089.03a tán pūrvayā nivídā hūmahe vayám bhágam mitráam áditim dákṣam asrídham |  
 1.089.03c aryamānaṃ váruṇaṃ sómam aśvínā sárasvatī naḥ subhágā máyas karat ||  
 1.089.04a tán no vāto mayobhú vātu bheṣajām tán mātá pṛthiví tát pitá dyaúḥ |  
 1.089.04c tát grāvānaḥ somasúto mayobhúvas tát aśvinā śṛṇutaṃ dhiṣṇyā yuvám ||  
 1.089.05a tám íśānaṃ jágatas tasthúsas pátim dhiyaṃjinvám ávase hūmahe vayám |  
 1.089.05c pūṣā no yáthā védasām ásad vṛdhé rakṣitá pāyúr ádabdhah svastáye ||  
 1.089.06a svastí na índro vṛddhásravāḥ svastí naḥ pūṣā viśvávedāḥ |  
 1.089.06c svastí nas tárksyo áriṣṭanemiḥ svastí no bṛhaspátir dadhātu ||  
 1.089.07a pṛśadaśvā marútaḥ pṛśnimātaraḥ śubhamyāvāno vidátheṣu jágmayaḥ |  
 1.089.07c agnijihvá mánavaḥ sūracakṣaso víśve no devā ávasā gamann ihá ||  
 1.089.08a bhadrám kárṇebhiḥ śṛṇuyāma devā bhadrám paśyemākṣábhír yajatrāḥ |  
 1.089.08c sthiraír ángais tuṣṭuvāmsas tanúbhir vy āsema deváhitam yád āyuh ||  
 1.089.09a śatám ín nú śarádo ánti devā yátrā naś cakra jarásam tanūnām |  
 1.089.09c putráso yátra pitáro bhávanti má no madhyá rīriṣatáyur gántoḥ ||  
 1.089.10a áditir dyaúr áditir antárikṣam áditir mātá sá pitá sá putráḥ |  
 1.089.10c víśve devā áditih páñca jánā áditir jātám áditir jánitvam ||

- 1.090.01a ṛjunī́tí no váruṇo mitró nayatu vidván |  
 1.090.01c aryamā devaḥ sajósāḥ ||  
 1.090.02a té hí vásvo vásavānās té ápramūrā máhobhiḥ |  
 1.090.02c vratá rakṣante viśvāhā ||  
 1.090.03a té asmábhyaṃ śárma yaṃsann amṛtā mártyebhyaḥ |  
 1.090.03c bádhamānā ápa dvíṣaḥ ||  
 1.090.04a ví naḥ patháḥ suvitáya ciyántv índro marútaḥ |  
 1.090.04c pūṣā bhágo vándyāsaḥ ||  
 1.090.05a utá no dhíyo góagrāḥ pūṣan víṣṇav évayávaḥ |  
 1.090.05c kártā naḥ svastimátaḥ ||  
 1.090.06a mádhu vātá ṛtāyaté mádhu kṣaranti síndhavaḥ |  
 1.090.06c mádhvīr naḥ santv óśadhīḥ ||  
 1.090.07a mádhu náktam utóśaso mádhumat pāṛthivam rájaḥ |  
 1.090.07c mádhu dyaúr astu naḥ pitá ||

1.090.08a mádhumān no vānaspátir mádhumāñ astu sūryaḥ |  
1.090.08c mádhvīr gāvo bhavantu naḥ ||  
1.090.09a śām no mitráḥ śām váruṇaḥ śām no bhavatv aryamā |  
1.090.09c śām na índro bṛhaspátih śām no víṣṇur urukramāḥ ||

1.091.01a tvám soma prá cikito manīṣā tvám rájiṣṭham ánu neṣi pánthām |  
1.091.01c táva práñīti pitáro na indo devéṣu rátnam abhajanta dhírāḥ ||  
1.091.02a tvám soma krátubhiḥ sukrátur bhūs tvám dáksaiḥ sudákṣo víśvávedāḥ |  
1.091.02c tvám víṣā vṛṣatvébhir mahitvá dyumnébhir dyumny àbhavo nṛcákṣāḥ ||  
1.091.03a rájño nú te váruṇasya vratáni bṛhád gabhīram táva soma dhāma |  
1.091.03c śúciṣ tvám asi priyó ná mitró dakṣáyyo aryamévāsi soma ||  
1.091.04a yā te dhāmāni diví yā pṛthivyām yā párvateṣv ósadhīṣv apsú |  
1.091.04c tébhir no víśvaiḥ sumánā áhēlan rájan soma práti havyā grbhāya ||  
1.091.05a tvám somāsi sátpatis tvám rájotá vṛtrahá |  
1.091.05c tvám bhadró asi krátuḥ ||  
1.091.06a tvám ca soma no váso jīvátuṃ ná marāmahe |  
1.091.06c priyástotro vānaspátih ||  
1.091.07a tvám soma mahé bhágam tvám yūna ṛtāyaté |  
1.091.07c dáksam dadhāsi jīvāse ||  
1.091.08a tvám naḥ soma víśváto ráksā rájann aghāyatāḥ |  
1.091.08c ná riṣyet tvāvataḥ sákhā ||  
1.091.09a sóma yās te mayobhúva útāyaḥ sánti dāsúṣe |  
1.091.09c tábhir no 'vitā bhava ||  
1.091.10a imám yajñám idám váco jujuṣāṇá upágahi |  
1.091.10c sóma tvám no vṛdhé bhava ||  
1.091.11a sóma gīrbhīṣ tvā vayám vardháyāmo vacovídaḥ |  
1.091.11c sumṛīkó na á vísa ||  
1.091.12a gayasphāno amīvahá vasuvít puṣṭivárdhanaḥ |  
1.091.12c sumitráḥ soma no bhava ||  
1.091.13a sóma rārandhí no hṛdí gāvo ná yāvaseṣv á |  
1.091.13c márya iva svá okyè ||  
1.091.14a yāḥ soma sakhyé táva rāraṇad deva mártyaḥ |  
1.091.14c tám dáksaḥ sacate kavīḥ ||  
1.091.15a uruṣyā no abhísasteḥ sóma ní pāhy áṃhasaḥ |  
1.091.15c sákhā suśéva edhi naḥ ||  
1.091.16a á pyāyasva sám etu te víśvátaḥ soma víṣṇyam |  
1.091.16c bhāvā vājasya saṃgathé ||  
1.091.17a á pyāyasva madintama sóma víśvebhir aṃśúbhiḥ |  
1.091.17c bhāvā naḥ suśrávastamaḥ sákhā vṛdhé ||  
1.091.18a sám te páyāmsi sám u yantu vājāḥ sám víṣṇyāny abhimātiṣāhaḥ |  
1.091.18c āpyāyamāno amṛtāya soma diví śrávāmsy uttamāni dhiṣva ||  
1.091.19a yā te dhāmāni havīṣā yájanti tá te vísvā paribhūr astu yajñám |  
1.091.19c gayasphānaḥ pratáraṇaḥ suvīró 'vīrahā prá carā soma dúryān ||



1.091.20a sómo dhenúm sómo árvantam āśúm sómo vīrám karmaṇyaṃ dadāti |  
 1.091.20c sādanyaṃ vidathyāṃ sabhéyam pitṛśrávaṇaṃ yó dádaśad asmai ||  
 1.091.21a āśālham yutsú pṛtanāsu pápriṃ svarśám apsám vṛjánasya gopám |  
 1.091.21c bhareṣujám sukṣítim suśrávasaṃ jáyantam tvám ánu madema soma ||  
 1.091.22a tvám imá óśadhīḥ soma víśvās tvám apó ajanayas tvám gāḥ |  
 1.091.22c tvám ā tatanthorv àntárikṣam tvám jyótiṣā ví támó vavartha ||  
 1.091.23a devéna no mánasā deva rāyó bhāgám sahasāvann abhí yudhya |  
 1.091.23c má tvá tanad íśiṣe vīryasyobháyebhyaḥ prá cikitsā gáviṣṭau ||

1.092.01a etá u tyá uśasaḥ ketúm akrata pūrve árdhe rájaso bhānúm añjate |  
 1.092.01c niṣkṛṇvāná áyudhānīva dhrṣṇávaḥ práti gāvó 'ruṣīr yanti mātārah ||  
 1.092.02a úd apaptann aruṇá bhānávo vīthā svāyújo áruṣīr gā ayukṣata |  
 1.092.02c ákrann uśāso vayúnāni pūrváthā rúsantam bhānúm áruṣīr asísrayuḥ ||  
 1.092.03a árcanti nārīr apáso ná viṣṭībhiḥ samānéna yójanená parāvataḥ |  
 1.092.03c íṣam váhantīḥ sukṛte sudánave víśvéd áha yájamānāya sunvaté ||  
 1.092.04a ádhi péśāmsi vapate nṛtūr ivāporṇute vākṣa usréva bārjaham |  
 1.092.04c jyótiṣ víśvasmai bhúvanāya kṛṇvatí gāvó ná vrajám vy uśā āvar támah ||  
 1.092.05a práty arcí rúśad asyā adarśi ví tiṣṭhate bádhate kṛṣṇám ábhvam |  
 1.092.05c sváruṃ ná péso vidátheṣv añján citráṃ divó duhitá bhānúm asret ||  
 1.092.06a átāriṣma támasas pārám asyóśā uchántī vayúnā kṛṇoti |  
 1.092.06c śriyé chāndo ná smayate vibhātí suprátikā saumanasāyājgaḥ ||  
 1.092.07a bhāsvatí netrī sūnṛtānām divá stave duhitá gótamebhiḥ |  
 1.092.07c prajávato nṛvátó áśvabudhyān úṣo góagraṃ úpa māsi vājan ||  
 1.092.08a uśas tám asyām yaśasaṃ suvīram dāsápravargaṃ rayím áśvabudhyam |  
 1.092.08c sudámsasā śrávasā yá vibhāsi vājaprasūtā subhage bṛhántam ||  
 1.092.09a víśvāni devī bhúvanābhicákṣyā práticí cákṣur urviyá ví bhāti |  
 1.092.09c vísvam jīvam carāse bodháyantī vísvasya vācam avidan manāyóḥ ||  
 1.092.10a púnaḥ-punar jáyamānā purānī samānám vārṇam abhí súmbhamānā |  
 1.092.10c śvaghñīva kṛtnūr víja āmināná mártasya deví jaráyanty áyuh ||  
 1.092.11a vyūrṇvatí divó ántāṃ abodhy ápa svásāram sanutár yuyoti |  
 1.092.11c praminatí manuṣyā yugāni yóśā jarásya cákṣasā ví bhāti ||  
 1.092.12a paśūn ná citrá subhágā prathāná síndhur ná kṣóda urviyá vy ásvait |  
 1.092.12c áminatí daívyāni vratāni sūryasya ceti raśmíbhīr dṛśāná ||  
 1.092.13a uśas tác citráṃ ā bharāsmābhyam vājinīvati |  
 1.092.13c yéna tokám ca tánayam ca dhāmahe ||  
 1.092.14a úṣo adyéhá gomaty áśvāvati vibhāvāri |  
 1.092.14c revád asmé vy ūcha sūnṛtāvati ||  
 1.092.15a yukṣvā hí vājinīvaty áśvāṃ adyāruṇāṃ uśaḥ |  
 1.092.15c áthā no vísvā saúbhagāny ā vaha ||  
 1.092.16a áśvinā vartír asmád ā gómad dasrā híraṇyavat |  
 1.092.16c arvág rátham sámanasā ní yachatam ||  
 1.092.17a yāv itthá ślókam ā divó jyótiṣ jánāya cakráthuḥ |  
 1.092.17c ā na ūrjam vahatam áśvinā yuvám ||

1.092.18a éhá devá mayobhúvā dasrá híraṇyavartanī |

1.092.18c uṣarbúdhō vahantu sómapītaye ||

1.093.01a ágnīṣomāv imám sú me śṛṇutám vṛṣaṇā hávam |

1.093.01c práti sūktāni haryatam bhávataṃ dāsúṣe máyaḥ ||

1.093.02a ágnīṣomā yó adyá vām idám vácaḥ saparyāti |

1.093.02c tásmāi dhattam suvīryam gávām pōsam svásvyam ||

1.093.03a ágnīṣomā yá áhutim yó vām dāsād dhaviṣkṛtim |

1.093.03c sá prajāyā suvīryam vísvam áyur vy áśnavat ||

1.093.04a ágnīṣomā céti tát vīryam vām yád ámuṣṇitam avasám paṇim gāḥ |

1.093.04c ávātiratam bṛsayasya śéśó 'vindatam jyótir ékam bahúbhyaḥ ||

1.093.05a yuvám etāni diví rocanāny agnís ca soma sákratū adhattam |

1.093.05c yuvám síndhūmr abhísaster avadyād ágnīṣomāv ámuñcatam gr̥bhītān ||

1.093.06a ányám divō mātariśvā jabhāramathnād anyám pári śyenó ádreḥ |

1.093.06c ágnīṣomā bráhmaṇā vāvṛdhānórúṃ yajñāya cakrathur ulokám ||

1.093.07a ágnīṣomā havīṣaḥ prásthitasya vītám háryatam vṛṣaṇā juṣéthām |

1.093.07c suśármāṇā svávasā hí bhūtám áthā dhattam yájamānāya sám yóḥ ||

1.093.08a yó agnīśomā havīṣā saparyād devadrícā mánasā yó ghr̥téna |

1.093.08c tásyā vratam rakṣatam pātám ámhaso viśé jánāya máhi śárma yachatam ||

1.093.09a ágnīṣomā sávedasā sáhūtī vanatam gíraḥ |

1.093.09c sám devatrā babhūvathuḥ ||

1.093.10a ágnīṣomāv anéna vām yó vām ghr̥téna dāsati |

1.093.10c tásmāi dīdayatam bṛhát ||

1.093.11a ágnīṣomāv imāni no yuvám havyā jujoṣatam |

1.093.11c á yātam úpa naḥ sácā ||

1.093.12a ágnīṣomā pipṛtám árvato na á pyāyantām usríyā havyasūdaḥ |

1.093.12c asmé bálāni maghávatsu dhattam kṛṇutám no adhvarám śruṣṭimántam ||

1.094.01a imám stómam árhate jātávedase rátham iva sám mahemā manīśáyā |

1.094.01c bhadrá hí naḥ prámatir asya saṃsády ágne sakhyé má riṣāmā vayám táva ||

1.094.02a yásmāi tvám áyájase sá sādhaty anarvá kṣeti dádhate suvīryam |

1.094.02c sá tūtāva naínam aśnoty aṃhatír ágne sakhyé má riṣāmā vayám táva ||

1.094.03a śakéma tvā samídham sādhyā dhíyas tvé devā havír adanty áhutam |

1.094.03c tvám ādityāṃ á vaha tán hy úśmásy ágne sakhyé má riṣāmā vayám táva ||

1.094.04a bhārāmedhmám kṛṇávāmā havīm̐si te citáyantaḥ párvaṇā-parvaṇā vayám |

1.094.04c jīvátave pratarám sādhyā dhíyó 'gne sakhyé má riṣāmā vayám táva ||

1.094.05a viśám gopā asya caranti jantávo dvipác ca yád utá cátuṣpad aktúbhiḥ |

1.094.05c citráḥ praketé uśáso mahám̐ asy ágne sakhyé má riṣāmā vayám táva ||

1.094.06a tvám adhvaryúr utá hótāsi pūrvyáḥ praśástā pótā janúṣā puróhitaḥ |

1.094.06c vísvā vidvám̐ ártvijyā dhīra puṣyasy ágne sakhyé má riṣāmā vayám táva ||

1.094.07a yó viśvataḥ suprátikaḥ sadṛṇn̐ ási dūré cit sán talíd ivāti rocase |

1.094.07c rátryās cid ándho áti deva paśyasy ágne sakhyé má riṣāmā vayám táva ||

1.094.08a pūrvo devā bhavatu sunvató rátho 'smākam sámso abhy àstu dūdhvāḥ |

1.094.08c tād ā janītotā puṣyātā vácó 'gne sakhyé mǎ riṣāmā vayám táva ||  
 1.094.09a vadhaír duḥśámsāṃ ápa dūḍhyò jahi dūré vā yé ánti vā ké cid atrīṇaḥ |  
 1.094.09c áthā yajnāya gr̥naté sugám kṛdhy ágne sakhyé mǎ riṣāmā vayám táva ||  
 1.094.10a yád áyukthā aruṣá róhitā ráthe vātajūtā vṛṣabhásyeva te rávaḥ |  
 1.094.10c ád invasi vaníno dhūmáketunágne sakhyé mǎ riṣāmā vayám táva ||  
 1.094.11a ádha svanád utá bibhyuḥ patatrīṇo drapsá yát te yavasádo vy ásthiran |  
 1.094.11c sugám tát te tāvakébhyo ráthebhyó 'gne sakhyé mǎ riṣāmā vayám táva ||  
 1.094.12a ayám mitrásya váruṇasya dhāyase 'vayātám marútám hélo ádbhutaḥ |  
 1.094.12c mṛlā sú no bhūtv eṣám mánah púnar ágne sakhyé mǎ riṣāmā vayám táva ||  
 1.094.13a devó devānām asi mitró ádbhuto vásur vásūnām asi cārur adhvaré |  
 1.094.13c śárman syāma táva sapráthastamé 'gne sakhyé mǎ riṣāmā vayám táva ||  
 1.094.14a tát te bhadrám yát sámiddhaḥ své dáme sómāhuto járase mṛlayáttamaḥ |  
 1.094.14c dádhāsi rátnam dráviṇam ca dāsúsé 'gne sakhyé mǎ riṣāmā vayám táva ||  
 1.094.15a yásmai tvám sudraviṇo dádāso 'nāgāstvám adite sarvátātā |  
 1.094.15c yám bhadreṇa śávasā codáyāsi prajāvata rádhasā té syāma ||  
 1.094.16a sá tvám agne saubhagatvásyā vidvān asmákam āyuh prá tirehá deva |  
 1.094.16c tán no mitró váruṇo māmahantám áditiḥ síndhuḥ pṛthiví utá dyaúḥ ||

1.095.01a dvé vírūpe carataḥ svárthe anyānyā vatsám úpa dhāpayete |  
 1.095.01c hárir anyásyām bhávati svadhāvāñ chukró anyásyām dadṛse suvárcāḥ ||  
 1.095.02a dásemám tváṣtur janayanta gárbham átandrāso yuvatáyo víbhr̥tram |  
 1.095.02c tigmánīkam sváyaśasam jáneṣu virócamānam pári śīm nayanti ||  
 1.095.03a trīṇi jánā pári bhūṣanty asya samudrá ékam divy ékam ap sú |  
 1.095.03c pūrvām ánu prá dísam páṛthivānām ṛtūn praśásad ví dadhāv anuṣṭhú ||  
 1.095.04a ká imám vo niṇyám ā ciketa vatsó mātṛ̥ janayata svadhābhiḥ |  
 1.095.04c bahvīnām gárbho apásam upásthān mahān kavír nís carati svadhāvān ||  
 1.095.05a áviṣtyo vardhate cārur āsu jihmánām ūrdhvāḥ sváyaśā upásthe |  
 1.095.05c ubhé tváṣtur bibhyatur jáyamānāt pratīcī simhám práti joṣayete ||  
 1.095.06a ubhé bhadré joṣayete ná méne gávo ná vāsrá úpa tasthur évaiḥ |  
 1.095.06c sá dákṣāṇām dákṣapatir babhūvāñjānti yám dakṣiṇató havírbhiḥ ||  
 1.095.07a úd yaṃyamīti savitéva bāhū ubhé sícau yatate bhīmá ṛñján |  
 1.095.07c úc chukráam átkam ajate simásmān návā mātṛ̥bhyo vásanā jahāti ||  
 1.095.08a tveśám rūpám kṛṇuta úttaram yát sampr̥cānāḥ sádane góbhīr adbhiḥ |  
 1.095.08c kavír budhnám pári marmṛjyate dhīḥ sá devátātā sámītir babhūva ||  
 1.095.09a urú te jrāyaḥ páry eti budhnám virócamānam mahiśásya dhāma |  
 1.095.09c víśvebhir agne sváyaśobhir iddhó 'dabdhebhiḥ pāyúbhiḥ pāhy asmān ||  
 1.095.10a dhánvan srótaḥ kṛṇute gātúm ūrmīm śukraír ūrmībhir abhí nakṣati kṣám |  
 1.095.10c víśvā sánāni jaṭháreṣu dhatte 'ntár návāsu carati prasūṣu ||  
 1.095.11a evá no agne samídha vṛdhāno revát pāvaka śrávase ví bhāhi |  
 1.095.11c tán no mitró váruṇo māmahantám áditiḥ síndhuḥ pṛthiví utá dyaúḥ ||

1.096.01a sá pratnáthā sáhasā jáyamānaḥ sadyáḥ kávyāni bál adhatta vísvā |  
 1.096.01c āpás ca mitráam dhísānā ca sādhan devá agnīm dhārayan dravīnodám ||

1.096.01c apas ca mitrāṇi caṣṣaṇa ca sacnan deva agnīm dhārayan draviṇodām ||  
 1.096.02a sá pūrvayā nivídā kavyátāyór imāḥ prajā ajanayan mánūnām |  
 1.096.02c vivásvatā cákṣasā dyām apás ca devā agnīm dhārayan draviṇodām ||  
 1.096.03a tám īlata prathamám yajñasádham vísa ārīr āhutam rñjasánám |  
 1.096.03c ūrjáh putráṃ bharatám sṛprádānum devā agnīm dhārayan draviṇodām ||  
 1.096.04a sá mātariśvā puruvárapuṣtir vidád gātúm tánayāya svarvít |  
 1.096.04c visám gopā janitā ródasyor devā agnīm dhārayan draviṇodām ||  
 1.096.05a náктоšāsā várṇam āmémyāne dhāpáyete śísuṃ ékaṃ samīcí |  
 1.096.05c dyāvākṣámā rukmó antár ví bhāti devā agnīm dhārayan draviṇodām ||  
 1.096.06a rāyó budhnāḥ saṃgámāno vásūnām yajñásya ketúr manmasádhano véḥ |  
 1.096.06c amṛtatvám rákṣamāṇāsa enam devā agnīm dhārayan draviṇodām ||  
 1.096.07a nú ca purá ca sádanam rayīṇām jātásya ca jáyamānasya ca kṣám |  
 1.096.07c satás ca gopām bhávataś ca bhūrer devā agnīm dhārayan draviṇodām ||  
 1.096.08a draviṇodā dráviṇasas turásya draviṇodāḥ sánarasya prá yamsat |  
 1.096.08c draviṇodā vīrávatīm íṣam no draviṇodā rāsate dīrghám áyuh ||  
 1.096.09a evā no agne samídhā vṛdhānó revát pāvaka śrávase ví bhāhi |  
 1.096.09c tán no mitró váruṇo māmahantām áditiḥ síndhuḥ pṛthiví utá dyaúḥ ||

1.097.01a ápa naḥ sósucad aghám ágne súśugdhy ā rayím |  
 1.097.01c ápa naḥ sósucad aghám ||  
 1.097.02a sukṣetriyā sugātuyā vasūyā ca yajāmahe |  
 1.097.02c ápa naḥ sósucad aghám ||  
 1.097.03a prá yád bhāndiṣṭha eṣām prásmākāsaś ca sūrāyaḥ |  
 1.097.03c ápa naḥ sósucad aghám ||  
 1.097.04a prá yát te agne sūrāyo jáyemahi prá te vayám |  
 1.097.04c ápa naḥ sósucad aghám ||  
 1.097.05a prá yád agnéḥ sáhasvato viśvátō yánti bhānávaḥ |  
 1.097.05c ápa naḥ sósucad aghám ||  
 1.097.06a tvám hí viśvatomukha viśvátōḥ paribhūr ási |  
 1.097.06c ápa naḥ sósucad aghám ||  
 1.097.07a dvīṣo no viśvatomukhāti nāvéva pāraya |  
 1.097.07c ápa naḥ sósucad aghám ||  
 1.097.08a sá naḥ síndhum iva nāváyāti parṣā svastáye |  
 1.097.08c ápa naḥ sósucad aghám ||

1.098.01a vaiśvānarásya sumataú syāma rájā hí kam bhúvanānām abhiśrīḥ |  
 1.098.01c itó jātó vísvam idám ví caṣṭe vaiśvānaró yatate sūryeṇa ||  
 1.098.02a pṛṣṭó diví pṛṣṭó agníḥ pṛthivyām pṛṣṭó vísvā oṣadhīr ā viveśa |  
 1.098.02c vaiśvānarāḥ sáhasā pṛṣṭó agníḥ sá no dívā sá riśāḥ pātu náktam ||  
 1.098.03a vaiśvānara táva tát satyám astv asmān ráyo maghāvānaḥ sacantām |  
 1.098.03c tán no mitró váruṇo māmahantām áditiḥ síndhuḥ pṛthiví utá dyaúḥ ||

1.099.01a jātávedase sunavāma sómam arātīyató ní dahāti védaḥ |  
1.099.01c sá naḥ paṣad áti durgāṇi vísvā nāvéva síndhum duritāty agnīḥ ||

1.100.01a sá yó vṛṣā vṛṣṇyebhiḥ sámokā mahó divāḥ pṛthivyāś ca samrāt |  
1.100.01c satīnásatvā hávyo bhāreṣu marútvān no bhavatv índra ūtī ||  
1.100.02a yásyānāptaḥ sūryasyeva yāmo bhāre-bhare vṛtrahā súśmo ásti |  
1.100.02c vṛśantamaḥ sákhībhiḥ svébhīr évair marútvān no bhavatv índra ūtī ||  
1.100.03a divó ná yásya rétaso dúghānāḥ pánthāso yānti śávasāparītāḥ |  
1.100.03c tarāddveśāḥ sāsahīḥ paúṃsyebhir marútvān no bhavatv índra ūtī ||  
1.100.04a só āngirobhir āngirastamo bhūd vṛṣā vṛṣabhiḥ sákhībhiḥ sákhā sán |  
1.100.04c ṛgmībhir ṛgmī gātúbhir jyéṣṭho marútvān no bhavatv índra ūtī ||  
1.100.05a sá sūnúbhir ná rudrébhir ṛbhvā nṛśāhye sāsahvāṃ amítṛān |  
1.100.05c sánīlebhiḥ śravasyāni túrvan marútvān no bhavatv índra ūtī ||  
1.100.06a sá manyumīḥ samádanasya kartāsmākebhir nṛbhiḥ sūryaṃ sanat |  
1.100.06c asmínn áhan sátpatiḥ puruhūtó marútvān no bhavatv índra ūtī ||  
1.100.07a tám ūtáyo raṇayaṇ chūrasātau tám kṣémasya kṣitáyaḥ kṛṇvata tráṃ |  
1.100.07c sá vísvasya karūṇasyeśa éko marútvān no bhavatv índra ūtī ||  
1.100.08a tám apsanta śávasa utsavéṣu náro náram ávase tám dhánāya |  
1.100.08c só andhé cit támasi jyótir vidan marútvān no bhavatv índra ūtī ||  
1.100.09a sá savyéna yamati vrādhataś cit sá dakṣiṇé sámṛbhītā kṛtāni |  
1.100.09c sá kīrīṇā cit sánitā dhánāni marútvān no bhavatv índra ūtī ||  
1.100.10a sá grāmebhiḥ sánitā sá ráthebhir vidé vísvābhiḥ kṛṣṭībhir nv àdyá |  
1.100.10c sá paúṃsyebhir abhībhūr ástātīr marútvān no bhavatv índra ūtī ||  
1.100.11a sá jāmbhir yát samájāti mīlḥé 'jāmbhir vā puruhūtá évaiḥ |  
1.100.11c apām tokásya tánayasya jeśé marútvān no bhavatv índra ūtī ||  
1.100.12a sá vajrabhīrd dasyuhā bhīmá ugrāḥ saháracetāḥ śatānītha ṛbhvā |  
1.100.12c camrīśó ná śávasā pāñcajanyo marútvān no bhavatv índra ūtī ||  
1.100.13a tásya vājraḥ krandatī smát svarśá divó ná tveśó raváthaḥ símīvān |  
1.100.13c tám sacante sanáyas tám dhánāni marútvān no bhavatv índra ūtī ||  
1.100.14a yásyājasraṃ śávasā mánam ukthám paribhujád ródasī vísvátaḥ sīm |  
1.100.14c sá pāriṣat krátubhir mandasāno marútvān no bhavatv índra ūtī ||  
1.100.15a ná yásya devā devātā ná mártā āpaś caná śávaso ántam āpúḥ |  
1.100.15c sá praríkvā tvákṣasā kṣmó divás ca marútvān no bhavatv índra ūtī ||  
1.100.16a rohíc chyāvā sumádaṃsur lalāmír dyukśá rāyá ṛjráśvasya |  
1.100.16c vṛṣaṇvantam bíbhratī dhūrśú rátham mandrá ciketa náhuṣīṣu vikśú ||  
1.100.17a etát tyát ta indra vṛṣṇa ukthám vārśāgirā abhí gṛṇanti rádhaḥ |  
1.100.17c ṛjráśvaḥ práṣṭībhir ambarīśaḥ sahádevo bháyamānaḥ surādhāḥ ||  
1.100.18a dásyūñ chímyūṃś ca puruhūtá évair hatvā pṛthivyām sárva ní barhīt |  
1.100.18c sánat kṣétram sákhībhiḥ śvitnyébhiḥ sánat sūryaṃ sánad apāḥ suvājraḥ ||  
1.100.19a vísváhéndro adhivaktá no astv áparihvṛtāḥ sanuyāma vājam |  
1.100.19c tán no mitró váruṇo māmahantām áditiḥ síndhuḥ pṛthiví utá dyaúḥ ||

1.101.01a orá mandíne pitumád arcatā váco váh krsnágarbhā niráhann riśśvanā |

1.101.01c avasyávo vṛṣaṇaṃ vájradakṣiṇaṃ marútvantaṃ sakhyāya havāmahe ||  
 1.101.02a yó vyāṃsaṃ jāhṛṣāṇéna manyúnā yāḥ sámbaraṃ yó áhan píprum avratám |  
 1.101.02c índro yāḥ súṣṇaṃ asúṣaṃ ny āvṛṇaṃ marútvantaṃ sakhyāya havāmahe ||  
 1.101.03a yásya dyāvāpṛthiví paúṃsyam mahád yásya vraté váruṇo yásya sūryaḥ |  
 1.101.03c yásyéndrasya síndhavaḥ sáscati vratám marútvantaṃ sakhyāya havāmahe ||  
 1.101.04a yó ásvānāṃ yó gávāṃ gópatir vaśí yá áritāḥ kármaṇi-karmaṇi sthirāḥ |  
 1.101.04c vīlós cid índro yó ásunvato vadhó marútvantaṃ sakhyāya havāmahe ||  
 1.101.05a yó vísvasya jágataḥ prāṇatás pátir yó brahmāṇe prathamó gā ávindat |  
 1.101.05c índro yó dásyūṃr ádharāṃ avátiran marútvantaṃ sakhyāya havāmahe ||  
 1.101.06a yāḥ sūrebhir hávyo yás ca bhírúbhír yó dhāvadbhir hūyáte yás ca jigyúbhiḥ |  
 1.101.06c índraṃ yám vísvā bhúvanābhí samdadhúr marútvantaṃ sakhyāya havāmahe ||  
 1.101.07a rudrāṇāṃ eti pradísā vicakṣaṇó rudrébhír yóṣā tanute pṛthú jrāyaḥ |  
 1.101.07c índram manīśā abhy ārcati śrutám marútvantaṃ sakhyāya havāmahe ||  
 1.101.08a yád vā marutvaḥ paramé sadhásthe yád vāvamé vṛjāne mādáyāse |  
 1.101.08c áta á yāhy adhvarám no áchā tvāyá havís cakṛmā satyarādhaḥ ||  
 1.101.09a tvāyéndra sómaṃ suṣumā sudakṣa tvāyá havís cakṛmā brahmavāhaḥ |  
 1.101.09c ádhā niyutvaḥ ságaṇo marúdbhir asmín yajñé barhíṣi mādayasva ||  
 1.101.10a mādáyasva háribhir yé ta indra ví ṣyasva sípre ví sṛjasva dhéne |  
 1.101.10c á tvā susípra hárayo vahantūsán havýāni práti no juṣasva ||  
 1.101.11a marúttotrasya vṛjānasya gopá vayám índreṇa sanuyāma vájam |  
 1.101.11c tán no mitró váruṇo māmahantām áditih síndhuḥ pṛthiví utá dyaúḥ ||

1.102.01a imám te dhíyam prá bhare mahó mahím asyá stotré dhiśāṇā yát ta ānajé |  
 1.102.01c tám utsavé ca prasavé ca sāsahím índraṃ devásah śávasāmadann ánu ||  
 1.102.02a asyá śrávo nadyaḥ saptá bibhrati dyāvākṣāmā pṛthiví darśatám vápuḥ |  
 1.102.02c asmé sūryācandramásābhicákṣe śraddhé kám indra carato vitarturám ||  
 1.102.03a tám smā rátham maghavan práva sātáye jaítṛaṃ yám te anumádāma saṃgamé |  
 1.102.03c ājá na indra mánasā puruṣtuta tvāyádbhyo maghavañ chárma yacha naḥ ||  
 1.102.04a vayám jayema tváyā yujá vṛtam asmākam áṃsam úd avā bháre-bhare |  
 1.102.04c asmábhyam indra várivaḥ sugám kṛdhi prá śátrūṇāṃ maghavan vṛṣṇyā ruja ||  
 1.102.05a nānā hí tvā hávamānā jánā imé dhánānāṃ dhartar ávasā vipanyávaḥ |  
 1.102.05c asmākam smā rátham á tiṣṭha sātáye jaítṛaṃ hīndra níbhṛtam mánas táva ||  
 1.102.06a gojítā bāhú ámitakratuḥ simáḥ kárman-karmañ chatámūtiḥ khajamkaráḥ |  
 1.102.06c akalpá índraḥ pratimānam ójasáthā jánā ví hvayante siśāsávaḥ ||  
 1.102.07a út te śatān maghavann úc ca bhūyasa út sahásrād ririce kṛṣṭíṣu śrávaḥ |  
 1.102.07c amātrám tvā dhiśāṇā titviṣe mahy ádhā vṛtrāṇi jighnase puramdara ||  
 1.102.08a triviṣṭidhātu pratimānam ójasas tísro bhúmīr nṛpate trīṇi rocaná |  
 1.102.08c átídám vísvam bhúvanaṃ vavakṣithāsatrúr indra janúsā sanád asi ||  
 1.102.09a tvám devéṣu prathamám havāmahe tvám babhūtha pṛtanāsu sāsahíḥ |  
 1.102.09c sémám naḥ kārúm upamanyúm udbhídám índraḥ kṛṇotu prasavé rátham puráh ||  
 1.102.10a tvám jigetha ná dhánā rurodhithárbheṣv ājá maghavan mahátsu ca |  
 1.102.10c tvám ugrám ávase sám śísīmasy áthā na indra hávaneṣu codaya ||  
 1.102.11a vísváhéndro adhivaktá no astv áparihvṛtāḥ sanuyāma vájam |

1.102.11c tán no mitró váruṇo māmahantām áditih síndhuḥ pṛthiví utá dyaúḥ ||

- 1.103.01a tát ta indriyám paramám parācaír ádhārayanta kavāyaḥ purédám |  
1.103.01c kṣamédám anyád divy ànyád asya sám ī pṛcyate samanéva ketúḥ ||  
1.103.02a sá dhārayat pṛthivím papráthac ca vājreṇa hatvá nír apáḥ sasarja |  
1.103.02c áhann áhim ábhinad rauhiṇám vy áhan vyàṃsam maghávā śácībhiḥ ||  
1.103.03a sá jātúbharmā śraddádhāna ójaḥ púro vibhindánn acarad ví dásīḥ |  
1.103.03c vidvān vajrin dásyave hetím asyāryam sāho vardhayā dyumnám indra ||  
1.103.04a tád ūcúṣe mánuṣemá yugáni kīrtényam maghávā nāma bíbhrat |  
1.103.04c upaprayán dasyuhátyāya vajrī yád dha sūnúḥ śrávase nāma dadhé ||  
1.103.05a tád asyedám paśyatā bhūri puṣṭám śrād índrasya dhattana vīryāya |  
1.103.05c sá gá avindat só avindad ásvān sá ośadhīḥ só apáḥ sá vánāni ||  
1.103.06a bhūrikarmaṇe vṛṣabhāya vṛṣṇe satyášuṣmāya sunavāma sómam |  
1.103.06c yá ādṛtyā paripanthīva śúro 'yajvano vibhájann éti védaḥ ||  
1.103.07a tád indra préva vīryam cakartha yát sasántam vājreṇābodhayó 'him |  
1.103.07c ánu tvā pátnīr hr̥ṣitám váyaś ca víśve devāso amadann ánu tvā ||  
1.103.08a śúṣṇam píprum kúyavam vṛtrám indra yadāvadhīr ví púraḥ sámbarasya |  
1.103.08c tán no mitró váruṇo māmahantām áditih síndhuḥ pṛthiví utá dyaúḥ ||

- 1.104.01a yóniṣ ṭa indra niśáde akāri tám á ní ṣīda svānó nārvā |  
1.104.01c vimúcyā váyo 'vasāyášvān doṣá vástor váhīyasah prapitvé ||  
1.104.02a ó tyé nára índram ūtáye gur nú cit tán sadyó ádhvano jagamyāt |  
1.104.02c devāso manyúm dásasya ścamnan té na á vakṣan suvitāya vāṇam ||  
1.104.03a áva tmánā bharate kétavedā áva tmánā bharate phénam udán |  
1.104.03c kṣīreṇa snātaḥ kúyavasya yóṣe haté té syātām pravaṇé síphāyāḥ ||  
1.104.04a yuyópa nābhir úparasyāyóḥ prá pūrvābhis tirate ráṣṭi śúraḥ |  
1.104.04c añjasí kuliśí vīrápatnī páyo hinvāná udábhīr bharante ||  
1.104.05a práti yát syā nīthādarśi dásyor óko náchā sádanam jānatí gāt |  
1.104.05c ádha smā no maghavañ carkr̥tád ín má no maghéva niṣṣapí párā dāḥ ||  
1.104.06a sá tvám na indra sūrye só apsv ànāgāstvá á bhaja jīvaśamsé |  
1.104.06c māntarām bhújam á rīriṣo naḥ śrāddhitam te mahatá indriyāya ||  
1.104.07a ádhā manye śrát te asmā adhāyi vṛṣā codasva mahaté dhánāya |  
1.104.07c má no ákr̥te puruhūta yónāv índra kṣúdhyadbhyo váya āsutím dāḥ ||  
1.104.08a má no vadhīr indra má párā dā má naḥ priyā bhójanāni prá moṣīḥ |  
1.104.08c āṇḍá má no maghavañ chakra nír bhen má naḥ pátrā bhet sahájānuṣāni ||  
1.104.09a arvān éhi sómakāmam tvāhur ayám sutás tāsya pibā mādāya |  
1.104.09c uruvyácā jaṭhāra á vṛṣasva pitéva naḥ śṛṇuhi hūyámānaḥ ||

- 1.105.01a candrāmā apsv àntár á suparṇó dhāvate diví |  
1.105.01c ná vo hiraṇyanemayaḥ padám vindanti vidyuto vittám me asyá rodasī ||  
1.105.02a ártham íd vá u arthína á jāyá yuvate pátim |

- 1.105.02c tuñjáte vṛṣṇyam páyaḥ paridāya rásam duhe vittám me asyá rodasī ||  
1.105.03a mó sú devā adāḥ svàr áva pādi divás pári |  
1.105.03c má somyásya śambhúvaḥ śúne bhūma kádā caná vittám me asyá rodasī ||  
1.105.04a yajñám pṛchāmy avamám sá tát dūtó ví vocati |  
1.105.04c kvà ṛtám pūrvyám gatám kás tát bibharti nūtano vittám me asyá rodasī ||  
1.105.05a amí yé devā sthána triṣv á rocané divāḥ |  
1.105.05c kád va ṛtám kád ánṛtaḥ kvà pratná va áhutir vittám me asyá rodasī ||  
1.105.06a kád va ṛtásya dharnásí kád váruṇasya cákṣaṇam |  
1.105.06c kád aryamṇó mahás pathāti krāmema dūḍhyò vittám me asyá rodasī ||  
1.105.07a ahám só asmi yáḥ purá suté vādāmi káni cit |  
1.105.07c tám mā vyanty ādhyò vṛko ná tṛṣṇájam mṛgám vittám me asyá rodasī ||  
1.105.08a sám mā tapanty abhítaḥ sapátnīr iva pársavaḥ |  
1.105.08c mūṣo ná śísñá vy ādanti mādhyà stotāraḥ te śatakrato vittám me asyá rodasī ||  
1.105.09a amí yé saptá raśmáyas tátṛā me nābhír ātatā |  
1.105.09c tritás tát vedāptyáḥ sá jāmitvāya rebhati vittám me asyá rodasī ||  
1.105.10a amí yé páñcokṣāṇo mádhye tasthúr mahó divāḥ |  
1.105.10c devatrā nú pravācyam sadhrīcinā ní vāvṛtur vittám me asyá rodasī ||  
1.105.11a suparnā etá āsate mádhyā āródhane divāḥ |  
1.105.11c té sedhanti pathó vṛkaḥ tárantaḥ yahvátīr apó vittám me asyá rodasī ||  
1.105.12a návyam tát ukthyám hitám dévāsah supravācanám |  
1.105.12c ṛtám arṣanti síndhavaḥ satyám tátāna sūryo vittám me asyá rodasī ||  
1.105.13a ágne táva tyád ukthyám devéṣv asty ápyam |  
1.105.13c sá naḥ sattó manuṣvād á devān yakṣi vidúṣtaro vittám me asyá rodasī ||  
1.105.14a sattó hótā manuṣvād á devāḥ áchā vidúṣtaraḥ |  
1.105.14c agnír havyá suṣūdati devó devéṣu médhiro vittám me asyá rodasī ||  
1.105.15a bráhmā kṛṇoti váruṇo gātuvídaḥ tám īmahe |  
1.105.15c vy ūṇoti hṛdá matim návyo jāyatām ṛtám vittám me asyá rodasī ||  
1.105.16a asaú yáḥ pánthā ādityó diví pravācyam kṛtáḥ |  
1.105.16c ná sá devā atikráme tám martāso ná paśyatha vittám me asyá rodasī ||  
1.105.17a tritáḥ kúpe 'vahito devān havata ūtāye |  
1.105.17c tát chuśrāva bṛhaspátīḥ kṛṇvānn amhūraṇád urú vittám me asyá rodasī ||  
1.105.18a aruṇó mā sakṛd vṛkaḥ pathā yántam dadárśa hí |  
1.105.18c új jihíte nicāyyā táṣteva pṛṣtyāmayí vittám me asyá rodasī ||  
1.105.19a enāṅgūṣeṇa vayám índravanto 'bhí ṣyāma vṛjāne sárvavīrāḥ |  
1.105.19c tán no mitró váruṇo māmahantām áditīḥ síndhuḥ pṛthiví utá dyaúḥ ||

- 1.106.01a índram mitráḥ váruṇam agním ūtāye mārutaḥ sárdho áditim havāmahe |  
1.106.01c rátham ná durgād vasavaḥ sudānavo víśvasmān no áḥhaso níṣ pipartana ||  
1.106.02a tá ādityā á gatā sarvátātaye bhūtá devā vṛtratūryeṣu śambhúvaḥ |  
1.106.02c rátham ná durgād vasavaḥ sudānavo víśvasmān no áḥhaso níṣ pipartana ||  
1.106.03a ávantu naḥ pitáraḥ supravācanā utá deví deváputre ṛtāvṛdhā |  
1.106.03c rátham ná durgād vasavaḥ sudānavo víśvasmān no áḥhaso níṣ pipartana ||  
1.106.04a nárāśamsam vājīnam vājáyann ihá kṣayádvīram pūṣāṇam sumnaír īmahe |  
1.106.04c rátham ná durgād vasavaḥ sudānavo víśvasmān no áḥhaso níṣ pipartana ||



- 1.106.05a bṛhaspate sádama ínaḥ sugám kṛdhi śám yór yát te mánurhitam tád ímahe |  
 1.106.05c rátham ná durgád vasavaḥ sudānavo vísvasmān no aṃhaso níṣ pipartana ||  
 1.106.06a índram kútso vṛtrahánaṃ śácīpátim káté níbālha íṣir ahvad útáye |  
 1.106.06c rátham ná durgád vasavaḥ sudānavo vísvasmān no aṃhaso níṣ pipartana ||  
 1.106.07a devaír no devy áditir ní pátu devás trātá trāyatām áprayuchan |  
 1.106.07c tán no mitró váruṇo māmahantām áditih síndhuḥ pṛthiví utá dyaúḥ ||

- 1.107.01a yajñó devánām práty eti sumnám ádityāso bhávatā mṛlayántaḥ |  
 1.107.01c á vo 'rvácī sumatír vavṛtyād aṃhós cid yá varivovíttarásat ||  
 1.107.02a úpa no devá ávasá gamantv aṅgirasām sāmabhi stūyámānāḥ |  
 1.107.02c índra indriyaír marúto marúdbhir ádityaír no áditih śárma yaṃsat ||  
 1.107.03a tán na índras tád váruṇas tád agnís tád aryamá tát savitá cáno dhāt |  
 1.107.03c tán no mitró váruṇo māmahantām áditih síndhuḥ pṛthiví utá dyaúḥ ||

- 1.108.01a yá indrāgnī citrátamo rátho vām abhí vísvāni bhúvanāni cáṣte |  
 1.108.01c téná yātam sarátham tasthivámsáthā sómasya pibatam sutásya ||  
 1.108.02a yāvad idám bhúvanam vísvam ásty uruvyácā varimátā gabhírám |  
 1.108.02c távāṃ ayám pátave sómo astv áram indrāgnī mánase yuvábhyām ||  
 1.108.03a cakráthe hí sadhryān nāma bhadrām sadhrīcīnā vṛtrahaṇā utá sthaḥ |  
 1.108.03c táv indrāgnī sadhryāncā niśádyā vṛṣṇaḥ sómasya vṛṣaṇā vṛṣethām ||  
 1.108.04a sámiddheṣv agníṣv ānajānā yatásrucā barhír u tistirāṇā |  
 1.108.04c tīvraḥ sómaiḥ páriṣiktebhir arvāg éndrāgnī saumanasāya yātam ||  
 1.108.05a yānīndrāgnī cakráthur vīryāṇi yāni rūpāṇy utá vṛṣnyāni |  
 1.108.05c yá vām pratnāni sakhyā śivāni tébhiḥ sómasya pibatam sutásya ||  
 1.108.06a yád ábravam prathamám vām vṛṇānò 'yám sómo ásurair no vihávyah |  
 1.108.06c tám satyám śraddhām abhy á hí yātám áthā sómasya pibatam sutásya ||  
 1.108.07a yád indrāgnī mádathaḥ své duroṇé yád brahmāni rájani vā yajatrā |  
 1.108.07c átaḥ pári vṛṣaṇāv á hí yātám áthā sómasya pibatam sutásya ||  
 1.108.08a yád indrāgnī yáduṣu turváṣeṣu yád druhyúṣv ánuṣu pūrúṣu stháh |  
 1.108.08c átaḥ pári vṛṣaṇāv á hí yātám áthā sómasya pibatam sutásya ||  
 1.108.09a yád indrāgnī avamásyām pṛthivyām madhyamásyām paramásyām utá stháh |  
 1.108.09c átaḥ pári vṛṣaṇāv á hí yātám áthā sómasya pibatam sutásya ||  
 1.108.10a yád indrāgnī paramásyām pṛthivyām madhyamásyām avamásyām utá stháh |  
 1.108.10c átaḥ pári vṛṣaṇāv á hí yātám áthā sómasya pibatam sutásya ||  
 1.108.11a yád indrāgnī diví ṣṭhó yát pṛthivyām yát párvateṣv óṣadhīṣv apsú |  
 1.108.11c átaḥ pári vṛṣaṇāv á hí yātám áthā sómasya pibatam sutásya ||  
 1.108.12a yád indrāgnī úditā sūryasya mádhye diváh svadháyā mádáyethe |  
 1.108.12c átaḥ pári vṛṣaṇāv á hí yātám áthā sómasya pibatam sutásya ||  
 1.108.13a evéndrāgnī papivámsā sutásya vísvāsmábhyam sám jayatam dhánāni |  
 1.108.13c tán no mitró váruṇo māmahantām áditih síndhuḥ pṛthiví utá dyaúḥ ||

1.109.01a ví hy ákhyam mánasā vāsya ichánn indrāgnī jñāsá utá vā sajātān |  
 1.109.01c nānyā yuvát prāmatir asti máhyam sá vāṃ dhíyam vājayántīm atakṣam ||  
 1.109.02a áśravam hí bhūridāvattarā vāṃ víjāmātur utá vā ghā syālāt |  
 1.109.02c áthā sómasya práyatī yuvábhyām indrāgnī stómaṃ janayāmi návyam ||  
 1.109.03a má chedma raśmīm̐r íti nādhamānāḥ pitṛṇām̐ śaktír anuyáchamānāḥ |  
 1.109.03c indrāgnībhyām kām vṛṣaṇo madanti tá hy ádrī dhiśāṇyā upásthe ||  
 1.109.04a yuvábhyām deví dhiśāṇā mādāyéndrāgnī sómam úsatí sunoti |  
 1.109.04c táv ásvinā bhadrahastā supāṇī ā dhāvataṃ mádhunā pṛiktám apsú ||  
 1.109.05a yuvām indrāgnī vāsuno vibhāgé tavástamā śúśrava vṛtrahátye |  
 1.109.05c táv āsādya barhíṣi yajñé asmín prá carṣaṇī mādayethām sutásya ||  
 1.109.06a prá carṣaṇībhyaḥ pṛtanāhāveṣu prá pṛthivyā riricāthe divás ca |  
 1.109.06c prá síndhubhyaḥ prá girībhyo mahitvá préndrāgnī víśvā bhúvanāty anyā ||  
 1.109.07a ā bharataṃ síkṣataṃ vajrabāhū asmām̐ indrāgnī avataṃ śácībhiḥ |  
 1.109.07c imé nú té raśmáyaḥ sūryasya yébbhiḥ sapitvám pitáro na ásan ||  
 1.109.08a púraṃdarā síkṣataṃ vajrahastāsmām̐ indrāgnī avataṃ bhāreṣu |  
 1.109.08c tán no mitró váruṇo māmahantām áditih síndhuḥ pṛthiví utá dyaúḥ ||

1.110.01a tatám me ápas tát u tāyate púnaḥ svādiṣṭhā dhítir ucáthāya śasyate |  
 1.110.01c ayám samudrá ihá víśvādevyaḥ svāhākṛtasya sám u tṛṇṇuta ṛbhavaḥ ||  
 1.110.02a ābhogáyam prá yád ichánta aítanāpākāḥ pṛāṇco máma ké cid āpáyah |  
 1.110.02c saúdhanvanāsaś caritásya bhūmánāgachata savitúr dāsūso grhám ||  
 1.110.03a tát savitā vo 'mṛtatvám āsuvad ágohyam yác chraváyanta aítana |  
 1.110.03c tyám cic camasám ásurasya bhákṣaṇam ékam sántam akrṇutā caturvayam ||  
 1.110.04a viṣtví sámī taraṇitvéna vāgháto mártāsaḥ sánto amṛtatvám ānaśuḥ |  
 1.110.04c saudhanvanā ṛbhávaḥ sūracaḥsasah saṃvatsaré sám aprcyanta dhítībhiḥ ||  
 1.110.05a ksétram iva ví mamus téjanenaṃ ékam pátram ṛbhávo jéhamānam |  
 1.110.05c úpastutā upamáṃ nādhamānā ámartyeṣu śráva ichámānāḥ ||  
 1.110.06a ā manīṣám antárikṣasya nṛbhyah srucéva ghṛtām̐ juhavāma vidmánā |  
 1.110.06c taraṇitvá yé pitúr asya saścirá ṛbhávo vājam aruhan divó rájah ||  
 1.110.07a ṛbhúr na índraḥ śávasā návīyān ṛbhúr vājebhir vásubhir vásur dadíḥ |  
 1.110.07c yuśmākaṃ devā ávasāhani priyè 'bhí tiṣṭhema pṛtsutír ásunvatām ||  
 1.110.08a nís cármaṇa ṛbhavo gām̐ apim̐sata sám vatsénāstjatā mātáram púnaḥ |  
 1.110.08c saúdhanvanāsaḥ svapasyáyā naro jívīrī yúvānā pitárākṛṇotana ||  
 1.110.09a vājebhir no vājasātāv aviddhy ṛbhumām̐ indra citráṃ ā darṣi rádhaḥ |  
 1.110.09c tán no mitró váruṇo māmahantām áditih síndhuḥ pṛthiví utá dyaúḥ ||

1.111.01a tákṣan ráthaṃ suvṛtaṃ vidmanāpasas tákṣan hárī indravāhā vṛṣaṇvasū |  
 1.111.01c tákṣan pitṛbhyām ṛbhávo yúvad váyas tákṣan vatsáya mātáram sacābhúvam ||  
 1.111.02a ā no yajñāya takṣata ṛbhumád váyah krátve dáksāya suprajávatīm ísam |  
 1.111.02c yáthā kṣáyāma sáravārayā víśá tán naḥ sárdhāya dhāsathā sv índriyam ||  
 1.111.03a ā takṣata sātīm asmábhyam ṛbhavaḥ sātīm ráthāya sātīm árvate naraḥ |  
 1.111.03c sātīm no jaítṛīm sám maheta víśvāhā jāmím̐ ájānim̐ pṛtanāsu sakṣānim̐ ||

1.111.04a ṛbhukṣāṇam índram á huva ūtáya ṛbhún vājān marútaḥ sómapītaye |  
1.111.04c ubhā mitrávaruṇā nūnám aśvínā té no hinvantu sātáye dhiyé jiṣé ||  
1.111.05a ṛbhúr bhárāya sám śiśātu sātīm samaryajíd vājo asmāñ aviṣtu |  
1.111.05c tán no mitró varuṇo māmahantām áditiḥ síndhuḥ pṛthiví utá dyaúḥ ||

1.112.01a íle dyāvāpṛthiví pūrvácittaye 'gnīm gharmám surúcaṃ yāmann iṣṭáye |  
1.112.01c yābhir bháre kārám ámśāya jínvathas tábhir ū śú ūtíbhiraśvínā gatam ||  
1.112.02a yuvór dānāya subhārā asaścato rátham á tasthur vacasám ná mántave |  
1.112.02c yābhir dhíyó 'vathaḥ kármann iṣṭáye tábhir ū śú ūtíbhiraśvínā gatam ||  
1.112.03a yuvám tāsām divyásya praśāsane viśám kṣayatho amṛtasya majmánā |  
1.112.03c yābhir dhenúm asvām pínvatho narā tábhir ū śú ūtíbhiraśvínā gatam ||  
1.112.04a yābhiḥ párijmā tánayasya majmánā dvimātá tūrśú tarāṇir vibhúṣati |  
1.112.04c yābhis trimántur ábhavad vicakṣānás tábhir ū śú ūtíbhiraśvínā gatam ||  
1.112.05a yābhī rebhám nírvtaṃ sitám adbhyá úd vándanam aírayatam svàr dṛśé |  
1.112.05c yābhiḥ kánvam prá síśasantam ávatam tábhir ū śú ūtíbhiraśvínā gatam ||  
1.112.06a yābhir ántakam jásamānam áraṇe bhujuúm yābhir avyathíbhiraśvínā gatam ||  
1.112.06c yābhiḥ karkándhum vayyāṃ ca jínvathas tábhir ū śú ūtíbhiraśvínā gatam ||  
1.112.07a yābhiḥ śucantīm dhanasām suśamsádam taptám gharmám omyāvantam átraye |  
1.112.07c yābhiḥ pṛśnigum purukútsam ávatam tábhir ū śú ūtíbhiraśvínā gatam ||  
1.112.08a yābhiḥ śácíbhiraśvínā parāvṛjam prándhám śronám cáksasa étave kṛtháh |  
1.112.08c yābhir vartikām grasitám ámuñcatam tábhir ū śú ūtíbhiraśvínā gatam ||  
1.112.09a yābhiḥ síndhum mádhumentam ásaścatam vásiṣṭham yābhir ajarāv ájinvatam |  
1.112.09c yābhiḥ kútsam śrutáryam náryam ávatam tábhir ū śú ūtíbhiraśvínā gatam ||  
1.112.10a yābhir viśpálām dhanasām atharvyām sahasramīha ājāv ájinvatam |  
1.112.10c yābhir vásam aśvyám preṇím ávatam tábhir ū śú ūtíbhiraśvínā gatam ||  
1.112.11a yābhiḥ sudānū auśijāya vañje dírgháśravase mádhu kóso ákṣarat |  
1.112.11c kaksīvantam stotāram yābhir ávatam tábhir ū śú ūtíbhiraśvínā gatam ||  
1.112.12a yābhī rasām kṣódasodnáḥ pipinváthur anaśvám yābhī rátham ávatam jiṣé |  
1.112.12c yābhis trísóka usrīyā udájata tábhir ū śú ūtíbhiraśvínā gatam ||  
1.112.13a yābhiḥ sūryam pariyātháh parāvátí mandhātāram kṣaítapatyeṣv ávatam |  
1.112.13c yābhir vípram prá bharádvājam ávatam tábhir ū śú ūtíbhiraśvínā gatam ||  
1.112.14a yābhir mahám atithigvám kaśojúvam dívodāsam śambarahátya ávatam |  
1.112.14c yābhiḥ pūrbhídye trasádasyum ávatam tábhir ū śú ūtíbhiraśvínā gatam ||  
1.112.15a yābhir vamráṃ vipipānam upastutám kalīm yābhir vittájāniṃ duvasyáthah |  
1.112.15c yābhir vyāsvam utá pṛthim ávatam tábhir ū śú ūtíbhiraśvínā gatam ||  
1.112.16a yābhir narā śayáve yābhir átraye yābhiḥ purá mánave gātúm īśáthuh |  
1.112.16c yābhiḥ śārīr ájatam syūmaraśmaye tábhir ū śú ūtíbhiraśvínā gatam ||  
1.112.17a yābhiḥ pátharvā játharasya majmánāgnír nádīdec citá iddhó ájmann á |  
1.112.17c yābhiḥ śaryātam ávatho mahādhané tábhir ū śú ūtíbhiraśvínā gatam ||  
1.112.18a yābhir āngiro mánasā nirānyáthó 'gram gáchatho vivaré góarṇasaḥ |  
1.112.18c yābhir mánum śúram iṣá samávatam tábhir ū śú ūtíbhiraśvínā gatam ||  
1.112.19a yābhiḥ pátnīr vimadāya nyūháthur á gha vā yābhir aruñír áśikṣatam |  
1.112.19c yābhiḥ sudāsa ūháthuh sudevyām tábhir ū śú ūtíbhiraśvínā gatam ||  
1.112.20a yābhiḥ śámtātī bhávatho dadāśiṣe bhuvīm vābhir ávatho vābhir ádhriṣum |

- 1.112.20c omyávatīm subhárām ṛtastúbhaṃ tábhir ū śú ūtíbhīr aśvinā gatam ||  
1.112.21a yābhiḥ kṛṣānum ásane duvasyátho javé yābhir yūno árvantam ávatam |  
1.112.21c mádhu priyám bharatho yát sarádbhyas tábhir ū śú ūtíbhīr aśvinā gatam ||  
1.112.22a yābhir náram goṣuyúdhāṃ nṛṣāhye kṣétrasya sātá tánayasya jínvathaḥ |  
1.112.22c yābhī ráthāñ ávatho yābhir árvatas tábhir ū śú ūtíbhīr aśvinā gatam ||  
1.112.23a yābhiḥ kútsam ārjuneyám śatakratū prá turvítim prá ca dabhítim ávatam |  
1.112.23c yābhir dhvasántim puruśántim ávataṃ tábhir ū śú ūtíbhīr aśvinā gatam ||  
1.112.24a ápnasvatīm aśvinā vácām asmé kṛtām no dasrā vṛṣaṇā manīśām |  
1.112.24c adyūtyé 'vase ní hvaye vām vṛdhé ca no bhavataṃ vājasātau ||  
1.112.25a dyúbhir aktúbhiḥ pári pátam asmān áriṣṭebhir aśvinā saúbhagebhiḥ |  
1.112.25c tán no mitró váruṇo māmahantām áditih sándhuḥ pṛthiví utá dyaúḥ ||

- 1.113.01a idám śréṣṭham jyótiṣām jyótir āgāc citráḥ praketo ajaniṣṭa víbhvā |  
1.113.01c yáthā prásūtā savitúḥ saváyañ evá rátry uśáse yónim āraik ||  
1.113.02a rúsadvatsā rúsatī śvetyāgād āraig u kṛṣṇā sádanāny asyāḥ |  
1.113.02c samānābandhū amṛte anūcī dyāvā várṇaṃ carata āmināné ||  
1.113.03a samāno ádhvā svásror anantás tám anyānyā carato devásiṣṭe |  
1.113.03c ná methete ná tasthatuḥ suméke náктоśásā sámanasā vírūpe ||  
1.113.04a bhāsvatī netrī sūnítānām áceti citrá ví dúro na āvaḥ |  
1.113.04c prārpyā jágad vy ù no rāyo akhyad uśā ajīgar bhúvanāni víśvā ||  
1.113.05a jihmaśyè carítave maghóny ābhogáya iṣṭáye rāyá u tvam |  
1.113.05c dabhrám pásyadbhya urviyā vicákṣa uśā ajīgar bhúvanāni víśvā ||  
1.113.06a kṣatrāya tvam śrávase tvam mahīyā iṣṭáye tvam ártham iva tvam ityaí |  
1.113.06c vísadṛśā jīvitābhipracákṣa uśā ajīgar bhúvanāni víśvā ||  
1.113.07a eśā divó duhitā práty adarśi vyuchántī yuvatíḥ śukrávāsāḥ |  
1.113.07c víśvasyésānā pārhivasya vásva úšo adyéhá subhage vy ùcha ||  
1.113.08a parāyatīnām ánvy eti pātha āyatīnām prathamā śásvatīnām |  
1.113.08c vyuchántī jīvám udīráyanty uśā mṛtām kām caná bodháyantī ||  
1.113.09a úšo yád agníṃ samídhe cakártha ví yád ávaś cákṣasā sūryasya |  
1.113.09c yán mānuṣān yakṣyamāñāñ ajīgas tát devéṣu cakṛṣe bhadrám ápnaḥ ||  
1.113.10a kíyāty á yát samáyā bhávāti yā vyūṣúr yás ca nūnām vyuchān |  
1.113.10c ánu pūrvāḥ kṛpate vāvasānā pradídhyānā jóṣam anyābhir eti ||  
1.113.11a iyúṣ té yé pūrvatarām ápaśyan vyuchántīm uśásam mártýāsaḥ |  
1.113.11c asmābhir ū nú praticákṣyābhūd ó té yanti yé aparíṣu páśyān ||  
1.113.12a yāvayáddveṣā ṛtapā ṛtejāḥ sumnāvārī sūnítā íráyantī |  
1.113.12c sumaṅgalír bíbhratī devávítim ihādyóṣaḥ śréṣṭhatamā vy ùcha ||  
1.113.13a śásvat puróṣā vy ùvāsa devy átho adyédam vy àvo maghónī |  
1.113.13c átho vy ùchād úttarāñ ánu dyūn ajáramítā carati svadhābhiḥ ||  
1.113.14a vy añjībhir divá átāsv adyaud ápa kṛṣṇām nirmíjam devy àvaḥ |  
1.113.14c prabodháyanty aruñebhir ásvair óśā yāti suyújā ráthena ||  
1.113.15a āvāhantī póśyā vāryāñi citráṃ ketúm kṛṇute cékitānā |  
1.113.15c iyúṣīnām upamā śásvatīnām vibhātīnām prathamóśā vy àsvait ||  
1.113.16a úd írdhvaṃ jívó ásur na āgād ápa prágāt táma á jyótir eti |

1.113.16c áraik pánthām yátave sūryāyāganma yātra pratiránta áyuh ||  
 1.113.17a syūmanā vácá úd iyarti váhni stávāno rebhá uśáso vibhātīh |  
 1.113.17c adyā tát ucha grṇaté maghony asmé áyur ní didīhi prajāvat ||  
 1.113.18a yā gómatīr uśasaḥ sáravavīrā vyuchánti dāsúṣe mártýāya |  
 1.113.18c vāyór iva sūnītānām udarké tá aśvadā aśnavat somasútvā ||  
 1.113.19a mātā devānām áditer ánīkaṃ yajñásya ketúr bṛhatī ví bhāhi |  
 1.113.19c praśastikṛd bráhmaṇe no vy ūchá no jáne janāya vísvavāre ||  
 1.113.20a yác citráṃ ápna uśáso váhantījānāya śásamānāya bhadrám |  
 1.113.20c tán no mitró váruṇo māmahantām áditiḥ síndhuḥ pṛthiví utá dyaúh ||

1.114.01a imā rudrāya tavāse kapardīne kṣayádvīrāya prá bharāmahe matīh |  
 1.114.01c yáthā śám ásad dvipáde cátuṣpade víśvam puṣtám grāme asmínn anāturám ||  
 1.114.02a mṛlā no rudrotá no máyas kṛdhi kṣayádvīrāya námasā vidhema te |  
 1.114.02c yác chám ca yós ca mánur āyejé pitā tát aśyāma táva rudra prānītiṣu ||  
 1.114.03a aśyāma te sumatīm devayajyāyā kṣayádvīrasya táva rudra mīdhvaḥ |  
 1.114.03c sumnāyānn íd víšo asmákam ā carāriṣṭavīrā juhavāma te havīh ||  
 1.114.04a tveśám vayám rudrám yajñasādham vaṅkúṃ kavím ávase ní hvayāmahe |  
 1.114.04c āre asmád daívyam hélo asyatu sumatīm íd vayám asyā vṛṇīmahe ||  
 1.114.05a divó varāhám aruśám kapardīnam tveśám rūpám námasā ní hvayāmahe |  
 1.114.05c háste bíbhrad bheśajā váryāni śárma várma chardír asmábhyam yaṃsat ||  
 1.114.06a idám pitré marútām ucyate vácāḥ svádóḥ svádiyo rudrāya várdhanam |  
 1.114.06c rāsvā ca no amṛta martabhójanam tmāne tokāya tánayāya mṛla ||  
 1.114.07a má no mahāntam utá má no arbhakám má na úkṣantam utá má na ukṣítam |  
 1.114.07c má no vadhiḥ pitáram móta mātáram má naḥ priyās tanvò rudra rīriṣaḥ ||  
 1.114.08a má nas toké tánaye má na āyaú má no góṣu má no áśveṣu rīriṣaḥ |  
 1.114.08c vīrān má no rudra bhāmitó vadhīr havíṣmantaḥ sádám ít tvā havāmahe ||  
 1.114.09a úpa te stómān paśupá ivākaram rāsvā pitar marutām sumnám asmé |  
 1.114.09c bhadrā hí te sumatír mṛlayáttamāthā vayám áva ít te vṛṇīmahe ||  
 1.114.10a āre te goghnám utá pūruṣaghnám kṣayádvīra sumnám asmé te astu |  
 1.114.10c mṛlā ca no ádhi ca brūhi devádḥ ca naḥ śárma yacha dvibárhāḥ ||  
 1.114.11a ávocāma námo asmā avasyávaḥ śṛṇótu no hávam rudró marútvān |  
 1.114.11c tán no mitró váruṇo māmahantām áditiḥ síndhuḥ pṛthiví utá dyaúh ||

1.115.01a citráṃ devānām úd agād ánīkaṃ cákṣur mitrásya váruṇasyāgnéḥ |  
 1.115.01c áprā dyāvāpṛthiví antárikṣam sūrya ātmā jágatas tasthúśas ca ||  
 1.115.02a sūryo devīm uśasam rócāmānām máryo ná yóṣām abhy èti paścāt |  
 1.115.02c yātrā náro devayánto yugāni vitanvaté práti bhadrāya bhadrám ||  
 1.115.03a bhadrā ásvā harítaḥ sūryasya citrá étagvā anumādyāsaḥ |  
 1.115.03c namasyánto divá ā pṛṣṭhám asthuḥ pári dyāvāpṛthiví yanti sadyáḥ ||  
 1.115.04a tát sūryasya devatvám tán mahitvám madhyā kártor vítataṃ sám jabhāra |  
 1.115.04c yadéd áyukta harítaḥ sadhásthād ád rátrī vāsas tanute simásmai ||  
 1.115.05a tán mitrásya váruṇasyābhicákṣe sūryo rūpám kṛṇute dyór upásthe |  
 1.115.05c anantám anvád rúsad asva páiaḥ krsnám anvád dharítah sám bharanti ||

1.115.06a adyā devā úditā sūryasya nír āmhasaḥ pipṛtā nír avadyāt |  
1.115.06c tán no mitró váruṇo māmahantām áditih síndhuḥ pṛthiví utá dyaúḥ ||

1.116.01a nāsatyābhyām barhír iva prá vṛñje stómāñ iyarmy abhríyeva vātaḥ |  
1.116.01c yāv árbhagāya vimadāya jāyām senājúvā nyūhátū ráthena ||  
1.116.02a vīlupátmabhir āsuhémabhir vā devānām vā jūtībhiḥ śásadānā |  
1.116.02c tát rāsabho nāsatyā sahasram ājā yamāsya pradhāne jigāya ||  
1.116.03a túgro ha bhujyúm aśvinodameghé rayím ná kás cin mamṛvām ávāhāḥ |  
1.116.03c tám ūhathur naubhír ātmanvátībhir antarikṣaprúdbhir ápodakābhiḥ ||  
1.116.04a tistráh kṣápas trír áhātivrájadbhir nāsatyā bhujyúm ūhathuḥ patamgaḥ |  
1.116.04c samudrásya dhánvann ādrásya pāre tribhí ráthaiḥ śatápadbhiḥ śálaśvaiḥ ||  
1.116.05a anārambhaṇé tát avīrayethām anāsthāné agrabhaṇé samudré |  
1.116.05c yád aśvinā ūhathur bhujyúm ástaṃ śatáritrām nāvam ātasthivāmsam ||  
1.116.06a yám aśvinā dadáthuḥ śvetám ásvam aghāśvāya śásvad ít svastí |  
1.116.06c tát vām dātrám máhi kīrtényam bhūt paidvó vājí sádám íd dhávyo aryāḥ ||  
1.116.07a yuvām narā stuvaté pajriyāya kakṣívate aradatam púramdhim |  
1.116.07c kārotarác chaphād ásvasya vṛṣṇaḥ śatám kumbhām asiñcatam sūrāyāḥ ||  
1.116.08a himénāgnim ghraṃsám avārayethām pitumátim ūrjam asmā adhattam |  
1.116.08c ṛbīse átrim aśvināvanītam ún ninyathuḥ sárvagaṇam svastí ||  
1.116.09a páravatām nāsatyānudethām uccābudhnam cakrathur jihmábāram |  
1.116.09c kṣārann āpo ná pāyānāya rāyé sahasrāya tṛṣyate gótamasya ||  
1.116.10a jujurúšo nāsatyotá vavrim prámuñcatam drāpim iva cyāvānāt |  
1.116.10c prátiratam jahitasyāyur dasrād ít pátim akrṇutam kanīnām ||  
1.116.11a tát vām narā sámśyam rádhyam cābhiṣtimán nāsatyā várūtham |  
1.116.11c yád vidvāmsā nidhím ivāpagulham úd darśatād ūpáthur vāndanāya ||  
1.116.12a tát vām narā sanāye dámsa ugrám āvis kṛṇomi tanyatúr ná vṛṣtím |  
1.116.12c dadhyán ha yán mádhv ātharvaṇó vām ásvasya śīrṣṇā prá yád im uvāca ||  
1.116.13a ájohavīn nāsatyā karā vām mahé yāman purubhujā púramdhiḥ |  
1.116.13c śrutám tác chāsúr iva vadhrimatyā híraṇyahastam aśvināv adattam ||  
1.116.14a āsnó víkasya vártikām abhíke yuvām narā nāsatyāmumuktam |  
1.116.14c utó kavim purubhujā yuvām ha kṛpamāṇam akrṇutam vicákṣe ||  
1.116.15a carítram hí vér ivāchedi parṇám ājā khelásya páritakmyāyām |  
1.116.15c sadyó jángḥām áyasim víspālāyai dhāne hité sártave práty adhattam ||  
1.116.16a śatám meṣān vṛkyè cakṣadānám rjrásvam tám pitāndhām cakāra |  
1.116.16c tásmā aksī nāsatyā vicákṣa ādhattam dasrā bhiṣajāv anarván ||  
1.116.17a á vām rátham duhitā sūryasya kārṣmevātiṣṭhad árvatā jáyantī |  
1.116.17c ví sve devā án v amanyanta hṛdbhiḥ sám u śriyā nāsatyā sacethe ||  
1.116.18a yád áyātam dívodāsāya vartír bharádvājyāśvinā háyantā |  
1.116.18c revád uvāha sacanó rátho vām vṛṣabhás ca śimśumāraś ca yuktā ||  
1.116.19a rayim sukṣatram svapatyām áyuh suvīryam nāsatyā váhantā |  
1.116.19c á jahnāvīm sámanasópa vājais trír áhno bhāgám dádhatim ayātam ||  
1.116.20a pári viṣtam jāhuśám vísvátaḥ sīm sugébhír náktam ūhathū rájobhiḥ |  
1.116.20c vibhindúnā nāsatyā ráthena ví párvatām ajarayú ayātam ||

1.116.21a ékasyā vástor āvatam rāṇāya vāsam aśvinā sanāye sahasrā |  
 1.116.21c nír ahatam duchúnā índravantā pṛthuśrávaso vṛṣaṇāv árātīḥ ||  
 1.116.22a śarásya cid ārcatkásyāvatād ā nīcād uccā cakrathuḥ pátave vāḥ |  
 1.116.22c śayáve cin nāsatyā śácībhir jásuraye staryām pipyathur gām ||  
 1.116.23a avasyaté stuvaté kṛṣṇiyāya rjūyaté nāsatyā śácībhiḥ |  
 1.116.23c paśúm ná naštám iva dárśanāya viṣṇāpvam dadathur vísvakāya ||  
 1.116.24a dáśa rátrīr aśivenā náva dyūn ávanaddham śnathitám apsv àntāḥ |  
 1.116.24c víprutam rebhám udáni právrktam ún ninyathuḥ sómam iva sruvéna ||  
 1.116.25a prá vām dámsāmsy aśvināv avocam asyá pátīḥ syām sugávaḥ suvīraḥ |  
 1.116.25c utá pásyann aśnuván dīrghám áyur ástam ivéj jarimāṇam jagamyām ||

1.117.01a mádhvaḥ sómasyāśvinā mādāya pratnó hótā vivāsate vām |  
 1.117.01c barhīsmatī rātīr víśritā gīr iṣā yātam nāsatyópa vājaiḥ ||  
 1.117.02a yó vām aśvinā mánaso jávīyān ráthaḥ svásvo víśa ājígati |  
 1.117.02c yéna gáchathaḥ sukṛto duroṇám téna narā vartír asmábhyam yātam ||  
 1.117.03a řiṣim narāv ámhasaḥ pāñcajanyaṃ řbīsād átrim muñcatho gaṇéna |  
 1.117.03c minántā dásyor aśivasya māyā anupūrvām vṛṣaṇā codáyantā ||  
 1.117.04a áśvam ná gūlhám aśvinā durévair řiṣim narā vṛṣaṇā rebhám apśú |  
 1.117.04c sám tám riñītho víprutam dámsobhir ná vām júryanti pūrvyá kṛtāni ||  
 1.117.05a suṣupvāmsam ná nírtter upásthe sūryam ná dasrā támasi kṣiyántam |  
 1.117.05c śubhé rukmām ná darśatām níkhātam úd ūpathur aśvinā vandanāya ||  
 1.117.06a tát vām narā śámśyam pajriyéna kakśívata nāsatyā párijman |  
 1.117.06c śaphād aśvasya vājīno jánāya śatām kumbhām asiñcatam mádhūnām ||  
 1.117.07a yuvām narā stuvaté kṛṣṇiyāya viṣṇāpvam dadathur vísvakāya |  
 1.117.07c ghóṣāyai cit pitṛśāde duroṇé pátim júryantyā aśvināv adattam ||  
 1.117.08a yuvām śyāvāya rúsatīm adattam mahāḥ kṣoṇásyāśvinā káṇvāya |  
 1.117.08c pravācyam tát vṛṣaṇā kṛtām vām yán nārśadāya śrávo adhyádhattam ||  
 1.117.09a purú várpāmsy aśvinā dádhanā ní pedáva ūhathur āśúm áśvam |  
 1.117.09c sahasrasām vājīnam ápratītam ahihānam śravasyām tárutram ||  
 1.117.10a etāni vām śravasyā sudānū bráhmāngūśam sádanam ródasyoḥ |  
 1.117.10c yád vām pajrásō aśvinā hávante yātām iṣā ca vidúṣe ca vājam ||  
 1.117.11a sūnór mānenāśvinā grṇāná vājam víprāya bhuraṇā rádantā |  
 1.117.11c agástye bráhmaṇā vāvṛdhāná sám víspālām nāsatyāriñītam ||  
 1.117.12a kúha yāntā suṣtutīm kāvyāsya dívo napātā vṛṣaṇā śayutrā |  
 1.117.12c híraṇyasyeva kaláśam níkhātam úd ūpathur daśamé aśvināhan ||  
 1.117.13a yuvām cyāvānam aśvinā járantam púnar yúvānam cakrathuḥ śácībhiḥ |  
 1.117.13c yuvó rátham duhitā sūryasya sahá śriyā nāsatyāvṛñīta ||  
 1.117.14a yuvām túgrāya pūrvyébhir évaiḥ punarmanyāv abhavatam yuvānā |  
 1.117.14c yuvām bhujyúm árṇaso níḥ samudrād víbhir ūhathur řjrébhir áśvaiḥ ||  
 1.117.15a ájohavīd aśvinā taugryó vām prólhaḥ samudrām avyathír jaganvān |  
 1.117.15c níṣ tám ūhathuḥ suyújā ráthena mánojavasā vṛṣaṇā svastí ||  
 1.117.16a ájohavīd aśvinā vartikā vām āsnó yát sīm ámuñcatam víkasya |  
 1.117.16c ví jayúṣā yayathuḥ sánv ádrer jātām viṣvāco ahatam viśéna ||  
 1.117.17a śatām mesān vṛkvè māmahānām támah orānītam aśivena pitrá |

- 1.117.17c ákṣī rjṛáśve aśvināv adhattaṃ jyótir andhāya cakrathur vicákṣe ||  
1.117.18a śunám andhāya bháram ahvayat sá vṛkír aśvinā vṛṣaṇā náréti |  
1.117.18c jārāḥ kanīna iva cakṣadānā rjṛáśvaḥ śatám ékaṃ ca meṣān ||  
1.117.19a mahí vām ūtír aśvinā mayobhūr utá srāmám dhiṣṇyā sám riñīthaḥ |  
1.117.19c áthā yuvám íd ahvayat púramdhir āgachataṃ sīm vṛṣaṇāv ávobhiḥ ||  
1.117.20a ádhenuṃ dasrā staryám víśaktām ápinvataṃ śáyáve aśvinā gám |  
1.117.20c yuvám śácībhir vimadāya jāyám ny ùhathuḥ purumitrásya yóṣām ||  
1.117.21a yávam vṛkeṇāśvinā vápantéṣam duhántā mánuṣāya dasrā |  
1.117.21c abhí dásyum bákureṇā dhámantorú jyótiś cakrathur áryāya ||  
1.117.22a ātharvaṇāyāśvinā dadhícé 'śvyam śíraḥ práty airayatam |  
1.117.22c sá vām mádhu prá vocad ṛtāyán tvāṣṭrám yád dasrāv apikakṣyam vām ||  
1.117.23a sádā kavī sumatím á cake vām vísvā dhíyo aśvinā právatam me |  
1.117.23c asmé rayím nāsatyā brhántam apatyasácam śrútyam rarāthām ||  
1.117.24a híraṇyahastam aśvinā rárāṇā putráṃ narā vadhrimatyā adattam |  
1.117.24c trídḥā ha śyāvam aśvinā víkastam új jīvása airayataṃ sudānū ||  
1.117.25a etāni vām aśvinā vīryāṇi prá pūrvyāṇy āyávo 'vocan |  
1.117.25c bráhma kṛṇvánto vṛṣaṇā yuvábhyām suvīrāso vidátham á vadema ||

- 1.118.01a á vām rátho aśvinā śyenápatvā sumṛlīkāḥ svávām yātv arvān |  
1.118.01c yó mártasya mánaso jávīyān trivandhuró vṛṣaṇā vātaramhāḥ ||  
1.118.02a trivandhuréṇa trivítā ráthena tricakreṇa suvítā yātam arvāk |  
1.118.02c pínvataṃ gá jínvataṃ árvato no vardháyatam aśvinā vīrám asmé ||  
1.118.03a pravádyāmanā suvítā ráthena dásrāv imám śṛṇutaṃ ślókam ádreḥ |  
1.118.03c kím aṅgá vām práty ávartim gámiṣṭhāhúr víprāso aśvinā purājāḥ ||  
1.118.04a á vām śyenāso aśvinā vahantu ráthe yuktāsa āśávaḥ patamgāḥ |  
1.118.04c yé aptúro divyāso ná gṛdhrā abhí práyo nāsatyā váhanti ||  
1.118.05a á vām rátham yuvatís tiṣṭhad átra juṣṭví narā duhitā sūryasya |  
1.118.05c pári vām áśvā vápuṣaḥ patamgá váyo vahantv aruśá abhíke ||  
1.118.06a úd vándanam airataṃ daṃsánābhir úd rebháṃ dasrā vṛṣaṇā śácībhiḥ |  
1.118.06c níṣ ṭaugryám párayathaḥ samudrāt púnaś cyávānam cakrathur yúvānam ||  
1.118.07a yuvám átrayé 'vanītāya taptám ūrjam omānam aśvināv adhattam |  
1.118.07c yuvám káṇvāyāpiriptāya cákṣuḥ práty adhattam suṣṭutím jujuṣāṇā ||  
1.118.08a yuvám dhenúm śáyáve nādhitāyāpinvataṃ aśvinā pūrvyāya |  
1.118.08c ámuñcataṃ vártikām ámhaso níḥ práti jánghām víspálāyā adhattam ||  
1.118.09a yuvám śvetám pedáva índrajūtam ahihánam aśvinādattam ásvam |  
1.118.09c johútram aryó abhíbhūtim ugrám sahasrasám vṛṣaṇam vídvāngam ||  
1.118.10a tá vām narā sv ávase sujātā hávāmahe aśvinā nādhamānāḥ |  
1.118.10c á na úpa vásumatā ráthena gíro juṣāṇā suvitāya yātam ||  
1.118.11a á śyenásya jávasā nūtanenāsmé yātam nāsatyā sajóṣāḥ |  
1.118.11c háve hí vām aśvinā rātāhavyaḥ śásvattamāyā uśāso vyóṣtau ||

- 1.119.01a á vām rátham purumāyám manojúvam jīrāśvam yajñíyam jívāse huve |



- 1.119.01c sahásraketuṃ vaníṇaṃ śatádvasuṃ śruṣṭívānaṃ varivodhāṃ abhí práyaḥ ||  
1.119.02a ūrdhvā dhītīḥ práty asya práyāmany ádhāyi śásman sám ayanta á díśaḥ |  
1.119.02c svádāmi gharmám práti yanty ūtāya á vām ūrjānī rátham aśvināruhat ||  
1.119.03a sám yán mitháḥ paspṛdhānáso ágmata śubhé makhá ámitā jāyávo ráṇe |  
1.119.03c yuvór áha pravaṇé cekite rátho yád aśvinā váhathaḥ sūrím á váram ||  
1.119.04a yuvám bhujyúṃ bhurámāṇaṃ víbhir gatāṃ sváyuktibhir niváhantā pitṛbhya á |  
1.119.04c yāsiṣṭāṃ vartír vṛṣaṇā vijenyāṃ dívodāsāya máhi ceti vām ávaḥ ||  
1.119.05a yuvór aśvinā vápuṣe yuvāyújaṃ rátham vāṇī yematur asya śárdhyam |  
1.119.05c á vām patitvāṃ sakhyāya jagmúṣī yóśāvṛṇīta jénýā yuvám páti ||  
1.119.06a yuvám rebhám páriṣūter uruṣyatho hiména gharmám páritaptam átraye |  
1.119.06c yuvám śayór avasám pipyathur gávi prá dírgheṇa vándanas tāry áyuṣā ||  
1.119.07a yuvám vándanaṃ níṛṭtaṃ jaraṇyáyā rátham ná dasrā karaṇá sám invathaḥ |  
1.119.07c kṣétrād á vípraṃ janatho vipanyáyā prá vām átra vidhaté daṃsánā bhuvat ||  
1.119.08a ágachataṃ kípamāṇam parāvāti pitúḥ svásya tyájasā níbādhitam |  
1.119.08c svàrvatír itá ūtír yuvór áha citrá abhíke abhavann abhíṣṭayaḥ ||  
1.119.09a utá syā vām mádhuman mákṣikārapan máde sómasyauśijó huvanyati |  
1.119.09c yuvám dadhícó mána á vivāsathó 'thā síraḥ práti vām áśvyam vadat ||  
1.119.10a yuvám pedáve puruvāram aśvinā spṛdhāṃ śvetāṃ tarutāraṃ duvasyathaḥ |  
1.119.10c śáryair abhídium pṛtanāsu duṣṭāraṃ carakṛtyam índram iva carṣaṇísāham ||

- 1.120.01a ká rādhad dhótrāsvinā vām kó vām jóṣa ubháyoḥ |  
1.120.01c kathá vidhāty ápracetaḥ ||  
1.120.02a vidvāṃsāv íd dúraḥ pṛched ávidvān ittháparo acetāḥ |  
1.120.02c nú cin nú márte ákrau ||  
1.120.03a tá vidvāṃsā havāmahe vām tá no vidvāṃsā mánma vocetam adyá |  
1.120.03c prárcad dáyamāno yuvákuḥ ||  
1.120.04a ví pṛchāmi pākyā ná devān váśatḥkṛtasyādbhutatásya dasrā |  
1.120.04c pātāṃ ca sáhyaso yuvám ca rábhnyaso naḥ ||  
1.120.05a prá yá ghóṣe bhṛgavāṇe ná śóbhe yáyā vácā yájati pajriyó vām |  
1.120.05c praíṣayúr ná vidvān ||  
1.120.06a śrutāṃ gāyatrāṃ tákavānasyāhám cid dhí rirébhāsvinā vām |  
1.120.06c ákṣī śubhas patī dán ||  
1.120.07a yuvám hy ástam mahó rán yuvám vā yán nirátataṃsatam |  
1.120.07c tá no vasū sugopá syātam pātāṃ no vírkād aghāyóḥ ||  
1.120.08a má kásmai dhātam abhy àmitríṇe no mákútrā no gṛhébhyo dhenávo guḥ |  
1.120.08c stanābhújo áśísvīḥ ||  
1.120.09a duhīyán mitrádhitaye yuváku rāyé ca no mimītāṃ vājavatyai |  
1.120.09c iṣé ca no mimītāṃ dhenumátyai ||  
1.120.10a aśvínor asanaṃ rátham anaśvám vājínīvatoḥ |  
1.120.10c ténāhám bhūri cākana ||  
1.120.11a ayám samaha mā tanūhyāte jánāṃ ánu |  
1.120.11c somapéyam sukhó ráthaḥ ||  
1.120.12a ádha svápnasya nír vidé 'bhuñjataś ca revátaḥ |

1.120.12c ubhā tā bāsri naśyataḥ ||

- 1.121.01a kád ithhā nṛmḥ pātraṃ devayatām śrávad gíro áṅgirasāṃ turanyán |  
1.121.01c prá yád ānaḍ víśa á harmyáśyorú kramsate adhvaré yájatrah ||  
1.121.02a stámbhīd dha dyām sá dharúnam pruṣāyad ṛbhúr vājāya dráviṇam náro góḥ |  
1.121.02c ánu svajám mahiṣás cakṣata vrām ménām áśvasya pári mātáram góḥ ||  
1.121.03a nákṣad dhávam aruñīḥ pūrvyám rāt turó viśám áṅgirasām ánu dyūn |  
1.121.03c tákṣad vájram níyutaṃ tastámbhad dyām cátuṣpade náryāya dvipāde ||  
1.121.04a asyá máde svaryām dā ṛtāyāpīvṛtam usríyāṇām ánīkam |  
1.121.04c yád dha prasárge trikakúm nivártad ápa drúho mánuṣasya dúro vaḥ ||  
1.121.05a túbhyam páyo yát pitárāv ánītām rádhaḥ surétas turāṇe bhuranyú |  
1.121.05c súci yát te rékṇa áyajanta sabardúghāyāḥ páya usríyāyāḥ ||  
1.121.06a ádha prá jajñe tarāñir mamattu prá rocy asyá uśáso ná sūrah |  
1.121.06c índur yébhīr áṣṭa svéduhavyaiḥ sruvéṇa siñcāñ jarāñābhī dhāma ||  
1.121.07a svidhmā yád vanádhītir apasyāt sūro adhvaré pári ródhanā góḥ |  
1.121.07c yád dha prabhási kṛtyvāñ ánu dyūn ánarvíse paśvíse turāya ||  
1.121.08a aṣṭá mahó divá ádo hári ihá dyumnāsāham abhí yodhāná útsam |  
1.121.08c háriṃ yát te mandínam dukṣán vṛdhé górabhasam ádrībhīr vātāpyam ||  
1.121.09a tvám āyasám práti vartayo gór divó ásmānam úpanītam ṛbhvā |  
1.121.09c kútsāya yátra puruhūta vanvāñ chúṣṇam anantañ pariyāsi vadhañ ||  
1.121.10a purá yát sūras támaso ápītes tám adrivaḥ phaligám hetím asya |  
1.121.10c súṣṇasya cit párihitam yád ójo divás pári súgrathitam tát ádaḥ ||  
1.121.11a ánu tvā mahí pájasī acakré dyāvākṣāmā madatām indra kárman |  
1.121.11c tvám vṛtrám āśáyānam sirásu mahó vājreṇa siṣvapo varāhum ||  
1.121.12a tvám indra náryo yāñ ávo nṛñ tūṣṭhā vátasya suyújo váhiṣṭhān |  
1.121.12c yám te kāvyá usánā mandínam dād vṛtrahānam páryam tatakṣa vájram ||  
1.121.13a tvám sūro haríto rāmoyo nṛñ bhárac cakrám étašo náyám indra |  
1.121.13c práśya pāram navatím nāvyanām ápi kartám avartayó 'yajyūn ||  
1.121.14a tvám no asyá indra durhāñāyāḥ páhí vajrivo duritád abhíke |  
1.121.14c prá no vājān rathyò ásvabudhyān iṣé yandhi śrávase sūnṛtāyai ||  
1.121.15a má sá te asmát sumatír ví dasad vājapramahaḥ sám iṣo varanta |  
1.121.15c á no bhaja maghavan goṣv aryó máñhiṣṭhās te sadhamádaḥ syāma ||

- 1.122.01a prá vaḥ pāntam raghumanyavó 'ndho yajñám rudrāya mīlhúṣe bharadhvam |  
1.122.01c divó astoṣy ásurasya víraír iṣudhyéva marúto ródasyoḥ ||  
1.122.02a pátnīva pūrváhūtiṃ vāvṛdhādhyā uśāsánáktā purudhá vídāne |  
1.122.02c starír nátkam vyótam vásānā sūryasya śriyá sudṛṣī híraṇyaiḥ ||  
1.122.03a mamáttu naḥ párijmā vasarhá mamáttu vāto apām víṣaṇvān |  
1.122.03c śiśítám indraparvatā yuvám nas tán no víśve varivasyantu devāḥ ||  
1.122.04a utá tyá me yaśásā śvetanāyai vyántā pāntausíjé huvádhyai |  
1.122.04c prá vo nápātam apām kṛṇudhvam prá mātārā rāspinásyāyóḥ ||  
1.122.05a á vo ruvaṇyúm auśíjé huvádhyai ghóṣeva śámsam árjunasya námše |

- 1.122.05c prá vaḥ pūṣṇé dāvána āṁ áchā voceya vasútātim agnéḥ ||  
1.122.06a śrutám me mitrāvaruṇā hávemótá śrutam sádane vísvátaḥ sīm |  
1.122.06c śrótu naḥ śróturātiḥ suśrótuḥ sukṣétrā síndhur adbhíḥ ||  
1.122.07a stuṣé sá vāṃ varuṇa mitra rātír gávāṃ satá pṛkṣáyāmeṣu pajré |  
1.122.07c śrutárathe priyárathe dádhānāḥ sadyáḥ puṣṭim nirundhānāso agman ||  
1.122.08a asyá stuṣe máhimaghasya rádhaḥ sácā sanema náhuṣaḥ suvírāḥ |  
1.122.08c jáno yáḥ pajrébhyo vājínīvān ásvāvato rathíno máhyaṃ sūrīḥ ||  
1.122.09a jáno yó mitrāvaruṇāv abhidhrúg apó ná vāṃ sunóty akṣṇayādhrúk |  
1.122.09c svayám sá yáḥkṣmaṃ hṛdaye ní dhatta ápa yád im hótṛābhir ṛtāvā ||  
1.122.10a sá vrādhato náhuṣo dámsuḥjūtaḥ sárdhastaro narám gūrtásravāḥ |  
1.122.10c vísrṣṭarātir yāti bālhasṛtvā vísvāsu pṛtsú sádam íc chūrah ||  
1.122.11a ádha gmántā náhuṣo hávaṃ sūrēḥ śrótā rājāno amṛtasya mandrāḥ |  
1.122.11c nabhojúvo yán niravásya rádhaḥ práśastaye mahinā ráthavate ||  
1.122.12a etám sárdham dhāma yásya sūrér íty avocan dáśatayasya námse |  
1.122.12c dyumnāni yéṣu vasútātī rārān víśve sanvantu prabhṛthéṣu vājam ||  
1.122.13a mándāmahe dáśatayasya dhāsér dvír yát páñca bíbhtrato yánty ánnā |  
1.122.13c kím iṣṭásva iṣṭáraśmir etá īśānāśas táruṣa rñjate nṛṇ ||  
1.122.14a híranyakarnam maṇigrīvam arṇas tán no víśve varivasyantu devāḥ |  
1.122.14c aryó girāḥ sadyá á jagmúṣīr ósrás cākantūbháyeṣv asmé ||  
1.122.15a catváro mā maśarśārasya śísvas tráyo rájña áyavasasya jiṣṇóḥ |  
1.122.15c rátho vāṃ mitrāvaruṇā dīrghāpsāḥ syūmagabhastiḥ súro nádyaut ||

- 1.123.01a pṛthū rátho dáksīṇāyā ayojy aínaṃ devāso amṛtāso asthuḥ |  
1.123.01c kṛṣṇād úd asthād aryā víhāyās cikitsantī mānuṣāya kṣáyāya ||  
1.123.02a pūrvā vísvasmād bhúvanād abodhi jáyantī vājam bṛhatī sánutrī |  
1.123.02c uccā vy àkhyad yuvatīḥ punarbhūr óśá agan prathamá pūrváhūtau ||  
1.123.03a yád adyá bhāgāṃ vibhájāsi nṛbhya úṣo devi martyatrā sujāte |  
1.123.03c devó no átra savitá dāmūnā ánāgaso vocati sūryāya ||  
1.123.04a grhām-grham ahanā yāty áchā divé-dive ádhi námā dádhānā |  
1.123.04c síṣāsantī dyotanā śásvad āgād ágram-agram íd bhajate vásūnām ||  
1.123.05a bhāgasya svāsā váruṇasya jāmir úṣaḥ sūnṛte prathamá jarasva |  
1.123.05c paścā sá daghyā yó aghásya dhātā jáyema tám dáksīṇāyā ráthena ||  
1.123.06a úd īratām sūnṛtā út púramdhīr úd agnýaḥ súśucānāso asthuḥ |  
1.123.06c spārhā vásūni támasāpagūlhāvīṣ kṛṇvanty uṣāso vibhātīḥ ||  
1.123.07a ápānyád éty abhy ànyád eti víśurūpe áhanī sám carete |  
1.123.07c pariṣṭitos támō anyā gūhākar ádyaud uṣāḥ sóśucatā ráthena ||  
1.123.08a sadṛśīr adyá sadṛśīr íd u svó dīrghām sacante váruṇasya dhāma |  
1.123.08c anavadyās trimśatam yójanāny ékaikā krátum pári yanti sadyáḥ ||  
1.123.09a jānaty áhnaḥ prathamásya náma súkrā kṛṣṇād ajaniṣṭa svitīcī |  
1.123.09c ṛtāsya yóśā ná mināti dhāmāhar-ahar niṣkṛtām ācārantī ||  
1.123.10a kanyēva tanvā śásadānāṃ ēṣi devi devām íyakṣamāṇam |  
1.123.10c saṃsmáyamānā yuvatīḥ purástād āvír váksāmsi kṛṇuṣe vibhātī ||  
1.123.11a susamkāsā mātṛmṛṣṭeva yóśāvis tanvām kṛṇuṣe dṛśé kām |  
1.123.11c bhadrā tvām iṣo vitarām vv ūcha ná tát te anvā iśaso naśanta ||

- 1.123.11c ōṣaṅga evam aṣo vitarāṃ vy uṣaṅga na tat te anya aṣaṅga nasanta ||  
 1.123.12a áśvāvātīr gómatīr viśvāvārā yátamānā raśmībhiḥ sūryasya |  
 1.123.12c párā ca yánti púnar ā ca yanti bhadrā nāma váhamānā uśāsaḥ ||  
 1.123.13a ṛtāsya raśmīm anuyáchamānā bhadrām-bhadraṃ krátum asmásu dhehi |  
 1.123.13c úṣo no adyá suháva vy ùchāsmásu ráyo maghávatsu ca syuḥ ||

- 1.124.01a uśā uchántī samidhāné agnā udyán sūrya urviyá jyótir áśret |  
 1.124.01c devó no átra savitá nv ártham práśāvīd dvipát prá cátuṣpad ityaí ||  
 1.124.02a áminatī daívyāni vratāni praminatī manuṣyā yugāni |  
 1.124.02c iyúṣiṅām upamā śásvatīnām āyatīnām prathamóṣā vy àdyaut ||  
 1.124.03a eśā divó duhitá práty adarśi jyótir vásānā samanā purástāt |  
 1.124.03c ṛtāsya pánthām ánv eti sādhu prajānatīva ná díso mināti ||  
 1.124.04a úpo adarśi śundhyúvo ná vákṣo nodhá ivāvír akṛta priyāni |  
 1.124.04c admasán ná sasató bodháyanti śaśvattamāgāt púnar eyúṣiṅām ||  
 1.124.05a pūrve árdhe rájaso aptyásya gávāṃ jánitry akṛta prá ketúm |  
 1.124.05c vy ù prathate vitarāṃ várīya óbhā pṛñantī pitrór upásthā ||  
 1.124.06a evéd eśā purutāmā dṛśé kām nājāmiṃ ná pári vṛṇakti jāmím |  
 1.124.06c arepāsā tanvā śásādānā nárbbhād íṣate ná mahó vibhātí ||  
 1.124.07a abhrátéva puṃsá eti pratīcī gartárúg iva sanáye dhánānām |  
 1.124.07c jāyéva pátya usatí suvāsā uśā hasréva ní riṅite ápsaḥ ||  
 1.124.08a svásā svásre jyāyasyai yónim āraig ápaity asyāḥ praticákṣyeva |  
 1.124.08c vyuchántī raśmībhiḥ sūryasyāñjy ànkte samanagā iva vrāḥ ||  
 1.124.09a āsām pūrvāsām áhasu svásīṅām áparā pūrvām abhy èti páścāt |  
 1.124.09c tāḥ pratnaván návyasīr nūnām asmé revád uchantu sudínā uśāsaḥ ||  
 1.124.10a prá bodhayosaḥ pṛñató maghony ábudhyamānāḥ paṇáyaḥ sasantu |  
 1.124.10c revád ucha maghávadbhyo maghoni revát stotré sūnṛte jaráyanti ||  
 1.124.11a áveyám aśvaíd yuvatīḥ purástād yuñkte gávāṃ aruṇānām ánikam |  
 1.124.11c ví nūnām uchād ásati prá ketúr gṛhām-gṛham úpa tiṣṭhāte agníḥ ||  
 1.124.12a út te váyaś cid vasatér apaptan náraś ca yé pitubhájyo vyóṣṭau |  
 1.124.12c amā saté vahasi bhūri vāmám úṣo devi dāsúṣe mártýāya ||  
 1.124.13a ástodhvam stomyā bráhmaṇā mé 'vīvṛdhadhvam usatīr uśāsaḥ |  
 1.124.13c yuśmākaṃ devīr ávasā sanema sahasríṅam ca sátīnaṃ ca vājām ||

- 1.125.01a prātá rátnam prātarítvā dadhāti táṃ cikiván pratigṛhyā ní dhatte |  
 1.125.01c téna prajám vardháyamāna áyū rāyás póṣeṇa sacate suvīraḥ ||  
 1.125.02a sugúr asat suhiraṇyāḥ svásvo bṛhád asmai váya índro dadhāti |  
 1.125.02c yás tvāyántam vásunā prātaritvo muḁṣījayeva pádim utsināti ||  
 1.125.03a áyam adyá sukṛtam prātár ichánn iṣṭéḥ putráṃ vásumatā ráthena |  
 1.125.03c amśóḥ sutám pāyaya matsarásya kṣayádvīraṃ vardhaya sūnṛtābhiḥ ||  
 1.125.04a úpa kṣaranti síndhavo mayobhúva tjanám ca yakṣyamāṇam ca dhenávaḥ |  
 1.125.04c pṛñantam ca pápurim ca śravasyávo ghṛtāsya dhārā úpa yanti viśvataḥ ||  
 1.125.05a nākasya pṛṣṭhé ádhi tiṣṭhati śritó yaḥ pṛñati sá ha devéṣu gachati |  
 1.125.05c tásmā ápo ghṛtám arṣanti síndhavas tásmā iyám dáksīṇā pinvate sádā ||

1.125.06a dáks̥iṇāvātām íd imāni citrá dáks̥iṇāvātām diví sūryāsaḥ |  
1.125.06c dáks̥iṇāvanto amṛtam bhajante dáks̥iṇāvantaḥ prá tiranta āyuh ||  
1.125.07a má pṛṇānto dúritam éna āran má jāriṣuh sūrāyaḥ suvratāsaḥ |  
1.125.07c anyās téṣāṃ paridhír astu kás cid aṇṇantam abhí sám yantu sókāḥ ||

1.126.01a ámandān stómān prá bhare manīṣā síndhāv ádhi kṣiyató bhāvyaśya |  
1.126.01c yó me saháśram ámimīta savān atúrto rájā śráva ichámānaḥ ||  
1.126.02a śatām rájño nádhamānasya niṣkāñ chatām ásvān práyatān sadyá ádam |  
1.126.02c śatām kakṣívāñ ásurasya gónāñ diví śrávo 'jāram á tatāna ||  
1.126.03a úpa mā śyāvāḥ svanáyena dattá vadhūmanto dáśa ráthāso astuh |  
1.126.03c ṣaṣṭīḥ saháśram ánu gávyam ágāt sánat kakṣívāñ abhipitvé áhnām ||  
1.126.04a catvāriṃśád dáśarathasya sóñāḥ saháśrasyāgre śréṇiñ nayanti |  
1.126.04c madacyútaḥ kṛṣanāvato átyān kakṣívanta úd amṛksanta pajráḥ ||  
1.126.05a pūrvām ánu práyatim á dade vas trīñ yuktāñ aṣṭāv arídhāyaso gāḥ |  
1.126.05c subándhavo yé viśyā iva vrā ánavantaḥ śráva aśanta pajráḥ ||  
1.126.06a ágadhitā párigadhitā yá kaśíkēva jángahe |  
1.126.06c dádati máhyam yáduri yásūnām bhojyā śatá ||  
1.126.07a úpopa me párá mṛśa má me dabhrāṇi manyathāḥ |  
1.126.07c sárvaḥám asmi romaśá gandhārīñām ivāviká ||

1.127.01a agniñ hótāram manye dāsvantam vásuñ sūnúñ sáhaso jātávedasañ víprañ ná  
jātávedasañ |  
1.127.01d yá úrdhváyā svadhvaró devó devācyā kṛpá |  
1.127.01f ghr̥tásya víbhraṣṭim ánu vaṣṭi śociśājúhvānasya sarpíṣaḥ ||  
1.127.02a yájiṣṭham tvā yájamānā huvema jyéṣṭham ángirasāñ vipra mánmabhir  
víprebhiḥ śukra mánmabhiḥ |  
1.127.02d párijmānam iva dyām hótāram carṣaṇīñām |  
1.127.02f śociśkeśam vr̥ṣaṇam yám imá víśaḥ právantu jūtáye víśaḥ ||  
1.127.03a sá hí purú cid ójasā virúkmatā dídyāno bhávati druhamtaráḥ paraśúr ná  
druhamtaráḥ |  
1.127.03d vīlú cid yásya sámṛtau śrúvad váneva yát sthirám |  
1.127.03f niḥśāhamāño yamate nāyate dhanvāsāhā nāyate ||  
1.127.04a dīḥā cid asmā ánu dur yáthā vidé téjiṣṭhābhir arāñibhir dāṣṭy ávase  
'gnáye dāṣṭy ávase |  
1.127.04d prá yáḥ purúñi gāhate tákṣad váneva śociśā |  
1.127.04f sthirá cid ánnā ní riñāty ójasā ní sthirāñi cid ójasā ||  
1.127.05a tám asya pṛkṣám úparāsu dhīmahi náktam yáḥ sudárśataro dívātarād áprāyuṣe  
dívātarāt |  
1.127.05d ád asyāyur grábhaṇavad vīlú śárma ná sūnáve |  
1.127.05f bhaktám ábhaktam ávo vyánto ajárā agnáyo vyánto ajaráḥ ||  
1.127.06a sá hí sárdho ná mārutam tuviśvāñir ápnasvatīṣūrvárāsv iṣṭāñir ártanāsv  
iṣṭāñiḥ |  
1.127.06d ádad dhavyāny ádadír yajñásya ketúr arháñā |

- 1.127.06f ádha smāsyā hārṣato hr̥ṣīvato víśve juṣanta pánthāṃ  
1.127.06h nárah śubhé ná pánthāṃ ||  
1.127.07a dvitā yád īṃ kīstāso abhidyavo namasyānta upavócanta bhṛgavo mathnānto  
dāsā bhṛgavaḥ |  
1.127.07d agnír īse vásūnāṃ súcir yó dharnír eṣāṃ |  
1.127.07f priyāṃ apidhīṃr vaniṣīṣṭa médhira ā vaniṣīṣṭa médhiraḥ ||  
1.127.08a vísvāsāṃ tvā viśāṃ pátiṃ havāmahe sárvasāṃ samānāṃ dámpatim bhujé  
satyágirvāhasam bhujé |  
1.127.08d átithim mānuṣāṇāṃ pitúr ná yāsyāsayā |  
1.127.08f amī ca víśve amṛtāsa ā váyo havyā devéṣv ā váyaḥ ||  
1.127.09a tvám agne sáhasā sáhantamaḥ śuśmíntamo jāyase devátātaye rayír ná  
devátātaye |  
1.127.09d śuśmíntamo hí te mádo dyumníntama utá krātuḥ |  
1.127.09f ádha smā te pári caranty ajara śruṣṭivāno nājara ||  
1.127.10a prá vo mahé sáhasā sáhasvata uṣarbúdhe paśuṣé nāgnāye stómo babhūtv  
agnāye |  
1.127.10d práti yád īṃ havīṣmān vísvāsu kṣāsu jóguve |  
1.127.10f ágre rebhó ná jarata ṛṣūṇāṃ jūrñir hóta ṛṣūṇāṃ ||  
1.127.11a sá no nédiṣṭham dádr̥śāna ā bharāgne devébhiḥ sácanāḥ sucetúnā mahó rāyāḥ  
sucetúnā |  
1.127.11d máhi śaviṣṭha nas kṛdhi saṃcákṣe bhujé asyaí |  
1.127.11f máhi stotṛbhyo maghavan suvṛīyam máthīr ugró ná sávasā ||
- 1.128.01a ayāṃ jāyata mānuṣo dhārīmaṇi hótā yájiṣṭha uśíjām ánu vratám agnīḥ svám  
ánu vratám |  
1.128.01d vísvāśruṣṭiḥ sakhīyaté rayír iva śravasyaté |  
1.128.01f ádabdho hótā ní ṣadad ilás padé párivīta ilás padé ||  
1.128.02a tám yajñasādham ápi vātayāmasy ṛtāsyā pathā nāmasā havīṣmatā devátātā  
havīṣmatā |  
1.128.02d sá na ūrjām upābhṛty ayā kṛpā ná jūryati |  
1.128.02f yám mātariśvā mánave parāváto devám bhāḥ parāvátah ||  
1.128.03a évena sadyāḥ páry eti párthivam muhurgí réto vṛṣabhāḥ kánikradad dádhad  
rétaḥ kánikradat |  
1.128.03d śatāṃ cákṣāṇo akṣábhīr devó váneṣu turváñiḥ |  
1.128.03f sádo dádhāna úpareṣu sānuṣv agnīḥ páreṣu sānuṣu ||  
1.128.04a sá sukrātuḥ puróhito dáme-dame 'gnír yajñāsya dhvarásya cetati krátvā  
yajñāsya cetati |  
1.128.04d krátvā vedhá išūyaté vísvā jātāni paspaṣe |  
1.128.04f yáto ghr̥taśrír átithir ájāyata váhnir vedhá ájāyata ||  
1.128.05a krátvā yád asya táviṣīṣu pṛñcáte 'gnér áveṇa marútāṃ ná bhojyèśirāya ná  
bhojyā |  
1.128.05d sá hí śmā dánam ínvati vásūnāṃ ca majmánā |  
1.128.05f sá nas trāsate duritád abhihrútaḥ sáṃsād aghád abhihrútaḥ ||  
1.128.06a vísvo víhāyā aratír vásur dadhe háste dáksṇe tarāñir ná śísraṭhac

chravasyáyā ná śísrathat |

1.128.06d vísvasmā íd iṣudhyaté devatrā havýam óhiṣe |

1.128.06f vísvasmā ít sukṛte vāram ṛṇvaty agnír dvārā vy ṛṇvati ||

1.128.07a sá mánuṣe vrjáne śám̐tamo hitò 'gnír yajñēṣu jényo ná viśpátih priyó  
yajñēṣu viśpátih |

1.128.07d sá havýā mánuṣāṇām ilā kṛtāni patyate |

1.128.07f sá nas trāsate váruṇasya dhūrtér mahó devásya dhūrtéh ||

1.128.08a agnīm hótāram ilate vásudhitim priyām cétisṭham aratīm ny èire  
havyavāham ny èire |

1.128.08d vísvāyum vísvávedasaṃ hótāraṃ yajatāṃ kavím |

1.128.08f devāso raṇvám ávase vasūyávo gīrbhí raṇvám vasūyávaḥ ||

1.129.01a yám tvám rátham indra medhásātaye 'pākā śántam iṣira praṇáyasi prānavadya  
náyasi |

1.129.01d sadyás cit tám abhiṣṭaye káro váśaś ca vājínam |

1.129.01f sásmākam anavadya tūtujāna vedhásām imām vācam ná vedhásām ||

1.129.02a sá śrudhi yáh smā pṛtanāsu kásu cid dakṣāyya indra bhárahūtaye nṛbhir ási  
prátúrtaye nṛbhiḥ |

1.129.02d yáh śúraiḥ svāḥ sánitā yó víprair vājāṃ tárutā |

1.129.02f tám īśānāsa iradhanta vājínam pṛkṣám átyaṃ ná vājínam ||

1.129.03a dasmó hí śmā vṛṣaṇam pínvasi tvācam kām cid yāvīr aráruṃ śūra mártyaṃ  
parivṛnákṣi mártyaṃ |

1.129.03d índrotá túbhyaṃ tád divé tád rudrāya sváyaśase |

1.129.03f mitrāya vocaṃ váruṇāya sapráthaḥ sumṛīkāya sapráthaḥ ||

1.129.04a asmākam va índram uśmasiṣṭāye sákhāyaṃ vísvāyum prāsáham yújam vājeṣu  
prāsáham yújam |

1.129.04d asmākam bráhmotáyé 'vā pṛtsúṣu kásu cit |

1.129.04f nahí tvā śátru stárate str̥ṇóṣi yám vísvaṃ śátruṃ str̥ṇóṣi yám ||

1.129.05a ní śú namátimatim káyasya cit téjiṣṭhābhir arāṇibhir nótībhir ugrābhir  
ugrotībhiḥ |

1.129.05d néṣi ṇo yáthā purānenāḥ śūra mányase |

1.129.05f vísvāni pūrór ápa parṣi váhnir āsā váhnir no ácha ||

1.129.06a prá tád voceyam bhávyāyéndave hávyo ná yá iśávān mánma réjati rakṣohā  
mánma réjati |

1.129.06d svayám só asmád ā nidó vadhaír ajeta durmatím |

1.129.06f áva sraved aghásamso 'vatarám áva kṣudrám iva sravet ||

1.129.07a vanéma tád dhótrayā citántyā vanéma rayim rayivaḥ suvīryaṃ raṇvám śántam  
suvīryam |

1.129.07d durmánmānaṃ sumántubhir ém iśā pṛcīmahi |

1.129.07f ā satyābhir índraṃ dyumnáhūtibhir yájataṃ dyumnáhūtibhiḥ ||

1.129.08a prá-prā vo asmé sváyaśobhir ūtí parivargá índro durmatīnām dárīman  
durmatīnām |

1.129.08d svayám sá riṣayádhyai yá na upeśé atraih |

1.129.08f hatém asan ná vakṣati kṣiptā jūrñír ná vakṣati ||

- 1.129.09a tvám na indra rāyā páriṇasā yāhí pathāṃ anehásā puró yāhy arakṣásā |  
1.129.09d sácasva naḥ parāká á sácasvāstamīká á |  
1.129.09f pāhí no dūrād ārād abhíṣṭibhiḥ sádā pāhy abhíṣṭibhiḥ ||  
1.129.10a tvám na indra rāyā tárūśasogrām cit tvā mahimā sakṣad ávase mahé mitráṃ  
nāvase |  
1.129.10d ójīṣṭha trátar ávitā rátham kām cid amartya |  
1.129.10f anyám asmád ririṣeḥ kām cid adrivo ríriḡsantam cid adrivaḥ ||  
1.129.11a pāhí na indra suṣṭuta sridhò 'vayātā sádám íd durmatīnām devāḥ sán  
durmatīnām |  
1.129.11d hantā pāpāsya rakṣásas trātā víprasya māvataḥ |  
1.129.11f ádhā hí tvā janitā jíjanad vaso rakṣohānam tvā jíjanad vaso ||
- 1.130.01a éndra yāhy úpa naḥ parāvátó nāyám áchā vidáthānīva sátpatir ástam rájeva  
sátpatiḥ |  
1.130.01d hávāmahe tvā vayám práyasvantaḥ suté sácā |  
1.130.01f putráso ná pitáram vājasātaye māmhiṣṭham vājasātaye ||  
1.130.02a píba sómam indra suvānám ádrībhiḥ kósena siktám avatám ná vámsagas  
tātṣṣānó ná vámsagaḥ |  
1.130.02d mādāya haryatāya te tuvíṣṭamāya dhāyase |  
1.130.02f á tvā yachantu haríto ná sūryam áhā víśveva sūryam ||  
1.130.03a ávindad divó níhitam gūhā nidhím vér ná gárbham párivītam áśmany ananté  
antár áśmani |  
1.130.03d vrajám vajrí gávām iva síśāsann ángirastamaḥ |  
1.130.03f ápāvṛṇod íṣa índrah párvīrtā dvāra íṣaḥ párvīrtāḥ ||  
1.130.04a dādrhānó vājram índro gābhastyoḥ kṣádmeva tigamám ásanāya sám śyad  
ahihátyāya sám śyat |  
1.130.04d samvivyāná ójasā sávobhir indra majmánā |  
1.130.04f táṣṭeva vṛkṣám vaníno ní vṛscasi paraśvéva ní vṛscasi ||  
1.130.05a tvám vṛthā nadyà indra sártavé 'chā samudrám asrjo ráthāṃ iva vājayató  
ráthāṃ iva |  
1.130.05d itá ūtír ayuñjata samānám ártham ákṣitam |  
1.130.05f dhenūr iva mánave víśvádohaso jánāya víśvádohasaḥ ||  
1.130.06a imām te vácam vasūyánta āyávo rátham ná dhírah svápā atakṣiṣuḥ sumnāya  
tvām atakṣiṣuḥ |  
1.130.06d śumbhánto jényam yathā vājeṣu vipra vājīnam |  
1.130.06f átyam iva śávase sātāye dhánā víśvā dhánāni sātāye ||  
1.130.07a bhínát púro navatím indra pūrāve dívodāsāya máhi dāsúṣe nṛto vājreṇa  
dāsúṣe nṛto |  
1.130.07d atithigvāya sámbaram girér ugró ávābharat |  
1.130.07f mahó dhánāni dāyamāna ójasā víśvā dhánāny ójasā ||  
1.130.08a índrah samátsu yájamānam áryam právad víśveṣu sātámūtir ájíṣu svārmīḥṣv  
ájíṣu |  
1.130.08d mánave śásad avratán tvácam kṛṣṇām arandhayat |  
1.130.08f dákṣan ná víśvam tatṣṣānām oṣati ny àrśasānām oṣati ||



- 1.130.09a sūras cakrām prā vṛhaj jātā ójasā prapitvé vācam aruṇo muṣāyatī 'śānā ā  
muṣāyati |
- 1.130.09d usānā yāt parāvátó 'jagann ūtāye kave |
- 1.130.09f sumnāni vísvā mānuṣeva turvāṇir āhā víśveva turvāṇiḥ ||
- 1.130.10a sá no návyebhir vṛṣakarmann ukthaiḥ púrāṃ dartāḥ pāyúbhiḥ pāhi śagmaiḥ |  
divodāsébhir indra stāvāno vāvṛdhīthā áhobhir iva dyaúḥ ||
- 1.131.01a índrāya hí dyaúr ásuero ánamnaténdrāya mahí pṛthiví várīmabhir dyumnásātā  
várīmabhiḥ |
- 1.131.01d índraṃ víśve sajóśaso devāso dadhire puráh |
- 1.131.01f índrāya vísvā sávanāni mánuṣā rātāni santu mánuṣā ||
- 1.131.02a víśveṣu hí tvā sávanēṣu tuñjāte samānám ékaṃ vṛṣamaṇyavaḥ pṛthak svāḥ  
saniṣyávaḥ pṛthak |
- 1.131.02d tám tvā nāvaṃ ná parṣāṇiṃ sūśāsya dhurí dhīmahi |
- 1.131.02f índraṃ ná yajñāis citáyanta āyáva stómebhir índraṃ āyávaḥ ||
- 1.131.03a ví tvā tatasre mithunā avasyávo vrajāsya sātā gávyasya niḥsrjáḥ sákṣanta  
indra niḥsrjáḥ |
- 1.131.03d yád gavyántā dvā jánā svār yántā samūhasi |
- 1.131.03f āviṣ kárikrad vṛṣaṇaṃ sacābhúvaṃ vājraṃ indra sacābhúvaṃ ||
- 1.131.04a vidúṣ te asyá víryāsya pūrávaḥ púro yád indra śáradīr avátiraḥ sāsahāno  
avátiraḥ |
- 1.131.04d śásas tám indra mártyaṃ áyajyuṃ śavasas pate |
- 1.131.04f mahím amuṣṇāḥ pṛthivím imá apó mandasāná imá apáh ||
- 1.131.05a ád ít te asyá víryāsya carkiran mádeṣu vṛṣann usíjo yád ávitha sakhīyató  
yád ávitha |
- 1.131.05d cakártha kārám ebhyaḥ pṛtanāsu právantave |
- 1.131.05f té anyām-anyām nadyaṃ saniṣṇata śravasyántaḥ saniṣṇata ||
- 1.131.06a utó no asyá usáso juṣéta hy árkásya bodhi havíṣo hávīmabhiḥ svārṣātā  
hávīmabhiḥ |
- 1.131.06d yád indra hántave mṛdho vṛṣā vajriṇ cīketasi |
- 1.131.06f á me asyá vedhāso návīyaso mánma śrudhi návīyasaḥ ||
- 1.131.07a tvám tám indra vāvṛdhāno asmayúr amitrayántaṃ tuvijāta mártyaṃ vājreṇa  
sūra mártyaṃ |
- 1.131.07d jahí yó no aghāyāti śṛṇuṣvā suśrávastamaḥ |
- 1.131.07f riṣtām ná yāmān āpa bhūtu durmatír vísvāpa bhūtu durmatīḥ ||
- 1.132.01a tváyā vayám maghavan púrve dhána índratvotāḥ sāsahyāma pṛtanyató  
vanuyāma vanuṣyatāḥ |
- 1.132.01d nédiṣṭhe asmínn áhany ádhi vocā nú sunvaté |
- 1.132.01f asmín yajñé ví cayemā bhāre kṛtām vājayānto bhāre kṛtām ||
- 1.132.02a svarjeśé bhāra āprásya vákmany uṣarbúdhāḥ svásminn áñjasi krāṇásya  
svásminn áñjasi |
- 1.132.02d áhann índro yáthā vidé śīrṣṇā-śīrṣṇopavācyāḥ |

- 1.132.02f asmatrá te sadhryàk santu rātáyo bhadrá bhadrásya rātáyah ||
- 1.132.03a tát tú práyah pratnáthā te śúśukvanám yásmin yajñé vāram ákr̥ṇvata kṣáyam  
rtásya vār asi kṣáyam |
- 1.132.03d ví tād vocer ádha dvitántāḥ paśyanti raśmībhiḥ |
- 1.132.03f sá ghā vide ánv índro gavéṣaṇo bandhuksídbhyo gavéṣaṇaḥ ||
- 1.132.04a nú itthā te pūrváthā ca pravācyam yád ángirobhyó 'vṛṇor ápa vrajám índra  
śíksann ápa vrajám |
- 1.132.04d aíbhyaḥ samānyā diśásmábhyam jeṣi yótsi ca |
- 1.132.04f sunvadbhyo randhayā kām cid avratám hṛṇyántam cid avratám ||
- 1.132.05a sám yáj jánān krátubhiḥ śūra iksáyad dháne hité taruṣanta śravasyávaḥ prá  
yakṣanta śravasyávaḥ |
- 1.132.05d tásma áyuh prajávad íd bádhe arcanty ójasā |
- 1.132.05f índra okyám didhiṣanta dhítáyo devám áchā ná dhítáyah ||
- 1.132.06a yuvám tám indrāparvatā puroyúdhā yó naḥ pṛtanyád ápa tám-tam íd dhatam  
vājreṇa tám-tam íd dhatam |
- 1.132.06d dūrē cattāya chantsad gáhanam yád ínakṣat |
- 1.132.06f asmākam śátrūn pári sūra viśváto darmá darṣiṣṭa viśvataḥ ||
- 
- 1.133.01a ubhé punāmi ródasī ṛténa drúho dahāmi sám mahír anindrāḥ |
- 1.133.01c abhivlágya yátra hatá amítṛā vailasthānám pári tṛlhā áseran ||
- 1.133.02a abhivlágya cid adrivaḥ śírṣā yātumátīnām |
- 1.133.02c chindhí vaṭūrīṇā padá mahávaṭūrīṇā padá ||
- 1.133.03a ávāsām maghavañ jahi śárdho yātumátīnām |
- 1.133.03c vailasthānaké armaké mahāvailasthe armaké ||
- 1.133.04a yásām tistráh pañcásáto 'bhivlaṅgaír apāvapaḥ |
- 1.133.04c tát sú te manāyati takát sú te manāyati ||
- 1.133.05a piśāṅgabhrṣṭim ambhr̥ṇám piśácim índra sám mṛṇa |
- 1.133.05c sárvaṃ rákṣo ní barhaya ||
- 1.133.06a avár mahá índra dādrhí śrudhí naḥ śúśóca hí dyaúḥ kṣā ná bhīṣám adrivo  
ghṛṇán ná bhīṣám adrivaḥ |
- 1.133.06d śuśmíntamo hí śuśmíbhīr vadhaír ugrébhīr íyase |
- 1.133.06f ápūruṣaghno apratīta sūra sátvabhis trisaptaḥ sūra sátvabhiḥ ||
- 1.133.07a vanóti hí sunván kṣáyam párīṇasaḥ sunvāno hí śmā yájaty áva dvīṣo devānām  
áva dvīṣaḥ |
- 1.133.07d sunvāná ít siśāsati sahásrā vājy ávṛtaḥ |
- 1.133.07f sunvānáyéndro dadāty ābhúvam rayím dadāty ābhúvam ||
- 
- 1.134.01a á tvā júvo rārahāṇā abhí práyo vāyo váhantv ihá pūrvápītaye sómasya  
pūrvápītaye |
- 1.134.01d ūrdhvā te ánu sūnṛtā mánas tiṣṭhatu jānatí |
- 1.134.01f niyútvatā ráthenā yāhi dāváne vāyo makhásya dāváne ||
- 1.134.02a mándantu tvā mandíno vāyav índavo 'smát krāṇásah súkr̥tā abhídyavo góbhiḥ  
krāṇā abhídyavaḥ |

- 1.134.02d yád dha krāṇá irádhyai dáksaṃ sácanta ūtáyah |  
 1.134.02f sadhrīcīnā niyúto dāvāne dhíya úpa bruvata īṃ dhíyah ||  
 1.134.03a vāyúr yuñkte róhitā vāyúr aruṇá vāyú ráthe ajirá dhurí vólhave váhiṣṭhā  
 dhurí vólhave |  
 1.134.03d prá bodhayā púramdhiṃ jārā ā sasatīm iva |  
 1.134.03f prá cakṣaya ródasī vāsayoṣásah śrávase vāsayoṣásah ||  
 1.134.04a túbhyam uṣásah śúcayah parāvāti bhadrá vástrā tanvate dáṃsu raśmīsu citrá  
 návyeṣu raśmīsu |  
 1.134.04d túbhyam dhenúḥ sabardúghā víśvā vásūni dohate |  
 1.134.04f ájanayo marúto vakṣāṇābhyo divá ā vakṣāṇābhyah ||  
 1.134.05a túbhyam śukráśah śúcayas turanyávo mádeṣūgrá iṣaṇanta bhurvāny apám  
 iṣanta bhurvāni |  
 1.134.05d tvám tsarí dásamāno bhágam itte takvavíye |  
 1.134.05f tvám vísvasmād bhúvanāt pási dhármaṇasuryāt pási dhármaṇā ||  
 1.134.06a tvám no vāyav eṣām ápūrvyah sómānām prathamāḥ pītīm arhasi sutánām pītīm  
 arhasi |  
 1.134.06d utó vihútmatīnām víśām vavarjúṣṭīnām |  
 1.134.06f víśvā ít te dhenávo duhra āsíram ghṛtām duhrata āsíram ||

- 1.135.01a stīrṇám barhír úpa no yāhi vītáye sahasreṇa niyútā niyutvate śatínībhir  
 niyutvate |  
 1.135.01d túbhyam hí pūrvápītaye devá devāya yemiré |  
 1.135.01f prá te sutáso mádhumanto asthīran mádāya krátve asthīran ||  
 1.135.02a túbhyāyām sómah páripūto ádribhi spārhá vásānah pári kósam arṣati śukrá  
 vásāno arṣati |  
 1.135.02d távāyám bhāgá āyúṣu sómo devéṣu hūyate |  
 1.135.02f váha vāyo niyúto yāhy asmayúr juṣāṇó yāhy asmayúḥ ||  
 1.135.03a ā no niyúdbhiḥ śatínībhir adhvarám sahasrīnībhir úpa yāhi vītáye vāyo  
 havýāni vītáye |  
 1.135.03d távāyám bhāgá rtvíyah sáraśmiḥ sūrye sácā |  
 1.135.03f adhvaryúbhir bháramāṇā ayamsata vāyo śukrá ayamsata ||  
 1.135.04a ā vām rátho niyútvān vakṣad ávase 'bhí práyāṃsi súdhitāni vītáye vāyo  
 havýāni vītáye |  
 1.135.04d píbatam mádhvo ándhasah pūrvapéyam hí vām hitám |  
 1.135.04f vāyav ā candreṇa rádhasá gatam índraś ca rádhasá gatam ||  
 1.135.05a ā vām dhíyo vavṛtyur adhvarám úpemám índum marmṛjanta vājīnam āśúm átyam  
 ná vājīnam |  
 1.135.05d téṣām píbatam asmayú ā no gantam ihótyā |  
 1.135.05f índravāyū sutánām ádribhir yuvám mádāya vājadā yuvám ||  
 1.135.06a imé vām sómā apsv ā sutá ihádhvaryúbhir bháramāṇā ayamsata vāyo śukrá  
 ayamsata |  
 1.135.06d eté vām abhy àrṣkṣata tiráḥ pavítram āśávaḥ |  
 1.135.06f yuvāyávo 'ti rómāny avyáyā sómāso áty avyáyā ||  
 1.135.07a áti vāyo sasató yāhi śásvato yátra grāvā vādati tátra gachatam grhám

índraś ca gachatam |

1.135.07d ví sūnītā dādṛṣe rīyate ghṛtām ā pūrṇāyā niyūtā yātho adhvarám

1.135.07f índraś ca yātho adhvarám ||

1.135.08a átrāha tát vahethe mádhva āhutiṃ yám aśvatthám upatīṣṭhanta jāyávo 'smé  
té santu jāyávaḥ |

1.135.08d sākám gávaḥ súvate pácyate yávo ná te vāya úpa dasyanti dhenávo

1.135.08f nāpa dasyanti dhenávaḥ ||

1.135.09a imé yé te sú vāyo bāhvòjaso 'ntár nadī te patáyanty ukśāno máhi vrādhanta  
ukśānaḥ |

1.135.09d dhánvañ cid yé anāśávo jīrās cid ágiraukasah |

1.135.09f sūryasyeva raśmáyo durniyántavo hástayor durniyántavaḥ ||

1.136.01a prá sú jyéṣṭham nicirābhyām bṛhán námo havýám matím bharatā mṛḷayádbhyām  
svādiṣṭham mṛḷayádbhyām |

1.136.01d tá samrājā ghṛtāsutī yajñé-yajña úpastutā |

1.136.01f áthainoḥ kṣatráṃ ná kútaś canādhṛṣe devatvám nú cid ādhṛṣe ||

1.136.02a ádarśi gātúr uráve várīyasī pánthā ṛtásya sám ayamṣta raśmíbhiś cákṣur  
bhágasya raśmíbhiḥ |

1.136.02d dyukśám mitrásya sādānam aryamṇó váruṇasya ca |

1.136.02f áthā dadhāte bṛhád ukthyām váya upastútyam bṛhád váyah ||

1.136.03a jyótiṣmatīm áditiṃ dhārayátkṣitiṃ svàrvatīm ā sacete divé-dive jāgrváṃsā  
divé-dive |

1.136.03d jyótiṣmat kṣatráṃ āśāte ādityā dánunas pātī |

1.136.03f mitrás táyor váruṇo yātayájano 'ryamá yātayájjanaḥ ||

1.136.04a ayám mitráya váruṇāya śāntamaḥ sómo bhūtv avapāneṣv ābhago devó devéṣv  
ābhagaḥ |

1.136.04d tám deváso juṣerata víśve adyá sajóśasaḥ |

1.136.04f táthā rājānā karatho yád ímaha ṛtāvānā yád ímahe ||

1.136.05a yó mitráya váruṇāyāvidhaj jáno 'narvāṇam tám pári pāto āmhaso dāśvāṃsam  
mártam āmhasaḥ |

1.136.05d tám aryamābhí rakṣaty rjūyántam ánu vratám |

1.136.05f ukthaír yá enoḥ paribhūṣati vratám stómair ābhūṣati vratám ||

1.136.06a námo divé bṛhaté ródasībhyām mitráya vocam váruṇāya mīlhúṣe sumṛḷkáyā  
mīlhúṣe |

1.136.06d índram agním úpa stuhi dyukśám aryamáṇam bhágam |

1.136.06f jyóg jīvantaḥ prajāyā sacemahi sómasyotí sacemahi ||

1.136.07a utí devānām vayám índravanto maṃsīmáhi sváyaśaso marúdbhiḥ |

1.136.07c agnír mitró váruṇaḥ śárma yaṃsan tát aśyāma maghávāno vayám ca ||

1.137.01a suṣumā yātam ádribhir gósṛitā matsará imé sómāso matsará imé |

1.137.01d ā rājānā diviṣṛśāsmatrā gantam úpa naḥ |

1.137.01f imé vām mitrávaruṇā gāvāśiraḥ sómāḥ súkrā gāvāśiraḥ ||

1.137.02a imá ā yātam índavaḥ sómāso dādhyāśiraḥ sutāso dādhyāśiraḥ |

- 1.137.02d utá vām uṣáso budhí sākám sūryasya raśmíbhīḥ |  
 1.137.02f sutó mitráya váruṇāya pītāye cārur ṛtāya pītāye ||  
 1.137.03a tām vām dhenúm ná vāsarīm aṃśúm duhanty ádribhīḥ sómaṃ duhanty ádribhīḥ |  
 1.137.03d asmatrá gantam úpa no 'rvāñcā sómapītaye |  
 1.137.03f ayám vām mitrávaruṇā nṛbhīḥ sutáḥ sóma á pītāye sutáḥ ||

- 1.138.01a prá-pra pūṣṇás tuvijātásya śasyate mahitvám asya taváso ná tandate  
 stotrám asya ná tandate |  
 1.138.01d árcāmi sumnayánn ahám ántyūtim mayobhúvam |  
 1.138.01f víśvasya yó mána āyuyuvé makhó devá āyuyuvé makháh ||  
 1.138.02a prá hí tvā pūṣann ajiráṃ ná yāmani stómebhīḥ kṛṇvá ṛṇávo yáthā mṛdha  
 úṣtro ná pīparo mṛdhaḥ |  
 1.138.02d huvé yát tvā mayobhúvam devám sakhyāya mártyaḥ |  
 1.138.02f asmākam āngūṣān dyumnínas kṛdhi vājesu dyumnínas kṛdhi ||  
 1.138.03a yásya te pūṣan sakhyé vipanyávaḥ krátvā cit sántó 'vasā bubhujrirá íti  
 krátvā bubhujriré |  
 1.138.03d tām ánu tvā návīyasīm niyútaṃ rāyá īmahe |  
 1.138.03f áheḷamāna uruśaṃsa sārī bhava vāje-vāje sārī bhava ||  
 1.138.04a asyā ū śú ṇa úpa sātāye bhuvó 'heḷamāno rarivāṃ ajāśva śravasyatām  
 ajāśva |  
 1.138.04d ó śú tvā vavṛtīmahi stómebhir dasma sādhubhīḥ |  
 1.138.04f nahí tvā pūṣann atimánya āghṛṇe ná te sakhyám apahnuvé ||

- 1.139.01a ástu śraúṣaṭ puró agnīm dhiyá dadha á nú tác chárdho divyám vṛṇīmaha  
 indravāyú vṛṇīmahe |  
 1.139.01d yád dha krāṇá vivásvati nábhā samdáyi návyasī |  
 1.139.01f ádha prá sū na úpa yantu dhītáyo devám áchā ná dhītáyah ||  
 1.139.02a yád dha tyán mitrávaruṇāv ṛtád ádhy ādadáthe ánṛtaṃ svéna manyúnā  
 dáksasya svéna manyúnā |  
 1.139.02d yuvór itthádhi sádmasv ápaśyāma hiraṇyáyam |  
 1.139.02f dhībhís caná manasā svébhir akṣábhīḥ sómasya svébhir akṣábhīḥ ||  
 1.139.03a yuvám stómebhir devayánto aśvināśrāváyanta iva ślókam āyávo yuvám  
 havyábhy āyávaḥ |  
 1.139.03d yuvór víśvā ádhi śríyah pṛkṣas ca vísvavedasā |  
 1.139.03f pruśayánte vām paváyo hiraṇyáye ráthe dasrā hiraṇyáye ||  
 1.139.04a áceti dasrā vy ù nákam ṛṇvatho yuñjáte vām rathayújo díviṣṭiṣv adhvasmāno  
 díviṣṭiṣu |  
 1.139.04d ádhi vām sthāma vandhúre ráthe dasrā hiraṇyáye |  
 1.139.04f pathéva yántāv anuśásatā rájó 'ñjasā śásatā rájah ||  
 1.139.05a śacībhir naḥ śacīvasū dívā náктаṃ daśasyatam |  
 1.139.05c má vām rātír úpa dasat kádā canásmád rātíḥ kádā caná ||  
 1.139.06a víṣann indra vṛṣapāṇāsa índava imé sutá ádriṣutāsa udbhídas túbhyam  
 sutāsa udbhídaḥ |

- 1.139.06d té tvā mandantu dāvāne mahé citrāya rādhase |  
1.139.06f gīrbhīr girvāha stāvamāna ā gahi sumṛīkó na ā gahi ||  
1.139.07a ó śū no agne śrñuhi tvām īlitó devébhyo bravasi yajñīyebhyo rājabhyo  
yajñīyebhyaḥ |  
1.139.07d yād dha tyām āngirobhyo dhenūm devā ádattana |  
1.139.07f ví tām duhre aryamā kartārī sácāñ eṣá tām veda me sácā ||  
1.139.08a mó śú vo asmád abhí tāni paúmsyā sánā bhūvan dyumnāni móta jāriṣur asmát  
purótá jāriṣuḥ |  
1.139.08d yād vaś citrām yugé-yuge návyam ghóṣād ámartyam |  
1.139.08f asmāsu tán maruto yác ca duṣṭāraṃ didhṛtā yác ca duṣṭāraṃ ||  
1.139.09a dadhyān ha me janúṣam pūrvo āngirāḥ priyámedhaḥ kaṇvo átrir mánur vidus  
té me pūrve mánur viduḥ |  
1.139.09d téṣāṃ devéṣv āyatir asmākam téṣu nābhayaḥ |  
1.139.09f téṣāṃ padéna máhy ā name giréndrāgnī ā name girā ||  
1.139.10a hótā yakṣad vaníno vanta vāryam bṛhaspátir yajati vená ukṣábhiḥ  
puruvārebhir ukṣábhiḥ |  
1.139.10d jagṛbhmā dūrādiśam ślókam ádrer ádha tmánā |  
1.139.10f ádhārayad araríndāni sukrātuḥ purú sádmāni sukrātuḥ ||  
1.139.11a yé devāso divy ékādaśa sthá pṛthivyām ádhy ékādaśa sthá |  
1.139.11c apsuḁṣito mahinaikādaśa sthá té devāso yajñām imāṃ juṣadhvam ||

- 1.140.01a vediśāde priyádhāmāya sudyúte dhāsím iva prá bharā yónim agnáye |  
1.140.01c vástreṇeva vāsayā mánmanā súcim jyotíratham sukrávarṇam tamohánam ||  
1.140.02a abhí dvijánmā trivṛd ánnam rjyate samvatsaré vāvṛdhe jagdhám ī púnah |  
1.140.02c anyáśyāsá jihváyā jényo vṛṣā ny ànyéna vaníno mṛṣṭa vāraṇáh ||  
1.140.03a kṛṣṇaprútau vevijé asya sakṣítā ubhā tarete abhí mātārā śísuṃ |  
1.140.03c prācājihvam dhvasáyantam tṛṣucyútam ā sácyaṃ kúpayaṃ vārdhanam pitúḥ ||  
1.140.04a mumuḁṣvò mánave mānavasyaté raghudrúvaḥ kṛṣṇásītāsa ū júvaḥ |  
1.140.04c asamanā ajirāso raghuṣyádo vātajūtā úpa yujyanta āśávaḥ ||  
1.140.05a ád asya té dhvasáyanto vṛtherate kṛṣṇām ábhvam máhi vārpaḥ kárikrataḥ |  
1.140.05c yát sīm mahím avánim prābhí mármṛṣad abhiśvasán stanáyann éti nānadat ||  
1.140.06a bhūṣan ná yó 'dhi babhrúsu námnete vṛṣeva pátnīr abhy èti róruvat |  
1.140.06c ojāyāmānas tanvās ca śumbhate bhīmó ná śṛṅgā davidhāva durgṛbhiḥ ||  
1.140.07a sá samstíro viṣṭirah sám gṛbhāyati jānānn evá jānatīr nítya ā śaye |  
1.140.07c púnar vardhante ápi yanti devyām anyád vārpaḥ pitróḥ kṛṇvate sácā ||  
1.140.08a tám agrúvaḥ keśínīḥ sám hí rebhirá ūrdhvās tasthur mamrúṣṭḥ prāyáve púnah |  
1.140.08c tāsām jarām pramuñcānn eti nānadad ásum páraṃ janáyañ jīvám ástṛtam ||  
1.140.09a adhīvāsám pári mātú rihānn áha tuvigrébhiḥ sátvabhir yāti ví jráyaḥ |  
1.140.09c váyo dádhat padvāte rérihat sádānu śyénī sacate vartanīr áha ||  
1.140.10a asmākam agne maghávatsu dídihy ádha śvāsīvān vṛṣabhó dāmūnāḥ |  
1.140.10c avāsyā śísumatīr adīder vārmeva yutsú parijárbhurāṇah ||  
1.140.11a idám agne súdhitam dúrdhitád ádhi priyád u cin mánmanah préyo astu te |  
1.140.11c yát te súkrām tanvò rócate súci ténāsmábhyaṃ vanase rátnam ā tvām ||  
1.140.12a ráthāya nāvam utá no gṛhāya nítyāritrām padvátīm rāsy agne |

- 1.140.12c asmākam vīrāṁ utá no maghóno jánāṁś ca yá pāráyāc chárma yá ca ||  
 1.140.13a abhí no agna ukthám íj juguryā dyāvāksāmā síndhavaś ca svágūrtāḥ |  
 1.140.13c gávyam yávyam yánto dīrghāhēṣam váram aruṇyò varanta ||

- 1.141.01a bál itthá tád vápuṣe dhāyi darśatām devásya bhárgaḥ sáhaso yáto jáni |  
 1.141.01c yád īm úpa hvárate sád̄hate matír ṛtásya dhénā anayanta sasrútaḥ ||  
 1.141.02a pṛkśó vápuḥ pitumān nítya á śaye dvitīyam á saptásivāsu mātṛṣu |  
 1.141.02c ṛtīyam asya vṛṣabhásya doháse dásapramatiṁ janayanta yóṣaṇaḥ ||  
 1.141.03a nír yád īm budhnán mahiśásya várpasa íśānásah śávasā kránta sūrāyaḥ |  
 1.141.03c yád īm ánu pradívo mádhva ādhavé gúhā sántam mātariśvā mathāyāti ||  
 1.141.04a prá yát pitúḥ paramān nīyáte páry á pṛkśúdho vīrúdhō dáṁsu rohati |  
 1.141.04c ubhá yád asya janúṣam yád ínvata ād íd yáviṣṭho abhavad ghrṇá súciḥ ||  
 1.141.05a ād ín mātṛ āvīśad yāsv á súcir áhiṁsyamāna urviyá ví vāvṛdhe |  
 1.141.05c ánu yát pūrvā áruhat sanājúvo ní návyasīṣv ávarāsu dhāvate ||  
 1.141.06a ād íd dhótāram vṛṇate díviṣṭiṣu bhágam iva papṛcānása rñjate |  
 1.141.06c deván yát krátvā majmánā puruṣtutó mártam sám̄sam viśvād̄hā véti dháyase ||  
 1.141.07a ví yád ásthād yajató vātacodito hvāró ná vākvā jaránā ánākṛtaḥ |  
 1.141.07c tásya pátman dakśúṣaḥ kṛṣṇájam̄hasaḥ súcijanmano rája á vyādhvanah ||  
 1.141.08a rátho ná yātáḥ síkvabhiḥ kṛtò dyām áṅgebhir aruṣébhīr iyate |  
 1.141.08c ād asya té kṛṣṇáso dakṣi sūrāyaḥ sūrasyeva tveśáthād īsate váyaḥ ||  
 1.141.09a tváyā hy āgne váruṇo dhṛtāvratō mitráḥ śāsadré aryamá sudánavaḥ |  
 1.141.09c yát sīm ánu krátunā viśvát̄hā vibhúr arān ná nemīḥ paribhúr ájayathāḥ ||  
 1.141.10a tvām agne śásamānāya sunvaté rátnam yaviṣṭha devátātim invasi |  
 1.141.10c tám tvā nú návyam sahaso yuvan vayám bhágam ná kārē mahiratna dhīmahi ||  
 1.141.11a asmé rayīm ná svártham dāmūnasam bhágam dáksam ná papṛcāsi dharmasím |  
 1.141.11c raśmīm̄r iva yó yámati jánmanī ubhé devānām sám̄sam ṛtá á ca sukrátuḥ ||  
 1.141.12a utá naḥ sudyótmā jīrāśvo hótā mandráḥ śṛṇavac candrārathāḥ |  
 1.141.12c sá no neṣan neṣatamair ámūro 'gnír vāmám̄ suvitám̄ vásyō ácha ||  
 1.141.13a ástāvya agnīḥ símivadbhir arkaīḥ sām̄rājyāya pratarám̄ dádhānaḥ |  
 1.141.13c amí ca yé maghāvāno vayám̄ ca míham̄ ná sūro áti níṣ ṭatanyuḥ ||

- 1.142.01a sámiddho agna á vaha devām̄ adyá yatásruce |  
 1.142.01c tántum̄ tanuṣva pūrvyám̄ sutásomāya dāsúṣe ||  
 1.142.02a ghṛtāvantaṁ úpa māsi mádhumantaṁ tanūnapāt |  
 1.142.02c yajñám̄ víprasya māvataḥ śásamānásya dāsúṣaḥ ||  
 1.142.03a súciḥ pāvako ádbhuto mádhvā yajñám̄ mimikṣati |  
 1.142.03c nárāsám̄saḥ trír á divó devó devéṣu yajñíyaḥ ||  
 1.142.04a īlitó agna á vahéndram̄ citráṁ ihá priyám̄ |  
 1.142.04c iyám̄ hí tvā matír māmāchā sujihva vacyáte ||  
 1.142.05a strñānáso yatásruco barhír yajñé svadhvaré |  
 1.142.05c vṛñjé devávyacastamam̄ índrāya śárma sapráthaḥ ||  
 1.142.06a ví śrayantām̄ ṛtāvídhaḥ prayái devébhyo mahīḥ |  
 1.142.06c nāvakāsah̄ nurusnīho dvāro devír̄ asaścátah̄ ||

- 1.142.07a ā bhādamāne upāke nāktośāsā supéśasā |  
 1.142.07c yahví ṛtāsya mātārā sīdatām barhír ā sumát ||  
 1.142.08a mandrájihvā jugurvāñī hótārā daívyā kaví |  
 1.142.08c yajñām no yakṣatām imám sidhrám adyá divispṛśam ||  
 1.142.09a śúcir devéṣv árpitā hótrā marútsu bhāratī |  
 1.142.09c ílā sárasvatī mahí barhíh sīdantu yajñíyāh ||  
 1.142.10a tán nas turípam ádbhutam purú vāram purú tmánā |  
 1.142.10c tváṣṭā póṣāya ví ṣyatu rāyé nābhā no asmayúh ||  
 1.142.11a avasrjānn úpa tmánā devān yakṣi vanaspate |  
 1.142.11c agnír havýā suṣūdati devó devéṣu médhiraḥ ||  
 1.142.12a pūṣaṇvāte marútvate viśvádevāya vāyāve |  
 1.142.12c svāhā gāyatrāvepase havýám índrāya kartana ||  
 1.142.13a svāhākṛtāny ā gahy úpa havýāni vītāye |  
 1.142.13c índrá gahi śrudhí hávaṃ tvām havante adhvaré ||

- 1.143.01a prá távyasīm návyasīm dhítim agnáye vācó matim sáhasaḥ sūnáve bhare |  
 1.143.01c apām nápad yó vásubhiḥ sahá priyó hótā pṛthivyām ny ásidad ṛtvíyāh ||  
 1.143.02a sá jáyamānaḥ paramé vyòmany āvír agnír abhavan mātariśvane |  
 1.143.02c asyá krátvā samidhānāsya majmánā prá dyāvā śociḥ pṛthiví arocayat ||  
 1.143.03a asyá tveṣā ajārā asyá bhānávaḥ susaṃdṛśaḥ suprátíkasya sudyútaḥ |  
 1.143.03c bhátvakṣaso áty aktúr ná síndhavo 'gné rejante ásasanto ajārāh ||  
 1.143.04a yám eriré bhṛgavo viśvávedasaṃ nābhā pṛthivyā bhúvanasya majmánā |  
 1.143.04c agním tám gṛbhír hinuhi svá ā dáme yá éko vásvo váruṇo ná rájati ||  
 1.143.05a ná yó várāya marútām iva svanáḥ séneva srṣṭā divyā yáthāsániḥ |  
 1.143.05c agnír jámbhais tigitair atti bhárvati yodhó ná sátṛūn sá vánā ny ṛñjate ||  
 1.143.06a kuvín no agnír ucáthasya vír ásad vásuḥ kuvíd vásubhiḥ kāmam āvarat |  
 1.143.06c codāḥ kuvít tutujyát sātāye dhíyāḥ śúcipratíkam tám ayá dhiyá grṇe ||  
 1.143.07a ghṛtápratíkam va ṛtāsya dhūrśadam agním mitráṃ ná samidhāná ṛñjate |  
 1.143.07c índhāno akró vidátheṣu dídyac chukrávarṇām úd u no yaṃsate dhíyam ||  
 1.143.08a áprayuchann áprayuchadbhir agne śívēbhír naḥ pāyúbhiḥ páhi śagmaḥ |  
 1.143.08c ádabdhebhír ádrpítebhír iṣṭé 'nimiṣadbhiḥ pári páhi no jáḥ ||

- 1.144.01a éti prá hótā vratám asya māyáyordhvām dádhānaḥ śúcipeśasaṃ dhíyam |  
 1.144.01c abhí srúcaḥ kramate dakṣiṇāvṛto yā asya dhāma prathamám ha níṃsate ||  
 1.144.02a abhím ṛtāsya dohánā anūṣata yónau devásya sádane páriṽṛtāḥ |  
 1.144.02c apām upásthe víbhṛto yád ávasad ádha svadhā adhayad yābhír íyate ||  
 1.144.03a yúyūṣataḥ sávayasā tát íd vápuḥ samānám ártham vitáritratā mitháḥ |  
 1.144.03c ád im bhágo ná hávyāḥ sám asmád ā vólhur ná raśmín sám ayamsta sáratihḥ ||  
 1.144.04a yám im dvā sávayasā saparyátaḥ samāné yónā mithunā sámokasā |  
 1.144.04c dívā ná náktam palitó yúvājani purú cárann ajáro mānuṣā yugā ||  
 1.144.05a tám im hinvanti dhítāyo dáśa vríśo devám mártāsa útāye havāmahe |  
 1.144.05c dhánor ádhi praváta ā sá ṛṇvaty abhivrájadbhir vayúnā návādhita ||



1.144.06a tvām hy àgne divyásya rájasi tvám pārhivasya paśupá iva tmánā |  
1.144.06c éní ta eté bṛhatí abhiśríyā hiraṇyáyī vākvarī barhír āśāte ||  
1.144.07a ágne juśásva práti harya tát váco mándra svádhāva řtajāta súkrato |  
1.144.07c yó víśvátaḥ pratyánñ ási darśató raṇvāḥ sámđrṣtau pitumām̃ iva kṣáyāḥ ||

1.145.01a tám pṛchatā sá jagāmā sá veda sá cikivām̃ iyate sá nv iyate |  
1.145.01c tásmin santi praśíśas tásminn iṣṭáyāḥ sá vājasya śávasaḥ śuśmīnas pátiḥ ||  
1.145.02a tám ít pṛchanti ná simó ví pṛchati svéneva dhīro mánasā yád ágrabhīt |  
1.145.02c ná mṛṣyate prathamám̃ nāparaṃ váco 'syá krátvā sacate ápradṛpitaḥ ||  
1.145.03a tám íd gachanti juhvās tám árvatīr víśvāny ékaḥ śṛṇavad vácāmsi me |  
1.145.03c purupraiśás táturir yajñasáđhanó 'chidrotiḥ śísur ádatta sám̃ rábhaḥ ||  
1.145.04a upasthāyaṃ carati yát samārata sadyó jātás tatsāra yújyebhiḥ |  
1.145.04c abhí śvāntám̃ mṛśate nāndyè mudé yád īm gáchanty uśatīr apiṣṭhitám̃ ||  
1.145.05a sá īm mrgó ápyo vanargúr úpa tvacy ùpamásyām̃ ní dhāyi |  
1.145.05c vy àbravíd vayúnā mártiyebhyo 'gnír vidvām̃ řtacíd dhí satyáḥ ||

1.146.01a trimūrdhānaṃ saptáraśmim̃ gṛñīśé 'nūnam agnīm pitrór upásthe |  
1.146.01c niṣattám̃ asya cárato dhruvásya víśvā divó rocanāpaprivāmsam̃ ||  
1.146.02a ukṣá mahām̃ abhí vavakṣa ene ajáras tasthāv itáūtir řṣvāḥ |  
1.146.02c urvyāḥ padó ní dadhāti sánau rihánty údho aruśáso asya ||  
1.146.03a samānám̃ vatsám̃ abhí saṃcárantī víśvag dhenú ví carataḥ suméke |  
1.146.03c anapavṛjyām̃ ádhvano mímāne víśvān kétéam̃ ádhi mahó dádhāne ||  
1.146.04a dhírāsaḥ padám̃ kaváyo nayanti nānā hṛdá rákṣamānā ajuryám̃ |  
1.146.04c síśāsantaḥ páry apaśyanta síndhum āvír ebhyo abhavat súryo nṛñ ||  
1.146.05a didṛkṣényaḥ pári káṣṭhāsu jénya īlényo mahó árbhāya jívāse |  
1.146.05c purutrā yád ábhavat sūr áhaibhyo gárbhebhyo maghāvā víśvádarśataḥ ||

1.147.01a kathā te agne śucáyanta āyór dadāśúr vājebhir āśuśāñāḥ |  
1.147.01c ubhé yát toké tánaye dádhānā řtásya sáman raṇáyanta devāḥ ||  
1.147.02a bódhā me asyá vácaso yaviṣṭha máñhiṣṭhasya prábhṛtasya svadhāvaḥ |  
1.147.02c píyati tvo ánu tvo gṛñāti vandárus te tanvām̃ vande agne ||  
1.147.03a yé pāyávo māmāteyám̃ te agne pásyanto andhám̃ duritád árakṣan |  
1.147.03c rarákṣa tán sukṛto víśvávedā dípsanta íd ripávo náha debhuḥ ||  
1.147.04a yó no agne árarivām̃ aghāyúr arātívā marcáyati dvayéna |  
1.147.04c mántro gurúḥ púnar astu só asmā ánu mṛkṣīṣṭa tanvām̃ duruktaíḥ ||  
1.147.05a utá vā yáḥ sahasya pravídvañ mártó mártam̃ marcáyati dvayéna |  
1.147.05c átaḥ páhi stavamāna stuvántam̃ ágne mákir no duritáya dhāyīḥ ||

1.148.01a máthīd yád īm viṣtó mātariśvā hótāraṃ víśvāpsuṃ víśvádevyam̃ |  
1.148.01c ní yám̃ dadhúr manuṣyāsu vikṣú svār ná citráṃ vāpuṣe vibhāvam̃ ||

1.148.02a dadānām ín ná dadabhanta mánmāgnír várūtham máma tásya cākan |  
1.148.02c juṣánta víśvāny asya kármópastutim bháramāṇasya kāróḥ ||  
1.148.03a nítýe cin nú yám sádane jagṛbhre práśastibhir dadhiré yajñíyāsaḥ |  
1.148.03c prá sū nayanta gṛbháyanta iṣṭāv áśvāso ná rathyò rārahāṇāḥ ||  
1.148.04a purūṇi dasmó ní riṇāti jámbhair ád rocate vána á vibhāvā |  
1.148.04c ád asya vāto ánu vāti śocír ástur ná śáryām asanām ánu dyūn ||  
1.148.05a ná yám ripávo ná riṣanyávo gárbhe sántaṃ reṣañá reṣáyanti |  
1.148.05c andhā apaśyā ná dabhann abhikhyā nítýāsa im pretāro arakṣan ||

1.149.01a maháḥ sá rāyá éṣate pátir dánm iná inásya vásunaḥ padá á |  
1.149.01c úpa dhrájantam ádrayo vidhān it ||  
1.149.02a sá yó víṣā narām ná ródasyoḥ śrávobhir ásti jīvápītasargaḥ |  
1.149.02c prá yáh sasrānáḥ śísṛítá yónau ||  
1.149.03a á yáh púram nārmiṇim ádided átyaḥ kavír nabhanyò nārvā |  
1.149.03c sūro ná rurukvāñ chatātma ||  
1.149.04a abhí dvijánmā trí rocanāni víśvā rájāmsi śúsucānó asthāt |  
1.149.04c hótā yájiṣṭho apām sadhásthe ||  
1.149.05a ayám sá hótā yó dvijánmā víśvā dadhé vāryāṇi śravasyā |  
1.149.05c márto yó asmai sutúko dadāśa ||

1.150.01a purú tvā dāśvān voce 'rír agne táva svid á |  
1.150.01c todásyeva śaraṇá á mahásya ||  
1.150.02a vy àninásya dhanínaḥ prahośé cid áraruṣaḥ |  
1.150.02c kadá caná prajígato ádevayoh ||  
1.150.03a sá candró vipra mártyo mahó vrádhantamo diví |  
1.150.03c prá-prét te agne vanúṣaḥ syāma ||

1.151.01a mitram ná yám símyā góṣu gavyávaḥ svādhyò vidáthe apsú jíjanan |  
1.151.01c árejetam ródasī pájasā girá práti priyam yajatam janúṣām ávaḥ ||  
1.151.02a yád dha tyád vām purumīḥhásya somínaḥ prá mitrásso ná dadhiré svābhúvaḥ |  
1.151.02c ádha krátum vidatam gātum árcata utá śrutam vṛṣañā pastyāvataḥ ||  
1.151.03a á vām bhūṣan kṣítáyo jánma ródasyoḥ pravácyam vṛṣañā dákṣase mahé |  
1.151.03c yád im ṛtāya bháratho yád árvate prá hótrayā símyā vítho adhvarám ||  
1.151.04a prá sá kṣítír asura yá máhi priyá ṛtāvānāv ṛtām á ghoṣatho bṛhát |  
1.151.04c yuvám divó bṛható dákṣam ābhúvam gām ná dhury úpa yuñjathe apáh ||  
1.151.05a mahí átra mahiná vāram ṛnvatho 'reṇávas túja á sádman dhenávaḥ |  
1.151.05c sváranti tá uparátati sūryam á nimrúca uśásas takvavír iva ||  
1.151.06a á vām ṛtāya keśínir anūṣata mítra yátra váruṇa gātum árcathaḥ |  
1.151.06c áva tmánā srjátam pínvataṃ dhíyo yuvám víprasya mánmanām irajyathaḥ ||  
1.151.07a yó vām yajñáih śásamānó ha dāśati kavír hótā yájati manmasādhanah |  
1.151.07c úpāha tam gáchatho víthó adhvarám áchā girah sumatim gantam asmayú ||

1.151.08a yuvāṃ yajñāḥ prathamā góbhīr añjata ṛtāvānā mánaso ná práyuktiṣu |  
1.151.08c bhāranti vām mánmanā saṃyātā gíró 'dṛpyatā mánasā revád āśathe ||  
1.151.09a revád váyo dadhāthe revád āśathe nārā māyābhir itāūti máhinam |  
1.151.09c ná vāṃ dyāvó 'habhir notá síndhavo ná devatvām paṇāyo nānaśur maghām ||

1.152.01a yuvāṃ vástrāṇi pīvasā vasāthe yuvór áchidrā mántavo ha sárgāḥ |  
1.152.01c ávātiratam ánr̥tāni víśva ṛtēna mitrávaruṇā sacethe ||  
1.152.02a etác caná tvo ví ciketad eṣāṃ satyó mántraḥ kavísastá řghāvān |  
1.152.02c trirásriṃ hanti cáturaśrir ugró devanído há prathamā ajūryan ||  
1.152.03a apād eti prathamā padvátīnām kás tád vām mitrávaruṇā ciketa |  
1.152.03c gárbho bhārám bharaty á cid asya ṛtám píparty ánr̥taṃ ní tārīt ||  
1.152.04a prayántam ít pári jārám kanínām páśyāmasi nópanipádyamānam |  
1.152.04c ánavapṛṅṇā vítatā vásānam priyám mitráśya váruṇasya dhāma ||  
1.152.05a anaśvó jātó anabhísúr árvā kánikradat patayad ūrdhvásānuḥ |  
1.152.05c acítam bráhma jujuśur yúvānaḥ prá mitré dhāma váruṇe gr̥ṇántaḥ ||  
1.152.06a á dhenávo māmatelyám ávantīr brahma príyam pīpayan sásminn ūdhan |  
1.152.06c pitvó bhikṣeta vayúnāni vidvān āśāvívāsann áditim uruṣyet ||  
1.152.07a á vām mitrávaruṇā havýājuṣṭim námasā devāv ávasā vavṛtyām |  
1.152.07c asmákam bráhma pṛtanāsu sahyā asmákam vṛṣṭír divyā supārā ||

1.153.01a yájāmahe vām mahāḥ sajóśā havýébhīr mitrávaruṇā námobhiḥ |  
1.153.01c ghṛtaír ghṛtasnū ádha yád vām asmé adhvaryávo ná dhītíbhīr bhāranti ||  
1.153.02a prástutir vāṃ dhāma ná práyuktir áyāmi mitrávaruṇā suvṛktíḥ |  
1.153.02c anákti yád vāṃ vidátheṣu hótā sumnám vāṃ sūrír vṛṣaṇāv íyakṣan ||  
1.153.03a pīpāya dhenúr áditir ṛtāya jánāya mitrávaruṇā havirdé |  
1.153.03c hinóti yád vāṃ vidáthe saparyán sá rātáhavyo mánušo ná hótā ||  
1.153.04a utá vāṃ vikṣú mádyāsv ándho gāva ápaś ca pīpayanta devīḥ |  
1.153.04c utó no asyá pūrvyāḥ pátir dán vītám pātám páyasa usríyāyāḥ ||

1.154.01a víṣṇor nú kam víryāṇi prá vocaṃ yáḥ pārthivāni vimamé rájāmsi |  
1.154.01c yó áskabhāyad úttaraṃ sadhástham vicakramānás tredhórugāyāḥ ||  
1.154.02a prá tád víṣṇu stavate víryēṇa mṛgó ná bhīmāḥ kucaró giriṣṭhāḥ |  
1.154.02c yásyorúṣu triśú vikrámaṇeśv adhikṣiyánti bhúvanāni víśvā ||  
1.154.03a prá víṣṇave śūśám etu mánma girikṣíta urugāyāya vṛṣṇe |  
1.154.03c yá idám dīrghám práyataṃ sadhástham éko vimamé tribhír ít padébhiḥ ||  
1.154.04a yásya trí pūrṇā mádhunā padāny áksīyamāṇā svadháyā mādanti |  
1.154.04c yá u tridhātu pṛthivím utá dyám éko dādhára bhúvanāni víśvā ||  
1.154.05a tád asya priyám abhí pátho aśyāṃ náro yátra devayávo mādanti |  
1.154.05c urukramásya sá hí bándhur itthá víṣṇoḥ padé paramé mádhva útsaḥ ||  
1.154.06a tá vāṃ vástūny usmasi gámadhyai yátra gāvo bhūriśṛṅgā ayāsaḥ |  
1.154.06c átrāha tád urugāyásya vṛṣṇaḥ paramám padám áva bhāti bhūri ||

1.155.01a prá vah pântam ándhaso dhiyāyaté mahé śūrāya viṣṇave cārcata |  
 1.155.01c yā sānuni párvatānām ádābhīyā mahás tasthátur árvateva sādhnā ||  
 1.155.02a tveṣám itthā samāraṇam śímīvator índrāviṣṇū sutapā vām uruṣyati |  
 1.155.02c yā mártīyāya pratidhīyāmānam ít kṛṣānor ástur asanām uruṣyáthaḥ ||  
 1.155.03a tā im vardhanti máhy asya paúmsyaṃ ní mātārā nayati rétase bhujé |  
 1.155.03c dádhāti putró 'varam páram pitúr nāma tṛtīyam ádhi rocané diváḥ ||  
 1.155.04a tát-tad íd asya paúmsyaṃ gr̥ṇīmasīnāsya trātúr avṛkāsya mīlhúṣaḥ |  
 1.155.04c yáḥ pāṛthivāni tribhír íd vígāmabhir urú krámiṣtorugāyāya jīváse ||  
 1.155.05a dvé íd asya krámaṇe svarḍṣo 'bhikhyāya mártīyo bhuraṇyati |  
 1.155.05c tṛtīyam asya nákir ā dadharṣati váyaś caná patáyantaḥ patatrīṇaḥ ||  
 1.155.06a catúrbhiḥ sākám navatīm ca námabhiś cakráṃ ná vṛttám vyátīmr avīvipat |  
 1.155.06c bṛháccharīro vimímāna ṛkvabhir yúvākumāraḥ práty ety āhavám ||

1.156.01a bhāvā mitró ná sévyo ghṛtāsutir víbhūtadyumna evayā u sapráthāḥ |  
 1.156.01c ádhā te viṣṇo vidúṣā cid árdhya stómo yajñás ca rādhyo havísmatā ||  
 1.156.02a yáḥ pūrvyāya vedhāse návīyase sumájjanaye viṣṇave dádaśati |  
 1.156.02c yó jātám asya maható máhi brávat séd u śrávobhir yújyaṃ cid abhy àsat ||  
 1.156.03a tám u stotāraḥ pūrvyám yáthā vidá ṛtāsya gárbham janúṣā pipartana |  
 1.156.03c ánya jánánto nāma cid vivaktana mahás te viṣṇo sumatím bhajāmahe ||  
 1.156.04a tám asya rájā váruṇas tám ásvínā krátuṃ sacanta mārutasya vedhásah |  
 1.156.04c dādhāra dáksam uttamám aharvídam vrajám ca viṣṇuḥ sákhivāṃ aporṇuté ||  
 1.156.05a ā yó vivāya sacáthāya daívya índrāya viṣṇuḥ sukṛte sukṛttaraḥ |  
 1.156.05c vedhá ajinvat triṣadhasthá āryam ṛtāsya bhāgé yájamānam ābhajat ||

1.157.01a ábodhy agnír jma úd eti sūryo vy uṣás candrá mahy àvo arcíṣā |  
 1.157.01c áyukṣātām ásvínā yátave rátham práśāvīd deváḥ savitā jágat pṛthak ||  
 1.157.02a yád yuñjāthe vṛṣaṇam ásvínā rátham ghṛténa no mádhunā kṣatrám ukṣatam |  
 1.157.02c asmākam bráhma pṛtanāsu jinvatam vayám dhánā sūrasātā bhajemahi ||  
 1.157.03a arvān tricakró madhuvāhano rátho jīrāśvo ásvínor yātu súṣtutaḥ |  
 1.157.03c trivandhuró maghāvā vísvásaubhagaḥ sám na ā vakṣad dvipáde cátuṣpade ||  
 1.157.04a ā na ūrjam vahatam ásvínā yuvám mádhumatyā naḥ kásayā mimikṣatam |  
 1.157.04c práyus tāriṣtam ní rápāmsi mṛkṣatam sédhatam dvéṣo bhávataṃ sacābhúvā ||  
 1.157.05a yuvám ha gárbham jágatīsu dhattho yuvám víśveṣu bhúvaneṣv antáḥ |  
 1.157.05c yuvám agnīm ca vṛṣaṇāv apás ca vānaspátīmr ásvínāv aírayethām ||  
 1.157.06a yuvám ha stho bhiṣájā bhesajébhīr átho ha stho rathyā ráthyebhiḥ |  
 1.157.06c átho ha kṣatrám ádhi dhattha ugrā yó vām havísmān mánasā dadáśa ||

1.158.01a vásū rudrá purumántū vṛdhántā daśasyátam no vṛṣaṇāv abhíṣtau |  
 1.158.01c dásrā ha yád rékṇa aucathyó vām prá yát sasráthe ákavābhir ūtí ||

1.158.02a kó vāṃ dāsat sumatāye cid asyaí vásū yád dhéthe námasā padé góḥ |  
 1.158.02c jigṛtām asmé revátīḥ púramdhīḥ kāmāpreṇeva mánasā cārantā ||  
 1.158.03a yuktó ha yád vāṃ taugryāya perúr ví mádhyae árṇaso dhāyi pajráḥ |  
 1.158.03c úpa vāṃ ávaḥ śaraṇām gameyaṃ śúro nājma patáyadbhir évaiḥ ||  
 1.158.04a úpastutir aucathyám uruṣyen má máṃ imé patatrīṇī ví dugdhām |  
 1.158.04c má máṃ édho dásatayaś citó dhāk prá yád vāṃ baddhás tmáni khádati kṣám ||  
 1.158.05a ná mā garan nadyò mātṛtamā dāsá yád īṃ súsamubdham avádhuḥ |  
 1.158.05c śíro yád asya traitanó vitákṣat svayám dāsá úro áṃsāv ápi gdha ||  
 1.158.06a dīrghátamā māmatelyó jujurvān daśamé yugé |  
 1.158.06c apām ártham yatīnām brahmá bhavati sārathiḥ ||

1.159.01a prá dyāvā yajñāḥ pṛthivī ṛtvídḥā mahí stuṣe vidátheṣu prácetasā |  
 1.159.01c devébhir yé deváputre sudámsetthá dhiyá vāryāni prabhūṣataḥ ||  
 1.159.02a utá manye pitúr adrúho máno mātúr máhi svátavas tád dhāvīmabhiḥ |  
 1.159.02c surétasā pitārā bhúma cakratur urú prajáyā amṛtaṃ várīmabhiḥ ||  
 1.159.03a té sūnávaḥ svápasah sudámśaso mahí jajñur mātārā pūrvácittaye |  
 1.159.03c sthātús ca satyám jágataś ca dhármaṇi putrásya pāthaḥ padám ádvayāvinah ||  
 1.159.04a té māyíno mamire suprácetaso jamí sáyoni mithuná sámokasā |  
 1.159.04c návyam-navyam tántum á tanvate diví samudré antáḥ kaváyaḥ sudítayaḥ ||  
 1.159.05a tád rádho adyá savitúr váreṇyam vayám devásya prasavé manāmahe |  
 1.159.05c asmábhyam dyāvāpṛthivī sucetúnā rayim dhattam vásumantam śatagvīnam ||

1.160.01a té hí dyāvāpṛthivī viśvāsambhuva ṛtāvarī rájaso dhārayátkavī |  
 1.160.01c sujánmanī dhiśāne antár īyate devó deví dhármanā sūryaḥ súciḥ ||  
 1.160.02a uruvyácasā mahínī asaścátā pitá mātá ca bhúvanāni rakṣataḥ |  
 1.160.02c sudhṛṣṭame vapuṣyè ná ródasī pitá yát sīm abhí rūpaír ávāsayat ||  
 1.160.03a sá váhniḥ putráḥ pitróḥ pavítrevān punāti dhíro bhúvanāni māyáyā |  
 1.160.03c dhenúm ca pṛśniṃ vṛṣabhám surétasaṃ viśvāhā súkrám páyo asya dukṣata ||  
 1.160.04a ayám devānām apásām apástamo yó jajána ródasī viśvāsambhuvā |  
 1.160.04c ví yó mamé rájasī sukratūyájárebhi skámbhanebhiḥ sám āṇce ||  
 1.160.05a té no grṇāné mahinī máhi śrávaḥ kṣatrám dyāvāpṛthivī dhāsatho bṛhát |  
 1.160.05c yénābhí kṛṣṭis tatánāma viśvāhā panāyyam ójo asmé sám invatam ||

1.161.01a kím u śréṣṭhaḥ kím yáviṣṭho na ájagan kím īyate dūtyam kád yád ūcimá |  
 1.161.01c ná nindima camasám yó mahākuló 'gne bhrātar drúṇa íd bhūtím ūdima ||  
 1.161.02a ékam camasám catúraḥ kṛṇotana tád vo devá abruvan tád va ágamam |  
 1.161.02c saúdhanvanā yády evá kariṣyátha sākám devaír yajñíyāso bhaviṣyatha ||  
 1.161.03a agniṃ dūtám práti yád ábravítanáśvaḥ kártvo rátha utéhá kártvaḥ |  
 1.161.03c dhenúḥ kártvā yuvaśá kártvā dvá táni bhrātar ánu vaḥ kṛtvya émasi ||  
 1.161.04a cakṛvāmsa ṛbhavas tád aprchata kvéd abhūd yáḥ syá dūtó na ájagan |  
 1.161.04c yadāvākhyac camasāñ catúraḥ kṛtān ád ít tváṣṭā gnāsv antár ny ānaje ||  
 1.161.05a hánāmaināṃ íti tvástā yád ábravíc camasám yé devapānam ánindisuh |

- 1.161.05c anyā nāmāni kṛṇvate suté sácāṃ anyair enān kanyā nāmabhi sparat ||  
1.161.06a índro hárī yuyujé ásvínā rátham bṛhaspátir viśvárūpām úpājata |  
1.161.06c ṛbhúr víbhvā vājo devāṃ agachata svápasso yajñíyam bhāgám aitana ||  
1.161.07a nís cārmaṇo gām ariṇīta dhítíbhīr yá jarantā yuvaśá tákṛṇotana |  
1.161.07c saúdhanvanā ásvād ásvam atakṣata yuktvá rátham úpa devāṃ ayātana ||  
1.161.08a idám udakám pibatéty abravítanedám vā ghā pibatā muñjanéjanam |  
1.161.08c saúdhanvanā yádi tán néva háryatha trítīye ghā sávane mādayādhvai ||  
1.161.09a ápo bhūyisṭhā íty éko abravíd agnír bhūyisṭha íty anyó abravīt |  
1.161.09c vadharyántīm bahúbhyaḥ praíko abravíd ṛtá vádantaś camasāṃ apimśata ||  
1.161.10a śronām éka udakám gām ávājati māmsám ékaḥ piṃsati sūnáyābhṛtam |  
1.161.10c á nimrúcaḥ sákṛd éko ápābharat kíṃ svit putrébhyaḥ pitārā úpāvatuh ||  
1.161.11a udvátsv asmā akṛṇotanā trīṇaṃ nivátsv apāḥ svapasyáyā naraḥ |  
1.161.11c ágohyasya yád ástanaḥ grhé tát adyédám ṛbhavo nánu gachatha ||  
1.161.12a sammílya yád bhúvanā paryásarpata kvà svit tátyá pitārā va āsatuh |  
1.161.12c ásapata yáḥ karásnaṃ va ādadé yáḥ prábravīt pró tásmā abravítana ||  
1.161.13a susupvāṃsa ṛbhavas tát aprchatágohya ká idám no abūbudhat |  
1.161.13c śvānam bastó bodhayitāram abravīt samvatsará idám adyá vy ákhyata ||  
1.161.14a dívá yānti marúto bhūmyāgnír ayám vāto antárikṣeṇa yāti |  
1.161.14c adbhír yāti váruṇaḥ samudraír yuṣmāṃ ichántaḥ śavaso napātaḥ ||

- 1.162.01a má no mitró váruṇo aryamāyúr índra ṛbhukṣá marútaḥ pári khyan |  
1.162.01c yád vājino devájatasya sápteḥ pravakṣyāmo vidáthe víryāni ||  
1.162.02a yán nirñijā rékṇasā právr̥tasya rátiṃ gr̥bhítām mukható náyanti |  
1.162.02c súprañ ajó mémyad viśvárūpa indrāpūṣṇóḥ priyám ápy eti páthaḥ ||  
1.162.03a eśá chágaḥ puró ásvēna vājínā pūṣṇó bhāgó nīyate viśvádevyaḥ |  
1.162.03c abhipríyam yát purolāsam árvatā tváṣṭéd enaṃ sauśravasāya jinvati ||  
1.162.04a yád dhavisyām ṛtuśó devayānaṃ trír mānuṣāḥ páry ásvam náyanti |  
1.162.04c átrā pūṣṇāḥ prathamó bhāgá eti yajñám devébhyaḥ prativedáyann ajāḥ ||  
1.162.05a hótādhvaryúr ávayā agnimindhó grāvagrābhá utá sámstā súviprah |  
1.162.05c téna yajñéna svāramkr̥tena svīṣṭena vakṣāṇā á pr̥nadhvam ||  
1.162.06a yūpavaskā utá yé yūpavāhás caśālam yé ásvayūpāya tákṣati |  
1.162.06c yé cārvate pácanaṃ sambháranty utó téṣām abhígūrtir na invatu ||  
1.162.07a úpa práḡāt sumán me 'dhāyi mánma devānām āśā úpa vītāpr̥ṣṭhaḥ |  
1.162.07c án v enaṃ víprā ṛṣayo madanti devānām puṣṭé cakṛmā subándhum ||  
1.162.08a yád vājino dāma samdānam árvato yá śírṣaṇyā raśaná rájjur asya |  
1.162.08c yád vā ghāsya prábhṛtam āsyè trīṇaṃ sárva tá te ápi devésv astu ||  
1.162.09a yád ásvasya kravíṣo mákṣikāśa yád vā svárau svádhitau riptám ásti |  
1.162.09c yád dhástayoh samitúr yán nakhéṣu sárva tá te ápi devésv astu ||  
1.162.10a yád úvadhyaṃ udárasypavāti yá āmāsya kravíṣo gandhó ásti |  
1.162.10c sukṛtá tác chamitāraḥ kṛṇvantūtá médham śṛtapākam pacantu ||  
1.162.11a yát te gātrād agnínā pacyámānād abhí súlam níhatasyāvadhāvati |  
1.162.11c má tát bhūmyām á śriṣan má trīṇeṣu devébhyas tát usádbhyo rátam astu ||  
1.162.12a yé vājinaṃ paripásyanti pakvām yá īm āhúḥ surabhír nír haréti |

1.162.12c yé cārvato māṃsabhikṣām upāsata utó tésām abhígūrtir na invatu ||  
 1.162.13a yán níkṣaṇam māṃspácanyā ukhāyā yá pátrāṇi yūṣṇá āsécānāni |  
 1.162.13c ūṣmaṇyāpidhānā caruṇām ankáḥ sūnāḥ pári bhūṣanty ásvam ||  
 1.162.14a nIKrámaṇam niśádanam vivártanam yác ca páḍbīsam árvataḥ |  
 1.162.14c yác ca papaú yác ca ghāsīm jaghāsa sárvā tá te ápi devéṣv astu ||  
 1.162.15a má tvāgnír dhvanayīd dhūmágandhir mókhā bhrājanty abhí vikta jághriḥ |  
 1.162.15c iṣṭám vītám abhígūrtam váṣatkr̥tam tám devāsaḥ práti gr̥bhṇanty ásvam ||  
 1.162.16a yád ásvāya vāsa upastr̥ṇānty adhīvāsám yá híraṇyāny asmai |  
 1.162.16c samdānam árvantam páḍbīsam priyá devéṣv á yāmayanti ||  
 1.162.17a yát te sādé máhasā súkr̥tasya pārs̥ṇyā vā kásayā vā tutóda |  
 1.162.17c srucéva tá havīṣo adhvaréṣu sárvā tá te bráhmaṇā sūdayāmi ||  
 1.162.18a cáustrimśad vājīno devábandhor vánkr̥tīr ásvasya svádhitīḥ sám eti |  
 1.162.18c áchidrā gātrā vayúnā kr̥ṇota páruṣ-parur anughúsyā ví śasta ||  
 1.162.19a ékas tváṣṭur ásvasyā viśastá dvá yantārá bhavatas tátha ṛtúḥ |  
 1.162.19c yá te gātrāṇam ṛtuthá kr̥ṇómi tá-tá píṇḍānām prá juhomy agnaú ||  
 1.162.20a má tvā tapat priyá ātmāpiyāntam má svádhitis tanvā á tiṣṭhipat te |  
 1.162.20c má te gr̥dhnúr avīśastātihāya chidrā gātrāṇy asínā míthū kaḥ ||  
 1.162.21a ná vā u etán mriyase ná riṣyasi devāṃ íd eṣi pathībhiḥ sugébhīḥ |  
 1.162.21c hárī te yūñjā pṛṣatī abhūtām úpāsthād vājī dhurí rāsabhasya ||  
 1.162.22a sugávyam no vājī svásvyam puṃsáḥ putráṃ utá vísvāpúṣam rayīm |  
 1.162.22c anāgāstvām no áditīḥ kr̥ṇotu kṣatráṃ no ásvo vanatām havīṣmān ||

1.163.01a yád ákrandaḥ prathamám jáyamāna udyán samudrād utá vā púrīṣāt |  
 1.163.01c śyenásya pakṣá hariṇásya bāhú upastútyam máhi jātám te arvan ||  
 1.163.02a yaména dattám tritá enam āyunag índra eṇam prathamó ádhy atīṣṭhat |  
 1.163.02c gandharvó asya raśanām agr̥bhṇāt sūrād ásvam vasavo nír ataṣṭa ||  
 1.163.03a ási yamó ásy ādityó arvan ási tritó gúhyena vraténa |  
 1.163.03c ási sómena samáyā vípṛkta āhús te trīṇi diví bándhanāni ||  
 1.163.04a trīṇi ta āhur diví bándhanāni trīṇy apsú trīṇy antáḥ samudré |  
 1.163.04c utéva me váruṇas̥ chantsy arvan yátrā ta āhúḥ paramám janítram ||  
 1.163.05a imá te vājinn avamárjanānīmá śaphānām sanitúr nidhānā |  
 1.163.05c átrā te bhadrá raśanā apaśyam ṛtásya yá abhirákṣanti gopāḥ ||  
 1.163.06a ātmānam te mánasārād ajānām avó divá patáyantam patamgám |  
 1.163.06c síro apaśyam pathībhiḥ sugébhīr areṇúbhir jéhamānam patatrí ||  
 1.163.07a átrā te rūpám uttamám apaśyam jígīṣamāṇam iṣá á padé góḥ |  
 1.163.07c yadā te márto ánu bhógam ānaḥ ád íd grāsīṣṭha ósadhīr ajīgah ||  
 1.163.08a ánu tvā rátho ánu máryo arvan ánu gāvó 'nu bhágaḥ kanīnām |  
 1.163.08c ánu vrātāsas táva sakhyám īyur ánu devá mamire vīryām te ||  
 1.163.09a híraṇyaśṛṅgó 'yo asya pādā mánojavā ávara índra āsīt |  
 1.163.09c devá íd asya havirádyam āyan yó árvantam prathamó adhyatīṣṭhat ||  
 1.163.10a īrmāntāsaḥ sílikamadhyamāsaḥ sám sūraṇāso divyāso átyāḥ |  
 1.163.10c haṃsá iva śreṇiśó yatante yád ākṣīṣur divyám ájmam ásvāḥ ||  
 1.163.11a táva śárīram patayiṣṇv àrvan táva cittám vāta iva dhrājīmān |

- 1.163.11c táva śrīngāṇi viśṭhitā purutrāraṇeṣu jārbbhurāṇā caranti ||  
 1.163.12a úpa prāgāc chāsanaṃ vājy árvā devadrīcā mánasā dīdhyānaḥ |  
 1.163.12c ajāḥ puró nīyate nābhir asyānu paścāt kavāyo yanti rebhāḥ ||  
 1.163.13a úpa prāgāt paramāṃ yāt sadhāstham árvāṃ áchā pitāram mātāram ca |  
 1.163.13c adyā devāñ júṣṭatamo hí gamyā áthā śāste dāsúṣe vāryāṇi ||

- 1.164.01a asyā vāmāsya palitāsya hótus tāsya bhrātā madhyamó asty áśnaḥ |  
 1.164.01c ṭṭīyo bhrātā ghrṭáprṣṭho asyātrāpaśyaṃ viśpátim saptáputram ||  
 1.164.02a saptá yuñjanti rátham ékacakram éko áśvo vahati saptánāmā |  
 1.164.02c trinābhi cakrām ajāram anarvāṃ yátremā vísvā bhúvanādhi tasthúḥ ||  
 1.164.03a imāṃ rátham ádhi yé saptá tasthúḥ saptácakram saptá vahanty áśvāḥ |  
 1.164.03c saptá svāsāro abhí sám navante yātra gāvāṃ níhitā saptá nāma ||  
 1.164.04a kó dadarśa prathamāṃ jāyamānam asthanvāntaṃ yád anasthā bíbharti |  
 1.164.04c bhūmyā ásur árg ātmā kvà svit kó vidvāṃsam úpa gāt práṣṭum étát ||  
 1.164.05a pákaḥ pṛchāmi mánasāvijānan devānām enā níhitā padāni |  
 1.164.05c vatsé baškáyé 'dhi saptá tántūn ví tatnire kavāya ótavā u ||  
 1.164.06a ácikitvāñ cikitúśas cid átra kavīn pṛchāmi vidmāne ná vidvān |  
 1.164.06c ví yás tastāmbha śāl imā rájāṃsy ajāsya rūpé kím ápi svid ékam ||  
 1.164.07a ihá bravītu yá īm aṅgá védāsya vāmāsya níhitam padāṃ véḥ |  
 1.164.07c śīrṣṇāḥ kṣīrāṃ duhrate gāvo asya vavriṃ vāsānā udakām padāpuḥ ||  
 1.164.08a mātā pitāram ṛtā ā babhāja dhīty ágre mánasā sám hí jagmé |  
 1.164.08c sá bíbhatsūr gárbbharasā níviddhā námasvanta íd upavākām īyuḥ ||  
 1.164.09a yuktā mātāsīd dhurí dáksīṇāyā átiṣṭhad gárbbho vṛjanīṣv antāḥ |  
 1.164.09c ámīmed vatsó ánu gām apaśyad viśvarūpyaṃ triśú yójaneṣu ||  
 1.164.10a tistró mātīṣ trin pitīn bíbhrad éka ūrdhvás tasthau ném áva glāpayanti |  
 1.164.10c mantráyante divó amúśya pṛṣṭhé viśvavídaṃ vācam áviśvaminvām ||  
 1.164.11a dvādaśāram nahí táj jārāya vārvarti cakrām pári dyām ṛtāsya |  
 1.164.11c á putrá agne mithunāso átra saptá śatāni viṃśatís ca tasthúḥ ||  
 1.164.12a páñcapādam pitāram dvādaśākṛtim divá āhuḥ páre árdhe puriśīṇam |  
 1.164.12c áthemé anyá úpare vicakṣānaṃ saptácakre śālāra āhur árpitam ||  
 1.164.13a páñcāre cakré parivártamāne tásminn á tasthur bhúvanāni vísvā |  
 1.164.13c tāsya nākṣas tapyate bhūribhārah sanād evá ná śīryate sánābhiḥ ||  
 1.164.14a sánemi cakrām ajāram ví vāvṛta uttānāyāṃ dáśa yuktā vahanti |  
 1.164.14c sūryasya cáksū rájasaity ávṛtaṃ tásminn árpitā bhúvanāni vísvā ||  
 1.164.15a sākāmjānaṃ saptátham āhur ekajām śāl íd yamā ṛśayo devajā íti |  
 1.164.15c téśāṃ iṣṭāni víhitāni dhāmasā sthātré rejante víkṛtāni rūpaśāḥ ||  
 1.164.16a stríyaḥ satís táṃ u me puṃsá āhuḥ páśyad akṣaṇvān ná ví cetad andhāḥ |  
 1.164.16c kavír yāḥ putráḥ sá īm á ciketa yás tá vijānāt sá pitúṣ pitāsāt ||  
 1.164.17a avāḥ páreṇa pará enāvareṇa padā vatsām bíbhraṭī gaúr úd asthāt |  
 1.164.17c sá kadricī kām svid árdham páragāt kvà svit sūte nahí yūthé antāḥ ||  
 1.164.18a avāḥ páreṇa pitāram yó asyānuvéda pará enāvareṇa |  
 1.164.18c kavīyāmānaḥ ká ihá prá vocad devām mánaḥ kúto ádhi prájātam ||  
 1.164.19a yé arvāñcas táṃ u párāca āhur yé párāñcas táṃ u arvāca āhuḥ |



- 1.164.19c índras ca yá cakráthuḥ soma táni dhurá ná yuktá rájaso vahanti ||  
1.164.20a dvá suparnā sayújā sákhāyā samānāṃ vṛksām pári śasvajāte |  
1.164.20c táyor anyāḥ píppalaṃ svādv átty ánaśnann anyó abhí cākaśīti ||  
1.164.21a yātrā suparnā amṛtasya bhāgām ánimeṣaṃ vidáthābhisváranti |  
1.164.21c inó víśvasya bhúvanasya gopāḥ sá mā dhíraḥ pákam átrā viveśa ||  
1.164.22a yásmin vṛkṣé madhvádaḥ suparnā nivísānte súvate cādhi víśve |  
1.164.22c tásyéd āhuḥ píppalaṃ svādv ágre tán nón naśad yāḥ pitāraṃ ná véda ||  
1.164.23a yád gāyatrē ádhi gāyatrām āhitam traíṣṭubhād vā traíṣṭubham nirátakṣata |  
1.164.23c yád vā jágaj jágaty āhitam padám yá ít tād vidús té amṛtatvām ānaśuḥ ||  
1.164.24a gāyatrēṇa práti mimīte arkám arkēṇa sāma traíṣṭubhena vākám |  
1.164.24c vākēna vākám dvipádā cātuṣpadākṣāreṇa mimate saptá vāṇīḥ ||  
1.164.25a jágatā síndhum divy āstabhāyad rathamtaré súryam páry apaśyat |  
1.164.25c gāyatrāsya samídhas tistrá āhus táto mahná prá ririce mahitvá ||  
1.164.26a úpa hvaye sudúghām dhenúm etām suhásto godhúg utá dohad enām |  
1.164.26c śréṣṭham savám savitá sāviṣan no 'bhíddho gharmás tād u sú prá vocam ||  
1.164.27a hiṅkṛṇvatī vasupátnī vásūnām vatsám ichántī mánasābhy āgāt |  
1.164.27c duhām aśvíbhyām páyo aghnyéyām sá vardhatām mahatē saúbhagāya ||  
1.164.28a gaúr amīmed ánu vatsám miśántam mūrdhānaṃ hínn akṛṇon mātavā u |  
1.164.28c sṛkvāṇaṃ gharmám abhí vávaśāná mīmāti māyúm páyate páyobhiḥ ||  
1.164.29a ayám sá śínkte yéna gaúr abhívṛtá mīmāti māyúm dhvasánāv ádhi śritá |  
1.164.29c sá cittíbhīr ní hí cakāra mártyaṃ vidyúd bhávanti práti vavrím auhata ||  
1.164.30a anác chaye turágātu jīvám éjad dhruvám mádhya á pastyānām |  
1.164.30c jīvó mṛtāsya carati svadhābhir ámartyo mártyenā sáyoniḥ ||  
1.164.31a ápaśyaṃ gopám ánipadyamānam á ca pára ca pathíbhiś cárantam |  
1.164.31c sá sadhrīcīḥ sá víśūcīr vásāna á varīvarti bhúvaneṣv antāḥ ||  
1.164.32a yá īm cakāra ná só asyá veda yá īm dadárśa hírug ín nú tásmāt |  
1.164.32c sá mātúr yónā párivīto antár bahuprajá níṛṛtim á viveśa ||  
1.164.33a dyaúr me pitá janitá nábhīr átra bándhur me mātá pṛthiví mahíyám |  
1.164.33c uttānāyoś camvòr yónir antár átrā pitá duhitúr gárbham ádhāt ||  
1.164.34a pṛchāmi tvā páram ántam pṛthivyāḥ pṛchāmi yátra bhúvanasya nábhīḥ |  
1.164.34c pṛchāmi tvā víṣṇo áśvasya rétaḥ pṛchāmi vácāḥ paramám vyòma ||  
1.164.35a iyám védīḥ páro antāḥ pṛthivyā ayám yajñó bhúvanasya nábhīḥ |  
1.164.35c ayám sómo víṣṇo áśvasya réto brahmāyám vácāḥ paramám vyòma ||  
1.164.36a saptárdhagarbhá bhúvanasya réto víṣṇos tiṣṭhanti pradísā vídharmaṇi |  
1.164.36c té dhítíbhīr mánasā té vipaścítaḥ paribhúvaḥ pári bhavanti víśvátaḥ ||  
1.164.37a ná ví jānāmi yád ivedám ásmi niṇyāḥ sámñaddho mánasā carāmi |  
1.164.37c yadā māgan prathamajā ṛtásyād íd vácó asnuve bhāgām asyāḥ ||  
1.164.38a ápān prān eti svadhāyā gṛbhītó 'martyo mártyenā sáyoniḥ |  
1.164.38c tá śásvantā víśūcínā viyántā ny ànyám cikyúr ná ní cikyur anyám ||  
1.164.39a ṛcó akṣāre paramé vyòman yásmin devá ádhi víśve niśedúḥ |  
1.164.39c yás tán ná véda kím ṛcá kariṣyati yá ít tād vidús tá imé sám āsate ||  
1.164.40a sūyavasād bhāgavatī hí bhūyā átho vayám bhāgavantaḥ syāma |  
1.164.40c addhí tṛṇam aghnye víśvadānīm píba súddhám udakám ācárantī ||  
1.164.41a gaurīr mimāya salilāni tákṣaty ékapadī dvipádī sá cātuṣpadī |  
1.164.41c astānadī návānadī bahhūvīcī saháśrāksarā naramé vvòman ||

- 1.164.41c aṣṭapañi navapañi cañnavapañi samastakṣara paramo vyomañi ||
- 1.164.42a tāsyāḥ samudrā́ ādhi ví kṣaranti téna jīvanti pradīśās cātasraḥ |
- 1.164.42c tátāḥ kṣaraty akṣáram tād vísvam úpa jīvati ||
- 1.164.43a śakamāyaṃ dhūmám ārád apaśyaṃ viśūvátā parā enāvareṇa |
- 1.164.43c ukṣāṇam pśnim apacanta vīrás tāni dhārmāṇi prathamāny āsan ||
- 1.164.44a tráyaḥ keśína ṛtuthā ví cakṣate saṃvatsarē vapata éka eṣām |
- 1.164.44c vísvam éko abhí caṣṭe śácībhir dhrājir ékasya dadṛṣe ná rūpám ||
- 1.164.45a catvāri vāk párimitā padāni tāni vidur brāhmaṇā yé manīśiṇaḥ |
- 1.164.45c gūhā trīni níhitā néngayanti turīyaṃ vācō manuṣyā vadanti ||
- 1.164.46a índram mitráṃ váruṇam agním āhur átho divyāḥ sá suparṇō garútmān |
- 1.164.46c ékaṃ sád víprā bahudhá vadanty agním yamám mātariśvānam āhuḥ ||
- 1.164.47a kṛṣṇám niyānam hárayaḥ suparṇā apó vásānā dívam út patanti |
- 1.164.47c tá āvavṛtran sádanād ṛtásyād íd ghṛténa pṛthivī vy ùdyate ||
- 1.164.48a dvādaśa pradháyaś cakráṃ ékaṃ trīni nábhyāni ká u ták ciketa |
- 1.164.48c tásmin sākám trisatā ná śaṅkavo 'rpitāḥ ṣaṣṭír ná calācalāsaḥ ||
- 1.164.49a yás te stānaḥ śásayó yó mayobhūr yéna vísvā púṣyasi váryāni |
- 1.164.49c yó ratnadhā vasuvíd yaḥ sudátraḥ sárasvati tám ihá dhátave kaḥ ||
- 1.164.50a yajñéna yajñám ayajanta devās tāni dhārmāṇi prathamāny āsan |
- 1.164.50c té ha nákam mahimānaḥ sacanta yátra pūrve sādhyāḥ sánti devāḥ ||
- 1.164.51a samānám etád udakám úc caity áva cāhabhiḥ |
- 1.164.51c bhūmim parjányā jīvanti dívam jinvanty agnáyaḥ ||
- 1.164.52a divyāṃ suparṇāṃ vāyasám brhántam apām gárbham darśatám óśadhīnām |
- 1.164.52c abhīpató vṛṣṭībhis tarpáyantaṃ sárasvantam ávase johavīmi ||
- 
- 1.165.01a káyā śubhá sávayasāḥ sánílāḥ samānyā marútaḥ sám mimikṣuḥ |
- 1.165.01c káyā matí kúta étāsa eté 'rcanti súṣmaṃ vīṣaṇo vasūyā ||
- 1.165.02a kásya brāhmāni jujuṣur yúvānaḥ kó adhvaré marúta á vavarta |
- 1.165.02c śyenāṃ iva dhrájato antárikṣe kéna mahá mánasā rīramāma ||
- 1.165.03a kútas tvám indra máhinaḥ sánn éko yāsi satpate kíṃ ta itthā |
- 1.165.03c sám pṛchase samarāṇāḥ śubhānaír vocés tán no harivo yát te asmé ||
- 1.165.04a brāhmāni me matáyaḥ sám sutāsaḥ súṣma iyarti prábhṛto me ádriḥ |
- 1.165.04c á śāsate práti haryanty ukthémā hārī vahatas tá no ácha ||
- 1.165.05a áto vayám antamébhír yujānāḥ svákṣatrebhis tanvāḥ súmbhamānāḥ |
- 1.165.05c máhobhir étāṃ úpa yujmahe nv índra svadhām ánu hí no babhútha ||
- 1.165.06a kvà syā vo marutaḥ svadhāsíd yán mām ékaṃ samádhattāhihátye |
- 1.165.06c ahám hy ùgrás taviśás túviṣmān vísvasya śátror ánamam vadhasnaḥ ||
- 1.165.07a bhūri cakartha yújyebhir asmé samānébhír vṛṣabha paúṃsyebhiḥ |
- 1.165.07c bhūrīni hí kṛṇāvāmā śaviṣṭhéndra krátvā maruto yád vásāma ||
- 1.165.08a vādhiṃ vṛtrám maruta indriyéṇa svéna bhāmena taviśó babhūvān |
- 1.165.08c ahám etā mánave vísváscandrāḥ sugā apás cakara vájrabāhuḥ ||
- 1.165.09a ánuttam á te maghavan nákir nú ná tvāvāṃ asti devátā vídānaḥ |
- 1.165.09c ná jáyamāno násate ná jātó yāni karisyā kṛṇuhí pravṛddha ||
- 1.165.10a ékasya cin me vibhv àstv ójo yā nú dadhṛṣvān kṛṇávai manīśā |
- 1.165.10c ahám hy ùgró maruto vídāno yāni cyávam índra íd íśa eṣām ||

1.165.11a ámandan mā maruta stómo átra yán me narah śrútyam bráhma cakrá |  
 1.165.11c índrāya vṛṣṇe súmakhāya máhyaṃ sákhye sakhāyas tanvè tanúbhiḥ ||  
 1.165.12a evéd eté prāti mā rócāmānā ānedyah śráva ešo dádhanāḥ |  
 1.165.12c saṃcákṣyā marutaś candrávarṇā áchānta me chadáyāthā ca nūnám ||  
 1.165.13a kó nv átra maruto māmāhe vaḥ prá yātana sákhiṃr áchā sakhāyah |  
 1.165.13c mánmāni citrā apivātáyanta eṣám bhūta návedā ma ṛtānām ||  
 1.165.14a á yád duvasyād duváse ná kārúr asmāñ cakré mānyásya medhá |  
 1.165.14c ó śú vartta maruto vípram áchemā bráhmāni jaritā vo arcat ||  
 1.165.15a eṣā va stómo maruta iyám gír mādāryásya mānyásya kāróḥ |  
 1.165.15c eṣā yāsīṣṭa tanvè vayām vidyāmeṣám vrjánam jirádānum ||

1.166.01a tán nú vocāma rabhasāya jánmane pūrvam mahitvám vṛṣabhásya ketáve |  
 1.166.01c aidhéva yāman marutas tuviṣvaṇo yudhéva śakrās taviṣāni kartana ||  
 1.166.02a nítyam ná sūnúm mádhu bíbhṛata úpa krīḷanti krīḷā vidátheṣu ghṛṣvayah |  
 1.166.02c náksanti rudrá ávasā namasvīnam ná mardhanti svátavaso haviṣkṛtam ||  
 1.166.03a yāsmā ūmāso amṛtā árāsata rāyās póṣam ca havíṣā dadāśúṣe |  
 1.166.03c ukṣānty asmai marúto hitā iva purú rájāmsi páyasā mayobhúvah |  
 1.166.04a á yé rájāmsi táviṣṭbhir ávyata prá va évāsaḥ sváyatāso adhrajan |  
 1.166.04c bháyante vísvā bhúvanāni harmyā citró vo yāmah práyatāsv ṛṣṭíṣu ||  
 1.166.05a yát tveṣáyāmā nadáyanta párvatān divó vā pṛṣṭhám náryā ácucyavuh |  
 1.166.05c vísvo vo ájman bhayate vānaspātī rathīyántīva prá jihīta ósadhiḥ ||  
 1.166.06a yūyām na ugrā marutaḥ sucetúnāriṣṭagrāmāḥ sumatím pipartana |  
 1.166.06c yātrā vo didyúd rádati krívirdatī riṇāti paśvāḥ súdhiteva barhāṇā ||  
 1.166.07a prá skambhádeṣṇā anavabhrārādhaso 'lātrṇāso vidátheṣu súṣṭutāḥ |  
 1.166.07c árcanty arkám madirásya pītāye vidúr vīrásya prathamāni paúmsyā ||  
 1.166.08a śatābhujibhis tám abhíhruter aghāt pūrbhī rakṣatā maruto yám ávata |  
 1.166.08c jánam yám ugrās tavaso virapśinaḥ pāthānā śámsāt tánayasya puṣṭíṣu ||  
 1.166.09a vísvāni bhadrā maruto rátheṣu vo mithaspr̥dhyeva taviṣāny áhitā |  
 1.166.09c ámṣeṣv á vaḥ prápatheṣu khādáyó 'kṣo vaś cakrá samáyā ví vāvṛte ||  
 1.166.10a bhūrīni bhadrā náryeṣu bāhúṣu vákṣassu rukmā rabhasāso añjāyah |  
 1.166.10c ámṣeṣv étāḥ pavíṣu kṣurā ádhi váyo ná pakṣān vy ánu śríyo dhire ||  
 1.166.11a mahānto mahnā vibhvò víbhūtayo dūredṛśo yé divyā iva stṛbhiḥ |  
 1.166.11c mandrāḥ sujihvāḥ sváritāra āsábhiḥ sámmitlā índre marútaḥ pariṣṭúbhaḥ ||  
 1.166.12a tát vaḥ sujātā maruto mahitvanám dīrghám vo dātrám áditer iva vratám |  
 1.166.12c índraś caná tyájasā ví hruṇāti táj jánāya yāsmāi sukṛte árādhvam ||  
 1.166.13a tát vo jāmitvám marutaḥ páre yugé purú yác chámsam amṛtāsa ávata |  
 1.166.13c ayā dhiyā mánave śruṣṭím ávyā sākám náro daṃsánair á cikitrire ||  
 1.166.14a yéna dīrghám marutaḥ śūsāvāma yuṣmākena párīṇasā turāsaḥ |  
 1.166.14c á yát tatānan vrjāne jánāsa ebhír yajñēbhis tát abhīṣṭim aśyām ||  
 1.166.15a eṣā va stómo maruta iyám gír mādāryásya mānyásya kāróḥ |  
 1.166.15c eṣā yāsīṣṭa tanvè vayām vidyāmeṣám vrjánam jirádānum ||

1.167.01a sahásram ta indrotávo nah sahásram íso harivo gūrtátamāḥ |

- 1.167.01c sahasraṃ rāyo mādayādhyai sahasrīṇa ūpa no yantu vājāḥ ||  
1.167.02a ā́ nō 'vobhir marúto yāntv áchā jyēṣṭhebhīr vā bṛhāddivaiḥ sumāyāḥ |  
1.167.02c ádha yád eṣāṃ niyútaḥ paramāḥ samudrāsya cid dhanáyanta pāre ||  
1.167.03a mimyákṣa yéṣu súdhitā ghṛtācī hīraṇyanirṇig úparā ná ṛṣṭīḥ |  
1.167.03c gúhā cárantī mánuṣo ná yóṣā sabhāvatī vidathyèva sám vāk ||  
1.167.04a pára śubhrā ayāso yavyā sādharanyéva marúto mimikṣuḥ |  
1.167.04c ná rodasī ápa nudanta ghorā juṣánta vṛdham sakhyāya devāḥ ||  
1.167.05a jóṣad yád īm asuryā sacādhyai víṣitastukā rodasī ṇmāṇāḥ |  
1.167.05c ā́ sūryéva vidható rátham gāt tveṣápratīkā nábhaso nétyā ||  
1.167.06a ā́sthāpayanta yuvatīm yúvānaḥ śubhé nímiślām vidátheṣu pajrām |  
1.167.06c arkó yád vo maruto havīṣmān gāyad gāthām sutásomo duvasyān ||  
1.167.07a prá tám vivakmi vākmyo yá eṣāṃ marútām mahimā́ satyó ásti |  
1.167.07c sácā yád īm vṛṣamaṇā ahamyú sthirā cij jánīr váhate subhāgāḥ ||  
1.167.08a pānti mitrávaruṇāv avadyāc cáyata īm aryamó aprāśastān |  
1.167.08c utá cyavante ácyutā dhruvāṇi vāvṛdhā īm maruto dátivārah ||  
1.167.09a nahī́ nú vo maruto ánty asmé ā́rāttāc cic chávaso ántam ā́púḥ |  
1.167.09c té dhr̥ṣṇúnā́ śávasā́ śūsuvā́msó 'rṇo ná dvēṣo dhr̥ṣatā́ pári ṣṭhuḥ ||  
1.167.10a vayám adyéndrasya préṣṭhā́ vayám śvó vocemahi samaryé |  
1.167.10c vayám purá máhi ca no ánu dyūn tán na ṛbhukṣá́ narām ánu ṣyāt ||  
1.167.11a eṣá va stómo maruta iyám gír mā́ndāryāsya mānyāsya kārōḥ |  
1.167.11c eṣá́ yāsīṣṭa tanvè vayám vidyā́meṣām vr̥jānam jī́radānum ||

- 1.168.01a yajñā́-yajñā́ vah samanā́ tuturváṇir dhíyam-dhiyam vo devayā́ u dadhidhve |  
1.168.01c ā́ vo 'rvācaḥ suvitā́ya ródasyor mahé vavṛtyām ávase suvr̥ktúbhiḥ ||  
1.168.02a vavrāso ná yé svajāḥ svátavasa íṣam svār abhijāyanta dhútayaḥ |  
1.168.02c sahasrīyāso apām nórmaýa ā́sā́ gāvo vā́ndyāso nókṣānaḥ ||  
1.168.03a sómāso ná yé sutás tr̥ptāmśavo hr̥ṣú pītāso duváso násate |  
1.168.03c aísām áṃṣeṣu rambhī́ṇīva rārabhe hásteṣu khādís ca kṛtís ca sám dadhe ||  
1.168.04a áva sváyuktā́ divá́ ā́ vīṭhā́ yayur á́martyāḥ kásayā́ codata tmā́nā |  
1.168.04c arenávas tuvijātá acucyavur dr̥ḷhā́ni cin marúto bhr̥ájadṛṣṭayaḥ ||  
1.168.05a kó vo 'ntár maruta ṛṣṭividyo réjati tmā́nā́ hánveva jihvā́yā |  
1.168.05c dhanvacyútá iṣám ná yā́mani purupraíṣā́ ahanyò náítaṣaḥ ||  
1.168.06a kvà svid asyá rájaso mahás páram kvāvaram maruto yásminn ā́yayá |  
1.168.06c yác cyāváyatha vithuréva sámhitam vy ádrīṇā́ patatha tveṣám arṇavám ||  
1.168.07a sātír ná vó 'mavatī svārvatī tveṣā́ vípākā́ marutaḥ pípiṣvatī |  
1.168.07c bhadrá́ vo rātīḥ pṛṇató ná dáksīṇā́ pṛthujráyī asuryéva jáñjatī ||  
1.168.08a práti ṣṭobhanti síndhavaḥ pavíbhyo yád abhríyām vācam udī́ráyanti |  
1.168.08c áva smayanta vidyútaḥ pṛthivyām yádī ghṛtām marútaḥ pruṣṇuvánti ||  
1.168.09a ásūta pṛ́ṣṇir mahaté ráṇā́ya tveṣám ayāsám marútām á́nīkam |  
1.168.09c té sapsarāso 'janayantābhvam á́d ít svadhām íṣirām páry apaśyan ||  
1.168.10a eṣá va stómo maruta iyám gír mā́ndāryāsya mānyāsya kārōḥ |  
1.168.10c eṣá́ yāsīṣṭa tanvè vayám vidyā́meṣām vr̥jānam jī́radānum ||

1.169.01a mahás cit tvám indra yata etán mahás cid asi tyájaso varūtá |  
 1.169.01c sá no vedho marútāṃ cikitvān sumnā vanuṣva táva hí préṣṭhā ||  
 1.169.02a áyujan ta indra viśvákrṣṭír vidānáso niṣṣídho martyatrā |  
 1.169.02c marútāṃ pṛtsutír hásamānā svārmīlhasya pradhánasya sātaú ||  
 1.169.03a ámyak sá ta indra rṣṭír asmé sánemy ábhvam marúto junanti |  
 1.169.03c agnís cid dhí śmātasé śusukvān āpo ná dvīpāṃ dádhati práyāṃsi ||  
 1.169.04a tvām tú na indra táṃ rayīm dā ójiṣṭhayā dákṣiṇayeva rātīm |  
 1.169.04c stútas ca yás te cakánanta vāyó stānaṃ ná mádhvaḥ pīpayanta vājaiḥ ||  
 1.169.05a tvé rāya indra tośátamāḥ praṇetāraḥ kásya cid ṛtāyóḥ |  
 1.169.05c té śú ṇo marúto mṛlayantu yé smā purā gātūyántīva devāḥ ||  
 1.169.06a práti prá yāhīndra mīlhušo nīn maháh párhive sádane yatasva |  
 1.169.06c ádha yád eṣāṃ pṛthubudhnāsa étās tīrthé nāryāḥ paúṃsyāni tasthúḥ ||  
 1.169.07a práti ghorāṇām étānām ayāsām marútāṃ śṛva āyatām upabdīḥ |  
 1.169.07c yé mártiyam pṛtanāyántam ūmair ṛṇāvānaṃ ná patáyanta sárgaiḥ ||  
 1.169.08a tvām mānebhya indra viśvájanyā rádā marúdbhiḥ śurúdho góagrāḥ |  
 1.169.08c stāvānebhi stavase deva devaír vidyāmeṣāṃ vṛjánam jīradānum ||

1.170.01a ná nūnám ásti nó śvāḥ kás tād veda yád ádbhutam |  
 1.170.01c anyásya cittám abhí saṃcaréṇyam utádhītam ví naśyati ||  
 1.170.02a kíṃ na indra jighāṃsasi bhrātaro marútas táva |  
 1.170.02c tébhiḥ kalpasva sādhuayá má naḥ samáraṇe vadhīḥ ||  
 1.170.03a kíṃ no bhrātar agastya sákḥā sánn áti manyase |  
 1.170.03c vidmá hí te yáthā máno 'smábhyam ín ná ditsasi ||  
 1.170.04a áraṃ kṛṇvantu védiṃ sám agním indhatām purāḥ |  
 1.170.04c tátāmítasya cétanam yajñám te tanavāvahai ||  
 1.170.05a tvám íśiṣe vasupate vásūnām tvám mitráṇām mitrapate dhéṣṭhaḥ |  
 1.170.05c índra tvám marúdbhiḥ sám vadasvádha práśāna ṛtuthá havīmṣi ||

1.171.01a práti va ená námasāhám emi sūkténa bhikṣe sumatīm turāṇām |  
 1.171.01c rarāṇátā maruto vedyābhir ní hélo dhattá ví mucadhvam ásvān ||  
 1.171.02a eṣá va stómo maruto námasvān hṛdá taṣṭó mánasā dhāyi devāḥ |  
 1.171.02c úpem á yāta mánasā juṣāṇā yūyám hí ṣṭhā námasa íd vṛdhāsaḥ ||  
 1.171.03a stutāso no marúto mṛlayantūtá stutó maghāvā śámbhaviṣṭhaḥ |  
 1.171.03c ūrdhvā naḥ santu komyá vānāny áhāni vísvā maruto jigīṣā ||  
 1.171.04a asmád ahám taviṣád íṣamāṇa índrād bhiyá maruto réjamānaḥ |  
 1.171.04c yuśmábhyam havýá nísitāny āsan tány āre cakṛmā mṛlátā naḥ ||  
 1.171.05a yéna mánasaś citáyanta usrá vyóṣṭiṣu śávasā śásvatīnām |  
 1.171.05c sá no marúdbhir vṛṣabha śrávo dhā ugrá ugrébhi sthāviraḥ sahodāḥ ||  
 1.171.06a tvám pāhīndra sáhītyaso nīn bhāvā marúdbhir ávayātaheḷāḥ |  
 1.171.06c supraketébhiḥ sāsahír dádhdāno vidyāmeṣāṃ vṛjánam jīradānum ||

- 1.172.01a citró vo 'stu yámas citrá ūtí sudānavaḥ |  
 1.172.01c māruto áhibhānavaḥ ||  
 1.172.02a āré sá vaḥ sudānavo māruta rñjatí sáruḥ |  
 1.172.02c āré ásmā yám ásyatha ||  
 1.172.03a tṛṇaskandásya nú vísaḥ pári vṛṅkta sudānavaḥ |  
 1.172.03c ūrdhvān naḥ karta jīvāse ||

- 1.173.01a gāyat sāma nabhanyaṃ yáthā vér árcāma tát vāvṛdhānaṃ svārvat |  
 1.173.01c gāvo dhenávo barhíṣy ádabdhá á yát sadmānaṃ divyāṃ vívāsān ||  
 1.173.02a árcad vṛṣā vṛṣabhiḥ svéduhavyair mṛgó nāsno áti yáj juguryát |  
 1.173.02c prá mandayúr manāṃ gūrta hótā bhárate máryo mithunā yáatraḥ ||  
 1.173.03a náksad dhótā pári sádma mitá yán bhárad gárbham á śarádaḥ pṛthivyāḥ |  
 1.173.03c krándad ásvó náyamāno ruvád gaúr antár dūtó ná ródasī carad vāk ||  
 1.173.04a tá karmāṣatarāsmāi prá cyautnāni devayānto bharante |  
 1.173.04c jújoṣad índro dasmávarcā nāsatyeva súgmyo ratheṣṭhāḥ ||  
 1.173.05a tám u ṣṭuhíndraṃ yó ha sátvā yáḥ súro maghāvā yó ratheṣṭhāḥ |  
 1.173.05c praticás cid yódhīyān vṛṣaṇvān vavavṛúṣás cit támaso vihantá ||  
 1.173.06a prá yád itthā mahinā nṛbhyo ásty áraṃ ródasī kakṣyè nāsmāi |  
 1.173.06c sám vivya índro vṛjanaṃ ná bhúmā bhárti svadhāvāṃ opaśám iva dyām ||  
 1.173.07a samátsu tvā sūra satām urāṇám prapathíntamam paritaṃsayádhyai |  
 1.173.07c sajóṣasa índram máde kṣoñīḥ sūrīm cid yé anumádanti vājaiḥ ||  
 1.173.08a evā hí te sám sávanā samudrá āpo yát ta āsú mádanti devīḥ |  
 1.173.08c vísvā te ánu jóṣyā bhūd gauḥ sūrīmś cid yádi dhiṣā véṣi jánān ||  
 1.173.09a ásāma yáthā suṣakhāya ena svabhiṣṭáyo narāṃ ná sámśaiḥ |  
 1.173.09c ásad yáthā na índro vandaneṣṭhās turó ná kárma náyamāna ukthá ||  
 1.173.10a víṣpardhaso narāṃ ná sámśair asmákāsad índro vájrahastāḥ |  
 1.173.10c mitṛayúvo ná púrpatiṃ súśiṣṭau madhyāyúva úpa śikṣanti yajñaiḥ ||  
 1.173.11a yajñó hí śméndraṃ kás cid ṛndhāñ juhurāṇás cin mánasā pariyán |  
 1.173.11c tīrthé náchā tāṭṛṣāṇám óko dīrghó ná sidhrám á krṇoty ádhvā ||  
 1.173.12a mó śú na indrátra pṛtsú devaír ásti hí śmā te śuṣminn avayāḥ |  
 1.173.12c mahás cid yásya mīlhúšo yavyā havísmato marúto vándate gīḥ ||  
 1.173.13a eṣá stóma indra túbhyam asmé eténa gātúm harivo vido naḥ |  
 1.173.13c á no vavṛtyāḥ suvitāya deva vidyāmeśám vṛjanaṃ jírādānum ||

- 1.174.01a tvām rájendra yé ca devá rákṣā nṛñ páhy àsura tvám asmān |  
 1.174.01c tvām sátpatir maghāvā nas tárutras tvām satyó vásavānaḥ sahodāḥ ||  
 1.174.02a dáno vísa indra mṛdhrāvācaḥ saptá yát púraḥ śárma śáradīr dárt |  
 1.174.02c ṛṇór apó anavadyārṇā yúne vṛtrám purukútsāya randhīḥ ||  
 1.174.03a ájā vṛta indra sūrapatnīr dyām ca yébbhiḥ puruhūta nūnám |  
 1.174.03c rákṣo agním asúṣaṃ túrvayāṇaṃ simhó ná dáme ápāmsi vástoḥ ||  
 1.174.04a śéṣan nú tá indra sásmin yónau práśastaye pávīravasya mahnā |  
 1.174.04c srjád arṇāmsy áva yád yudhá gās tíṣṭhad dhārī dhrṣatá mṛṣṭa vājān ||  
 1.174.05a váha kútsam indra yásmiñ cākán syūmanyú rjrá vátasyāśvā |

1.174.05c prá sūraś cakráṃ vṛhatād abhīke 'bhí spr̥dho yāsiṣad vájrabāhuḥ ||  
 1.174.06a jaghanvāṃ indra mitrerūñ codápravṛddho harivo ádāsūn |  
 1.174.06c prá yé páśyann aryamáṇaṃ sácāyós tváyā śūrtá váhamānā ápatyam ||  
 1.174.07a rápat kavír indrārkāsātau kṣāṃ dāsāyopabārhañīm kaḥ |  
 1.174.07c kárat tisoró maghāvā dānucitrā ní duryoṇé kúyavācam mṛdhí śret ||  
 1.174.08a sánā tá ta indra návyā āguḥ sāho nábhó 'viraṇāya pūrvīḥ |  
 1.174.08c bhinat púro ná bhído ádevīr nanāmo vādhar ádevasya pīyóḥ ||  
 1.174.09a tvāṃ dhúnir indra dhúnimatīr ṛṇór apāḥ sīrā ná srávantīḥ |  
 1.174.09c prá yát samudrām áti sūra pársi pāráyā turvāsāṃ yáduṃ svastí ||  
 1.174.10a tvām asmākam indra viśvādha syā avṛkátamo narām nṛpātā |  
 1.174.10c sá no vísvāsāṃ spr̥dhām sahodā vidyāmeśāṃ vṛjánāṃ jīrādānum ||

1.175.01a mátsy ápāyi te máhaḥ pātrasyeva harivo matsaró mádaḥ |  
 1.175.01c vīṣā te vīṣṇa índur vājī sahasrasátamah ||  
 1.175.02a ā nas te gantu matsaró vīṣā mádo váreṇyah |  
 1.175.02c sahāvāṃ indra sānasīḥ pṛtanāṣāl̥ ámartyah ||  
 1.175.03a tvāṃ hí sūrah sánitā codāyo mánuṣo rátham |  
 1.175.03c sahāvān dásyum avratām óṣaḥ pātraṃ ná śocísā ||  
 1.175.04a muṣāyá sūryaṃ kave cakráṃ íśāna ójasā |  
 1.175.04c váha śúṣṇāya vadhām kútsaṃ vātasyāśvaiḥ ||  
 1.175.05a śuśmíntamo hí te mádo dyumníntama utá krátuḥ |  
 1.175.05c vṛtraghnā varivodā maṃsīṣṭhā aśvasátamah ||  
 1.175.06a yáthā pūrvebhyo jaritībhya indra máya ivāpo ná tṛṣyate babhūtha |  
 1.175.06c tám ánu tvā nivídaṃ johavīmi vidyāmeśāṃ vṛjánāṃ jīrādānum ||

1.176.01a mátsi no vásyaāṣṭaya índram indo vīṣā viśa |  
 1.176.01c ṛghāyámāṇa invasi śátrum ánti ná vindasi ||  
 1.176.02a tásminn ā veśayā gíro yá ékaś carṣañīnām |  
 1.176.02c ánu svadhā yám upyáte yávam ná cárkrṣad vīṣā ||  
 1.176.03a yásya vísvāni hástayoḥ pāñca kṣitīnām vásu |  
 1.176.03c spāśāyasva yó asmadrúg divyévāśánir jahi ||  
 1.176.04a ásunvantam samam jahi dūṇāśam yó ná te máyah |  
 1.176.04c asmábhyam asya védanam daddhí sūrís cid ohate ||  
 1.176.05a āvo yásya dvibārhaso 'rkéṣu sānuṣág ásat |  
 1.176.05c ājāv índrasyendo právo vājeṣu vājīnam ||  
 1.176.06a yáthā pūrvebhyo jaritībhya indra máya ivāpo ná tṛṣyate babhūtha |  
 1.176.06c tám ánu tvā nivídaṃ johavīmi vidyāmeśāṃ vṛjánāṃ jīrādānum ||

1.177.01a ā carṣañiprá vṛṣabhó jánānām rája kṛṣṭīnām puruhūtá índrah |  
 1.177.01c stutāḥ śravasyānn ávasópa madríg yuktvā hárī vīṣañā yāhy arvāñ ||  
 1.177.02a yé te vīṣaṇo vṛṣabhāsa indra brahmayújo vīṣarathāso átyāḥ |  
 1.177.02c tám ā tistha tébhir ā vāhv arvāñ hāvāmahe tvā sutá indra sóme ||

1.177.02c tam u uṣṣā teṣm u yany arvan havamane eva sata indra sōma ||  
 1.177.03a ā tiṣṭha rátham vṛṣaṇam vṛṣā te sutáh sōmaḥ páriṣiktā mádhūni |  
 1.177.03c yuktvā vṛṣabhyāṃ vṛṣabha kṣitīnām háribhyāṃ yāhi pravátōpa madrīk ||  
 1.177.04a ayám yajñó devayā ayám miyédha imá bráhmāṇy ayám indra sōmaḥ |  
 1.177.04c stīrṇám barhír ā tú śakra prá yāhi pībā niśádyá ví mucā hári ihá ||  
 1.177.05a ó súṣṭuta indra yāhy arvān úpa bráhmāṇi mānyásya kārōḥ |  
 1.177.05c vidyāma vástor ávasā grṇánto vidyāmeśám vṛjánam jīrádānum ||

1.178.01a yád dha syá ta indra śruṣṭír ásti yáyā babhūtha jaritṛbhya ūtí |  
 1.178.01c má naḥ kāmam maháyantam ā dhag vísvā te aśyām páry āpa āyóḥ ||  
 1.178.02a ná ghā rájendra ā dabhan no yá nú svásārā krṇávanta yónau |  
 1.178.02c āpās cid asmai sutúkā aveṣan gáman na índraḥ sakhyā váyaś ca ||  
 1.178.03a jétā nṛbhir índraḥ pṛtsú sūrah śrótā hávam nádhamānasya kārōḥ |  
 1.178.03c prábhartā rátham dásúša upāká údyantā gíro yádi ca tmánā bhūt ||  
 1.178.04a evá nṛbhir índraḥ suśravasyā prakhādāḥ pṛkṣó abhí mitrīṇo bhūt |  
 1.178.04c samaryá iṣá stavate vívāci satrākaró yájamānasya śámsaḥ ||  
 1.178.05a tváyā vayám maghavann indra śátrūn abhí ṣyāma maható mányamānān |  
 1.178.05c tvám trātā tvám u no vṛdhé bhūr vidyāmeśám vṛjánam jīrádānum ||

1.179.01a pūrvír ahám śarádaḥ śásramāṇā doṣā vástor uśáso jaráyantīḥ |  
 1.179.01c mināti śríyam jarimā tanūnām ápy ū nú pátnīr vṛṣaṇo jagamyuḥ ||  
 1.179.02a yé cid dhí pūrva rṭasāpa ásan sākám devébhír ávadann ṛtāni |  
 1.179.02c té cid ávāsūr nahy ántam āpūḥ sám ū nú pátnīr vṛṣabhir jagamyuḥ ||  
 1.179.03a ná mīṣā śrāntám yád ávanti devā vísvā ít spṛdho abhy àśnavāva |  
 1.179.03c jáyāvéd átra śátānītham ājīm yát samyāñcā mithunāv abhy ájāva ||  
 1.179.04a nadásya mā rudhatāḥ kāma āgann itá ājāto amútaḥ kútaś cit |  
 1.179.04c lópāmudrā vṛṣaṇam ní riṇāti dhíram ádhīrā dhayati śvasántam ||  
 1.179.05a imám nú sómam ántito hrtsú pītám úpa bruve |  
 1.179.05c yát sīm āgaś cakrámá tát sú mṛlatu pulukámo hí mártyaḥ ||  
 1.179.06a agástyaḥ khánamānaḥ khañitraiḥ prajám ápatyam bálam ichámānaḥ |  
 1.179.06c ubhaú vārṇāv řṣir ugráh pupoṣa satyā devéṣv áśíṣo jagāma ||

1.180.01a yuvó rájāṃsi suyámāso ásvā rátho yád vām páry árṇāṃsi díyat |  
 1.180.01c hiraṇyáyā vām paváyāḥ pruṣāyan mádhvaḥ pībantā uśásaḥ sacethe ||  
 1.180.02a yuvám átyasyāva naksatho yád vípatmano náryasya práyajyoḥ |  
 1.180.02c svásā yád vām vísvagūrti bhārāti vājāyétte madhupāv iṣé ca ||  
 1.180.03a yuvám páya usríyāyām adhattam pakvám āmāyām áva pūrvyam góḥ |  
 1.180.03c antár yád vaníno vām ṛtapsū hvāró ná súcir yájate havísmān ||  
 1.180.04a yuvám ha gharmám mádhumantam átraye 'pó ná kṣódo 'vṛṇītam eṣé |  
 1.180.04c tád vām narāv aśvinā pásvaāṣṭī ráthyeva cakrá práti yanti mádhvaḥ ||  
 1.180.05a ā vām dānāya vavṛtīya dasrā gór óheṇa taugryó ná jívriḥ |  
 1.180.05c apáh kṣoñi sacate máhinā vām jūrṇó vām ákṣur áṃhaso yajatrā ||



1.180.06a ní yád yuvéthe niyútaḥ sudānū úpa svadhābhiḥ sṛjathaḥ púramdhim |  
 1.180.06c préṣad véṣad vāto ná sūrír ā mahé dade suvrató ná vājam ||  
 1.180.07a vayām cid dhí vām jaritāraḥ satyā vipanyāmahe ví pañír hitāvān |  
 1.180.07c ádhā cid dhí śmāśvināv anindyā pāthó hí śmā vṛṣaṇāv ántidevam ||  
 1.180.08a yuvām cid dhí śmāśvināv ánu dyūn vírudrasya prasrávanasya sātaú |  
 1.180.08c agástyo narām nṛṣu práśastah kārādhunīva citayat sahasraih ||  
 1.180.09a prá yád váhethé mahinā ráthasya prá syandrā yātho mánuṣo ná hótā |  
 1.180.09c dhattām sūrībhya utá vā svásvyam násatyā rayiśācaḥ syāma ||  
 1.180.10a tām vām ráthaṃ vayām adyā huvema stómair ásvinā suvitāya návyam |  
 1.180.10c áriṣṭanemim pári dyām iyānam vidyāmeśám vṛjánam jírādānum ||

1.181.01a kád u préṣtāv iṣām rayīnām adhvaryántā yád unninīthó apām |  
 1.181.01c ayām vām yajñó akrta práśastim vásudhití ávitārā janānām ||  
 1.181.02a ā vām ásvāsaḥ súcayaḥ payaspā vátaramhaso divyāso átyāḥ |  
 1.181.02c manojúvo vṛṣaṇo vītáprṣṭhā éhá svarājo ásvinā vahantu ||  
 1.181.03a ā vām rátho 'vánir ná pravátvān sṛprāvandhuraḥ suvitāya gamyāḥ |  
 1.181.03c vṛṣṇa sthātārā mánaso jávīyān ahampūrvó yajató dhiṣṇyā yāḥ ||  
 1.181.04a ihéha jātā sám avāvaśītām arepāsā tanvè námabhiḥ svaíḥ |  
 1.181.04c jiṣṇúr vām anyāḥ súmakhasya sūrír divó anyāḥ subhágaḥ putrá ūhe ||  
 1.181.05a prá vām nicerúḥ kakuhó váśām ánu piśāngarūpaḥ sádanāni gamyāḥ |  
 1.181.05c hári anyásya pīpáyanta vājair mathrá rájāmsy ásvinā ví ghóśaiḥ ||  
 1.181.06a prá vām śarādvān vṛṣabhó ná niṣṣāt pūrvír iṣas carati mádhva iṣṇán |  
 1.181.06c évair anyásya pīpáyanta vājair véśantír ūrdhvā nadyò na águḥ ||  
 1.181.07a ásarji vām sthāvirá vedhasā gír bālḥé ásvinā tredhā kṣárantī |  
 1.181.07c úpastutāv avataṃ nādhamānam yāmann áyāmañ chr̥ṇutam hávam me ||  
 1.181.08a utá syā vām rúsato vápsaso gīs tribarhísi sádasi pinvate nṛn |  
 1.181.08c vṛṣā vām meghó vṛṣaṇā pīpāya gór ná séke mánuṣo daśasyán ||  
 1.181.09a yuvām pūśévāśvinā púramdhir agním uśám ná jarate havíśmān |  
 1.181.09c huvé yád vām varivasyā gr̥ṇāno vidyāmeśám vṛjánam jírādānum ||

1.182.01a ábhūd idām vayúnam ó śú bhūṣatā rátho vṛṣaṇvān mádatā manīṣiṇaḥ |  
 1.182.01c dhiyamjinvā dhíṣṇyā viśpālāvasū divó nápātā sukṛte súcivratā ||  
 1.182.02a índratamā hí dhíṣṇyā marúttamā dasrā dámsiṣṭhā rathyà rathītām |  
 1.182.02c pūrṇām ráthaṃ vahethe mádhva ácitam téna dāśvāmsam úpa yātho ásvinā ||  
 1.182.03a kím átra dasrā kṛṇuthaḥ kím āsāthe jáno yāḥ kás cid áhavir mahīyáte |  
 1.182.03c áti kramiṣṭam jurátam pañér ásum jyótir víprāya kṛṇutam vacasyáve ||  
 1.182.04a jambháyatam abhíto ráyataḥ súno hatám mṛdho vidáthus tány ásvinā |  
 1.182.04c vācam-vācam jaritú ratnínim kṛtam ubhá śámsam násatyāvatam máma ||  
 1.182.05a yuvám etām cakrathuḥ síndhuṣu plavám átmanvántam pakśīnam taugryāya kám |  
 1.182.05c yéna devatrā mánasā nirūhātuḥ supaptanī petathuḥ kṣódaso maháh ||  
 1.182.06a ávavidham taugryám apsv ántár anārambhané támasi práviddham |  
 1.182.06c cátasro návo jáṭhalasya júṣṭā úd ásvíbhyām iṣitāḥ párayanti ||  
 1.182.07a káh svid vrksó nísthito mádhve árnaso vām tauervó nādhitāḥ parvāsasvaiat |

1.182.07c parṇā mṛgāsya patāror ivārābha úd aśvinā ūhathuḥ śrómatāya kám ||  
1.182.08a tát vāṃ narā nāsatyāv ānu śyād yád vāṃ mánāsa ucátham ávocan |  
1.182.08c asmād adyá sádasah somyād ā vidyāmeṣám vṛjánam jírādānum ||

1.183.01a tám yuñjāthām mánaso yó jávīyān trivandhuró vṛṣaṇā yás tricakráḥ |  
1.183.01c yénopayātháh sukṛto duroṇám tridhātunā patatho vír ná parṇaiḥ ||  
1.183.02a suvṛd rátho vartate yánn abhí kṣām yát tiṣṭhathah krátumantānu pṛkṣé |  
1.183.02c vāpur vapuṣyā sacatām iyám gír divó duhitrósāsā sacethe ||  
1.183.03a ā tiṣṭhatam suvṛtam yó rátho vāṃ ānu vratāni vártate havíṣmān |  
1.183.03c yéna narā nāsatyēṣayādhyai vartír yāthás tánayāya tmáne ca ||  
1.183.04a má vāṃ vṛko má vṛkír ā dadharṣīn má pári varktam utá máti dhaktam |  
1.183.04c ayám vāṃ bhāgó níhita iyám gír dásrāv imé vāṃ nidháyo mádhūnām ||  
1.183.05a yuvām gótamaḥ purumīḥó átrir dásrā hávaté 'vase havíṣmān |  
1.183.05c díṣam ná diṣtām rjūyéva yántā me hávam nāsatyópa yātam ||  
1.183.06a átāriṣma támasas pārám asyá práti vāṃ stómo aśvināv adhāyi |  
1.183.06c éhá yātam pathíbhīr devayānair vidyāmeṣám vṛjánam jírādānum ||

1.184.01a tá vāṃ adyá táv aparám huvemochántyām uśási váhnir ukthaíḥ |  
1.184.01c nāsatyā kúha cit sántāv aryó divó nápātā sudástarāya ||  
1.184.02a asmé ū sú vṛṣaṇā mādayethām út pañimr hatam ūrmyā mādantā |  
1.184.02c śrutám me áchoktibhir matínām eṣtā narā nícetārā ca kárṇaiḥ ||  
1.184.03a śriyé pūṣann iṣukṛteva devā nāsatyā vahatúm sūryāyāḥ |  
1.184.03c vacyánte vāṃ kakuhá apsú jātá yugá jūrṇéva váruṇasya bhūreḥ ||  
1.184.04a asmé sá vāṃ mádhvī rātír astu stómaṃ hinotam mānyásya kāróḥ |  
1.184.04c ānu yád vāṃ śravasyā sudānū suvṛyāya carṣaṇāyo mādanti ||  
1.184.05a eṣá vāṃ stómo aśvināv akāri mánebhīr maghavānā suvṛktí |  
1.184.05c yātám vartís tánayāya tmáne cāgástye nāsatyā mādantā ||  
1.184.06a átāriṣma támasas pārám asyá práti vāṃ stómo aśvināv adhāyi |  
1.184.06c éhá yātam pathíbhīr devayānair vidyāmeṣám vṛjánam jírādānum ||

1.185.01a katarā pūrvā katarāparāyóḥ kathá jāté kavayaḥ kó ví veda |  
1.185.01c víśvam tmānā bibhrto yád dha náma ví vartete áhanī cakríyeva ||  
1.185.02a bhūriṃ dvé ácarantī cárantam padvántam gárbham apádī dadhāte |  
1.185.02c nítyam ná sūnám pitrór upásthe dyāvā rákṣatam pṛthivī no ábhvāt ||  
1.185.03a anehó dātrám áditer anarvám huvé svārvad avadhám námasvat |  
1.185.03c tát rodasī janayataṃ jaritré dyāvā rákṣatam pṛthivī no ábhvāt ||  
1.185.04a átapyamāne ávasāvantī ānu śyāma ródasī deváputre |  
1.185.04c ubhé devānām ubháyebhīr áhnām dyāvā rákṣatam pṛthivī no ábhvāt ||  
1.185.05a saṃgáchamāne yuvatī sámante svásārā jāmī pitrór upásthe |  
1.185.05c abhijíghrantī bhúvanasya nábhīm dyāvā rákṣatam pṛthivī no ábhvāt ||  
1.185.06a urví sádmanī bṛhatī ṛténa huvé devānām ávasā jánitṛ |  
1.185.06c dadhāte vā smṛtam suvṛtíke dyāvā rákṣatam pṛthivī no ábhvāt ||

1.185.06c uacnate ye anñtāṃ supratīke dyāvā rākṣatāṃ pṛthivī no abhvāt ||  
 1.185.07a urvī pṛthivī bahulé dūrēante úpa bruve námasā yajñé asmín |  
 1.185.07c dadhāte yé subhāge supratūrtī dyāvā rākṣatāṃ pṛthivī no ábhvāt ||  
 1.185.08a devān vā yác cakṛmā kác cid āgaḥ sákhāyaṃ vā sádam íj jáspatim vā |  
 1.185.08c iyám dhír bhūyā avayānam eṣāṃ dyāvā rākṣatāṃ pṛthivī no ábhvāt ||  
 1.185.09a ubhá sámśā nāryā mām aviṣṭām ubhé mām ūtī ávasā sacetām |  
 1.185.09c bhūri cid aryāḥ sudāstarāyeṣā mādanta iṣayema devāḥ ||  
 1.185.10a ṛtām divé tát avocam pṛthivyā abhiśrāvāya prathamām sumedhāḥ |  
 1.185.10c pātām avadyād duritād abhīke pitā mātā ca rakṣatām ávobhiḥ ||  
 1.185.11a idám dyāvāpṛthivī satyám astu pítar mātā yád ihópabruvé vām |  
 1.185.11c bhūtām devānām avamé ávobhir vidyāmeṣām vṛjánāṃ jīrádānum ||

1.186.01a á na ílābhir vidáthe suśastí vísvānaraḥ savitā devá etu |  
 1.186.01c ápi yáthā yuvāno mátsathā no vísvaṃ jágad abhipitvé manīśā ||  
 1.186.02a á no vísva áskṛā gamantu devá mitró aryamá váruṇaḥ sajóśāḥ |  
 1.186.02c bhūvan yáthā no víśve vṛdhāsaḥ káran suśāhā vithurām ná sávaḥ ||  
 1.186.03a préṣṭham vo átithim ḡṇīṣe 'gnīm śastíbhī turvāñiḥ sajóśāḥ |  
 1.186.03c ásad yáthā no váruṇaḥ sukīrtír iśas ca paśad arigūrtāḥ sūrīḥ ||  
 1.186.04a úpa va éṣe námasā jigīśóśāsānāktā sudúgheva dhenúḥ |  
 1.186.04c samāné áhan vimímāno arkām vísurūpe páyasi sásminn ūdhan ||  
 1.186.05a utá nó 'hir budhnyò máyas kaḥ sísum ná pipyúṣīva veti síndhuḥ |  
 1.186.05c yéna nápatam apām junāma manojúvo vṛṣaṇo yām váhanti ||  
 1.186.06a utá na īm tvástā gantv áchā smát sūrībhir abhipitvé sajóśāḥ |  
 1.186.06c á vṛtrahéndraś carṣaṇiprás tuvīṣṭamo narām na ihá gamyāḥ ||  
 1.186.07a utá na īm matáyó 'śvayogāḥ sísum ná gāvas tárūṇaṃ rihanti |  
 1.186.07c tám īm gíro jánayo ná pátniḥ surabhīṣṭamaṃ narām nasanta ||  
 1.186.08a utá na īm marúto vṛddhāsenāḥ smád ródasī sámanasaḥ sadantu |  
 1.186.08c pṛṣadaśvāso 'vánayo ná ráthā riśádaso mitrayújo ná devāḥ ||  
 1.186.09a prá nú yád eṣāṃ mahinā cikitré prá yuñjate prayújas té suvṛktí |  
 1.186.09c ádha yád eṣāṃ sudíne ná sárur vísvam ériṇam pruṣāyānta sénāḥ ||  
 1.186.10a pró aśvínāv ávase kṛṇudhvam prá pūśāṇaṃ svátavaso hí sánti |  
 1.186.10c adveśó víṣṇur vāta ṛbhukṣā áchā sumnáya vavṛtīya devān ||  
 1.186.11a iyám sá vo asmé dídhitir yajatrā apiprāñī ca sádanī ca bhūyāḥ |  
 1.186.11c ní yá devéṣu yátate vasūyúr vidyāmeṣām vṛjánāṃ jīrádānum ||

1.187.01a pitūṃ nú stoṣam mahó dharmāṇaṃ táviṣīm |  
 1.187.01c yásya tritó vy ójasā vṛtrām víparvam ardáyat ||  
 1.187.02a svádo pito mádho pito vayām tvā vavṛmahe |  
 1.187.02c asmākam avitā bhava ||  
 1.187.03a úpa naḥ pitav á cara śívāḥ śívābhir ūtībhiḥ |  
 1.187.03c mayobhúr adviṣeṇyāḥ sákhā suśévo ádvayāḥ ||  
 1.187.04a táva tyé pito rásā rájāṃsy ánu víṣṭhitāḥ |  
 1.187.04c diví vātā iva śritāḥ ||

1.187.05a táva tyé pito dádatas táva svādiṣṭha té pito |  
1.187.05c prá svādmāno rāsānāṃ tuviḡrīvā iverate ||  
1.187.06a tvé pito mahānāṃ devānāṃ māno hitām |  
1.187.06c ākari cāru ketúnā tāvāhim ávasāvadhīt ||  
1.187.07a yád adó pito ájagan vivásva párvatānām |  
1.187.07c átrā cin no madho pitó 'ram bhakṣāya gamyāḥ ||  
1.187.08a yád apām oṣadhīnām pariṃśám āriśāmahe |  
1.187.08c vātāpe pīva íd bhava ||  
1.187.09a yát te soma gāvāsiro yāvāsiro bhájāmahe |  
1.187.09c vātāpe pīva íd bhava ||  
1.187.10a karambhā oṣadhe bhava pīvo vṛkká udārathīḥ |  
1.187.10c vātāpe pīva íd bhava ||  
1.187.11a tám tvā vayám pito vácobhir gāvo ná havyā suṣūdimā |  
1.187.11c devébhyas tvā sadhamādam asmábhyaṃ tvā sadhamādam ||

1.188.01a sāmiddho adyā rājasi devó devaīḥ sahasrajit |  
1.188.01c dūtó havyā kavír vaha ||  
1.188.02a tánūnapād ṛtām yaté mádhvā yajñāḥ sám a jyate |  
1.188.02c dádhat sahasrīṅīr íṣaḥ ||  
1.188.03a ājúhvāno na ídyo devāṃ á vakṣi yajñíyān |  
1.188.03c ágne sahasrasā asi ||  
1.188.04a prācīnam barhír ójasā sahásravīram astrīṇan |  
1.188.04c yátrādityā virājatha ||  
1.188.05a virāt samrād vibhvīḥ prabhvīr bahvís ca bhūyasís ca yāḥ |  
1.188.05c dúro ghṛtāny akṣaran ||  
1.188.06a surukmé hí supéśasādhi śriyā virājataḥ |  
1.188.06c uśāsāv éhá sīdatām ||  
1.188.07a prathamā hí suvācasā hótārā daívyā kaví |  
1.188.07c yajñām no yakṣatām imām ||  
1.188.08a bhāratīle sárasvati yā vaḥ sárvā upabruvé |  
1.188.08c tá naś codayata śriyé ||  
1.188.09a tváṣṭa rūpāṇi hí prabhūḥ paśūn víśvān samānajé |  
1.188.09c téśām naḥ sphātím á yaja ||  
1.188.10a úpa tmānyā vanaspate pátho devébhyaḥ srja |  
1.188.10c agnír havyāni siṣvadat ||  
1.188.11a purogā agnír devānāṃ gāyatrēṇa sám a jyate |  
1.188.11c svāhākṛtīṣu rocate ||

1.189.01a ágne náya supáthā rāyé asmān víśvāni deva vayúnāni vidvān |  
1.189.01c yuyodhy àsmáj juhurāṇām éno bhūyíṣṭhām te námaükṭim vidhema ||  
1.189.02a ágne tvám párayā návyo asmān svastībhir áti durgāṇi víśvā |  
1.189.02c pūs ca pṛthvī bahulá na urvī bhāvā tokāya tánayāya sám yóḥ ||  
1.189.03a ágne tvám asmád vuvodhv ámīvā ánagnitrā abhv ámanta krstīḥ |

- 1.189.03c púnar asmábhyaṃ suvitáya deva kṣám víśvebhir amṛtebhir yajatra ||  
 1.189.04a pāhí no agne pāyúbhir ájasrair utá priyé sádana á śuśukvān |  
 1.189.04c mǎ te bhayám jaritāraṃ yaviṣṭha nūnám vidan mǎparám sahasvaḥ ||  
 1.189.05a mǎ no agné 'va srjo aghāyāviṣyáve ripáve duchúnāyai |  
 1.189.05c mǎ datváte dásate mǎdáte no mǎ ríṣate sahasāvan párá dāḥ ||  
 1.189.06a ví gha tvāvāṃ ṛtajāta yaṃsad grṇānó agne tanvè várūtham |  
 1.189.06c víśvād ririkṣór utá vā ninitsór abhihrútām ási hí deva viṣpát ||  
 1.189.07a tvám tām agna ubháyan ví vidvān véṣi prapitvé mánuṣo yajatra |  
 1.189.07c abhipitvé mánave śásyo bhūr marmrjénya usígubhir nákrāḥ ||  
 1.189.08a ávocāma nivácanāny asmin mánasya sūnúḥ sahasāné agnaú |  
 1.189.08c vayám sahasram ṛṣibhiḥ sanema vidyāmeṣám vṛjánam jīrádanum ||

- 1.190.01a anarvānam vṛṣabhám mandrájihvam bṛhaspátim vardhayā návyam arkaíḥ |  
 1.190.01c gāthānyāḥ surúco yásya devā āsrṇvánti návamānasya mártāḥ ||  
 1.190.02a tám ṛtvíyā úpa vācaḥ sacante sárgo ná yó devayatām ásarji |  
 1.190.02c bṛhaspátih sá hy áñjo várāṃsi víbhvābhavat sám ṛté mātariśvā ||  
 1.190.03a úpastutim námasa údyatim ca ślókam yaṃsat savitéva prá bāhú |  
 1.190.03c asyá krátvāhanyò yó ásti mṛgó ná bhímó arakṣásas túviṣmān ||  
 1.190.04a asyá ślóko divíyate pṛthivyām átyo ná yaṃsad yakṣabhíḍ vícetāḥ |  
 1.190.04c mṛgāṇām ná hetáyo yánti cemá bṛhaspáter áhimāyām abhí dyūn ||  
 1.190.05a yé tvā devosrikám mányamānāḥ pāpā bhadram upajīvanti pajráḥ |  
 1.190.05c ná dūḍhyè ánu dadāsi vāmám bṛhaspate cáyasa ít píyārum ||  
 1.190.06a supraítuḥ sūyávaso ná pánthā durniyántuḥ páriprīto ná mitráḥ |  
 1.190.06c anarvāno abhí yé cákṣate nó 'pīvṛtā aporṇuvánto asthuḥ ||  
 1.190.07a sám yám stúbho 'vánayo ná yánti samudrám ná sraváto ródhacakrāḥ |  
 1.190.07c sá vidvām ubháyam caṣṭe antár bṛhaspátis tára ápas ca gr̥dhrah ||  
 1.190.08a evá mahás tuvijátás túviṣmān bṛhaspátir vṛṣabhó dhāyi deváh |  
 1.190.08c sá na stutó vīrávad dhātu gómad vidyāmeṣám vṛjánam jīrádanum ||

- 1.191.01a kánkato ná kánkató 'tho satínákankataḥ |  
 1.191.01c dvāv íti plúṣi íti ny àdṛṣṭā alipsata ||  
 1.191.02a adṛṣṭān hanty āyaty átho hanti parāyatí |  
 1.191.02c átho avaghnatí hanty átho pinaṣṭi pimṣatí ||  
 1.191.03a śarásah kúsarāso darbhāsah sairyá utá |  
 1.191.03c mauñjá adṛṣṭā vairiṇāḥ sárve sākám ny àlipsata ||  
 1.191.04a ní gāvo goṣṭhé asadan ní mṛgāso avikṣata |  
 1.191.04c ní ketávo jánānām ny àdṛṣṭā alipsata ||  
 1.191.05a etá u tyé práty adṛṣran pradoṣám táskarā iva |  
 1.191.05c ádṛṣṭá vísvadrṣṭāḥ prátibuddhā abhūtana ||  
 1.191.06a dyaúr vaḥ pitá pṛthiví mātá sómo bhrátáditih svásā |  
 1.191.06c ádṛṣṭá vísvadrṣṭās tíṣṭhateláyatá sú kam ||  
 1.191.07a yé áṃsyā yé ángyāḥ sūcíkā yé prakānkatāḥ |

- 1.191.07c ádr̥ṣṭāḥ kīm canéhá vaḥ sárve sākám ní jasyata ||  
1.191.08a út purástāt sūrya eti viśvádr̥ṣṭo adr̥ṣṭahā |  
1.191.08c ádr̥ṣṭān sárvañ jambháyan sárvas ca yātudhānyāḥ ||  
1.191.09a úd apaptad asaú sūryaḥ purú viśvāni jūrvan |  
1.191.09c ādityāḥ párvatebhyo viśvádr̥ṣṭo adr̥ṣṭahā ||  
1.191.10a sūrye viśám ā sajāmi dṛṭim sūrāvato gr̥hé |  
1.191.10c só cin nú ná marāti nó vayám marāmāré asya  
1.191.10e yójanam hariṣṭhā mádhu tvā madhulā cakāra ||  
1.191.11a iyattikā śakuntikā sakā jaghāsa te viśám |  
1.191.11c só cin nú ná marāti nó vayám marāmāré asya  
1.191.11e yójanam hariṣṭhā mádhu tvā madhulā cakāra ||  
1.191.12a tríḥ saptá viṣpuliṅgakā viśásya púṣyam akṣan |  
1.191.12c tās cin nú ná maranti nó vayám marāmāré asya  
1.191.12e yójanam hariṣṭhā mádhu tvā madhulā cakāra ||  
1.191.13a navānām navatīnām viśásya rópuṣṭinām |  
1.191.13c sárvasām agrabham nāmāré asya  
1.191.13d yójanam hariṣṭhā mádhu tvā madhulā cakāra ||  
1.191.14a tríḥ saptá mayūryāḥ saptá svāsāro agrúvaḥ |  
1.191.14c tās te viśám ví jabhrira udakām kumbhínīr iva ||  
1.191.15a iyattakāḥ kuṣumbhakás takám bhinadmy áśmanā |  
1.191.15c táto viśám prá vāvṛte párācīr ānu samvātaḥ ||  
1.191.16a kuṣumbhakás tát abravīd girēḥ pravartamānakāḥ |  
1.191.16c vṛścikasyārasām viśám arasām vṛścika te viśám ||